



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

### Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

### About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

56

E554

7-  
u/



~~John Jay~~

4<sup>th</sup> July 1808

*[Decorative flourish]*

Mr. from D. F. Eng

April 4<sup>th</sup> - 1815

DC

- 122.8

. A24



**HENRICI**  
**NAVARRORUM**  
**REGIS**  
**EPISTOLÆ**

*Ad Augustum Imperatorem Romanorum, ac Reges, Principes, & Respublicas Europæas,*  
**Quæ Evangelicæ & Catholicæ Apostolicæ dicuntur,**

**DE**  
**Pace Ecclesiastica constituenda, &**  
**Controversiis sopiendis. His**  
**subjiciuntur**

*Regum, Principum, & Rerum Publicarum*  
*ad Henricum Navarra Regem*  
**R E S P O N S A**

**Nunquam ante hac edita.**



**ULTRAJECTI.**  
**Apud JOHANNEM RIBBIUM.**  
**Anno 1679.**

Py. St.

Grant

2-27-40

40106

*Generosissimo & Excellentissimo*

**D O M I N O**

**D O M I N O  
G E O R G I O  
F R E D E R I C O,**

**COMITI WALDECENSI,**

*Pyrmontano & Culmburgensi*

**FOEDERATÆ BELGICÆ EXER-  
CITUM DUCI.**



**O**ptatissimæ pacis lux,  
cum non ita pridem  
post tantas tenebras  
& tam illætabilem  
noctem salutaris syderis instar  
nobis affulsit, exultantes gau-  
dio pro cœlesti hoc munere ter  
Optimo Deo laudes & grates  
egimus, & Tibi, Generosis-  
sime Comes, fausta quæque  
sumus precati, cujus virtuti  
& consilio præcipue debetur,

\*

2.

quo

quod in illis asperrimis tempo-  
ribus Reipublicæ, cum non  
esset inclinata, sed jam jam ca-  
sura videretur, fisti potuerit,  
& postea conveniret non ob-  
noxia pax, quam nobis pro-  
priam esse volumus. Sed pax  
Reipublicæ difficulter haberi,  
aut diu retineri potest, si ani-  
morum præcipue in sacris  
magna est dijunctio, & volun-  
tatum in colendo Deo discre-  
pantia. Hinc Magni Reges &  
Principes, quibus cordi fuit  
salus & dignitas Christianæ rei,  
in hac cura mentem & cogita-  
tionem omnem fixerunt, qua  
ratione possint sopiri contro-  
versæ, ac e medio tolli tanto  
animorum æstu tot annos agita-  
ta diversitas opinionum de  
nonnullis doctrinæ Christianæ  
capitibus. Hæc enim dissensio  
quot funesta & Christiano no-  
mini

mini exitiosa & pudenda bella  
concitavit, quantorum malo-  
rum causa fuit olim, & est  
cum maxime, ut vere dici  
possit, quot

*Religio peperit scelerosa atque  
impia facta!*

Inter alios Henrici I V. Na-  
varræ tum Regis, qui postea  
ad Franciæ Regnum Natalium  
privilegio evehctus Magni no-  
men rebus præclarissime gesti-  
meruit, studium in desidera-  
tissima hac Ecclesiæ tranquilli-  
tate constituenda in primis  
eluxit. Hæ, quas ex tenebris  
in lucem protraximus, Ejus-  
Epistolæ id luculente testan-  
tur, quas exaravit hanc ob-  
causam ad Imperatorem Au-  
gustum, ad Reges, Principes,  
& Respublicas Europeas ple-  
rasque omnes, quæ priscam  
superstitionem, quæ tractu  
3. tem.

temporis inolevit, & late serpsit, ut a Christo Salvatore & Apostolis institutorum sacrorum mundities & nitor valde contaminaretur, ejurarant, aut ut ejurarent impelli posse credebantur. His accedunt plerorumque ad quos scriptæ sunt responsiones ad Henricum Navarreum, ex quibus cognoscere licet, quanto tum omnes flagrant desiderio hæc parricidalia dissidia componendi, dissociatosque Christianorum animos in concordiam reducendi. Etsi multa tum intercesserunt, quæ præclarum hoc institutum tanquam in herba oppresserunt, & aliorum quoque, qui post hoc tempus duram istam ceperunt provinciam, optimam voluntatem retardarunt, speramus tamen exiturum aliquando

do Principem egregium, di-  
no quodam ardore propagan-  
purioris doctrinæ inflammi-  
tum, qui in id omni studio  
contentione incumbat, ut  
diorum facibus extinctis,  
calidis ferocium & sua tantum  
amantium ingeniorum con-  
liis repressis, piorum & im-  
pientium hominum cura & stu-  
dio pax Ecclesiæ bona fide sa-  
ciatur, quo non potest Or-  
Christiano dies lætior & ca-  
didior oriri. Forte hæ ipse  
epistolæ multis jam pridem  
hanc concordiam anhelant  
bus stimulos admovebunt, &  
urgendum acrius, quod præ-  
clare dudum cogitarunt, &  
iras animosque mutuis conti-  
meliis & acerbitatibus ex-  
speratos remolliendos. Quo-  
si fiet, magnum operæ qua-  
eis edendis, cum nobiscum

communicata essent ab homine  
docto, qui ex Galliis, ubi eas  
nactus fuit a posteris viri exi-  
mii, qui olim Henrico I V. fuit  
a manu & secretis, impendi,  
pretium me consecutum esse  
existimabo. Sin nondum a  
fatis statuta his litibus finien-  
dis dies illuxit, non potest  
tamen a quoquam improbari  
studium hominum pacis Chri-  
stianæ cupidorum, qui malue-  
runt istas Epistolas luce dignis-  
simas in manibus hominum  
esse, quam a blattis & tineis  
corrumpi. Tibi sane, Gene-  
rosissime Comes, nulli dubi-  
tamus quin tanti Regis Epi-  
stolæ sint futuræ gratissimæ,  
qui in omni vita prætersers ni-  
hil salute & Concordia Eccle-  
siæ Tibi esse antiquius, nec ar-  
morum laudem, & servatæ  
Reipublicæ gloriam virtute  
par-



partam Te pluris facere, quā  
Religionis decus assertum. Ideo  
Deum omnes supplices ven-  
temus in Te Reipublica  
bono seruet, &  
tueatur incolumem, utqu  
diu rem feliciter & ex senten-  
tia geras.

Trajecti ad Rhenum XIII. Kl  
Jun. clō 10 'XXIX

Generos  
mo

Additissimus & ob-  
sequentiissimus cliens,

J. RIBBIU

Speciarum hoc opere continentur.

1. **E** Pistola Henrici Navarra Regis ad Imp. Rom.  
Rudolphum II. P. 1.
2. Mandata à dicto Rege Legato suo Domino So-  
gurio Pardiliano data, continentia Capita 8. Casarea  
Majestati exponenda. 3.
3. Epistola Legati ad Casarem. 14.
4. Epistola Henrici Regis ad Regem Danie Frederi-  
cum. 23.
5. Mandata ex quorum formula cum Rege Danie Le-  
gatus agat. 30.
6. Responsum Regis Danie nomine datum. 56.
7. Litera Danie Regis ad Henricum III. Gallie  
Regem. 69.
8. Epistola ejusdem Danie Regis ad Henricum Na-  
varra Regem. 76.
9. & 10. Bina Legati Navarreni ad Regem Danie  
Litera. 80, 83.
11. Responsum Danie Regis. 85.
12. & 13. Bina Legati ad Regem Danie Litera. 88, 94.
14. Responsorio Danie Regis. 97.
15. Litera Legati ad Danie Regem. 99.
16. Responsorio Henrici Julii Ducis Brunsvicensis &  
Luneburgensis ad Legatum data. 111.
17. Responsorio Ducis Holsatia ad Henricum Navarra  
Regis Litera. 116.
18. Responsum Electoris Brandenburgici. 123.
19. Responsum Prassie Ducis ad Henricum Regem  
Navarra. 134.
20. Ejusdem ad Legatum data responso. 142.
21. Responsorio Holsatia Ducis ad Legatum data. 145.
22. Epistola Legati ad Holsatia Ducem. 149.
23. Epistola Henrici Navarra Regis ad Johannem  
PII. Suecia Regem. 150.
24. Legati Epistola ad eundem. 156.
25. Responsorio Suecia Regis ad Navarra Regem  
data. 160.
26. Navarra Regis Litera ad Carolum Sudermannia  
Ducem Suecia Heredem. 165.
27. Legati Litera ad eundem. 168.
28. Epistola Henrici Regis ad Augustum Saxonia  
Electorem. 171.
29. Mandata ex quorum formula Legatus cum Saxo-  
nia Electore agat. 178.

30. Responsum Electoris Saxonia nomine Legato da-  
tum. 203.
31. Epistola Saxonia Electoris ad Henricum 111  
Gallia Regem. 214.
32. Epistola Henrici Regis ad Julium Ducem Brun-  
svicensis & Luneburgensem. 218.
33. Responsoria ejusdem Julii ad Henrici Regis Li-  
teras. 222.
34. Responsum Ducis Megapolitani ad ejusdem  
Regis Navarra Literas. 231.
35. Responsoria Principis Anhaltini ad eundem. 237.
36. Responsum Wilhelmi Hassia Landgravi nomine  
datum. 241.
37. Responsum Senatus Lubecenses ad proposita Le-  
gati Regis. 247.
38. Responsoria Ottonis Brunsv. & Luneb. Ducis ad  
Henricum Regem. 250.
39. Ejusdem ad Legatum data Responsoria. 255.
40. Henrici Navarra Regis Epistola ad Civitatem  
N.N. 257.
41. Magdeburgensis Civitatis ad Henricum Regem  
Littera. 263.
42. Hamburgensis Civitatis Responsoria ad Henri-  
cum Regem data. 270.
43. Ejusdem Civitatis ad Legatum Epistola. 276.
44. Pfordensis Cancellarii ad Legatum Epistola. 278.
45. Henrici Regis Littera ad Comitem, N.N. 280.
46. Legati Epistola ad Principem Anhaltinum. 283.
47. Legati Epistola ad Electorem Brandenburgensem.  
290.
48. Ejusdem Littera ad Megapolensem & Ottonem  
Brunsvicensis Ducem. 292.
49. Ejusdem Legati ad Julium Brunsvicensis Du-  
cem Littera. 295.
50. Ejusdem ad Episcopum Halberstadensem Epistola.  
298.
51. Ejusdem ad Civitates Epistola. 300.
52. Ejusdem ad Wilhelmum Ducem Luneburgensem  
Epistola. 302.
53. Ejusdem ad varios Principes Littera. 305.
54. Ejusdem ad Principem Pomerania & Ducem An-  
spachii Epistola. 307.
55. Ejusdem ad Electorem Brandenburgensem Epistola.  
312.
56. Anhaltini Principis ad Legatum Epistola. 315.

57. 58, 59, 60, 61, 62. Legati ad Saxoniam Electo-  
 rem Epistola sex 318. & seqq.  
 63. Electoris Saxoniam ad Legatum Responsoria. 334.  
 64. Legati ad Electorem Saxoniam Epistola. 337.  
 65. Johannis Casimiri Comitis Palatini Tutoris &  
 Palatinatus Electoralis Administratoris ad Lega-  
 tum Epistola. 340.  
 66. Julius Brunsvicensis & Lunenburgensis Ducis ad  
 Legatum data Responsoria 344.  
 67. Legati ad Julium Brunsvicensem Ducem Epistola.  
 346.  
 68. Eiusdem ad Electorem Saxoniam Epistola. 351.  
 69. Eiusdem ad eundem alia. 356.  
 70. Alia adhuc ab eodem ad eundem. 361.  
 71. Mandata Henrici Regis Legato suo data, ex qua-  
 rum formula cum Electoribus & Principibus Ger-  
 maniam agit. 364.  
 72. Edwardi Orientalis Frisiae Comitis ad Legatum  
 Responsoria. 387.  
 73. Wilhelmi Brunsvicensis & Lunenburgensis Ducis  
 ad Henricum Regem Responsoria. 390.  
 74. Bremensis Civitatis ad Regem Navarra Epistola.  
 398.  
 75. Responsum Ludovici Landgravii Hassiae nomine  
 datum. 406.  
 76. Edwardi Orientalis Frisiae Comitis ad Legatum  
 Responsoria. 411.  
 77. Johannis Orientalis Frisiae Comitis ad Legatum  
 Epistola. 415.  
 78. Epistola Elisabethae Angliae Reginae ad Ludovicum  
 cum Electorem Palatinum. 416.  
 79. Mandata ex quorum formula Legatus cum Comi-  
 tibus & Civitatibus Imperii agit. 419.



EPISTOLA  
HENRICI

Navarrorum Regis

A D

RUDOLPHUM II.

Romanorum Imperatorem.

*Potentissime Cæsar, Frater &  
Consanguineæ observantissime.*

**P** Romulgato in Gallia  
pacis Edicto, incredibili  
quodam desiderio te-  
nebamur, plerosque  
*Reges & Principes chri-  
stianos* invisendi, qui de *Rep. chri-  
stiana* quam optime meriti essent:

A

Sed

Sed propter eximiam *Casarea vestra* *Majestatis* virtutem & heroicas animi dotes, ipsius compellendæ præcipuum studium erat. Hoc igitur ut assequeremur, decreveramus anno superiore itinèri longinquo & difficili nos committere, cum ecce suborientes in constituenda pace *Gallica* difficultates novæ, nos propemodum ad viam illam accinctos detinuerunt, & invitos, & adhuc remorantur. Ex eo factum ut *Dominum Jacobum Segurium*, interiori nostro *Consilio Præfectum*, cum ad alios *Principes* plerosque, tum ad *Casaream vestram Majestatem* ablegaverimus, tum ut nostrum in eam studium, benevolentiam & animi propensionem verbis indicaret, quam omni genere officiorum atque obsequiorum declarare voluimus, tum etiam ut de gravissimis negotiis & ad *christiana Reip.* salutem pertinentibus ex mandati sui formula, cum *Casarea vestra Majestate* nostro nōmino ageret. Quod quoniam illum  
fide,

fideliter & sincere facturum confidimus, & a *Majestatem* vestra pro solita ipsius Clementia & rei gravitate benigne auditum iri, Epistolæ modum non excedemus, sed *Deum Opt. Max.* precamur, ut *Cæsaream vestram Majestatem* ad *Germania* totiusque *Orbis christiani* salutem & incolumitatem diutissime sospitem servet.

---

## II.

### MANDATI REGII LEGATO dati forma.

*D*ominus *Segurius Pardalianus* Domini nostri & interioris Consilii Prefectus, Legatusque noster per *Germaniam* potentissimo Imperatori. Nostris verbis referet, constituta demum in *Regno Gallico* pace, qua *Dei Opt. Max.* beneficio & singulari

A 2

gulari *Regis christianissimi* clementia fruimur, nihil prius habuisse nos, neque antiquius, quam ut diuturnis bellorum periculis atque laboribus defuncti *Cesarem ipsius Majestatem*, & reliquos *Catholica Romana*, nostræque *orthodoxa Religionis Principes* inviseremus, qui pacis & concordie inter *Christianos* sancienda cupidores essent, partim ut initam inter nos amicitiam & benevolentiam firmioribus vinculis colligaremus, partim etiam ut de rebus ad *Rempubl. christianam* pertinentibus cum iis ageremus. Verum cum in firmanda & stabilienda pace *Gallia* innumeras quotidie difficultates suborirentur, quibus depellendis aliquid erat in nobis praesidii, ab ea caritate, qua *patriam* amplectimur, properantibus nobis injecta est remora, & hic diutius haerendi occasio oblata, ut & laboranti *patriæ* pro viribus opitulareremur, *Regnoque* nostro & ditionibus prospiceremus, & pro jure illius gradus, quo propius



pius quam cæteri omnes *Principes familiam Regiam* attingimus, in *Gallia* juxta *christianissimi Regis* sententiam & *Edicta pacis* conservandæ juvaremus. Ex quo factum est, ut tum urgente necessitate *Germania* protectionis institutum mutaverimus. Quod proximum fuit, *Dominum Segurium* interiori nostro *Consilio Praefectum* ad *potentissimam Imperatorem, Serenissimam Angliæ Reginam, Senerrissimum Dania Regem, Illustrissimos nonnullos Sacri Rom. Imp. Electores & alios Principes* ablegaverimus, præsertim verò ad *Cæsaream Majestatem*, apud quam benevolentia & propensionis ad omnia officia & obsequia præstanda, voluntatis & studii inculcatissimum in his litteris testimonium extare volumus.

Quod cum indicaverit *Segurius* noster, & *potentissimum Imperatorem*, ea qua par est observantia & reverentia nostro nomine officiosissime salutaverit, tum *Cæsarea ipsius*

6      *Epistola Henrici IV.*

*Majest.* duo potissimum significabit. Prius est, quam gravissimis & periculosissimis bellis fuerit conflictata & concussa, viginti duos jam fere annos, propter Religionis dissidium, major totius *christiani orbis* pars, quod etsi omnibus notius est quam ut explicari debeat, *Cæsarea* vero *Majestatis* eâ sit prudentia & *Reip. christiana* cura, ut rei pravitatem expendat, & quid inde futurum sit periculi, ipsa per se prospicit, tamen hanc qualemcunque commotionem, vel potius mœroris nostri ex diuturnis illis ærumnis significationem, citra fucum & ambitionem propositam, *Cæsarea Majestati* (cujus summa prædicatur humanitas) non ingratham neque injucundam fore confidimus.

Nam ut alia prætermittamus infinita scelera, quæ miseranda illa tot bellorum repetita series invexit, ut oppidorum direptiones & *christiani sanguinis* effusionem, cum incredibili legum & di-

vi-

vinarum & humanarum contemptu, quis non videat *potentissimo* simul & *impotentissimo* *Turcarum Tyranno*, ad internecionem nominis *christiani*, dissidijs intestinis viam aperiri.

Hujus vero mali fontem atque originem non aliam esse statuimus, quam *Pontificis Romani* ambitionem & *Simoniaca* consilia, qui ut labantem autoritatem suam quavis ratione sustineat, *Principum christianorum* animos, pacis alioquin studiosos, adversus eos accendit, qui *Religionem* nostram profitentur, & conscientias iterum ad jugum ab iis excussum adigere studet. Cum enim in pace *Ecclesiarum* nostrarum plurimum videat esse præsidii ad salutem & amplificationem ipsarum, bellorum incendia in illis spargit, *florentissimorum Regnorum* & *Gentium* everisiones floccipendit, modo sanguinarium illum animum ultione expleat, & eadem ruina, tum in *Germania*, tum in

8 *Epistola Henrici IV.*

*Gallia, protestantes Ecclesias invol-*  
*vat.*

Quanta porro fuerit semper *Rom.*  
*Pontificum* ambitio & inexhausta do-  
minandi cupiditas, quam incredibili  
adversus *Imperatores Rom.* flagrave-  
rint odio, testantur diuturna illa  
bella, tum in *Italia*, tum in *Ger-*  
*mania*, gesta, quorum exitus is fuit,  
ut *Imperatores anathematum* larvis  
sepius exterriti, a *Pontificibus* tan-  
dem, obtentu *Religionis*, plebis ani-  
mum conturbantibus, *Italia* pulsi  
sint, & potestas illa *Pontificum* lon-  
ge propagata. Nam in *Gallia* ipsa &  
*Anglia* quid tentaverint *Pontifices*,  
quibus clavis usi sint, ut utrumque  
illud *Regnum* sibi feudatarium red-  
derent, testantur *Historiæ*, non sine  
luculenta commemoratione virtutis  
eorum *Regum*, qui crescentem il-  
lam *Pontificum Tyrannidem* repelle-  
rent.

Cum igitur hoc seculo patefactæ  
sunt eorum præstigiæ & superstitio-  
nis ille fucus, quem ambitioni suæ  
præ-

prætexebant, ut jam obfirmatis multis annis, non tam de Imperio quam de salute sua dimicent *Pontifices*, nihil mirum est si *Tragædias* multas, toto passim *christiano* orbe excitent, & optimorum *Principum* animos ad arma, adversus subditos suos, *vera Religionis* amantes, capienda impellant. Neque enim florentissimos status in discrimen adducere verentur extremum, nequid ei potentia decedat, quam malis artibus quæsitam, malis artibus servare studeant. Atque ex eo quidem ambitionis fonte consilia illa promanarunt, quibus & *Gallia* & *Belgica* ipsa ante multos jam annos misere diripitur, *Germania* vero classicum canitur, & in ipsis finibus *Coloniense* bellum excitatur.

Quæ cum ita sint, *invictissimam* *Cæsaream Majestatem*, cui pro summa illa dignitate, *Christiana* concordia & pacis cura incumbit præcipua, omni prece & contentione rogatam cupimus, ut cum *Serenissi-*

*mis Regibus & orbis Christiani Principibus* de pace complectenda & retinenda diligenter agat, eosque serio adhortetur, ut violentis *Pontificum Romanorum* consiliis aures occludant, subditis suis *Orthodoxam nostram Religionem* profitentibus, pacem & tranquillitatem, cum invocandi *Dei* ex ipsius mandatis libertate conjunctam præstent, neve existiment, animam, nobilissimam hominis partem, & *aura Divina* igniculum, præsertim *Evangelica luce* illustratam, ullis bellorum ærumnis premi, ullo fiducularum aut equuleorum genere cogi posse, ad ea dogmata suscipienda, quæ vel a ratione, vel a *Divinis scriptis* aliena judicet, præsertim, cum neque præcibus ullis, neque violentia, aut cruciatus acerbitate veritas eruatur, sed amica & benevola collatione, & ejusmodi colloquiis & *Synodis*, quales *prisca Ecclesia* plerasque novit, nostra vero ætas hæcenus desiderat: Hoc autem si fecerit *Cæsarea Majestas*, &  
*Primo*

*Principum christianorum* animos ad pacis rationes & studia traduxerit, tum & de *Rep. christiana* optime meritus fuerit, & immortale decus posteris suis redditurus est. *Pientissimi* vero *Maximiliani*, æternæ memoriæ *Imperatoris*, exemplum imitabitur, qui cum subditis suis, *Augustanam confessionem* amplectentibus, *Religionis* libertatem concessisset, *christianissimo Regi* ex *Polonia* redeunti auctor fuit, ut pacem in *Regno Gallico* conservaret, eumque graviter & sapienter admonuit, ne *Gallos* subditos suos, nostræ *Religionis* addictos, summo totius *Regni* periculo opprimere tentaret.

Hoc priori legationis capite cum perfunctus fuerit *Segurius* noster, tum quod posterius est, præcipuam ablegationis suæ causam, ad *Augustissimos Augustanæ confessionis Electores & Principes*, potentissimo *Imperatori* significabit, cujus ea ratio, ut quoniam in uno fidei articulo inter ejusdem *confessionis & Helvetia* sive

12      *Epistola Henrici IV.*

*Gallia Theologos* judiciorum quedam est varietas & dissimilitudo, & concordia christiana interest nequid inde gravius oriatur, verborum illam verius quam rerum discrepantiam tolli, idcirco ab *illustrissimis Principibus* postulandum esse duximus, ut controversias istas placida & modesta disceptatione dirimendas curarent, quod negotii genus *Cæsarea Majestati* neque novum neque insolens visum iri speramus, præsertim si pro sua prudentia duo consideret. Primum quidem, aliquoties ea de re in *Germania* ipsa, *Magistratus* auctoritate, inter primarios nostræ Religionis *Theologos* habitos fuisse conventus. Alterum vero, quod *optimus & sapientissimus Imperator Maximilianus*, *Cæsarea Majestatis* nunquam satis laudatus pater, unicam illam dissimilitudinis inter *Germanicas Ecclesias* notam, elui sæpe numero optaverit, ac cum *Illustrissimis Electoribus* egerit, præsertim in *Comitiis* anni 1566. ut unica extaret inter homi-  
nes



nes *Augustana religionis* professionis formula, quod ad pacem *Imperii* conservandam *prudentissimus Princeps* pertinere judicabat. Cum igitur ista legatione nihil omnino contineatur, quod non ad *Imperii* ornamentum spectet, & tuendam *Germania* totiusque *Reip. christiana* pacem, neque inutilem fore illam speramus, neque *Cæsarea Majestati* ingratam, cum ea sit *optimi & potentissimi Imperatoris* prudentia & pietas, ut *christianorum* concordia nihil prius neque optabilius habeat.

Supereft, ut eidem *invictissimo Cæsari* nostra iterum studia deferamus, ab eoque postulemus, ut illa de nobis sibi polliceatur observantiæ & amicitia officia, quæ a pectore candido & *Principe* sincero *Cæsareaque Majestati* addictissimo proficisci debeant. Quod quoniam re ipsa potius quam verbis testificari cupimus, nunquam aperiendæ optimæ voluntatis occasione defuturi sumus.

## III.

## EPISTOLA LEGATI

A D

CÆSAREM.

*Potentissime Imperator.*

**A** *Serenissimo Rege Navarreno* ad varios *Principes orbis christiani* missus, potissimum vero ad *Cæsaream vestram Majestatem* ablegatus, decreveram primo quoque tempore ad ipsam contendere, tum ut Legationis munere perfungerer, tum etiam ut optimam *Serenissimi Navarreni Regis* voluntatem & studium erga *Majestatem vestram* declararem, ipsiusque officia & obsequia deferrem. Verum cum hoc statuissem, *Cæsaream vestram Majestatem* calumniis quorundam Legationi  
mez

meæ iniquiorem factam esse intellexi, & ab eadem tum ad *Illustriſſimum Ducem Bavaricum*, tum ad *Comitem Salmensem*, tum etiam ad alios scriptas esse litteras, quibus ut interciperer, & in custodiam conjicerer edicebatur. Addiderant etiam amici, insidias mihi multis in locis paratas esse, quod tamen *Serenissimi Regis Navarreni* adversariis, quorum ille multorum odio propter *Ecclesia* susceptam defensionem laborat, non *clementissima vestra Maj.* adscribo. Imo ne literas quidem illas a *vestra Majestate* ipsius sponte exaratas arbitror, sed vel furtim ablatas, vel imposturis ac calumniis expressas. Accusationis ut audio triapotentissimum fuere capita. Primum est, audio quod sine fide publica *Germanici Imperii* limites peregrinus homo ingrediar. Alterum, quod insalutata *Majestate vestra* cum *Germanicis Principibus* agam. Tertium, quod novis rebus in *Imperio* studeam. Quas accusationes ut facile dilui possunt, ita parvi

parvi ponderis apud *Casaream vestram Majestatem* haberi velim. Nam quod ad primum attinet, *Legatorum* personas ipso jure Gentium sine fidei publicæ cautione, quæ Civilis est juris, sacras esse, & ab omni injuria immunes, norunt ii, *Invi-  
ctissime Imperator*, qui tæciales norunt leges: quarum, uti cæterarum, cum *Casarea vestra Majestas* sit Conservatrix & acerrima vindex: Miror quid iis in mentem venerit, qui ipsius patientia & clementissimis auribus, ad prætexendam istam calumniam abusi sunt. Præterea cum nullis *Imperii* legibus caveri putem, ne cui peregrino, hoc quidem pacis tempore, sine fidei publicæ diplomate in *Germania* versari liceat, quis mirabitur eo me jure usum, præsertim *Legatum*, quod privato cuilibet competit.

Quod ad secundum calumniæ caput, fateor, *clementissime Caesar*, a *Serenissimo Rege Navarreno* injunctum mihi fuisse, ut *Illustrissimos Ele-*

*Electores Saxonicum & Brandenburgicum* accederem, antequam ad *vestram Majestatem* irem. Prospiciebat enim *prudentissimus Rex* futurum quod accidit, ut Legatio illa in varias adversariorum reprehensiones incurreret. Itaque administrandæ illius primordium ab *Illusterrimis Electoribus* duci cupiebat, quorum testimonio de totius negotii sinceritate *Cæsareæ Majestati*, si opus esset, idonee caveretur. Sed cum *Berlino Dresdam* peterem, primum mihi ex literis amicorum suspicio non levis facta est, malevolorum quorundam calumniis legationem meam obrectari, meque apud *Cæsaream vestram Majestatem* in odium vocari, technas vero istas in *Gallia* ipsa ab eis confictas, quibus regnum illud florentissimum tot jam annos diripere ludus fuit. Cum igitur initio *Dresda* ad *Cæsaream vestram Majestatem* ire ex *Sexenissimi Regis Navarreni* jussu decrevissem, consilium non sine summa animi

molestia mutare, & profectiorem istam in aliud tempus pertrahere coactus sum, tum quia iusta fuit itinere, ab hominibus male feriatis metuendi causa, tum etiam quia futurum sperabam, ut interea dum alibi Legationem meam administrarem, falsas illas criminationes tempus ipsum dilueret. Neque tamen de mutato itineris instituto & accusationibus istis, aut cum *Illustrissimo Electore Saxonico* quicquam egi, aut ad *Majestatem vestram* scribere volui, ne temere scriberem de quo mihi nondum plane liqueret.

Superest ultimum accusationis genus, quo novas res moliri in *Germania* dicor, quod quam a veritate sit alienum testes esse poterunt *Illustrissimi Electores & Principes Germania*, quibuscum hactenus egi, testes *Civitates*, & si exterorum testimonia requiruntur, quænam illustriora & locupletiora edi possunt, quam *Serenissima Regina Anglia*, & potentissimi *Dania Regis*, quibuscum

eadem mandati formula mihi res fuit. Fateor quidem cum *Illustrissimo Electore Truchsesio* actum, sed eatenus tantum ne defereretur & ne qua illi injuria *Pontificis Romani tyrannide* fieret: quæ oratio quam honesta sit *Cæsarea vestra Majestatis*, judicio & exemplo comprobatur, cum ne ab illa quidem desertus fuerit *Illustrissimus Elector*, sed *Imperiali Edicto* cautum, ut utrimque ab armis discederetur, inde subsecuta sunt *Comitia Rotemburgica*.

Nam quod ad *Illustrissimum Cardinalem Bavaricum* attinet, tantum abest ut ad eum spectaverit *Serenissimus Rex Navarrenus*, aut in eum ista Legatione quicquam odii vel invidiæ vel etiam periculi conflare voluerit, ut quo tempore ab ipsius *Serenitate* ablegatus sum, *Illustrissimum Cardinalem Coloniensis* negotii partem esse, ne fama quidem acceperit, & ex die missionis meæ constat.

Fuit & in Legatione mea adhortatio

tatio ad *Illusterrimos Principes* ut sibi caverent a *Romani Pontificis* insidiis, & si quid ille moliretur, communibus consiliis & auxiliis rem agerent, denique ut pro *Germania* salute & *Imperii* dignitate adversus illius fraudes vigilarent. Sed quid hoc ad turbas in *Germania* movendas, quarum falso insimulor? aut quid aptius ad pacem & concordiam in *Imperio* retinendam? videt *Cæsarea vestra Majestas*, invictissime *Cæsar*, quam falsa sint quæ de me dicuntur, quæ si nominis mei & personæ finibus circumscriberentur, neque *Serenissimus Rex Navarrenus* eisdem calumniis premeretur, fortasse prætermitti potuerant; sed quoniam *Serenissimi Regis* agitur existimatio, tacitus præterire non debui. Hoc unum de me dicam, neminem esse in tota *Gallia* nobilem, qui me suapte natura a rerum novarum studio alienior extet: neminem qui ad pacis illius & concordia rationes, qua singulari *Dei* beneficio in *Gallia* frui-



fruimur, vel industriæ vel laboris, plus quam ipse feci contulerit. Qua quidem ex re eum fructum tuli, & quidem uberrimum, ut studio pacis *christiano Regi* commendatus fuerim, & amplissimo illius testimonio exornatus.

Utinam autem fieret, ut quemadmodum in pace nostra constituenda, conatus meus optimus felicissime successit, ita etiam aliquid ad concordiam in *Germania* retinendam afferre possem. Nunc quoniam, ut initio dixi, Criminatorum arte factum esse intellexi, ut *Casarea vestra Majestas* intercipi me jusserit, cujus mandati geminum exemplum ab octiduo primum accepi, a *vestra Majestate* veniam peto, *Inviçtissime Caesar*, si quod ipse facturus eram, alia ratione hoc quidem tempore facere cogor, ut scilicet Legationis meæ causas scriptis explicem, & *Serenissimi Regis Navarreni* litteras & mandata ad *Casaream vestram Majestatem* mittam, quibus ab ea diligenter

22      *Epistola Henrici IV.*

genter perspectis, futurum spero, ut nobis in *Germania* tuto per ipsius clementiam, quod superest temporis versari liceat (ne scilicet ulla vis nostro scelicissimo seculo & *Imperio* juri Gentium fiat) & *Majestas vestra Serenissimo Regi Navarreno* benigne & commode respondeat, quod quidem responsum donec ab hoc ministro meo referatur, interea dum expecto, *Deum Opt. Max.* orabo, ut *Casaream vestram Majestatem, Invictissime Caesar*, ad nominis sui gloriam & orbis *christiani* tranquillitatem perpetuo incolumem servet.

R U D O L P H O II.

Dei gratia Romanorum Imperatori  
semper Augusto, Regi Hungariæ,  
Bohemiæ, & Sclavoniæ, Archiduci  
Austriæ &c.

IV.

EPISTOLA  
HENRICI REGIS  
*ad Daniæ Regem.*

HENRICUS Dei gratia Navar-  
rorum Rex, Princeps Bear-  
niæ, Dux Vindocinensis,  
Belmontensis, Albretensis,  
Nemorensis, &c. Comes To-  
xensis, Armeniacus, Rhu-  
tenensis, Bigoronensis, Mar-  
lensis, Petragorienfis, &c.  
Vicecomes Lemoricensis,  
&c. Serenissimo Principi  
Domino FREDERICO Dei  
gratia Daniæ, Norvegiæ,  
Gotthorum, Vandalorum-  
que Regi, salutem in Do-  
mino & fœlicitatem perpe-  
tuam.

*Sere-*

*Serenissime Rex, Consanguinee  
& Frater charissime.*

**Q**Uot & quantis bellorum procellis, his proxime superioribus annis in *Gallia* agitati fuerimus non puto *Serenitati vestra* esse ignotum. Certe eorum miseriarum etiam remotissimas regiones, magno meo cum dolore pervaserant.

His fluctibus simul ac *Dei Opt. Max.* beneficio emersumus, subivit animum nostrum cogitatio non levis, visendi quotquot essent *Reges & Principes in Europa*, qui *purioris doctrinae* propagandae partes suscepissent, flagrabamus enim incredibili quodam desiderio, eorum vultum & ora intuendi, quos nobis & idem studium tuendae veritatis, & eadem de *pura religione* sententia conjunxisset: Sperabamusque fore, ut eorum, quos digno nomine amabamus & admirabamur, conspectu & congressu confirmationes & instructiones ad  
per-

peragendum, quod nobis *Demi* imposuit in suorum defensione munus, reverteremur.

Fuit & alia ratio, quæ nos ad eam peregrinationem obeundam, etiam currentes excitaret. Dolebamus enim & vehementer angebamur, cum videremus eorum animos, quos mutuis operis in eodem *Christi* agro excolendo incumbere oportebat, exulcerari in dies, ac mutuis odiis inter se sevirere, ut potius de privatis inimicitiis exercendis, quam de promovenda vera pietatis doctrina cogitarent. Sed illud maxime fuit deplorandum, quod in tanto & tam diuturno incendio, multi in foven- do igne, pauci in extinguendo ope- ram navarint egregiam.

Nam quid non moliti sunt *Ponti- ficii*, ut incendium illud latius serpe- ret? Quo in rerum discrimine eni- tuit imprimis *Serenitatis vestrae* virtus eximia, & *zelus christiano Principe* dignissimus, cujus intercessione ista flammæ aliquantum restinctæ fuere,

ceperuntq; multi viri boni & cordati sperare melius de *christiana reipubl. religione*. Neque dubitavit quisquam, si ad eam causam piam & sanctam, reliqui quoque *christiani Principes* suas cogitationes contulissent, brevi restitutum iri *Ecclesie* pacem & tranquillitatem. Et ut ad nos revertamur, sic existimabamus nos, cum tot *Reges & Principes* conveniremus, de quorum mirifico erga *religionem* studio vehementique ardore tam multa & præclara intellexissemus, effecturos, ut collatis communi consensu cum iis rationibus, distractos istorum animos componeremus, eamque simul viam iniremus, quæ paci & tranquillitati *Ecclesie* esset accommodatissima.

Quem laboris nostri fructum si reportassemus, non desperabamus postea fore, quin facile communes *Christi* hostes labefactaremus, & quin *Christus* cito de *Antichristo* triumpharet. Neque enim erat difficile, quos sejuacti tam vehementer pressi-

pressimus, eosdem cum animis & voluntatibus conjuncti essemus penitus opprimere.

Sed cum in eam cogitationem toti incumberemus, subortæ in dies novæ difficultates, nos a suscepto itinere revocarunt, maximeque hoc tempore res tam publicæ quam privatæ valde renitentem detinent.

Quæ etiam si aliquo modo rationem consilii nostri turbarint, non tamen effecerunt, ut voluntatem & spem illud consequendi quod cupiebamus ulla in parte abjiceremus. Itaque cum cogitarem, quomodo istius nostræ deliberationis fructum persequeremur, istud nobis consilium expeditissimum visum est, si cum nos præsentēs ea quæ statueramus exequi non possumus, aliquem virtute fide & apud nos auctoritate spectabilem & clarum virum, nostro nomine legarem, qui præsentis nostræ vires suppleret.

Elegimus ergo generosum multisque nominibus nobis charissi-

num *Domus nostra Praefectum* dignissimum, & interioris Consilii moderatorem *Domin. a Segur Pardillan*, in cujus industria & fide totum istud onus reponeremus, eique mandavimus, ut ad *vestram Serenitatem* proficisceretur, ut cum *vestra Serenitate* de omnibus rebus ad communem *institutarum Ecclesiarum* salutem pertinentibus accuratissime tractaret.

Neque enim aliunde tantundem auxilii speravimus ad promovendum tam pium opus, quam a *vestra Serenitate*, quae nostris rebus, & praecipue isti negotio apud reliquos *Germania Principes* multum momenti & autoritatis erit allatura, ut non ita pridem plane experti sumus, *vestra Serenitatis* preces & intercessionem nostra causa factam, apud *Illustrissimum Principem Saxoniae, sacri Imperii Electorem & Archi-Marescallum vestra Serenitatis fratrem charissimum* multum valuisse.

Hunc ergo nobis charissimum  
cum



cum *vestra Serenitate* de tot tantisque rebus ad *reip. christiana* utilitatem spectantibus tractaturum, enixe oramus, ut eadem humanitate eademque fide audiat ac me ipsum si presentem intueretur. Explicabit ille *Serenitati vestra* copiosissime atque prolixissime, quæcunque in mandatis ei dedimus, nihilque prætermittet eorum, quæ a *Serenitate vestra* desiderari & expectari a nobis possent.

Quæ omnia quoniam ejus integritati fidei & incorrupto judicio permisimus, ut ea *Serenitati vestra* fusius & pro ut tantarum rerum dignitas postulat representaret, non morabimur *Serenitatem vestram* longioribus literis, tantum enixissime a *Serenitate vestra* petimus, ut nos qua cæpit benevolentia prosequatur, & a nostra parte omnem amorem & observantiam expectet, nosque ut *Serenitati vestra* devotissimos amplectatur, simulque *Deum Opt. Max.* precabimur, ut *Serenitatem*

30 *Epistola Henrici IV.*

*vestram*, quam diutissime *rebus christi-*  
*anæ* afflictis ad earundem restaura-  
tionem conservet incolumem.

Datum *Neraci* ultima die mensis  
Julii Anno Domini 1583.

H E N R I C U S.

A L L I A R I U S.

*mandatu.*

---

V.

Mandata a nobis H E N R I C O  
Dei gratia Rege Navarreno,  
Principe Bearnæ, &c. D<sup>no</sup>.  
JACOBO SEGURIO PAR-  
DILIANO, Domui nostræ  
Præfecto, & interioris nostri  
Consilii Primario Consilia-  
rio tradita. Ex quorum for-  
mula cum Serenissimo Prin-  
cipe ac Domino D<sup>no</sup>. FRE-  
DERICO Daniæ, Norwegiæ,  
Van-

Vandalorum & Gotthorum  
Rege: Holfatiæ, Stormariæ,  
& Marsiorum Duce: Comite  
Oldenburgii & Delmenhorstii &c. Fratre & Con-  
sanguineo nostro Charissimo,  
actus est.

**S**ingulari illam amicitiam & ob-  
servantiam testabitur, qua *Serenissimum Regem* pro summa ipsius  
pietate, & maximis erga *remp. christianam* meritis complectimur, ma-  
gno quidem itineris & locorum in-  
tervallo ab eodem *Serenissimo Rege*  
distracti, sed arctiore illo benevo-  
lentia vinculo conjunctissimi, quod  
*Ecclesie Dei* propagandæ desiderium,  
idem & *religionis* studium inter nos  
conciliavit.

*Serenitas ipsius* laboribus ad diri-  
mendas *Ecclesiarum* controversias,  
nostro rogatu superioribus annis fa-  
cillime susceptis gratulabitur, quo-  
rum eventus is fuit, ut ejusmodi dif-

fidia *Theologorum* aliquot importunis & ambitiosis præjudiciis invec̃ta, *sapientissimi Regis* prudentia & auctoritate aliquantulum mitigata deferbuerint.

Cujus sane officii non modo *christianis* omnibus per-sane necessarii, sed etiam sempiternæ commendationi dignissimi, amplissimus fructus ad *Ecclesiam christianam* redire cæpit, longe vero cumulator atque uberior rediturus est, si *Serenissimus Princeps* negotium istud promovere pergat, ex quo piorum omnium benevolentiam promeriturus sit, & immortalem nominis famam incorrupto posterum judicio consequatur.

Exponet præterea *Segurinus Noster*, quam multis nominibus *ipsius Majestati Ecclesia Gallica* devinctæ sint, propter Heroicum illud & vere Regium concordie in *Ecclesia Dei* sancientiæ institutum, eo præsertim tempore susceptum, quo plerique alii otio indulgent, & veluti sub  
man-

mandragora stertunt, periculorum  
quæ *Ecclesiis* imminent ignari vel  
securi.

Rogabit igitur *ipsius Serenitatem*  
nomine nostro, ut præclarissimis cœ-  
ptis optatum finem imponat, stu-  
diumque nostrum, industriam &  
autoritatem, ad hoc negotium con-  
ficiendum offerat, atque eas rei per-  
ficiendæ rationes & consilia, pro  
*Serenissimi Regis* prudentia, sibi ape-  
riri postulabit, quibus ad exitum  
sedulo perducì possit.

Quoniam in hac causâ, nostro  
quidem iudicio, salus *Ecclesiarum*  
vertitur: qua re nihil neque gravius  
est, neque regia cura & munere di-  
gnius, narrabit idem *Segurius* con-  
stitutum fuisse apud nos, superiori  
anno *Daniam* ipsam, & *Angliam*  
atque adeo *Germaniam* perlustrare,  
tum ut *Reges & Principes* eodem  
*religionis* cultu nobis devinctos, præ-  
sertim vero *Serenissimum Principem*  
*Dania*, coram ipsi salutarem, ac-  
cum eo veterem amicitiam firmare-

34 *Epistola Henrici IV.*

mus, tum etiam ut de afflicto *Ecclesia* statu, & quarendis huic malo subsidiis ageremus.

Verum cum suborientes subinde in *Gallia* suspiciones huic profectio-  
ni adversarentur, & justas commo-  
randi causas innecterent, se a nobis  
ablegatum significabit, ut in lon-  
ginqua illa peregrinatione vices no-  
stras obiret, & de contentionum  
nostrarum remediis, & constituendo  
*Ecclesiarum* unanimi consensu con-  
silia communicaret.

At cum hujus Legationis admini-  
strandæ initium a *Serenissimo Rege*  
*Dania* fieri mandaverimus, partim  
ut ipsius autoritate *Illustrissimi Ger-*  
*mania Principes* permoveantur, par-  
tim etiam ut rei gerendæ rationes &  
momenta, quæ nobis idonea visa  
sunt *sapientissimo Regi* indicari, at-  
que ipsius prudentia pro rerum &  
personarum ingenio & natura tem-  
perari possint, *Serenitatem ipsius* ro-  
gabit *Securinus noster*, ut eas, quæ  
subsequuntur rationes, *Illustrissimus*  
Im-

*Imperii Principibus* exponendas apud se expendat, ac pro suo arbitrio immutet, emendet, ac deleat, denique ut omnia suo ductu, consilio, ac felicissimis auspiciis in hoc negotio fieri patiatur.

Rationes autem quibus hanc causam probari posse speravimus, *serenissimi Regis* iudicio examinandæ, hæ sunt. *Experientia* & ipso rerum usu doceri nos, quantopere necessaria sit, inter *Principes* & reliquos *Ordines*, eidem *religionis* cultui deditos, concordia, & quantum ex intestinis nostris de doctrina dissidiis periculi contrahatur *Ecclesiis*, unde & ipsis medio fere cursu mora injecta, & infirmis, ad veritatem properantibus, impingendi occasio præbita.

Hujus mali fontem atque adeo auctores a nobis non inquiri, quod sine nostro dolore & eorum pudore fieri nequeat, cum satis superque constet, perspecta morbi natura, probos omnes viros vulneri remedium

dium expetere, quod & reperire facilius sit, quam de procellarum istarum autoribus convenire.

Cuilibet *christiana fidei* rudimentis imbuto notum esse, nostrum in præcipuis doctrinæ capitibus consensum, præsertim in gratuita peccatorum remissione, per *Christi sanguinem*, *aterni Dei Filii*, & unici generis humani *Mediatoris*, omnibus in ipsum credentibus parta, unde fit ut iisdem argumentorum & rationum telis, *Antichristi Romani* præstigias & errores oppugnemus: in ipsoque adeo cœnæ negotio (de quo præcipua disceptatio est) de *Sacramenti* substantia conveniamus; cum nemo sit, qui se verum *Corpus Christi* in *Eucharistia* assumere diffiteatur, cum itaque nulla supersit controversia, nisi in ipso percipiendi modo, & præsentiz ratione, intolerandum plane videri, ut in querendi modo, nullum prorsus modum adhibeamus, omnem vero excedamus.



*Pontificios* longe majus prudentiæ (ne dicam caritatis) edidisse signum, qui ante bellum ipsis indictum a *summo illo sancta memoria Luthero*, capitalibus inter se, ob eundem articulum, odiis flagrabant, adeo ut Scholastici interpretes, in duodecim ferme discrepantes, aut contrarias distraherentur sententias, tanta videlicet animorum contentione & pertinacia, ut nemo de concepta opinione decedere vellet, quemadmodum in *Lombardi, Thoma, Schoti, Durandi, Pici, Bonaventura* & aliorum monumentis videre est, qui cum mutuis ictibus antea se jugularent, artibus tandem & *Pontificum* auctoritate, majori cum otio nobis exitium moliri cupientium, compressa sunt ejusmodi dissidia, quod ut a nobis, vel hostium exemplo in controversia longe minus acerba fieret, tanto præsertim imminente ex dissensionibus illis incendio, nondum exorari potuimus.

Ad hujus morbi medicinam Ec-

38. *Epistola Henrici IV.*

*clesiam* illam priscam nobis facem prætulisse, cum in similibus controversiis, ut secessionibus & schismatis occasionem præcideret, nihil prius haberet neque antiquius, *Synodorum* indictione, quæ scilicet, infinitis prope vulneribus remedium attulerunt.

Majorum igitur more, ab *Illustrissimis Imperii Principibus* postulare nos, & per omnia sacra obtestari, ut apud se, pro sua prudentia & propensissimo in *Dei* gloriam studio, deliberent, an *Ecclesiis & reip. christiana* expediat, ad dijudicandas controversias nostras, universalem totius *Europa instauratarum Ecclesiarum Synodum* haberi, ea scilicet lege, ut ad Conventum illum de controversiis inter nos capitibus referatur, & possint accurata disceptatione, expensis omnium sententiis dirimi.

Quoniam autem hujus morbi medicina moram attulerunt procellæ illæ, quibus jactantur *Ecclesie* multis *Europa* locis, partim bello  
petita,

petitz, partim crucem experta, unde fit, ut laborantibus illis, tetrum hoc vulnus eorum importuna contentione, & ambitiosis contentionibus subinde recrudescat, quorum muneris erat ipsum ulcus adhibitis copiis mitigare, eo denique acerbittis provecta sint partium studia, ut se præjudicatis sententiis mutuo damnaverint, & ab *Ecclesia communione* (suo quidem iudicio) exturbarent.

Quod seviendi genus ejusmodi videtur, ut præsentiori remedio egeat, neque sit ipsius in futuram *Synodum* differenda curatio: discriminis ipsius depellendi gratia, quod & verbum *Domini* ludibrio, & ipsius *Ecclesiam* direptioni exposuit, eosdem *illustrissimos Germania Principes & Ordines* rogabit idem *Dominus Segurius*, ut tantisper dum paratur generalis illa *Synodus*, curationem istam in ditionibus suis sibi prævortendam suscipiant, quæ duplici ratione commodissime absolvi possit;

possit; Prima. quidem si omnium utriusque professionis *Ecclesiarum* controversiæ ad *Synodum* dijudicanda referantur, neque cuiquam privatim in aliarum fraudem & præjudicium quicquam præterea statuere liceat. Altera vero, si acerbis illis contentionibus, quibus hætenus & verbis inter se rixati sunt *Theologi*, & scriptis, silentio tandem finis imponatur, & ejusmodi disputationibus explosis, *christiana* charitas, & animorum fraterna conjunctio revocetur. Quod quidem *Serenissimus Rex Navarra*, ab *Ecclesiis Gallicis* (quibus hac de re rogatus est) tam suo quam ipsarum nomine, bona fide præstitum iri, respondet.

Non esse nos ea pervicacia, aut in tuendis opinionibus nostris tenacitate, ut si *Concilium* ineatur, meliora momentibus fidem abrogare velimus. Imo paratos esse omnium animos ad concordiam ineundam & ea dogmata suscipienda, quæ verbo *Dei* consentanea.

Quod

Quod nos alii *Zwinglianos*, alii *Calvinistas*, plerique *Sacramentarios* vocant, perperam id quidem fieri, & nullo nostro merito, cum in *Christi* solius verba juraverimus, nullius sententiae addicti, nisi quatenus *vetis & novi fœderis* doctrinae congruit. Quod si ab ullius mortalis nomine adoptanda nobis esset appellatio, potiori jure utique *Lutheranos* vocatum iri, cujus sane nominis invidia, & odio cum laborarent *Galli*, infiniti prope per 60. annos cœsi, exusti, æquuleis admoti, & omni genere crudelitatis extorti, præclarum *christiana doctrina*, quam a *Luthero* primum acceperant, testimonium ediderunt, & sanguine suo per *Dei* gratiam obsignarunt, ut vere a nobis asseri possit, plures prope modum *Martyres*, quos *Lutheranos* tunc temporis vocabant, *Gallians* edidisse, quam reliquæ omnes totius *Europa* regiones.

*Lutherum* in *Eccl. Gall.* ut ipsarum in *Christe* parentum agnoscere, quod illius.

Alterum argumentum est, quod nunquam istius dissensionis concordia serio quaesita est, quia *Dominus christiane* illi conatui benedixerit & ad optatum exitum suo *sancto Spiritu* perduxerit, ut ex colloquio *Lutheri & Zwinglii* anno 1529. & triennali illo 1536. 37. & 38. apparuit, quorum utroque interpretarios *Theologos Ecclesiasque Germanicas & Helveticas* concordia sancita est, & de *cæna* negotio consensus in formulam redactus, utriusque partis subscriptione comprobata.

Nam quod ab illa pace & concordia *Ecclesiarum* postea discessum est, importuna quorundam acerbitate, incoerente (ut fertur) *Luthero* & bonis omnibus factum est: Quod ne denuo contingat, si conciliatio inter nos constituitur, *Principum* auctoritate & *Magistratum* officio praestari potest, cum sit eorum munus, ejusmodi contentionibus, litem ex lite ferentibus, obviam ire, unde ut plurimum, discordiae facies oriuntur.

adi-

ædificationis vero ad *Ecclesiam* nihil.

Atque his potissimum quidem rationibus cum *Illustrissimis Germaniæ Principibus Segurius* noster ager, quas tamen *serenissimo Regi Dania*, prius notas esse cupimus, & prudentissimo ipsius iudicio subjici, cui si probabuntur, tum *Serenitatem* ipsius nostro nomine rogabit, ut hac de re cum iisdem *Principibus*, præsertim vero cum *Illustrissimo Electore Saxonia*, per *Legatos*, quam accuratissime poterit fieri, agat.

Quoniam autem frustra pacem domi quærimus, nisi externos illos communis adversarii, *Pontificis Romani* conatus, & apertas in perniciem nostram infidias, depellimus. Idcirco artes illas & nefarias *Antichristi* coitiones, *serenissimo Regi* optime notas, significabit, quibus veritatis lucem filius ille tenebrarum extinguere nititur.

Monebit igitur imprimis quotquot per *Hispaniam* & *Italiam* in suspicionem emendatæ religionis

veniunt, eos omnes cruci subditos, *Antichristi Romani tyrannidem*, & inquisitionis auctoritatem & seviti-  
tiam experiri.

In *Gallia Concilii Tridentini* promulgationem, & inquisitionis constitutionem, a *Legato Pontificis*, adversus *Senatus* intercessionem, & *Ecclesia Gallicana* libertates, urgeri.

*Jesuitarum* artibus *Anglorum* animos ad defectionem læpe numero impulsos, ut nisi faces illæ *sapientissima Regina* consilio extinctæ fuissent, clandestini illi coitus & nefariæ conjurationes, in ipsius caput & *Regni* perniciem erupturæ viderentur.

Quod ad *Scotos* attinet, iis artibus *serenissimi Regis* animus a *Pontificis* sæpenumero tentatus est, quibus nisi *Principis* optimi, & a teneris annis *christiana* pietate imbuti laudabiles indoles, & *sapientissimæ Angliæ Regina* Consilia obstitissent, bellum inter *Angliam* & *Scotiam*, non sine summo *Ecclesiarum* utriusque regionis discrimine, & *Pontificis Rom.* voluptate, exarsurum fuerit. *Bel-*



*Belgarum* vero profligata res, & ab omni exterorum auxilio imparatissima, prementibus *Hispanorum* copiis & indies crescentibus impares, brevi collapsura videntur, certo scilicet florentissimarum *Ecclesiarum Pontificis* crudelitati subigendarum excidio.

In *Helvetia* portentis istius *Romani* largitionibus & versutia, & turbulentissimis *Jesuitarum* concionibus, incendia belli civilis propemodum hoc biennio excitata sunt, ut scilicet *Bernates* emendata religionis cultores, *Sabaudia Ducis*, in eos ex composito irrupturi, armis obruerentur.

*Suecorum* autem *Ecclesia* restitutis in *Suecia* ritibus *Pontificis*, & *Jesu* intima *Regni* penetralia pervadentibus, in assiduo metu & dubitatione versantur, ne scilicet stellionum istorum fraudibus, aliquid tandem in perniciem suam statuatur. Quamquam hoc sibi de *sapientissimo Rege Suecorum* boni omnes polliceantur, ut brevi locustarum illarum ver-

versutias sit perspecturus, & Regni sui finibus exacturus.

*Moscovitarum* vero Religio quantum a *ritibus Romanis* discrepet, omnibus perspectum est; At *Pontifex Rom.* dum se pacis arbitrum inter illos & *Polonum* gerit, hoc sibi ex illarum nationum odio compendium quærere voluit, ut *Moscovitam* suæ tyrannidi & cultui subjiceret. Quod ab eo tandem impetratum ferunt. Hoc sane constat, hunc unicum scopum illi fuisse propositum.

Quod ad *Germaniam* ipsam spectat, in qua *potentissimorum Principum* cura & pietate, tutissima *Ecclesiis* præbita sunt hospitia, nihil non *Pontifex* molitus est, ut tranquillitatem illam & *Alcedonia* conturbaret, quod sane apertius est quam ut longiori explicatione indigeat.

In tractu vero *Colomensi*, eas nuper adversus *Illustrissimum Electorem* tragædias excitavit, quarum *Catastrophen*, nisi in suum caput depellatur, in totius *Germania* periculum exituram sperat.

Ex

Ex iis satis constat, nullam totius orbis christiani regionem, cui verbum *Divinum* illuceat, intentatam relinqui, omnesque illius monstri vires & conatus ad extinguendam *Evangelii* lucem conferri. Quod ut facilius fiat, *Principum* eorum qui superstitionem & idololatriam fovent, conventum ordinarium sive *Senatum* per *Legatos Roma* nuper conflavit, in quo præsidente ipso *Pontifice* de firmanda & propaganda tyrannide *Romana*, de lendisque per orbem christianum *Ecclésiis*, seria & quotidiana disceptatione agitur.

Quæ omnia cum a nobis diuturna cogitatione versarentur, *Serenissimum Dania Regem* nobis compellandum putavimus, ac per eundem *Dominum Segurium* adhortandum, ut (quod *reip. christiana* & totius *Ecclésiæ* amplificationi cedat) conjunctionem aliquam animorum & consiliorum inter se & *Serenissimam Angliæ Reginam* ac *Illustrissimos Germaniæ Principes* institui curet, & si

res ita ferat, societatem auxiliorum, non ad inferendum quidem *Pontifici Romano* bellum, sed ad propullandam collatis operis & communicatis consiliis injuriam, ne si separatim, ut hactenus, adversus tot inimicorum conjunctas *Pontificum* autoritate consultationes & conatus congregiamur, & sejunctis separatique consiliis rem administremus, adversariorum illa mole, alii post alios obruamur, ac, dum singuli pugnamus, vincamur tandem universi.

Huic porro societati nos ipsi, nostrosque omnes adjuncturi sumus lubenter, ac fortunas omnes, vitamque adeo ipsam (si opus sit) in publicam utilitatem, ad propagandam *Dei* gloriam profusuri.

Porro, cum singulari quodam & immortali *Dei* beneficio, duo jam *Archiepiscopi Colonienses* ab illa *Antichristi Romani tyrannide* defecerint, & vindicatam a superstitionibus *Religionem* amplexi sint, qua re nihil ad amplificandam *Evangelii* lucem, vel  
ad

ad proferendas *Ecclesiarum* fines, & ad *Imperii* statum, ad bonorum & vere piorum favorem componendum, propter eximiam *Electoralis* dignitatem, utilius optari potuit, temporis autem calamitate, & afflictis *Ecclesiis* rebus factum est, ut *Illustissimus Hermannus*, dignitate sua & fortunis exutus, in optima causa succubuerit.

*Serenissimum Regem* idem dominus *Segurius* hortabitur, ut de defendendo *Illustissimo Principe Domino Trucksesio*, *Electoralis* dignitate insigni, & Religionis vinculo sibi conjuncto, propter *Dei* nomen ab hostibus impetito, apud reliquos *Germania Principes & Ordines* agat, ne scilicet hanc notam foelicissimo suo seculo inuri patiantur, ut *Sacri Imperii Romani Electorem Pontifici Romano* ex dignitate sua exturbare, & miseris modis vexare liceat, alium vero sibi addictum pro arbitrato suo substituere.

Omnium porro animos ab eventu *Coloniensi* belli suspensos, cui si se-

cundus & ex piorum voto contigerit exitus, optima bonorum omnium animi exspectatione erigentur. Sin & egregius ille *Princeps* distitutus, & *augustissima Septemviratus dignitas Pontificis Romani* ludibrio & libidini exposita fuerit, sanè bonorum omnium animi concident, & adversariorum crescet audacia, cæteros verotum *Electores* tum aliorum ordinum *Principes*, quibus nondum alluxit *veritas Evangelica*, a simili instituto infelicitissimum exemplum absterrebit. Neque fortassis unquam tam opportuna dabitur occasio constitutendæ ex eorum votis & rationibus *reip.* quorum interest *emendatam religionem* quam tutissimo loco esse, ac *Pontificis* artes & auctoritatem ab *Imperii* finibus procul arceri.

Quoniam autem norimus quanti sit ponderis & momenti negotium illud *Coloniense*, quamvis ab istius belli finibus & crepitu longo itineris intervallo diffiti simus, & alioquin diuturno belli civilis *Gallici* labore &

& expensis pæne exhausti, quamvis denique pacis publicæ beneficio in otio & tranquillitate cum dignitate vitam degere possimus, tamen eidem *D. Segurio* gemmarum, pecuniarum, & supellectilis aureæ vim aliquā non adspernandam credidimus, quam scilicet in *Germaniam* adportet, & aliquo tuto loco deponat, ut ex usu *Ecclesiarum*, præsertim *Coloniensium*, ac prout occasio postulabit insumatur. Si modo *Serenissimus Rex Dania*, & *Illustrissimi Germania Principes* foedus illud probaverint, & in illius consortium venire voluerint, ac eorum unusquisque pro facultatibus suis, ad causam communem symbolum suum conferat. Quod si ab illis præstetur, non modo pecuniam illam & supellectilem, sed reliquas omnes facultates & fortunas nostras, atque adeo vitam ipsam, in salutem *Ecclesiarum* parati sumus impendere.

Ut autem earum rerum omnium, quæ hoc mandato continentur ra-

tiones matura deliberatione iniri possint, ab eodem *serenissimo Rege* postulamus, ut conventum aliquem haberi de communi ipsius, & *serenissima Anglia Regina*, ac *Illustrissimorum Germania Principum* consensu curet, & diem ab ipsis præscribi, quo omnium *Legati* convenire possint, cui etiam conventui per *Legatos* nostros minime defuturi sumus.

Porro hoc etiam *serenissimo Regi* nostro nomine significare cupimus, non frustra neque temere a nobis ineunte anno superiore susceptum fuisse *Anglia, Dania, & Germania* perlastrandę institutum, ut concordie & conjunctionis alicujus rationes quereremus, cum in utraque illa *Ecclesiarum* salutem & incolumitatem (quę nobis suprema lex esse debet) verti agnoscant omnes, absque illis vero servari non posse adversus *Antichristi* molitiones, nemo sanę mentis putet. Uriusque negotii perficiendi spem magnam in *serenissimo Rege* constitutam esse, sine quo difficillime confici



fici potest. Rogare nos igitur & per  
*Dei* nomen obtestari, ut solito more  
& pietate, *Ecclesia* laboranti pro suo  
virili opem ferat, & apud se cogitet  
nostrum omnium *Principum* causam,  
qui *Pontificis* jugum excussimus, cum  
*Ecclesiarum* causa conjunctam esse.  
Iis enim in pace & concordia consti-  
tutis & contra vim exteram muni-  
tis, omnium etiam status in tuto fu-  
turus est, sin & sua discordia, & *Pon-  
tificum* insidiis dilabentur, eadem  
etiam ruina singulorum status &  
fortunas obteret.

Datum *Neraci* 15. Julii. Anno 1583.

*Serenissimus*

HENRICUS

ALLIARIUS.

C 4

VL

## V I.

R E S P O N S U M  
R E G I S D A N I Æ  
nomine datum.

*S*erenissima Regia Dania & Nor-  
vegia Majestas Dominus noster  
clementissimus, tam ex Serenissimi  
Navarrorum Regis literis, fratris &  
consanguinei sui charissimi, ultima  
die mensis Julii Neraci scriptis,  
quam ex pereleganti & luculenta  
oratione Serenitatis ipsius Legati, no-  
bilis & generosi viri propter virtu-  
tem imprimis sibi dilecti, D. Jacobi  
Segurii Pardoliani, domus Regia præ-  
fecti, ac interioris Consilii moderatoris,  
amanter ac plane fraterne intelle-  
xit. Quibus in negotiis ad gloriam  
Dei, & communem, tam Ecclesia,  
quam

quam communen reip. *Christiana* utilitatem pertinentibus, amplissimis mandatis instructus, quæ quidem a *Dominatione* ipsius scripto simul exhibita sunt, a *Serenitate* ipsius ad *Regiam ipsius Majestatem* jam missus sit & ablegatus.

In quibus certe rebus proponendis & explicandis, singularem ipsius dexteritatem, summa cum pietatis & prudentiæ laude conjunctam, clementer collaudat & commendat. Ac sicut eoram recepit de iis omnibus, quantum hoc in conventu, per varias occupationes, & in tanta temporis brevitatem jam fieri potuit, consilium habuit latiusque deliberavit.

Cumque intelligat *Dominum Legatum Regium* nonum jam mensem in ea legatione versari, ipsorumque negotiorum ea appareat ratio, ut sine incommodo publico, diuturniorem moram ferre non possint, ideo maluit *Regia Majestas ipsius* expedita & festinata declaratione hac

C 5

sua,

38 *Epistola Henrici IV.*

sua, pro temporis ratione, rebus ipsis jam potius consulere, quam eas pro earum pondere & magnitudine ad maturum consilium reservare ac referre.

Imprimis vero *Regia ipsius Majestas*, quod coram testata est, officiosam salutationem istam, ex *Regia ipsius Serenitatis* constanti amore & gratificandi studio profectam, eâ, qua decet, humanitate acceptavit, ipsique hoc nomine non solum permagnas, sicuti par est, & habet & agit gratias, verum etiam a *Domino Legato* clementer petit & requirit benigne, ut in reditu suo, quem ipsi scelicem precatur, *serenissimum Navarrorum Rēgem* fratrem & consanguineum suum charissimum, *Majestatis ipsius* verbis resalutet quam humanissime, cum testificatione suæ erga *Regiam ipsius Serenitatem* constantissimæ optimæque voluntatis & benevolentix, quam quidem quacunque occasione idonea, re potius quam verbis declarare malit. Quan-

Quantum vero ad Legationis hujus materiam, ac ipsius propositionis capita pertinet. Agnoscit certe *Regia ipsius Majestas* declarationem istam, serie narrationis, ex presenti *Ecclesia & Reip.* per universam *Europam* sat perturbato statu, deducta, tam dextre adeoque prudenter institutam esse, ut dubitet an *Serenitatis ipsius* fraternum candorem, in sincera communicatione potius, an vero eximiam ipsius prudentiam, & præclarum de *Rep. christiana* bene merendi studium, quod tamen utrumque facit, magis collaudare & commendare debeat. Ideoque facere non potest, quin *Regia ipsius Serenitati*, tam pro candida & familiari ipsa consiliorum communicatione, quam pro tempestivis & plane saluberrimis commonefactionibus istis, quas ex pio & sincero pectore regio profectas esse agnoscit amanter & fraterne agat gratias. Ex quibus certa conjectura desumpta facile intelligit *Regia ipsius Majestas*,

quanto cum suo honore & publico bono conjunctum fuisset, si *Regia ipsius Serenitas* sicut constituerat, tam *ipsius Majestatem* quam alios *christianos Principes* reformatam & veram *Religionem* profitentes, coram videre & salutare voluisset, ac profitetur aperte, nihil sibi optabilius aut jucundius accidere potuisse, quam si tantum & tam exoptatum hospitem in *Regno* suo coram videre, amantissime complecti, ac *Serenitatis ipsius* tamquam laudatissimi, deque *Ecclesia & Rep.* hoc seculo nostro præclare meriti *Regis* faciem intueri *Majestati ipsius* licuisset. In quo quidem & in condignis hospitalitatis & mutæ benevolentiae officiis præstandis, ita se erga *Serenitatem ipsius* fuisset exhibitura, ut ipsa boni & conjunctissimi fratris & consanguinei propensissimam voluntatem & optimam affectionem ex rebus ipsis perspicere potuisset.

Sicut autem *Serenitatis ipsius* piam & plane *Regiam* sollicitudinem, in  
con-

concordia in diffidiis Religionis foris constituenda *Regia ipsius Majestas* cum omnibus piis & bonis merito collaudat & celebrat, ita ipsius in pace & tranquillitate domi conservanda, eximium studium cum singulari erga patriam pietate & amore conjunctum, non minore commendatione dignum esse censet. Ideoque ipsi in utroque proposito, quorum alterum ad communem *Ecclesia*, alterum ad *Reip.* utilitatem, utrumque certe ad *Dei omnipotentis* gloriam, & multorum hominum salutem pertineat, a *Divina* ipsius benignitate, salutariorum consiliorum & actionum omnium faustum & foelicem successum & eventum precatur.

*Regia* vero *ipsius Majestas*, si quid hac in parte, nempe ad *Ecclesiarum* dissensiones, hisce sat exulceratis temporibus, vel tollendas, vel saltem nonnihil mitigandas, ac ad concordiam constituendam, consilia & opera sua, tanta gratiarum

actione & congratulatione dignum, præstitisset; esset hoc imprimis ad *Gloriam Dei* ac deinceps ad *Regium officium*, quod in publico bono promovendo versari debet, referendum, nec in negotiis bene memorato *Domino Segurio* jam commissis, tam *Illustrissimo Principi* affini & fratri suo exoptatissimo *Domino Domino Augusto sacri Romani Imperii Marescallo & Electori Duci Saxonia, &c.* quam aliis cognatis & vicinis *Illustrissimis Principibus* commendandis promovendisque, neque officio suo, neque *Serenitatis ipsius* expectationi *Regia Majestas* fuisset defutura. Verum cum ab ipsorum *Illustritatibus*, qui pro celebratissima pietate sua & eximia prudentia, sine ulla *Majestatis ipsius* commendatione, sua sponte *Serenitati ipsius* satisfacere voluerunt, bonas ac dilucidas declarationes, cum ad *Majestatem ipsius* accederet comprehensas secum afferret. Ideo plane confidit *Serenitatem ipsius*, non minus



minus declarata hac *Majestatis* sue in gratificando promittitudine amanter contentam fore , quam *Domini Legati* excusationem , quod post tot salutatos *Illustrissimos Germaniae Principes* , *Majestatem* ipsius jam demum convenerit , non aliter quam benigne , & bonam omnino in partem acceptavit.

*Regia* ipsius *Majestas* cum omnibus piis hominibus , in doctrina celesti recte institutis , facile perspicit , quanta cum gloria *Ecclesiae* ac utilitate *reip. Christianae* conjunctum foret , si tam *Germanica* quam aliorum *Regnorum & Provinciarum Ecclesiae* , quæ *idolominiam Pontificiam* rejecerunt , non minus in articulo de *sacro-sancta Cena Domini* , quam in aliis omnibus *reformatae Religionis* capitulis omnes consentiant , & sicut in unum *Deum* credimus , eumque per ipsius *Filium* eundem *Mediatorem* nostrum omnes invocamus. Ita etiam *Romani Antichristi* aliorumque adversariorum horrendis consiliis

64    *Epistola Henrici IV.*

liis & machinationibus, ad opprimendam veritatem & ejus confesso-  
res tendentibus, communi consilio  
& viribus conjunctis omnes obviam  
ire ac procedere possint. Ideoque  
tanto magis dolendum est, saluta-  
rem istum & exoptatum consen-  
sum, variis partium dissidentium  
disputationibus hactenus turbatum,  
nec piorum *Principum* consilio,  
qui in eo plurimum laborarent, so-  
lidam concordiam sancitam esse.

In ea autem animorum distractio-  
ne & opinionum varietate, *Regia*  
*ipsius Majestas* in eo pio studio alla-  
boravit, ut in amplissimis *Regnis* &  
*Provinciis* suis eam *Religionis* for-  
mam tam in doctrina quam in cere-  
moniis constanter retineret & in-  
corruptam servaret, quam *Serenis-*  
*simus praedecessor*, *Divus ipsius pa-*  
*rens*, nomine & re *Christianus Rex*,  
optime constitutam reliquit.

Neque ulli *Theologorum* licen-  
tiam indulget contra piam istam &  
receptam semel & publicatam *Ec-*  
*cles-*

*clesiarum* ordinationem, quicquam vel innovandi vel disputandi. Nec tamen permittit *Regia ipsius Majestas*, ut aliarum *Christianarum* gentium pia *Ecclesia*, quæ jugum *Pontificium* excusserint, a suis *Theologis* convitiis ullis proscindantur, quæ quidem ratione, *Deo* gubernationem *Regiam* fortunante, tantum proficit hactenus, ut veritatem ac pacem, in omnibus *Ecclesiis* & *scolis Regnorum* & *Ducatuum* suorum feliciter conservaverit. Ac omnino confidit ipsum divina benedictione sua, deinceps etiam *Majestati ipsius* adfuturum, & gubernationis ipsius ævum fortunaturum esse.

Quæ quidem in congratulatione sua, quam ad *Deum* omnis felicitatis autorem referendam censet, summis ac piis votis exoptat & precatur, ut, vel per piorum *Principum* recte de Religione sentientium *Christianam* communicationem, vel per *Synodum* generalem, *Principum* tamen autoritate ad eam rem inter-

veniente, ratio demum idonea ineatur ad controversiarum & disputationum istarum molem, eo præsertim in articulo e medio tollendam, & ad piam & solidam concordiam faciendam.

De loco vero ac tempore vel ad conventum talem, vel ad *Synodum Theologorum* constituendo, cum *Regia ipsius Majestas* sine *Illustrissimorum ipsorum* expressa declaratione & consensu nihil omnino certi recipere jam vel debeat vel possit, ne in tanti momenti ac ipsius *Religionis* negotio, *Illustratibus illorum* vel vota præripere, vel quicquam præscribere videatur. Ideo quod petivit *Serenitas ipsius*, non tantum *Illustrissimum* affinem fratrem & compatrem suum charissimum *Domini Saxonie Ducem & Electorem*, verum etiam alios quosdam cognatos *Principes*, in *Romano Imperio Angustanam confessionem* profitentes, per literas suas de rebus istis propositis, quam primum amanter &

& accurate certiores faciet, & de negotiis istis ad communem utilitatem spectantibus, consilia & sententias fraterne & amanter conferret. Nec dubitat quin *Regia ipsius Serenitas*, ex *Legati* sui relatione optime cognitura sit, quæ imprimis de *Synodo in Germania* instituenda, tam *Illustrissimi Saxonie Electoris*, quam aliorum *sacri Rom. Imperii Principum*, quas *Serenitas ipsius* per *Legatum* suum compellavit, sententia fuerit & amica declaratio.

Si quid vero *Regia ipsius Majestas* ad communem *Ecclesiarum ac resp. Christiana* utilitatem conferre ac præstare possit, in eo, nec *Religionis*, nec communis tranquillitatis amantissimi *Regis* officio, nec *Serenitatis ipsius* tanquam consanguinei & fratris sui charissimi, fraterne expectationi, quantum omnino fieri poterit unquam est defutura. Cui valetudinem prosperam cum rerum & conciliorum omnium salutarium prosperum eventum foelicissimis votis ex animo precatur. Ac

68      *Epistola Henrici IV.*

Ac sæpe memorato generoso ipsius *Legato*, cujus in negotiis istis tractandis, singularem fidem & dexteritatem summa cum pietate & prudentia conjunctam merito commendat, gratiam suam ac favorem *Regium* benigne promittit.

*Signatum in Regia ipsius Majestatis Habes-  
stebia, idibus Martii, a nato communis  
Redemptore Jesu Christo Anno 1584.*

F R E D E R I C U S .

Rex.

V I L  
L I T E R Æ  
D A N I Æ R E G I S  
A D  
H E N R I C U M III.  
*Galliæ Regem.*

F R E D E R I C U S II. Dei gratia Daniæ, Norvegiæ, Gothorum, Vandalorum Rex: Dux Slesvici, Holsatiæ, Stormariæ ac Ditmarsiæ: Comes in Oldenburgh & Delmenhorst. Serenissimo & Christianissimo Principi Domino Henrico Gallorum Regi, Consanguineo & fratri nostro charissimo, salutem & continuum fælicitatis incrementum.

*Sere-*

*Serenissime ac Christianissime  
Princeps, Consanguineus & Fra-  
ter Charissime.*

**C**UM *Serenissimus Princeps Do-  
minus Henricus Rex Navarra  
Consanguineus & Amicus noster  
charissimus, per generosum Lega-  
tum suum nobis imprime dilectum  
Jacobum Segurium Pardelianum, pro  
mutuæ amicitiae nostræ conjunctio-  
ne, de rebus piis ac bonis, tam ad  
reipubl. christiana quam ad Ecclesiae  
tranquillitatem pertinentibus, com-  
municationem familiarem nobis-  
cum instituisset, pro summo nostro  
& plane fraternō erga Regiam Se-  
renitatem vestram amore & studio,  
facere non potuimus, cum optimum  
virum Segurium, expedito cum re-  
sponso jam dimitteremus, quin ipsi  
ad Serenitatem vestram traderemus  
litteras: Quibus ipsi non tantum cum  
testificatione perpetuæ erga Sere-  
nitatem*



*adtem vestram* benevolentiae nostrae, omnia fausta, felicia & salutaria precamur, verum etiam de pace & tranquillitate communi, post diuturnos bellorum civilium motus, in *florentissimo Gallia Regno*, & feliciter dudum restituta, & a *Serenitate vestra* contra perversissimas hominum malevolorum machinationes, constantia plane *Regia* hactenus conservata, ex animo gratulamur. Quantam enim animo laetitia conceperimus, cum tam ex sermonibus ordinarii sui in *Aula* nostra *Legati*, nobis imprimis dilecti, *Caroli Danzai*, quam ex relatione memorati *Segurii*, *Oratoris Navarreni* cognosceremus, *Serenitatem vestram Pacificatorii Edicti* semel approbati formulam, integra ac *Regia fide* retinere & conservare, verbis certe satis explicare non possumus.

Qua quidem constantia, Rege, praesertim *christianissimo*, digna, omnium *christianorum & Principum* com-

comprobationem meretur. Neque etiam permovit, ne, quod *Illustrissimum Principem* affinem & fratrem nostrum charissimum, D. Augustum, Ducem Saxonia, S. R. I. Archimareschallum & Electorem optimo consilio motum per litteras nuper fecisse cognovimus, *Serenitatem vestram* iisdem verbis & rationibus, etiam atque etiam serio, & plane fraterne jam moneamus, rogemus & obtestemur: ne humanissimas suas aures Regias, perversis seditiosorum hominum clamoribus patefaciat ac præbeat: sed fideles subditos, qui rejecta idololatria Pontificis Romani puram & synceram religionem amplectuntur, non minus quam alios bonos cives, hoc etiam nomine sibi benigne habeat commendatos, quod hætenus varias calamitates perpeffi sint, ut Deo honorem suum, *Serenitati vestrae* obedientiam & subjectionem debitam præstarent. Quos quidem homines propter pietatem Deo & fidem

fidem *Serenitati Regiæ* vestræ, ac ipsi *Patriæ*, tempore difficillimo, præstitam, illi qui impiis *Papæ* abusibus nunc delectantur, ideo capitali odio prosequuntur & *Serenitati vestræ* invisos & exosos reddere conantur, ut ipsi interim tam suam quam *Romani Pontificis* causam pro arbitrio agere possint, ipsiusque auctoritatem nonnihil imminutam, cum nova inclyti *Regni Gallici* perturbatione erigant & confirment.

Quæ certe horrenda & tragica plane consilia, nisi a *Serenitate vestra* caveantur, cum ipsius celebratissimæ existimationi *Regiæ* non leve detrimentum, ac tam in *Ecclesia Christi*, quam *rep. civili*, novas calamitates allatura esse videantur. Ideo minime dubitamus *Ser. vest.* pro singulari ac a divina benignitate sibi concessa prudentia, quod hætenus laudabiliter fecit, in pacificationis *edicto* deinceps etiam religiose servando, tam sui ipsius quam *Ecclesiæ & reipubl.* accuratam & condi-

gnam rationem habituram, ac diligenter provisuram esse, ne malitiosorum hominum perversis machinationibus, a proposito tam sancto ac plane *Regio* abducatur, ac ne *Pontificia tyrannis*, cum nobilissimæ ac potentissimæ nationis *Gallica* (quæ reip. christiana antea præsidio & ornamento fuit) perniciæ & interitu restauretur.

Quod quidem ut faciat *Serenitas vestra*, ac commonefactionem ac petitionem hæc nostram, ex candido ac sincero pectore, & bono ac fraterno erga *Seremitatem vestram* studio profectam, non in aliam quam bonam partem accipiat, ipsam pro mutua & avita nostra *regiorumque* nostrorum necessitudine & amicitia tam sedulo hortamur & rogamus, ut majore diligentia & contentione, rogare, hortari, suadere nihil possimus.

Erit hoc *Deo Opt. Max.* cujus gloria in eo versatur imprimis gratum, ipsi *Seremitati vestre* honorificum

ficum, & tam inclyto *Gallia regno*.  
quam omnibus vicinis Provinciis  
maxime utile & salutare.

Quod ut fiat, & tam hæc quam  
alia *Serenitatis vestra* consilia salu-  
taria omnia, tam ipsi quam *reipubl.*  
*christiana* bene & foeliciter succe-  
dant & eveniant ex animo optamus  
& precamur. *Deus* qui dat salutem  
*Regibus*, *Serenitatem vestram* inco-  
lumem & florentem conservet &  
tueatur quam diutissime.

Ex Regia nostra *Haderslebia*  
ipsis idibus Martii.  
Anno. 1584.

VIII.

EPISTOLA  
DANIÆ REGIS

A D

HENRICUM  
*Navarræ Regem.*

FREDERICUS II. Dei gratia  
Daniz, Norvegiæ, Gottho-  
rum Vandalorumque Rex.  
Dux Slesvici, Holfatiæ,  
Stormariæ & Ditmarsiæ.  
Comes in Oldenburgh &  
Delmenhorst. Serenissimo  
Principi Dom. HENRICO,  
eadem gratia, Navarrorum  
Regi, Principi Bearniz, Du-  
ci Vindocinensi, Belmon-  
tensi, Albretensi. Comiti  
Fo-

Foxensi, Armeniaci, Ruthensi, Burgeronensi, Martensi, Petrogoriensi. Vice-Comiti Lemovicensi, Fratri & Consanguineo nostro charissimo, salutem & continuum foelicitatis incrementum.

*Serenissime Princeps, Frater &  
Consanguinee nosſer Charissime.*

**V**ENIT ad nos proximis hiſce diebus *Serenitatis veſtra Legatus* generoſus imprimis nobis propter virtutem dilectus *D. Jacobus Segurinus Pardelianus, Domus veſtra Regia Praefectus, & interioris Conſilii Moderator.* Qui & litteras *Serenitatis veſtra* ultima die Julii anno proxime praeterito *Neraci* ſcriptas nobis reddidit, & de negotiis a *Serenitate veſtra* ipſi commiſſis, ad communem tam *Eccleſia*, quam

78 *Epistola Henrici IV.*

*resp. christiana* utilitatem pertinentibus luculenter coram nobis peroravit.

Quibus certe in rebus cum proponendis, tum dextre explicandis ita versatus est, ut ipsius fidem & industriam summa cum pietate & prudentia conjunctam merito collaudemus & clementissime commendemus. Ad cujus quidem Legationis materiam ac propositionem ipsam, quam memoratus ipsius *Legatus* scriptam nobis exhibuit, cum sententiam & declarationem nostram, non quantum rerum istarum magnitudo requirebat, sed quantum & hujus temporis, & complurium occupationum nostrarum ratio jam ferebat, scripto itidem comprehensam iidem tradiderimus: supervacaneum esse existimamus, ea in literis hinc nostris ingeminare. Quibus amanter & fraterne a *Serenitate vestra* petimus & contendimus, ut optimo viro *Segurio nostro*, cum quo de negotiis publicis copiosius collo-

cuti



cuti sumus, non tantum ea in ratione fidem plenariam adhibeat: verum etiam festinatam istam declarationem nostram, pro mutua amicitiae nostrae necessitudine, dextre ac in bonam partem fraterne accipiat.

De nostra vero erga *Seriem. V.* benevolentia & constantissima voluntate ita velimus ut sentiat ac certo sibi de nobis polliceatur *Serenitas vestra*, nos ad omnia mutuae humanitatis officia, quae quidem a syncerae religionis ac tranquillitatis communis, ac *vestra* itidem *Serenitatis* amantissimo *Principe* proficisci poterunt, semper fore paratissimos.

Cujus certe minime vulgarem erga nos amorem & singularem observantiam tam per literas, quam honorificam Legationem tanto studio nobis declaratam, ea qua decet humanitate fraterne amplectimur ac acceptamus, cupimusque vicissim *Serenitati vestra* tam in mutua animorum conjunctione conservanda,

80      *Epistola Henrici IV.*

quam in bono publico promovendo, pari animi candore amanter respondere, cui valetudinem prosperam & rerum a consiliorum salutarium omnium felicem progressum & eventum, a *Deo Opt. Max.* omnis felicitatis autore ex animo vovemus & precamur.

Ex Regia nostra *Haderseebiana* ipsis  
idibus Martii. Anno 1584.

---

I X.

LEGATI NAVARRENI

E P I S T O L A

*ad*

DANIÆ REGEM.

*Serenissime ac Potentissime*

R E X.

CUM a *Serenissimo Rege Navarreno* ad *Serenitatem vestram* & *Illustrißimos Germania Principes* ablegat-

legatus fuerim, ut de rebus ad *Ec-  
clesia* tranquillitatem & *reip. christia-  
na* utilitatem pertinentibus verba fa-  
ciam, ac istius Legationis gratia  
*Bremam*, tribus abhinc circiter men-  
sibus appulsem, decreveram ex *se-  
renissimi Regis* mei mandato recta ad  
*Serenitatem vestram* contendere, par-  
tim ut ejusdem auspiciis & consiliis  
*Legatio* mea administraretur, par-  
tim etiam ut Regio ipsius respon-  
so, autoritate ac literis ceteri *Prin-  
cipes* permoverentur.

Verum cum ad istam profectio-  
nem accingerer tristis quidam re-  
pente, & a rebus nostris alienissimus  
de afflictâ *Regia Serenitatis vestra*  
valetudine rumor sparsus est, qui  
mihi per nonnullos dies *Bremæ* com-  
morandi causam attulit. Interea cum  
ex *Hamburgo & Lubeca* ipsa aliisque  
finitimis locis eadem prope aut  
etiam tristiora afferrentur, commu-  
tato instituto ad *Illustrissimos Ger-  
mania Principes* me conferre coactus  
sum, apud quos etiam rumor ille

increbuerat, qui cum paulatim de-  
 fervere cœperit, ac tandem non  
 jam incertus, sed prorsus confictus  
 apparuerit, quod primum fuit, gra-  
 tias *Omnipotentis* ingentes egi, pro  
 salute & incolumitate *Serenitatis ve-*  
*stra Regia*, tum ad *Ipsam* repetito  
 itinere proficiscendum esse existi-  
 mavi, ac cum *Generoso Domino Rant-*  
*xovio*, quem in regni finibus reperiï,  
 in hoc oppidum adveni. Ubi cum  
 e *Serenitatis vestra* voluntate factu-  
 rum me accepissem, si hic subsiste-  
 rem tantisper dum ex mandato *ve-*  
*stra Serenitatis* ulterius progrederer,  
 voluntati *Regia* lubentissime parui,  
 & ad *Majestatem vestram* hoc lite-  
 rarum dedi, tunc etiam *Serenitatis*  
*vestra* obtestandæ causa, ut ad expo-  
 nendam *vestra ipsius Serenitati* Lega-  
 tionis meæ causam, quam primum  
 fieri poterit, admittar. Quod si im-  
 petrabo, & *serenissimum Regem Na-*  
*varrenum* summo beneficio *Serenitas*  
*vestra* obstrinxerit, & *Dei* ipsius  
 causam promoverit, a cuius *Majo-*  
*state*

*Reg. Gall. ad Imp. &c.* 83  
*ſtate* peto, ut *Serenitatem Regiam*  
*veſtram* ad *Eccleſia* ſubſidium ſal-  
vam & incolumem tueri velit.

*Flensburga* ultimo Februarii.

Anno 1584.

---

X.

Eidem Regi. ab eodem.

*Sereniſſime ac Potentiſſime*

R. E. X.

**N**ONUS agitur dies, ex quo *Regia*  
*veſtra* *Serenitatis* mandato in hac  
urbe commoratus ſum. Ex quo ve-  
ro Legatione apud varias *Nationes*  
fungor, nonus agitur propemodum  
menſis. Sed ut ante octo dies expo-  
nendæ meæ Legationis cauſa, ad  
*Majeſtatem veſtram* admitti poſtu-  
laverim, utque denuo poſtulem,  
neque longa mea peregrinatio fecit,  
D 6 neque

84      *Epistola Henrici IV.*

neque aliquot dierum in hac civitate mora. Sola me rei gravitas impulit, & oneris a me suscepti, ita cum *Ecclesia Christi*. utilitate conjuncta ratio, ut nisi causam istam urgeam, mihi prodidisse videar.

Quamquam enim mihi illa cautio esse debeat, ne *Serenitati vestra* intempestiva festinatione molestiam adferam, tamen cum eximiam illam *Maj. vestra* clementiam & humanitatem inspicio, hoc quicquid est culpæ mihi facile condonatum iri spero.

Cum igitur ea sit *Ecclesiarum* totius orbis christiani miseranda conditio, quæ remedii dilationem sine summo discrimine pati nequeat, de hoc autem apud *Regiam Serenitatem vestram* acturus sum, ab eadem rursus peto, & demissa prece flagito, ut Legationis meæ causas & momenta narraturo, quamprimum humanissimas aures illas mihi benigne præbeat, quod si fecerit Deum Opt. Max. orabo, ut *Regiam Majestatem*

*tem*

*Reg. Gall. ad Imp. &c.* 85  
*tem vestram ad regni sui salutem, &  
Eccl. totius defensionem incolumem  
diutissime servet.*

*Flensburga 8. Martii 1584.*

---

XI.

R E S P O N S U M  
D A N I Æ R E G I S

*Legato datum.*

FREDERICUS II. Dei gratia  
Daniæ, Norvegiæ, Vandalorum,  
Gotthorum Rex.  
Dux Slesvici, Holsatiæ,  
Stormariæ, ac Dithmarsici.  
Comes in Oldenburgh &  
Delmenhorst, salutem cum  
singulari favore nostro Re-  
gio.

*Nobilis & Generose, nobis  
imprimis dilecte.*

**R**Ediitæ sunt nobis literæ *Synce-*  
*ritatis vestra* hesterno die in urbe  
*Flensburga* scriptæ, in quibus sicut  
studium & fidem vestram in nego-  
tiis commissis, nobis quam primum  
proponendis & explicandis, cum  
côdigna erga nos observantiæ no-  
stræ comprobatione clementer per-  
spicimus: Ita negotiorum complu-  
rium, quæ nobis in hoc *Ordinum*  
*convensu*, in jure subditis nostris &  
dicendo & administrando incum-  
bunt, eam certe rationem esse ex-  
optaremus, ut sine longiora morâ  
*Sinceritatem vestram* ad colloquium  
nostrum admittere, ipsique, quod  
obnixè petit, ad præsentis Legatio-  
nis explicandas causas, aures nostras  
humanissimas præbere possimus.

Cum vero in adventu nostro,  
neque subditorum expectationi de-  
esse



esse vel possimus vel debeamus; ideo minime dubitamus, sed plane confidimus, *Synceritatem vestram* & prioris temporis, & deinceps paucorum dierum moram, non moleste laturam, sed bonam in partem accepturam esse. Quod quidem ut faciat *Synceritas vestra* per clementer ab ea petimus & benigne requirimus, quam de sententia nostra in Legationis istius capitibus, tum proponendis tum explicandis, inter paucos dies clementer certiolem faciemus, cui gratiam & favorem nostram *Regiam* benigne deferimus.

Ex Regia nostra *Haderstebia* die Lunæ  
post Dominicam *invocavit*.  
9. mensis Martii 1584.

F R E D E R I C U S  
Rex.

## XII.

## EPISTOLA LEGATI

A D

DANIÆ REGEM.

*Serenissime ac Potentissime*

R E X.

Q Uod ex mandati formula mihi præscriptum fuerat, ut antequam ad *Illustrissimos Germania Principes* accederem, obeundæ Legationis istius a *Regia Serenitate* vestra initium ducerem, id ipsum formulæ lectione *Majestati vestra* satis exploratum erit, verum cum afflicte & labefactæ valetudinis vestræ rumor, huic instituto commutando causam attulerit, & me ad alios *Imperii proceres* infalutata *Majestate vestra* præter voluntatem abripuerit,

cul-

culpam illam antea meis literis deprecari, & si quid est criminis in rumorem illum amoliri coactus sum.

Quamquam autem administrandæ Legationis meæ, longe aptius & conducibilius fuisset, si munere meo apud *Majestatem vestram* perfunctus, ejusdemque literis & commendatione instructus ad alios porro me contulissem. Tamen qui humanas actiones pro suo arbitratu moderatur *Deus Opt. Max.* idem etiam effecit ut ista mea peregrinatione suscepti laboris & industriæ saltem aliquis fructus extiterit; Ea enim hætenus ab *Illustissimis Germania Principibus* responsa tuli, in quibus mira quidem negotii promovendi voluntas, pietatis vero significatio præcipua elucet.

Nam quod ad causæ ipsius æquitatem attinet, ita omnibus omnium votis & calculis comprobata est, ut non parvus inde *serenissimi Regis Navarreni* famæ, & apud bonos omnes

omnes comparatæ existimationis cumulus accesserit, sed hoc unum me angit, quod, cum *Illustrissimi Germania Principes* causæ quidem istæ faveant, oculos tamen omnes in *Illustrissimum Saxoniam Electorem* conjiciant, ille vero sibi cum iis de tota re conferendum esse ducat, ne scilicet aliorum suffragia præcipere videatur, verendum sit, ne dum illi sermones cudunt, inter eas moras aliquid turbæ suboriatur, quæ totum negotium intervertat.

Præterea dum *Synodi* convocatio, foederisque inter tot disparatas *Principum* opiniones coitio, res sit per se operosa atque difficilis, & quæ nisi suo loco & tempore perfici nequeat, iusta sit etiam metuendi causa, ne quod in re *Coloniensi* accidit, idem etiam in causa graviore contingat, ut scilicet tantisper dum in foedere & *Synodo* cogenda mora trahitur, *Pontificiorum* insidiis atque ausu nefario res *Ecclesiarum* labefactentur.

Neque enim ea est conditio re-  
rum

rum tum in *Gallia*, tum in *Germania* ipsa, præsertim si *Belgicum* & *Coloniense* negotium spectemus, quæ sine maximo discrimine dilationem diutius ferre possit.

Quapropter cum omnia in præcipiti posita sunt, & in adhibendo remedio vel imprimis festinato sit opus, *Serenitatem vestram* pro muneris mei ratione obtestatam esse cupio, ut apud illustrissimos Imperii Principes, præsertim *Electores*, utrumque illud & fœderis & concilii negotium aliqua feria Legatione urgeat, partim autoritate sua, partim etiam gratia consensionem animorum, in hac re promovenda, inter ipsos conciliet, interea vero, tantisper dum illa fient, hoc etiam apud eodem agat, ut ipsorum edictis caveatur ne diversæ *Eccl. Theologi*, vel alit, mutuis, ut hætenus, convitiis se lacerent, sed *christiana* pax & fraterna concordia, intra utriusque confessionis *Ecclesias* colatur, arctioris illius (quæ a nobis quæritur) prævia conjunctionis. Quo-

Quoniam *Pontifex Romanus* per *Hispaniam* & *Guisanos Scotia Regis* adgnatos, optimi illius *Principis* animum ad se traducere conatur, & adversus *serenissimam Anglia Reginam* commovere, ut ad utriusque gentis exitium incendio illo sibi viam aperiat, cujus sane rei non obscura vidimus superiore anno vestigia, cum in *Anglia* Legatione ista fungeremur. Quamquam eam esse *serenissimi Scotia Regis* virtutem & prudentiam arbitramur, ut ejusmodi Sirenibus aures, neque se cuniculis illis oppugnari patiatur, pretium tamen operæ meæ facturum putavi, si a *Majestate vestra* summis precibus etiam contenderem, ut ad componendos hujusmodi motus, & ad molliendas *Principum* illorum iras, operam suam conferat.

Neque enim dubito quin gravissima *Regia vestra Majestatis* commonefactione, *sereniss. Scotia Regis* animus in pervidenda *Pontificiorum* versutia plane Lynceus efficiatur,

tum

tum ipse vero quam *potentissima Anglia Regina* ad pacis rationes & studia propensiores evadant.

Atque hæc quidem sunt, *serenissime Princeps*, quæ apud *Majestatem vestram* effari humanitatis vestræ & virtutis eximie singularis consideratio me compulit, cum istius *Regie pietatis*, quæ *Serenitatis vestra* præcipuum est decus, nullum insignius monumentum edi possit, quam *Ecclēsia* dissidiis profligandis, & concordia inter *Principes christianos* adversus *Antichristi Romani* dolos & versutias retinenda.

Quod ut a ceteris *Principibus* itidem fiat, & ut *Regie* virtutis æmulatione excitentur, a summo illo artifice postulo qui *Regum & Principum* corda pro arbitrio suo fingit.

Hoc unum tantum addam, *serenissime Rex*, dolere quidem mihi, quod *Majestate Comitibus* jure dicundo designatis, & gravissimis aliis rebus occupata, huc advenerim, alienissimo scilicet tempore, & quo  
Se-

94 *Epistola Henrici IV.*

*Serenitatem vestram* interpellari minime fas erat. Unde fit ut ne *Majestati vestra* molestiæ quippiam afferatur, sed animo vacuo & ab aliis curis tuto legationis meæ causæ examinentur, libenter alio (si ita *Majestati vestra* videatur) migraturus sum, atque ibi donec revocer *Serenitatis vestra* mandato commoraturus.

---

XIII.

E I D E M R E G I.

*Serenissime & Potentissime*

R E X.

CUM *Berlino* ad *Illustrissimum Electorem Saxonicum* irem, ex literis amicorum facta est mihi primum suspicio, Legationem meam quorundam calumniis apud *Imperatorem* in odium vocari; posteaquam vero  
a *Ma*



a *Majestate vestra* humanissime dimissus *Hamburgum* veni, intellexi *Casaris* mandato ad *Illustrissimum Bavaricum Ducem* misso, cautum esse ut interciperer & in custodiam conjicerer.

Sed cum utroque isto nuncio non moverer, & *Legati* personam extra omnem discriminis aleam jure gentium positam esse judicarem, quod ipse non credebam, id ad *Serenitatem vestram*, ne qua mihi temeritatis nota attribueretur, scribere non volui; ab eo tempore ex multis aliis locis, unde mihi quam optime consultum esse cupiebatur, accepi, non in *Bavariam* tantum, sed & ad alios in eandem sententiam scriptum ab *Imperatore*, cujus mandati exemplum ad me etiam perlatum est.

Qua ex re occasionem coepi ad *Majestatem vestram* hac de re scribendi, & ab ea postulandi, ut, quoniam in meo negotio & *Ecclesiarum* salus, & *serenissimi Regis Navarreni* existimatio agitur, consilium nobis  
pro

pro sua prudentia impertiri velit ;  
 quam ratione Legatio mea tuto  
 perfici possit.

At quoniam *Serenitas vestra* inter  
*Germania Principes* propter eximiam  
 dignitatem, cum prudentiæ laude  
 conjunctam, plurimum autoritatis  
 obtinet, ab ea supplex peto, ut qua  
 ratione commodissimum esse judica-  
 bit, eorum opera tuto in *Germania*  
 versari liceat, tantisper dum *Legatione*  
*mea* perfunctus fuerim, in qua  
 nihil continetur, quod vel *Imperio*  
*Germanico* fraudi esse possit, vel ad  
 cujusquam privati injuriam spectet,  
 ut ex *serenissimi Regis Navarreni*  
 mandatis intelligere potuit *Serenitas*  
*vestra*, quam ut *Deus Opt. Max.* ad  
 salutem publicam & *Ecclesia* propa-  
 gationem sospitet etiam atque etiam  
 opto.

*Brema* 8. Aprilis. 1584.

XIV.

RESPONSUM  
DANIÆ REGIS  
*ad*  
LEGATUM.

FREDERIUS II. Dei Gratia Daniæ, Norvegiæ, Vandalorum, Gotthorum Rex. Dux Slesvici, Holsatiæ, Stormariæ, ac Ditmarsiæ. Comes in Oldenburgh & Delmenhorst, Salutem cum favore nostro.

*Generose nobis sincere ac imprimis dilecte.*

Intelleximus ex literis Synceris  
tua, Legationem suam apud non-  
E . . . nul-

nullos in *Imperio Romano* criminationibus odiosis ita prægavari, ut etiam de securitate sua dubitandum, & a nobis consilium, qua ratione eam tuto expedire possit, sibi petendum existimarit.

Tamet si nobis persuasum est animo, neminem *Germanorum Augustana* præsertim confessionis, *Principem* futurum, in cujus fide, *Legatus* jure gentium debita, & ditione, *Sinceritas tua* non possit liquido acquiescere, & quandiu id ejusdem rationes ferent tuto commorari. Tamen si quid contra spem & opinionem *Romificiis furis* adversi metuum sibi judicaverit *Sinceritas tua*, & in quamcunque vel *Regnis*, vel *Ducatibus* nostris subjectam ditionem divertere eidem placuerit, sciat & tutum & gratum in ea se receptum hospitiumque habiturum esse. Nam id ipsum & causæ, & fratri nostro *Regi Navarra*, & tua quoq; *Sinceritas* nos debere profiteamur, cui  
omnem

*Reg. Gall. ad Imp. O. c.* 99

omnem gratiam Regiam clementer  
dederimus.

Dat. Scanderburgi. 11. May. 1584.

FREDERICUS.

Rex.

Generoso nobis Syngere & imprimis di-  
lecto, & Serenissimi Regis Navar-  
reni Legato, Dominio Jacobo Segar-  
rio Pardiliano.

XV.

EPISTOLA LEGATI

A D.

DANIE REGEM.

*Serenissime & Potentissime Rex.*

**L** Iteras accepi quibus Serenissi-  
mus Rex Navarrenus me ad se ac-  
cessit, quod & amici suis literis fa-  
ciunt;

E 2

ciunt;

ciunt, qui sperant meam operam  
 magis nunc promoturam in Gallis  
 quam in Germania. Constitui igitur,  
 Deo juvante, eorum voluntati &  
 desiderio parere. Sed id facere prius  
 nolui quam *Serenissimam vestram*  
*Majestatem* de meo instituto certio-  
 rem facerem, ut *Serenissima vestra*  
*Majestatis* mandatis acceptis & vo-  
 luntate cognita, fideliter ea exequar,  
 nullaue omissa occasione *Serenis-*  
*sima Majestati vestra* inserviendi te-  
 statum faciam, *Serenissimam Maje-*  
*statem vestram* sua benignitate &  
 candore eximio, me totum sibi ob-  
 strinxisse. Neque vero committam  
 unquam ut *Serenissima vestra Maje-*  
*statis* pietas & virtus singularis, nec  
 non honores & beneficia a *Ser. Maj.*  
*vestra* mihi exhibita a me oblivioni  
 tradantur (presertim vero quod *Ser.*  
*Maj. vestra* mihi sua benignitate ob-  
 tulit viam tutam in suis Regnis & Du-  
 catibus) sed quis in *Ser. Maj. vestra*  
 animi deos, & de rep. Christiana be-  
 ne merendi studium perperxi, eas  
 omni-

Reg. Gall. ad Imp. &c. : 101

omnibus in locis cum benefica *Ser. Maj. vestra* commendatione prædicatus sum, vere enim dicere possum, me *Ser. Maj. vestram* reperisse Sincero studio exoptantem ut constitutur unio & conjunctio arctior inter *Ecclēfias*, quæ excusso iugo pontificis puriores *Evangelii Religionem* amplectantur.

Quod si omnes *Germania Principes* æque propensi ad eandem rem essent, majore sane cum lætitia & fructu publico uberiore ex *Germania* discedere possem.

Ergo attento tantis meis laboribus, periculis & sumptibus non contemnendis, nondum prorsus optatus eventus respondit, tamen cum noctes diesque mecum ipse magnitudinem necessitatemque istius rei (ut inter *Evangelicos* tanta concordia exsistat, ne disjuncti consiliis & viribus, *Pontif. Rom.* & satellitum suorum furori & insatiabili libidini expositi sinus) revolve, dandam mihi operam esse existimo, ut quam primum ad

*Regem Navarrenum* pervenero, eam  
rem atque impetrem, quo alius in  
*Germaniam* mittatur, qui negotium  
a me inceptum sungenat.

*Vestrum* igitur *Ser. Maj.* submisisse  
rogo, & propter Dei gloriam ob-  
sector, ut hoc negotium sibi cordi  
& curæ esse finat, ac proterea *Al-  
tissimos Electores* adhortetur ad of-  
ficium suum faciendum, & ad hanc  
causam promovendam. Ex is enim  
pendere videntur plerique *Principes*  
quos vidi, qui alioquin satis evident-  
ter demonstrarent animum prom-  
tum, ad conjunctionem illam susci-  
piendam. Verum convertis oculis  
ad *Electores* expectant, donec hi  
officio suo fungi incipiant. Interea  
vera mora nimis longa intercedit,  
ejusque *Electio* *Track* sese deservit,  
amissa pene *Belgio* non succurritur,  
et nisi *Deus Opt. Max.* hoc malum  
avertat, *Regnum Angliæ* jam pri-  
dem eundem exitum cum *Principe*  
*Aurancio* experta & *Angliæ* funditus  
delecta esset.

At



At vereor profecto ne *Germanos* atque etiam nos nimis sero pœniteat, se neglexisse ea, quæ a me proposita sunt. Propterea *Ser. Maj. vestram* iterum atq; iterum ea qua par est reverentia obsecro, ut operi huic *sua Maj. Regia* dignissimo, fortiter & constantes incumbat, prævideo enim eventum optatum non facile secuturum, nisi *Ser. Rex* magnanimo zelo gloriæ *Dei* flagrans manum huic operi admoveat, quod si fecerit *Ser. Maj. vestra*, nomen immortale sibi apud omnes posteros comparabit, quoniam vero ex scismate illo ac dissensionibus, quæ *Germanicas Ecclesias* hætenus distraxerunt, mala pene omnia ac calamitates *Ecclesiarum Evangelicarum* originem suam duxerunt, & nisi mature provideamus, futurum tandem est, ut hoc scisma penitus illas perdat, idcirco *Ser. Maj. vestram* submisse rogo, ut egregiam navare operam pergat ad componenda perniciofa illa dissidia, quorum alio-

quin exitus intælix & calamitosus erit.

• Quandoquidem etiam verendum est, ne scintilla illa dissidii, quod jam exoritur inter *Duces Casimirum & Vircenbergicum*, propter tutelam junioris *Electoris Palatini*, & administrationem *Electoatus*, magni incendii flammam excitet, quam citra omnem dubitationem *Sathan*, *Antichristus Romanus*, eorumque aſſecclæ, magis ac magis accendere conabuntur, in perniciem *Germania*, *Seren. Maj. vestra* opus dignum erit, ut ita initia dissensionum inter istos duos *Principes* mature extinguantur, ut mutua animorum consensio inter eos coalescat.

Præterea quum *Regis Hispania & Guisianorum* artibus quædam discordiæ excitantur inter *Reginam Anglia & Scotorum Regem*, ex quibus exoriri tandem posset, non sine magno discrimine totius *Europa*, gravissimum bellum, plurimum *orbis Christiani* interest, si *Ser. Maj. vestra*

*Rag. Gall. ad Imp. &c.*      *Reg.*

*vestra* in eam curam incumberet, ut ipsius adhortationibus componerentur ista quoque dissidia, quod iam factu facillimum esset.

Videmus porro *Belgium*, & infirmitas prope *Ecclesias*, antea florentes, ad miserum & Calamitosum exitum corrueret. Epus quoque rei utinam sensus aliquis & commiseratio *Principes Germanicos* attingeret; sed imprimis deplorandum est & verendum, ne ad dedectus *Germania* pertineat, quod *Turckesius*, *Religionem Evangelicam* amplexus, nulla sibi auxilia persensit præstari, & quod *Electores* ejectus deseritur, laudem sane maximam mererentur *Evangelici Principes*, si ipsorum opera in integrum restitueretur.

De his omnibus non debui dissimulare sollicitudinem meam apud *Ser. Maj. vestram*, quam reverenter oro, ut ista æqui bonique consulat. Neque enim mirabitur *Ser. Maj. vestra*, quod in rebus ejusmodi ad omnes *Ecclesias Evangelicas*

pertinentibus, non possum non vehementer animo affici, si, quod haud dubie *Ser. Maj. vestra* facit, diligenter & accurate expendat & ponderet quanti hæc sint momenti quæ a me proponuntur, quibus nisi mature & cito remedium inveniat, metuendum certe est, ne reliqua omnia cum his amittamus. Nam dubium non est vel tandem futurum esse *Deum Opt. Max.* incuriam & negligentiam multorum, qui cum potuerint afflictis rebus remedium afferre, facere tamen istud neglexerint.

Ego quidem pia affectione animi *Principes Protestant*es de istis moner, non tam nostrarum, id est *Exterarum Ecclesiarum*, causa, quam propter *Ecclesiarum Germanicarum* salutem. Nam ipsæ quidem *Gallica, Helvetica & Anglica* adeo inter se conjunctæ sunt, ut nunquam majori concordia & consensu unitæ fuerint. Confido etiam futurum, ut, *Deo benedicente*, & spes, quas nobis

his ostendit, fortunante, in dies omnia ex votis piorum feliciter in *Galliis* cedant, ut non tam forte aliorum auxilio nostris opus sit, quam nos prompti & cupidi sumus ad communem *Ecclesiarum* in *Europa* salutem, consilia & auxilia opesque nostras conferre. Quæ dicere sane cogor propter honorem imprimis & gloriam *Dei*, cui mea omnia debere intelligo, deinde vero propter munus mihi a *Ser. Reg. Navarreno* commissum, in quo fidem & diligentiam me *Serenissima* ipsius pietati debere judico.

Cæterum graviter doleo quod facultas jam mihi non detur *Ser. Maj. vestram* coram officiosissime salutandi, & mandata *Ser. Maj. vestra* accipiendi, quæ nihilominus fideliter & diligenter executurus sum, si quæ dignabitur *Ser. Maj. vestra* mihi committere.

Sed quo minus ad *Ser. Maj. vestram* proficiscerer, me impedit & adhuc impedit temporis concessi

angustia, cum jam integri anni & duorum mensium spatium effluerit, ex quo in hac Legatione tractanda commorer. Quoniam vero fama sparsa est de defectione *Regis Navarrensi* ad *Pontificiam Religionem*, & ea ad *Ser. Maj. vestram* fortasse pervolavit: Mitto ad *Ser. Maj. vestram* extractum epistolæ, scriptæ ex *Monte Passulo* ad *Ducem Casimirim*, ex qua cognoscet *Ser. Maj. vestra* hunc rumorem falsissimum esse, & confictum ab iis qui non faventes Legationis istius negotio, suis mendaciis laudatam existimationem *Ser. Regis* lædere conantur.

Intelliget igitur *Ser. Maj. vestra*, tantum abesse ut mutarit *Religionem Evangelicam* *Rex Navarrenus*, ut *Zelus* ipsius in tuenda & conservanda *purior Religionem*, & constans ac sincera pietas ejus, magis magisque conspiciendam se præbeat. Et tamen juvat atque delectat nonnullos magni *Ordinis* per *Germaniam* viros, sinistris illis rumoribus confictis

scdis fidem adhuc tribuere, & tum suas tum aliorum aures fabellis hujusmodi pascere. Sicut non dubito *Ser. Maj. vestram*, in aliquibus hoc animadvertere potuisse; Quod minime æquum erat tam facile opinionem sinistram de optimo & piissimo Rege admittere.

Quoniam vero certò scio *Ser. Maj. vestram* a Rege Navarreno plurimum amari & officiose coli, ejusque in *Ser. Maj. vestram* affectionem esse optimam, summo opere a *Majestate vestra* contendo, ut mutuo amore ipsum complectatur, ejusque existimationem & honorem, ubi opus est, tueatur & defendat.

Postremo iterum atque iterum rogo & obtestor *Ser. Maj. vestram*, ut curæ sibi diligenter esse sinat salutem *Ecclesiarum Dei*, faveatque ipsarum conjunctioni, denique ut me quoque dignetur *Serenissima Majestas vestra*, inter eos habere, qui ipsi sunt addictissimi: Ego enim

rio      *Epistola Henrici IV.*

paratus sum quaecunque habeo vi-  
tamque ipsam pro *Serenissima Ma-*  
*jestate vestra* profundere. Interea  
&c.

*Datum Bréma. 28. Augusti. 1584.*

*In eand. fere sententiam scri-*  
*ptum est ad Electores &*  
*Ducem Julium Brunsvicen-*  
*sem.*

*Landgravium Wilhelmu.*  
*Administratorem Magde-*  
*burgensem.*

*Ducem Prussiae.*

*Ducem Pomeraniae.*

*Ducem Holsatiae.*

*Ducem Wilhelmu* *Lüne-*  
*burgensem.*

*Principem Anbaltinum.*

*Archiepiscopum Brem-*  
*sem.*

*Episcopum Halberstadien-*  
*sem.*

*Ducem Meckelburgensem.*



XVI.

RESPONSORIA  
HENRICI JULII

*Ducis Brunsvicensis & Lune-  
burgensis ad Legatum.*

HENRICUS JULIUS Dei  
Gratia Episcopus Halber-  
stadiensis, Administrator  
Mindensis, Dux Brunsvi-  
censis & Luneburgensis, &c.

*Generose Domine.*

PRæclare in eo tuo functus es mu-  
nere, nobisque fecisti gratissi-  
mum, quod tuæ Legationis statum  
nobis declaraveris. Te enim non  
præterit, quanta animi propensione,  
erga Legationem hanc, tam piâ  
&

& vere Augustam ab initio fuerimus. Sed vides quæ rapiant hominum voluntates iniqua tempora. Dolemus itaque, ac dolemus quidem ex animo, adeo illam infelicitate procedere, & te infecta re ex Germania discedere, neque satis intelligimus qua providentia, aut fato potius iniquo, illius fructu Resp. Christiana orbetur.

Laudavimus ab initio, neque laudare disistimus *Jerenissimæ Regiæ Navarreni* institutum, & provincie contendemus istud omni tempore omni loco promoveri. Sed cum arduum istud sit negotium, & Herculei prope modum laboris, ac Religionis nomine plures in dies pluresque in Germania sectæ, Hæreses & animorum dissensiones suppullulent, Imperator etiam noster se totum Catholica (quam vocant) Religioni devoverit, re ipsa experimur, pro dolor! Propter rei difficultatem, non tutum esse negotium istud, alioquin pium & Christianum, hoc tempore urgere.

re. Nos præsertim cum *Illustrissimi Electoris Saxonia* filia matrimonio (quod Deus fortunet) satis superque declaramus, quantopere *Germanicis* simul & *Gallicis Ecclesiis* cupiamus opitulari. Neque existimamus *serrenissimum Regem Navarra* defugere, quo simus in Religionem animo, nobisque persuasissimum habemus, *Serenitatem suam* in fidei nostræ confessione acquieturam.

Neque apud nos purgatione Apostasiæ, & a vera *Religione* ad idololatricam superstitionem defectionis, qua malevoli *suam Ser.* onerarent, opus erat, qui sinistris suspicionibus non tam facile aurem præbemus, cum *serenissimi Regis* vita ac morum sanctitas, heroicæ virtutes, eruditio ac singularis *Dei* timor, ita nobis cognita essent, ut leves hominum quorundam obtrectiones & calumniæ, ea non tam facile ex animo nostro eluere possunt, neque de tuo *Rege* desinemus unquam aut loqui aut sentire honorifice, quem verbis  
etiam

etiam & re tuebimur. Id *Regi* tuo ex nobis, cum omni Officiorum oblatione, summo affectu denun-  
tiaricupimus, eique omnibus votis optamus, ut *Ecclesia & reip. Chri-  
stiana* commodum, indies magis  
magisque crescat.

Istud te considerare cupimus, dum  
tempus in hac Legatione teritur, qui  
*Germanorum* sint, cum exteris præ-  
sertim nationibus & *Principibus*, in  
confederationibus incundis animi,  
quam graves deliberationes, quam  
sepe difficiles præbeant, qua etiam  
constantia semel inita fœdera tuean-  
tur, quam rem & vobis probari ve-  
reque heroicam ac *Germanicam* esse  
judicaturos non ambigimus.

Hortamur te itaque ut obfirmato  
in re ardua & legitima sis animo, &  
cum res tantillo temporis spatio,  
quod ingens tibi videtur, confici  
non possit, probamus consilium,  
quod alteri te absente, tam hone-  
stam Provinciam delegendam cen-  
ses.

Nos

Nos interea nostro, in *Rege* tuo honorando, omnique officiorum genere prosequendo, nunquam derimus officio, illique hoc tempore precamur, ut quam *Deus* ad amplissimum *Regnum* viam demonstrat, felicem illa & christiana reipublice utilem successum manifestetur, idem *Numen* obtestamur, ut vires, promptæ suæ serenitatis voluntati, sapientiam & magnanimitatem sufficiat, quibus magnam illam molem (concordiam dico inter *Evangelicos Germania Principes*) sustineat. Te vero omni benevolentia ac amore prosequimur.

Hæc interim obiter, benevola tamen, expostulatione utemur, quod nobis infatigatis per hanc nostram ditionem, atque adeo juxta *Arce* nostræ mania ad tuos contenderis.

Feceris operæ pretium, si nos serenissimo *Rege Navarra*, quo affectu

116     *Epistola Henrici IV.*  
fectu & studio cupimus commen-  
daveris.

Datæ ex arce nostra *Petersbagan*. 7.  
Septembris. 1584.

HENRICUS JULIUS

MANU S.

---

XVII.

RESPONSORIA DUCIS

HOLSATIAE

AD

HENRICUM

*Navarrae Regem.*

*Serenissime & Potentissime Rex,*  
*Domine & Consanguineæ Colende.*

**L** Iteras Regiæ vestrae serenitatis  
Neraci pridie Calendas Augusti  
supe-

superioris anni 1583. ad nos scriptas, nobilis vestra Regia Ser. Legatus Dominus Jacobus Segurinus Dominus vestra Praefectus & secreti Consilii primus, una cum exemplo mandatorum vestra Reg. Ser. ad nos itinere suo ad Regis Danica Serenitatem Dominum ac patruelem nostrum, adjunctis literis suis, curavit perfrendas.

Quae omnia a nobis reverenter atque amanter suscepta ac probe intellecta, Illustre ac praeclarum studii vestra Regia serenitatis, in conciliandis Christiana Religionis controversiis, firmatoque pacifico Ecclesiarum statu, testimonium nobis attulerunt. Ac imprimis quod Regia vestra Serenitas, gravifumtu, maximis laboribus, & periculis non exiguis, multisque aliis rerum suarum dispendiis, ex Regno & Provinciis suis, iter in Germaniam, ad Principes Augustanae Confessioni addictos, eas ob causas ante hac in animum induxerit.

Quae

Quæ certe profectio, ut successu non caruisset, ita multis rationibus optanda fuerat, quod si etiam ea felicitas atque is honos nobis obtingisset, ut tantum Hospitem in nostra domo conspicere, cumque coram colloqui, atque familiaritatem & amicitiam contrahere licuisset, nihil certe optatius, nihilque magis gratum nobis fuisset, magnæque nostræ beatitudinis parti hoc acceptum relaturi fuisset.

Quod vero *vestra Regia serenitas* ceu ex ipso cursu retracta, Deoque ita volente domi retenta fuerit, id *Ecclesiarum atque Patriæ*, publicæ tranquillitati, honori, emolumento atque usui fuisse, Deoque ob id ingentes gratias agendas, res ipsæ procul dubio fidem fecerunt. Quos fit ut acquiescere animo seramus, *vestram Regiam serenitatem* institutæ profectiois voti compotem non factam, ejus conspectus colloquiumque de *Ecclesia & reip. statu*, nobis multis ex causis fuerant *exoptanda*.



Ut autem ad mandata *vestra Serenitatis Regia*, quæ *Legato* suo ad nos perferenda dedit, deveniamus: Gratissima fuit nobis *vestra Serenitatis Regia* humanissima salutatio & gratulatio tranquillitatis, qua *Deo Opt. Max.* volente in *Ecclesia & Rep.* nostra adhuc fruimur. Optamus vicissim atque ardentibus votis precamur, ut & *vestrę Ecclesię* sint in doctrina concordēs, & *Resp.* propter harum discordiam, ita ut per multos annos contigit, intestinis bellis non concutiat.

Cui malo ut conveniens remedium adhiberi possit, merito omnes *Christiani orbis Reges & Principes* totis viribus anniti par est.

Quo præclaro studio cum *vestram Regiam Serenitatem* teneri, mandata sua planum faciant atque testentur, nemo est qui *vestra Regia serenitatis* zelum, pietatis eximium & præclarum de *Ecclesiis & rep.* benemerendi studium, non sit agnitus, plurimæque prædicaturus laude,

de, ob quod etiam nomen honor-  
que *vestra Serenitatis Regia* semper  
sine interitu manebunt.

Summam vero mandatorum *ve-*  
*stra Regia Serenitatis* eo dirigi in-  
telligimus, quod *vestra Regia Ser-*  
petit, ut una cum aliis *purioris Do-*  
*ctrina Principibus* in id incumbamus,  
quo certum firmumque foedus inter  
*Dania Regem & Anglia Reginam*  
*Religionis* ergo sanciat. Deinde ut  
*Synodus* in *Germania* indicetur, in  
qua dissidia *Ecclesiarum, Gallica,*  
*Helvetica & Germanica,* quæ pu-  
ram doctrinam profitentur, ad con-  
cordiam reduci, atque firma pax &  
tranquillitas, contra averfariorum  
vires atque impetum stabiliri possit.

Consilium sane prudentissimum,  
& non minus utile, quam, omni-  
bus circumstantiis probe & ad amuf-  
sim examinatis, necessarium. Res  
vero ardua, quæ deliberatione ma-  
tura omnium *Ordinum Augustana*  
*Confessionis* opus habet, ut recte ri-  
teque singula incantur & constitu-  
antur,

antur, nequid præpropere & immature agatur, neve quid moveatur alias quieturum, & quæ præterea tantæ molis negotio sint accommodata atque necessaria; quibus consultationibus *Sacri Imperii Electores* purioris doctrinæ autores esse oportet, cum apud hos convocandi ordines major sit dignitas, tum juris & Constitutionum Imperii adjuncta prærogativa illis suffragetur.

Hos cum *Ser. Regia Maj. vestra* jam per *Legatum* suum recte convenierit, ipsique egregiam suæ promptissimæ voluntatis spem illi fecerint, officio non defuturos omnino nobis habemus persuasum, idque tam mature ne *Ecclesia* vel *Resp.* aliquid patiantur detrimenti. Imprimis vero *Deus Opt. Max.* invocandus est atque exorandus, ut hos *vestra Regia Ser.* præclaros conatus piaque studia sua Divina benignitate secundet, foveat, atque ad exoptatum finem perducatur. *Ordines Imperii* cœptis *vestra Regia Ser.* ut confidimus bene  
E.                      volent;

122 *Epistola Henrici IV.*

volent, nosque, rebus in deliberationem deductis probe perpensis & constitutis, pro virili nihil sumus intermissuri, quod nos honori Divino, animarum saluti, ac tranquillitati Ecclesie atque Reip. debemus.

In omnibus etiam quæ *vestra* Regia Ser. grata acceptaque esse possunt, officiosa nostra obsequia *vestra* Regia Ser. officiose deferimus. *Vestram* Reg. Serenitatem Deus ad ista rerum initia feliciter exequenda & perficienda fervet incolumem.

Ex Arce Nostra Goropio 3. Idus  
Martii 1584.

*Admiratissimus & Studiosissimus.*

*Vestrae Regia Serenitatis.*

ADOLPHUS Dei gratia Rex Norve-  
gæ, Dux Slesvici, Holsteiæ, Storm-  
arum, Dithmarsie. Comes Olden-  
burgi & Delmenhorstii.

**XVIII.**

**R E S P O N S U M.**

**Serenissimi Regis Navarreni,  
&c. Legato, Generoso ac  
magnifico viro; Domino  
Jacobo Pardeliano, Domus  
Regiæ Præfecto, &c. ab Illu-  
strissimo Principe ac Domi-  
no, Domino Johanne Ge-  
orgio, Marchione Brande-  
burgensi, Sacri Romani Im-  
perii Archicamerario & E-  
lectore, in Borussia, Steti-  
ni, Pomeraniæ, Cassubio-  
rum & Vandalorum, nec  
non in Silesia Crosni Duce,  
Burgravio Norenburgensi  
& Principe Rugiæ, ad Nego-  
tia proposita datum.**

**P**ERgrata *Illustrissima Celsitudini* *sua* fuit illa *Regia Ser. vestra* per *Legatum* facta salutatio, sed magis jucundus *Illustrissima Celsitudini* fuisset adspectus & conversatio propria *Regia Ser. sua*, quam, ut ex oratione *Legati Illustrissima sua Celsitudo* intellexit, *Rex* per iter ad *Illustrissimam Celsitudinem* superiori anno destinaverat. Ea enim *Illustrissima Celsitudinis sua* observantia in amicos, ut erga eos conversationis frequentissime studio quasi perpetuo ardeat.

Sed quoniam *Regia sua Ser.* hoc visendi munus consilio & ratione gravissima distulit, ipsum illud post hac quam primum per occasionem licebit observari, *Illustrissima Celsitudo* maximopere exoptat, ut ita amicorum animi, locorum distantia remotissimi, aliquando conversatione presenti dulcissima perscui, amicitiaeque vinculo eo arctius stabiliri & confirmari queant.

Ad causam vero principalem, par-

tim literis Regiis contentam, partim vero per *Dominum Legatum Segurium* scripto propositam, quod attinet, animadvertit *sua Celsitudo*, non sine singulari animi delectatione, *Regiam Serenitatem* maximo amore & studio, erga *veram Religionem* nostrarum *Ecclesiarum* ardere, totisque viribus eo niti, ut omnium nostrarum *Ecclesiarum* unanimis stabiliatur consensus & concordia. Quod studium cum præcipue ad gloriam nominis Divini, & salutem animarum omnium, qui in *Reformatis Ecclesiis* veritatem verbi profitentur, tendat, & *Dei* & hominum remunerationem demerebitur, & *Illustrissimam suam Celsitudinem* erga *Regiam suam Serenitatem* ad quævis gratitudinis officia & studia devincit. Animadvertit autem *Illustrissima Celsitudo*, totius principalis negotii scopum potissimum duobus capitibus contineri.

Primum enim quæritur cum *Ecclesia vera nostra Religionis* in variis

regionibus sint dispersa, & tum ex insidiis *Pontificiis*, tum per controversias & discordias intestinas, jam nunc fere undique, & quidem maxime periclitentur, quæ ratio inveniri possit, ut revelata nobis divini verbi veritas ab istis dissensionibus & insidiarum procellis eximi, *Electori* quoque *Coloniensi Turckese* jam nunc fere propter agnitam veritatem bello suppresso subveniri, & pax & concordia in nostris *Ecclesiis* restitui & stabiliri possit.

In secundo Capite *Regia sua Majestas*, de salute publica *Patria* sollicitatur, rationes & consilium quærens qualiter turbæ & simultates *Gallicæ*, propter *Religionis* diversitatem potissimum exortæ, sopiri, & antiqua pax & fides in toto *Regno* recolligi & stabiliri possit.

Ad primum quod attinet, experientia, prohi Deum! satis abunde testatur, naviculam *Christi*, in nostris *Ecclesiis*, procellis hostium, & intestinis quoque infectionibus  
undi-



undique periclitari, nec esse aliquam de *Regionibus* & ditionibus commemoratis, quæ hac in re de sua non conqueratur miseria. Sanguis enim innumbrabilium nostrorum *Martyrum* testatur, quid hætenus in *Gallia*, *Anglia*, *Scotia*, *Suetia*, in *Belgiis*, *Helvetia* & aliis locis attentarit & perfecerit, tum *Pontificia* & *Jesuitarum* Audacia, tum istorum affectarum insidiæ & crudelitas.

Qualiter autem huic malo succurri possit, res divini potius quam humani consilii esse videtur. Nec *Illustrissima* sua *Celsitudo* contra hanc tyrannidem hostium aliud commodius remedium invenire potest, quam ut exemplo *Apostolorum*, omnes in vera *Religione* nostra sub *Christi* vexillo militantes, inter sese corde constanti unanimes sint, & sub crucis communibus continuis precibus *Deum* invocent, ut ipse ad sui nominis propagationem *Ecclesia* suæ & piorum tutor & defensor ex-

istere, hostesque in furore suo conturbare & confringere, pacem quoque & tranquillitatem publicam in omnibus regionibus & Provinciis stabilire & conservare velit.

Hanc *Illustrissima sua Celsitudo*, fortiolem turrim & propugnaculum nostris *Ecclesiis* esse, quam confederationes & bellorum excitationes perniciosas existimat.

Nos qui in *Germania* vivimus, quamvis ex intestinis discordiis *Theologorum* hactenus pericula & damna *Ecclesiarum* nostrarum non exigua sustinuerimus, maximam tamen partem controversiarum *Theologicarum*, singulari *Dei* consilio & beneficio, non ita ante composuimus, cui concordia plerique status *Germania* non multo ante subscripserunt, nunc porro eam amant & observant, qua fit ut jam nunc *Ecclesia* nostræ, ex gratia *Dei*, tranquilliori statu perfruantur. Quod si vestræ *Gallia* & aliarum nationum in articulo de *Cana Domini* & paucis similibus

libus, a nobis adhuc dissentientium *Ecclesia*, nostris conjungi, adeoque universalis omnium consensus in *Ecclesia* doctrina constitui posset, ea re nihil optabilius fane esset neque antiquius.

An autem in *Religione* nostra, quæ hisce temporibus absque certo capite & Governatore, potius *Poliarchia* quam *Monarchia* regitur, per *Synodum* universalem conjunctionis remedium & via quæri possit, consilio & deliberatione gravissima, & quidem omnium *Ordinum* nostræ *Religionis*, opus habet. Et quamvis novissima exempla *Germania* contestentur, *Synodorum* eventus, hoc præsentis omnium turbulentissimo seculo, ad pacem & tranquillitatem nostrarum *Ecclesiarum*, raro fuisse felices: Tamen hac in re communi, magna & gravissima, *Illustrissima* sua *Celsitudo*, sibi soli iudicium non sumit, sed causam totam ad universalem statum & *Ecclesiarum* *Germania* deliberationem & arbi-

trium transfert, qua in re, quod pro dirimendis istis nostrarum *Ecclesiarum* controversiis, & stabilienda de *Religione* concordia universalis, communiter utile esse videbitur, & *Illustrissima sua Celsitudo*, facile & suum calculum addet, suumque studium & operam pro virili non obscure contestabitur.

Et ut *Regia sua Serenitas* intelligat, hoc negotium *Illustrissima sua Celsitudini* præcipue curæ esse, constituent proximis quoque temporibus, cum *Illustrissimo Principe Domino, Domino Augusto Duce & Electore Saxonie*, & consanguineo, affine, fratre, & compatre ejus, charissimo, & aliis quibuldam vicinis *Principibus* & amicis, de articulis a *Regia sua Serenitate* nunc propositis, maxime cum animus *Regia sua Serenitatis* ad concordiam adeo sit intentus & propensus, conferre, & habita matura deliberatione statuere, quis modus agendi huic negotio possit esse commodissimus,

In

In causa quoque *Electoris Coloniensis Trucksesii*, pro deponendis furoribus bellicis & pace constituenda *Illustrissima S. Celsitudo*, molestiis & sumtibus hactenus non exiguis summum sane lapidem movit, & porro ita aget, ut *Illustrissima S. Celsitudinis* studium singulare pro salute & pace *Patria & Ecclesiarum* nostrarum *Regia sua Majestati* & cuivis non obscure manifestetur.

Qualiter autem turbæ *Gallica*, maxime propter *Religionis* dissidium exortæ, sedandæ sint, ea in re existimat *Illustrissimus Elector*, tum animum *Regis Gallici* ad pacem propensissimum, tum quoque auctoritatem *Regia sua Serenitatis*, plurimum valere & posse, nec dubium est, quæ mens & autoritas *Regis* propria virtute, & non turbulentis quorundam *Pontificiorum* persuasionibus, duceretur, *Ecclesias Gallicas*, pacemque totius *Regni*, facile salvas & incolumes esse & consistere posse.

Accedat in *Religione*, maxime in *Laicos* non scandalosos, conscientiarum & fidei libertas, nec enim *Magistratus*, cum pro salute animarum cuilibet subdito fidejussor esse nequeat, inquisitionis & coactionis jugo acerbissimo, quemque ad eam *Religionem* recte cogit, in qua salutem suam æternam non consistere subditus ipse, conscientiam suam testem habet.

Quod si in *Religione* sicuti in politicis securitas & pax publica constitueretur (sicuti ante aliquot annos aliqui *Proceres Regni* apud *Regiam Serenitatem* flagitasse dicuntur) exinde animi subditorum facillime reconciliarentur, & communis omnium subditorum magis constans erga *Regiam Serenitatem* esset fides & observantia, ex quo deinde totius gubernationis *Regni* tranquillior & foeliciorem statum sequi necesse est.

Exempla hujus rationis *Regia Serenitas* præ oculis habet, quoties de pace publica *Religionis* in *S. R. ꝑ.* cogitat,

cogitat, quam salutifera enim hæc publica constitutio *Patriæ* nostræ communi hætenus fuerit, vix verbis exprimi potest. Quod si quisque *Religionem* inquisitionibus, vi vel armis propagare tentasset, parietes urbium solos residuos haberemus, *Rem* vero *Publicam* *Rom.* bello & cæde disturbatam penitus amisissetmus.

Atque hæc sunt quæ *Illustrissimus Elector* pro pace & salute *Potentissimi Regni Gallie* (cui *Illustrissima S. Celsitudo*, ejusque tota progenies domus *Brandenburgica* semper bene voluit) apprime conducere existimat, ea omnia tamen ad sanius consilium, & arbitrium *Regiæ S. Serenitatis* reducens. Et quod restat, *Illustrissima sua Celsitudo*, tum toti *Regno Gallie*, tum quoque *Regis Navarreni Serenitate*, perpetuam pacem, & omnium rerum faustos & foelices successus ex animo exoptat. *Regiæ suæ Serenitati*, simul omnia studia & officia, quæ virtus

134 *Epistola Henrici IV.*

in verum amicum requirit, studiose  
& observanter deferens, *Dominum-*  
*que Legatum Illustrissima sua Celsi-*  
*tudo*, singulari favore & gratia com-  
plectitur.

Actum & sigillo Electoris confirmatum  
*Colonia ad Spream. 24. die men-*  
*sis Januarii 1584.*

*Mans propria scripta.*

---

XIX.

R E S P O N S O R I A  
P R U S S I Æ D U C I S

*ad*

H E N R I C U M

*Navarra Regem.*

*Serenissime Rex, Potentissime*  
*Princeps consanguineo & amico*  
*charissimo.*

S. R. D. V. post officiorum & stu-  
dii nostri propensissimi commen-  
da-



dationem, diuturnam valetudinem & rerum omnium successus prosperrimos ex animo precamur, Consanguinee & amice colendissime. Misit ad nos Generosus *D. Jacobus Segurius Pardelianus R. D. V.* per *Germaniam Legatus, R. D. V.* litteras, at quæ ex mandato ejusdem coram referre debuisset, in scriptis luculenter nobis exposuit.

Et si vero nihil nobis accidere gratius potuisset, quam eundem *D. Segurium* coram videre, audire atque complecti, nec non de *R. D. V.* incolumitate & statu ex eo cognoscere, temporis tamen ejusque occupationibus condonandum arbitramur, quod ab hoc congressu & colloquio exclusi simus.

Multo vero nobis jucundius fuisset ipsam *R. D. V.* quæ suum de *Germania & purioris Religionis* in ea *Principibus* visendis, anni superioris institutum nobis significavit, salvam & incolumem conspiceret, eidemque hospitalitatis & benevolentiae

lentiæ nostræ studia coram comprobare. Quod ut (si ita *Deus* volet) aliquando sine R. D. V. molestia, & cum utilitate publica fiat precamur.

Capita vero Legationis per D. *Segurium* transmissa quod attinet, R. D. V. summo opere gratulamur, nobis vero & *reip. christiana* gaudeamus, & R. D. V. præclaram voluntatem & pietatis studium libenter agnoscimus, quod non solum de concordia & doctrinæ consensu in *Ecclesia Christi* instituendo atque conservando pias cogitationes suscipiat, verum etiam (quod hucusque a multis desideratum fuit) ex sacrarum literarum fontibus controversias dirimi, & se suosque informari cupiat, simul etiam pro sua prudentia atque vigilantia, ostensis dissensionum incommodis, & detectis communium adversariorum machinationibus, de justa defensione *reip.* & *Ecclesia* admoneat, & consilia salutaria proponat, ad eam etiam rem

rem operam, auxilia, opes, viresque suas conferre promittat.

Quas R. D.V. pias curas & conatus nemo est qui non laudet, nos vero summopere commendamus, & merito facimus maximi, qui non saltem a prima ætate puriori *Evangelii Doctrina* imbuti eam serio amplexi sumus, & pro ea defendenda, & ab omnibus corruptelis vindicanda, pro virium nostrarum modulo, non levem huc usque curam sustinuimus, idque majorum nostrorum exemplo, & *Divi parentis* nostri vestigiis insistentes, qui cum paucis aliis *Imperii Principibus*, *Religionem Christianam*, pio Zelo professus, ejus subscriptam formulam *Divo Carolo Quinto Imperatori Augusta Vindelicorum Anno 1530.* obtulit, & in ea tuenda constantiam, usque ad vitæ finem adhibuit. Eoque nunc magis cum cæteris *Princ. Evang. Doctr.* profitentibus laborandum nobis existimamus, ut a majoribus accepta, facta tecta nobis conservemus, & ad posteritatem transmittamus. Ad

138 *Epistola Henrici IV.*

Ad *Ecclesia* autem & *reip. christi-  
ana* conservationem scilicet atque  
defensionem, plurimum momenti  
& roboris asserre, pulcherrimum  
illud *Christiana Societatis* vinculum  
concordiam, & in puritate doctrinae  
consensum vireque unitas, contra  
communem hostem plus quam di-  
stractas, valere non ignoramus. Quae  
vero fata eam, quam multum boni in  
*Ecclesiis* desiderant & optant, con-  
cordiam atque consensum nobis in-  
viderint, hucusque satis non liquet.

Sed non tantopere fata, quam  
obstinata quorundam in tuendis  
opinionibus ingenia, utrinque huic  
rei obstitisse arbitramur. Nobis huc  
usque in hac temporum injuria satis  
fuit, pacem in ditionem nostrarum  
*Ecclesiis* colere, & unanimi prae-  
cipuum *Augustanae Confessionis Prin-  
cipium* consensu gaudere, fore ali-  
quando confisi, ut qui eundem  
*Christum* & in idem baptisma profi-  
temur, in unum *Ecclesia* corpus,  
*Dei* adspirante numine, coalesca-  
mus;

mus; plurimum itaque nos confor-  
latur, & in spem bonam erigit,  
quod *R. D. V. Sc & Ecclesias Galli-*  
*canas* eisque confines, desiderio re-  
conciliationis, & instituendæ cum  
*Ecclesia* nostris concordie teneri,  
& ut in placida sententiarum colla-  
tione ex *verbo divine*, quod omnium  
dogmatum est regula, meliorz do-  
ceantur, facile laturas ostendit.  
Quod si utrinque factum ante hac  
fuisset, nunquam tot opinionum  
diversarum inter se contentionibus  
scissa, & hostium direptionibus &  
crudelitati objecta fuisset *Ecclesia*,  
nec de defensione ejus tantopere  
nunc laboraremus.

Quæ vero presentibus malis &  
periculis, ex animorum dissensio-  
ne, & *Pontificiorum* non obscura  
machinatione, utrique *Ecclesia* im-  
pendentibus, medicina & remedia  
adhibenda sunt, et si ea quæ a *R. D. V.*  
de *Synodi generali* indicenda, silen-  
tio interim imponendo, charitate  
colenda, & viribus in unum cogen-  
dis

dis prudenter proponuntur, uti salutaria ita necessaria judicamus. Tamen cum hæc consilia universos *Imperii Electores & Principes* puritatem *Evangelii* profitentes propius concernunt, difficile est mentem & sententiam nostram *R. D. V.* ea de re separatim exponere.

Non committemus itaque quia primo quoque tempore, cum *Illustrissimis Electoribus*, & aliis nostræ *Religionis Principibus* cognatis nostris, communicato consilio, ita *R. V. D.* aliquando respondeamus, ut nos pacis & concordie studiosos & veritatis amantes, & ad propagandam communem *Ecclesia & reip.* salutem, propensissimos esse semperque fuisse intelligat.

Quicquid interim operæ, studii, voluntatis, ad salutem communem conservandam, & *Ragiam* quoque *Serenitatem vestram* pro parte virili *Imperii Rom.* tuendam, tum etiam ad *Christianissimum Gallie Regem* ad pacis & tranquillitatis promissa observan-

servantiam cohortandum conferre  
pōterimus, non patiemur quicquam  
in nobis desiderari.

Atque hæc hoc tempore ad literas  
& Legationis capita R. D. V. respon-  
dere visum fuit, cui diuturnam va-  
letudinem, & in *vera Religione* con-  
stantiam, gubernationem tranquil-  
lam, rerumque successus prosperri-  
mos ex animo precamur.

*Regiomonte in Prussia die 1.  
Martii. 1584.*

## GEORGIUS FREDERICUS.

Serenissimo Principi a Domino, Domi-  
no Henrico Navarrorum Regi, &c.  
Dei gratia Fredericus Marchio Bran-  
denburgensis in Prussia, Pomerania,  
Cassubiorum & Sclavorum, nec non  
Silesia Carnovia, &c. Dux, Burgra-  
vius Norimbergensis ac Rugia Prin-  
ceps.

X X.

E J U S D E M  
P R U S S I Æ D U C I S

*ad.*

LEGATUM RESPONSORIA:

*Generose Domine Sincere  
nobis dilecte.*

*L*itteras Sync. V. die 25. Ianuarii  
Berlini datas, cum iis quæ S. V.  
nomine Ser. Navarra Regis cognati  
nostri charissimi, coram referre no-  
bis debuit ad diem 16. Februarii ac-  
cepimus, & non sine voluptate le-  
gimus, quod ex iis Regis optimi sin-  
gulare erga rempubl. christianam stu-  
dium, & erga nos etiam fiduciam,  
cum summa benevolentia conjun-  
ctam, non obscure intelligeremus.

Quia



Quia vero nihil nobis optatius fuisset quam S. V. non tantum ex literis Regis sui, verum etiam aliorum sermonibus, ob singularem virtutem, & prudentiam tantopere nobis commendatam coram videre, audire & benevolentia nostra complecti, ut cum ea de presenti, non tantum *Serenissimi Navarra Regis*, sed etiam *Gallie* statu sermones conferre liceret, nos ab hoc conventu & colloquio temporis iniquitate, & S. V. gravioribus occupationibus, exclusos esse summopere dolemus.

Quæ vero ad S. V. Legationis capita S. R. *Dni*. hoc tempore responderimus S. V. ex exemplo responsi nostri, quod hisce adjunximus facile cognoscet, eoque hæc breviores damus, planeque confidimus R. D. ipsius si non ipso facto, at propensissimæ voluntatis argumento satisfactam esse.

Quod reliquum est a S. V. amanter petimus, ut cum primum ad Regem ac Dominum suum salva & in-

144      *Epistola Henrici IV.*

columis ( quod precamur ) reversa fuerit , eidem R. D. præter salutem nostram, studium & benevolentiam nostram, in omni officiorum genere paratissimam esse deferat: *Vestra* quoque *Sinceritati* favorem & propensissimam voluntatem nostram in rebus omnibus pollicemur , quam prosperrime valere & foelicem vivere optamus.

*Regimento in Prussia, die 1. Martii.*  
*Anno 1584.*

GEORGIUS FREDERICUS  
Dux Prussiae.

*Manu propria S.*

XXI.

RESPONSORIA  
HOLSATIÆ DUCIS  
AD  
LEGATUM.

*Nobilis & Clarissime  
Domine Legate.*

SCRIPTUM vestrum cum adjunctis  
literis *Serenissimi Navarrorum  
Regis &c. Domini & consanguinei  
nostri plurimum colendi*: Nec non  
exemplum mandatorum, quæ sua  
*Regia Serenitas* vobis ad nos perfe-  
renda dedit, accepimus. Uti vero  
*sua Regia Serenitatis* benevolentia,  
& concepta de nobis fiducia, per-  
grata & quam jucunda fuit, ita ma-  
gnitudo rerum vobis commissarum,  
G que

quæ nobis per arduæ viſe ſunt, haud parum ſollicitos nos reddidit.

Quid enim magis arduum & difficile, quam diſſidentes de fide & religione inter *Gallicas & Germanicas Eccleſias* jamque tere inveteratas ſententias conciliare & in unam redigere conſonantiam? Quid difficilius *Eccleſia & Rebus publ.* pacem firmam & tranquillitatem parare, quod ſine maxima vi pecuniarum, ſumtibusque haud ferendis fieri non poſſe ſuperiorum confœderationum exempla, eorumque exitus nos docent.

Quid ergo noſtrum in auſpiciendis recte, perficiendisque ſœliciter tantis rebus fit iudicium, candide & ſincere ad ſuam *Regiam Maieſtatem* reſcripſimus, vobisque literas obſignatas tranſmittimus cum exemplo, ut de eo vobis quoque conſtare poſſit, petimusque ut eas literas ſua *Regia Serenitati* perſeratis, ſimul atque gratiis actis pro humaniſſima ſua *Regia Serenitatis* ſalutatione ſignificetis, Nos ſua *Regia Serenitati* omnia noſtra

nostra officiosa grataque officia deferre & polliceri.

*Dem*, qui sedulo invocandus & orandus est, hos *sua Regia Serenitatis* conatus pro sua divina voluntate regat, ac ita secundet, ut vergant in honorem & gloriam sui nominis, atque *Ecclesia & Rerumpub.* salutiferam concordiam & tranquillitatem, cessentque hi gravissimi tumultus & laniens, quibus *Florentissimum Gall. regnum* jam per multos annos exagitur.

Quod attinet ad eam scripti vestri partem, qua vestra continetur excusatio, ob nos, in hac vestra protectione ad *serenissimum Dania Regem Dominum & Patruelem nostrum* non conventos. Ea minime opus fuerat, nihil enim eo ipso admissum, quam quod postea exiguo tempore interjecto gravissimorum nostrorum negotiorum causa, ex consueta nostra *Aula Gottorpiana* alio abeundum fuerit. Quo fit ut vestra præsentia in ipsius reditu nobis frui, pluribusque

148 *Epistola Henrici IV.*

de rebus vestre fidei commissis coram colloqui non liceat. *Deo Opt. Max.* vos commendamus, faustumque & felicem in Patriam ad suos reditum vobis precamur. Bene valete.

Ex arce nostra *Chilonio* Idibus  
Martii. Anno 1584.

A D O L P H U S

Dei gratia Heres Norvegiæ, Dux  
Schlesvici, Holsatiæ, Stormariæ  
Dithmarsiciæque, Comes Olden-  
burgi & Delmenhorstii.

XXII.

LEGATI EPISTOLA

AD

D U C E M

H O L S A T I C U M

*Illustrissime Princeps.*

*C*elsitudinis vestra Responſionem  
ad Sereniffimum Regem Navarre-  
num una cum literis ad me ſcriptis  
hodierna die accepi. Quamquam  
autem in iſtis humanitatis eximie,  
erga me non merentem, ſingula-  
re ſpecimen elucet, unde volu-  
ptatis non minimum ad me redit:  
tamen longe maiorem ex illius re-  
ſponſionis exemplo oblectationem  
cepi, in quo egregiæ cujuſdam at-  
que indelebilis pietatis ſignificatio,  
ita non paſſim modo interlita, ſed ad

vivum expressa est, atque exsculpta, ut nihil supra fieri possit. Qua igitur propensione atque animi alacritate scriptum illud perlegi, ea demum ad *Serenissimum Navarrenum Regem* primo quoque tempore missurus sum. Neque dubito quin ipsius & omnium bonorum studis, adeo sancta & *Christiano Principe* digna *Celsitudinis vestra* responsio comprobetur. Hoc unum ad solidam atque absolutam animi mei voluptatem mihi deest, quod neque *Illustrissima Celsitudinis vestra* colloquio antea frui licuerit, neque ut hoc mihi deinceps liceat, propter gravissimas *Celsitudinis V.* occupationes, & susceptam alio profectionem spero, quocumque tamen *Celsitudo V.* viam instituat, & quibuscumque tandem negotiis implicetur, eam votis meis & precibus ad *Deum Opt. Max.* prosequar, & ab ipso petam, ut & itineris auspiciem, & actionum ducem se praebeat.

Superest, *Illustrissime Princeps*,  
ut



ut quemadmodum *Legationis* mea  
causa sapientissimo *Celsitudinis V.*  
Judicio probata est, ita etiam ejus-  
dem autoritate atque industria pro-  
moveatur. Quod quoniam *Celsitu-*  
*do V.* ledulo facturam se recipit, non  
hoc fieri postulo, sed quasi præsti-  
tum sit, jam gratias ago, cum eam  
esse *Celsitudinis V.* in pollicitis con-  
stantiam atque fidem intellexerim,  
quam a *Principe* eximio atque omni-  
um virtutum genere prædico expe-  
ctari vix par est.

Hoc unum ad istius facti com-  
mendationem addam, difficile qui-  
dem esse concordie in *Ecclesia* san-  
ciendæ, & depellendi *Romani lupi*  
institutum, sed summæ cujusdam &  
perfectæ virtutis nullum præclarius  
edi posse monumentum. Quod quo-  
niam summis etiam *Principibus*, &  
heroica quadam animi præstantia  
excellentibus dignum est, a *Celsitu-*  
*dine V.* pro viribus susceptum iri  
omnino existimo. Hos vero cona-  
tus optimos & cum pietate conjun-

152      *Epistola Henrici IV.*

Optimissimos *Deus* ille provehet, a quo  
ut *Celsitudinem* V. salvam & incol-  
lumem tueatur etiam atque etiam  
peto.

*Flensburga. 16. Martii. 1534.*

---

XXIII.

E P I S T O L A  
H E N R I C I R E G I S  
A D  
S U E C. R E G E M.

*Serenissime Rex, Consanguinee  
& frater Charissime.*

CUM a multis jam annis *Ecclesia*  
*nostræ bello Gallico Civili* jactata  
fuerint, neque tantisper dum pre-  
merentur, ab iis defendendis va-  
cuum ullum tempus nobis conce-  
sum fuerit, summo cum mærore  
nostro

nostro factum est, ut plerosque  
**Principes**, præsertim longo itineris  
 intervallo diffitos, neque per *Lega-*  
*tos*, neque per literas salutaverimus;  
 inter eos porro *Serenitatem vestram*  
 extitisse eo magis dolemus, quod  
 singularem ipsius virtutem, erudi-  
 tionem, magnanimitatem & hæ-  
 roicos ingenii corporisque dotes,  
 præsertim vero pietatem, & eximi-  
 um *Religionis* studium prædicant,  
 quicumque istinc ad nos quotidie  
 commigrare solent. Quam primum  
 quidem compositis bellorum no-  
 strorum fluctibus & restituta pace  
 aliquid nobis otii contigit, decre-  
 veramus anno superiori in *Angliam*  
 & *Scotiam* navigare, atque inde  
 illustratis orę *Belgica* finibus, *Daniam*  
 & *Germaniam* petere, iisque pera-  
 gratis ad *Serenitatem vestram* con-  
 tendere, partim ut tot Piorum &  
 præstantium *Regum* & *Principum*, qui  
*Religionem puram* amplectuntur, ju-  
 cundissima consuetudine frueremur,  
 & cum iis firmam & perpetuam

amicitiam *Nodis Gordianis*nectere-  
mus, partim etiam ut de *Synodo Ec-*  
*clesiarum* totius *Europa* convocanda  
ad componendas nostras in Capiti-  
bus fidei dissensiones & de fœdere  
adversus *Antichristum Rom.* coeun-  
do cum ipsis ageremur.

Verum cum in stabilienda pace  
nostra *Gallia*, multę, ut fit, quotidie  
difficultates orirentur, quę nos vel  
invitos in *Gallia* detinuerunt, & ab  
instituto propemodum itinere re-  
vocarunt. Quod proximum fuit *De-*  
*tinum Seguriam Pardilianum* inte-  
riori nostro Consilio præfectum ad  
*Reges & Principes* illos, præsertim  
vero ad *Serenitatem vestram* cum  
mandatis nostris mittere decrevi-  
mus, ut de *Synodo & fœdere*, aliis-  
que rebus ad *Ecclesia* salutem perti-  
nentibus, serio cum iis ageret.

Ac quoniam ea est *Serenitatis ve-*  
*stra* pietas, ut promovenda *Dei*  
gloria nihil carius habeat, ea porro  
autoritas, ut si ad *Certamina Ecclesia*  
componenda, & retundendos *Pom-*  
*rificis*

*visis Rom.* Conatus accingatur, multos alios *Prim.* virtutis & industrię sue imitatores atque emulos habitura sit. Idcirco ab illa petimus, & uti prima est illa nostra a *Serenitate vestra* postulatio, prima literę scriptę, ita omni prece & contentione flagitamus, ut negotium *Legato* nostro commissum totis viribus provehat, ceteris *Principibus* pręeat, aut si serius ad ipsam, propter itineris longinquitatem mandata nostra perfe- rantur, saltem, quod ab aliis *Reg. & Principibus* hoc in negotio statutum fuerit, suo ipsa voto comprobet, & se ad ipsorum fœdera & deliberationes adjungat. Quod si fecerit, tum & de *Ecclēsia Dei* optime merebitur & Officiū *Regis* munere dignissimum præstabit, & immortalem nominis famam ad posteros consequetur.

Nos vero præclarissimo illo facinore perpetuo sibi obstringet *Serenitas vestra*, quam perinde ut parentem qua deest observantia colimus

156     *Epistola Henrici IV.*

& debitis semper honoribus prosequemur.

Quod ad Statum præsertim *Ecclesiarum* nostrarum & totius *Gallie*, ejus significandi *Segurii* nostro partes erunt. Interea *Deum Opt. Max.* oro ut *Serenitatem vestram Regiam* in *Ecclesia* salutem sospitem & incolumem diutissime servet.

*Navaræ* 15. Julii Anno. 1583.

---

## XXIV.

### EPISTOLA LEGATI

A D

REGEM SUECIÆ.

*Serenissime ac Potentissime*  
Rex.

**N**ONUS agitur mensis, ex quo a  
*Serenissimo Rege Navarreno* ad  
varios

varios *Principes* missus legatione mea fungor, neque tamen ad huc licuit, per occupationes illas quæ me apud *Illustrissimos Germania Principes* in obeundo isto mûnere detinent, ad *R. V. S.* contendere; licet hoc in mandatis meis vel imprimis contineatur, cum itaque hætenus *Serenissimi Regis Navarreni* literas ad *Majestatem vestram* scriptas mittere decrevi, una cum iis mandatis, ex quorum formula cum *Illustrissimis Germania Principibus* de pace & tranquillitate *Ecclsiarum* egi, ex quibus *Regia V. Serenitas* partim eximiam *Serenissimi Regis Navarreni* erga se voluntatem & singularem benevolentiam perspiciet: partim etiam incredibile quoddam *Ecclesia Dei* propagandæ studium ac desiderium.

Quoniam autem uti a me prædictum est, nondum *Germania* finibus mihi excedere licet, & cum *Serenitate vestra* coram agere, hoc primum ipsius pace summis precibus postulo,

ut Regia Majestas V. Senerissimo Re-  
gi Navarreno per literas respondeat,  
quas ad ipsius Majestatem e Vestigio  
missurus sum, ut aliqua hac in parte  
diligentiae meae constet fides, de-  
inde ut in illa Concordia, quam in-  
ter Ecclesias quarimus, & in foedere  
quod expetimus, quae sit Serenissi-  
matis vestrae sententia, quae voluntas  
literis illis, aut alio scripti generis  
Serenissimo Regi Navarreno aperire  
velit, & ad me literarum exemplum  
mitti jubere.

Quod si causa ista Majestati ve-  
strae probabitur, uti Seren. Regina  
Angliae, Sereniss. Ragi Dania & aliis  
plerisque Electoribus, & Principibus  
Germaniae probata est, tum hoc etiam  
simplici oratione peto, ut illius pro-  
movendae rationes & Consilia no-  
bis pro singulari sua pietate & sapi-  
entia Serenitas vestra aperiat.

Quam primum vero legatione  
mea in Germania perfunctus fuero,  
ad Serenitatem vestram convolabo,  
ut fufius ipsi Serenissimi Regis Na-  
varreni



*varreni* voluntatem & postulata explicem, ex mandatorum scilicet eorum ratione & serie, quæ prolixiora ad *Majestatem V.* mihi tradita sunt. Quæ cum in adventum usque meum in vestram *Aulam* retinere decreverim, interea tamen literas Regias & nostras ad *Serenitatem V.* mittendas esse censei, ut certissima essent pignora instituendę profectionis meæ ad *Serenitatem vestram*, quam ut *Deus Opt. Max.* ad *Ecclesie* suæ Salutem incolumem diutissime fervet, ardentibus votis exopto.

*Hamburga* 26. Martii 1594.

X X V.

R E S P O N S O R I A  
S U E C. R E G I S.

A D

*Nav. R. literas.*

JOHANNES tertius Dei Gra-  
tia Suecorum, Gothorum,  
Vandalorum, &c. Rex. Ma-  
gnus Princeps Finlandiæ,  
Caroliæ, Ingriæ & Soloni-  
ciæ, Ruthenorum, Estro-  
niæque, Dux &c. Serenissimo  
Principi, HENRICO ea-  
dem gratia, Regi Navarræ,  
Principi Bearnæ, Duci Vin-  
docinensi, Belmontensi, Al-  
bretensi, Nemorensi, &c.  
Comite Foxensi Armeniaco,  
Ru-

Ruthenenſi, Petragarorienſi,  
&c. Vicecomiti Lemorjcenſi,  
&c. Salutem omnium-  
que rerum foeliciffimum in-  
crementum.

*Sereniſſime Princeps, frater  
& Conſanguinee Chariffime.*

**R** Edditaſunt nobis 4. nonas  
*Maji.* anni currentis literæ Se-  
renitatis *V.* quas ad nos ejuſdem *Le-*  
*gatus Jacobus Segurins*, una cum  
exemplo ſuæ instructionis ex *Hamb-*  
*burga* jam pridem tranſmiſit, ex qui-  
bus cognovimus *V. Serenitatem* ſum-  
mopere deſiderare religionis Con-  
cordiam, eamque fieri poſſe, per  
generalem quandam *Synodum*, ſibi  
habere perſuaſum, quocirca *Sere-*  
*nitas V.* conventum tam noſtrorum,  
quam aliorum *Regum* viciniorum,  
*Germaniaque Principum legatorum*  
in loco deputato, ſtato tempore ad  
cam

eam rem perficiendam sedulo requirit. Et quamvis nihil est magis optandum, quam ut veræ & Orthodoxæ religionis utique restaurandæ, & ab universis & singulis, qui Christiano nomine appellari volunt peræque colendæ consilium iniretur, conspiratis in hanc unicam animis omnium, quorum plerique ita jam distracti sunt, ut ne simulacrum quidem veræ religionis retinere videantur, tamen quoniam omnes sectæ in mundo doctrinam suam verbo divino sultam esse eodemque defendi gloriantur & contendunt, usque dum quot quot religionis opiniones irrepsierint, tot diversas sacramentarum interpretationes subinde exortas esse, omnibus propemodum constat, non videmus, quæ ratione hæc religionis Concordia possit expectari, siquidem nullus quisquam, licet gravissime erraverit, tantæ sit temeritatis aut impudentiæ, ut citra scripturam se loqui fateatur, nam licet sacra scriptura &

*verbum Dei* semper unum, una ejusdemque vera & genuina sit Interpretatio, eam tamen singuli errantium vel indoctissimo suo ingenio subjicere & suo captu ad infinitos sensus torquere non verentur.

Quamobrem nisi huic malo remedium aliquod possit inveniri, vix existimamus fieri posse, ut qui in sacrarum literarum interpretatione, diversis modis ambigant, tot discrepantium hominum dogmata conciliare & concordare possint. Quod ad nos attinet, optamus ex animo, ut *Vera Religio* jam denuo posset succrescere, & resarciri, explosis omnibus omnium opinionibus adulterinis, cui rei & nos quantum fieri licebit, non sumus defuturi. De Synodo autem vel fœdere nihil possumus polliceri, tum quod tempus conventionis, tum etiam de personis & conditionibus utrimque & de loco nos lateat.

*Deum Opt. Max.* interim ardentibus votis comprecantes, ut quicquid

quid hujus futurum sit, ad *vera Ecclesia* restitutionem ac gloriam & honorem *Dei* perpetuum cedat, si præterea *vestra Serenitati* ulla in re grata officia præstare possumus, erimus semper propensissimi. *Deus Opt. Max. Serenitatem V. in Florenti Regni sui statu salvam & incolumen diutissime servet.*

Datum in Arce Nostra Arosiensi 25.  
die Mensis Maji, Anno Christi.  
1584. Regni vero nostri, 16.

*Serenitatis vestrae benevolus Frater*

JOHANNES R. S.

JOHANNES III.

Dei Gratia Suecorum, Gothorum, Vandalorum, &c. Rex, Magnus Princeps Finlandiæ, Caroliæ, Ingridiæ & Soloniæ, Ruthendorum Esterniæque Livoniæ, &c. Dux.

XXVI.

EPISTOLA  
NAVARRENI REGIS

A D

CAROL. SUDERM.

D. Sueciæ Heredem.

*Illustrissime Princeps Consang.  
& Amice charissime.*

**P**OSTEAquam regnum Gallicum per  
multos jam annos misere dire-  
ptum, a bellis tandem civilibus con-  
quievit, decreveramus, idque anno  
superiori, Navigationem in Angliam  
& Scotiam instituere atque inde in  
Belgium, Germaniam, Daniam &  
Sueciam, partim ut serenissimos ple-  
rosque

rosque *Reges*, & *illustrissimos Principes*, quorum opera emendata religio defenditur, conveniremus ac cum iis amicitiam firmaremus, partim ut de controversiis illis in re fidei componendis ageremus, quæ ambitione quorundam *Theologorum Ecclesiarum* puriores undique misere vexant, partim denique ut *Pontificis* dolos, & perditos adversus *Ecclesiam Dei* conatus *illustrissimorum Principum* oculis subjiceremus ac cum iis de foedere contra vim *Antichristi* illius coeundo verba faceremus.

Verum cum in pace *Gallica* constituenda difficultates quædam subinde exorientes, nobis sæpius ad perfectionem istam accinctis & paratis remoram injecerint, quod ipsi præstare non potuimus, id ut per alium fieret, statim operam dedimus. *Dominum* itaque *Segurium Pardelianum* interiori nostro *Consilio Præfectum* ad serenissimos illarum *Regionum Reges* & *illustrissimos Principes* ablegavimus,



mus, eique potestatem fecimus cum  
iis agendi de gravissimis illis & con-  
cordiæ & fœderis instituendi ne-  
gotiis.

Cum autem *Celsitudinis vestra*  
summam esse prudentiam, & exi-  
miam virtutem intelleximus, impri-  
mis vero *religionis* & pietatis studium  
singulare. Idcirco eidem *Segurio* no-  
stro mandavimus, tum ut sinceram  
nostram & minime fucatam amici-  
tiam & benevolentiam erga *Celsitu-  
dinem vestram* aperiret, tum etiam  
ut de legationis suæ causis cum *Cel-  
situdine vestra* ex mandati sui formu-  
la serio ageret, postularetque, ut  
negotium istud *Ecclesia Dei* perutile  
& prorsus necessarium totis viribus  
præsertim apud *serenissimum Regem  
Suecia Celsitudo vestra* promoveat.  
Quod quoniam propter istam pieta-  
tem, qua cæteris plerisque præstat,  
a *Celsitudine vestra* exoratum iri con-  
fidimus, quæ vero desunt Epistolæ  
nostræ *Dominus Segurius* industria  
sua pro muneris ratione explicabit,  
literis

literis istis finem imponemus , si prius officia nostra omnia *Celsitudini vestra* detulerimus ac *Deum* oraverimus , ut *Celsitudinem vestram* ad *Ecclesiam* salutem diutissime incolumem ferveret.

*Veraci. 25. Julii 1583.*

---

## XXVII.

### EPISTOLA LEGATI

ad eundem

SUDERM. DUCEM.

*Illustrissime Princeps.*

**C**Um a serenissimo Rege Navarreno ad illustrissimos Germania Principes ablegatus fuerim , & inde ad serenissimum Regem Suecia & *Celsitudinem vestram* ire iussus , neque tamen

tamen adhuc eo contendere potuerim, propter varias occupationes, quas in administranda legatione mearum ipsarum difficultates & momenta pariunt, operæ pretium fore judicavi, si tum ad *serenissimum Regem Suecia*, tum ad *Celsitudinem vestram Serenissimi Regis Navarreni* literas & mandati illius formulam mitterem, ex qua cum *illustrissimis Germaniæ Principibus* haftenus egi, ut ea re optimam *Ser. ipsius* erga *Eccl.* voluntatem *Celsitudo vestra* cognosceret, & ad promovendum pium hoc & *christ. negotiū* totis ipsa viribus incumberet.

Quoniam autem ea est *Celsit. V.* tum pietas erga *Deum*, tum inter homines autoritas, ut si causæ isti faveat (quod omnes boni sperant) nullum illustrius ad emulationē aliorum excitandam edi possit exemplum. Ideirco a *Celsitudine V.* peto, ut tantisper, dum legatione mea in *Germania* defungor, & ad profectionem in *Sueciam* accingor, quid animi sui sit in hoc toto negotio, aperire velit, &

ad serenissimum Regem Navarrenam  
rescribere. Quod si fecerit *Celsitudo*  
*V.* & rem ipsam approbarit, uti ab  
omnibus fere *Germania Principibus*,  
qui vera *Religioni* favent, præsertim  
ab *Electoribus Saxonico & Brande-*  
*burgico* approbata est, non dubito  
quin aliorum *Principum* animi ad  
amplectendam & procurandam in  
*Ecclesia Dei* concordiam, & retun-  
dendos *Romani Antich.* conatus, pro-  
pensiores & alacriores reddantur.

Interea tantisper dum a *Celsitudine*  
*V.* abesse cogor, quam tamen primo  
quoque tempore invisere ex manda-  
tis serenissimi Regis Navarreni de-  
crevi, A Deo Opt. Max. petam, ut  
illustrissimam *Celsitudinem V.* ad no-  
minis suis gloriam & *Ecclesia* salu-  
tem diutissime incolumem servet.

*Hamburgæ. 26. Martii 1584.*

*Is non respondit sed pollicitus est*  
*se missurum responsum Lube-*  
*cam ad Marcum Merves*  
*Civem Lubecensem.*

XXVIII.

E P I S T O L A  
H E N R I C I R E G I S  
A D  
A U G U S T U M

*Saxoniae Electorem.*

CUM nos ab ineunte ætate purioris doctrinæ rudimentis imbuti succenderit mira quædam & pene incredibilis cupiditas *Principes* eos invisendi, quorum opera *Dominus* ad propagandam nominis sui gloriam usus esset. Tum vero *Illustrissimos* illos *Germania* *Proceres* conveniendos semper existimavimus; *Princeps Illustrissime*, apud quos primum veritas, veluti e densissimis tenebris quibus obscurata jam dudum fuit emergerat. Cujus deside-

rii nostri, una cum ætate & religione studio adolescentis eo progressus fuerat, anno superiore, impetus, ut ceteris omnibus posthabitis in animum induceremus nos itineri tam longo, tamque laborioso committere, nisi *Deus* injecta veluti manu nos festinantes properantesque domum revocasset. Nam cum videremus, judicarentque omnes pii ob nostram absentiam plus detrimenti longe *Ecclesias*, quæ *Christi* auspiciis in *Galliis* sunt collectæ passuras esse, quam peregrinatio illa nostra posset afferre commodi: Paruimus virorum bonorum & prudentium consiliis, ad eaque aut sananda, quæ curatione indigerent, aut confirmanda, quæ labascere animum adjunximus, consiliaque omnia nostra contulimus.

Quibus enim bellorum ætibus in scopulos abrepta fuerit universa *Gallia*, ut parum abfuerit a naufragio, quibus etiam nunc periculis subjecta sit, *Celsitudini vestrae* satis  
super-

superque cognitum esse non dubitamus, cui malo ut resisteremus & nefariis perditorum hominum, novisque rebus studentium consiliis obviam iremus, aliquot annos, quibus civilibus bellis agitata fuit *Gallia*, nostræque ditionis *Provincia*, in *Galliis* substitimus, nec vero levioribus de causis modo subsistere cogimur, ut malum imminens toto *Regno*, quantum autoritate apud omnes *Ordines*, gratia vero apud *Regem* pollemus, ab ipsis *Gallia* cervicibus avertatur.

Et si enim de voluntate *Regis Christianissimi* ad tranquillitatem propensa, ejusque erga nos studio dubitare nefas putamus, suspecta tamen est nobis, nec immerito, cum multorum Principum, qui salutem suam in aliorum exordio locant, proclivis ad turbandum libido, tum maxime *Romani Pontificis* animus, qui nullum ad usq; tempus lapidem non movit, ut quietem *Regni* florentissimi turbet, in easque nos omnes

conjiciat angustias , ut nunquam eluctari possimus.

Porro cum duo essent , quæ nos ad hoc iter suscipiendum impellerent : prius quidem ut jucunda *vestra Celsitudinis* præsentia frueremur , prudentissimumq; ipsius judicium de confirmanda & stabilienda pace *Gallica* consuleremus. Posterius vero ut de communibus omnium *Europa Ecclesiarum* periculis consilia conferremus. Hæc cum ipsi coram præstare non possimus , existimamus non abs re futurum si per *Legatos* id faceremus. Nequẽ sane alia fuit *Dominici Segurii ad Celsitudinem vestram* mittendi ratio , cujus nos hominis , honestissimo & nobilissimo loco nati , eam tum in nostris , tum in *Ecclesiarum* rebus administrandis , *religionem* & incorruptam fidem perspeximus , ut eum in familiæ nostræ *præfectum* elegerimus , sanctiorique nostro consilio moderatorem adhibuerimus. Et licet ejus absentiam , neque nostræ , neque *Reipublicæ*



*blica* ratio pateretur: Istius tamen *Legationis* onus ei committendum duximus, ut de nostro erga vos propensissimo studio *Celsitudinem vestram* certiolem faceret, & gratularetur vobis foelicem rerum vestrarum statum & *Ecclesiarum* quæ sunt in ditionibus vestris tranquillitatem, simul etiam ut nostris verbis *Celsitudinem vestram* rogaret, ut consilium nobis impertiri dignetur in rebus dubiis, maxime vero qua ratione & via judicat *Celsitudinem vestram* in *Ecclesiis* nostris providere posse, ut a bellis civilibus immunes, tranquille & pacate sub *potentissimi Principis Regis Galliarum Imperio* vitam *Christianis* dignam possint degere.

Postremo ut rogaemus *vestram Celsitudinem*, quantum autoritate & consilio potest (potest autem plurimum:) tantum apud *Regem Christianissimum* literis suis satagat, ut *Regius* ejus *animus* jam dudum ad pacem fovendam propensissimus, in tam sancto & *Reipublica Christiana*:

necessario proposito magis ac magis confirmetur.

Quoniam autem omnium eorum interest, multoque magis *Principum*, qui repurgatam a superstitionibus *religionem* sectantur, ut quo arctioribus, *religionis* scilicet, vinculis sunt obligati, eo major inter eos sit amicitiae necessitudo & benevolentiae nexus, quem ea quae concilandae restat inter nostros dissensio opinionum abrumpere non debet, cum in praecipuis doctrinae articulis conveniat, communisque habeamus adversarios, qui aequae nos omnes hostili odio persequantur. Hoc etiam a *Celsitudine vestra* petimus, ut pro sua autoritate, qua apud reliquos *Ordines Imperii* pollet, proque excellenti sua prudentia hoc conari velit, ut omnibus vestigiis quaeratur, & si fieri possit, stabiliatur concordia & unanimus in doctrina consensus, in quo solo positum est, adversus hostium, qui *Pontifici Romano* serviunt, insidias & conatus, tutum  
&

& salutare præsidium, *vestram* autem *Celsitudinem* existimavimus diligentius esse interpellandam, cum propter suam inter reliquos *Princ.* eminentem, & veluti e speculo constitutam auctoritatem, tum vero quoniam non dubitamus, quin ille *Princeps* in quibus ditionibus veluti in fecundo fundo primum radices egerit *pura religio*, ad ea quæ ad *Dei gloriam* & *Ecclesiarum* incolumitatem spectarent, omnem sponte navaturus esset operam summamque adhibiturus esset diligentiam, ut exemplar ceteris *Principibus* veri pastoris prebiturus.

Cæterum de nobis id sibi persua-  
deat, nos omni officio & studio ad  
*vestra Celsitudini* obtemperandum,  
& ad publicam utilitatem procuran-  
dam, tuendam & fovendam fore  
semper paratissimos. Cætera ex no-  
stro *legato Celsitudo vestra* intelligere  
non gravabitur, cui ut fides adhibea-  
tur, a vobis etiam atque etiam peti-  
mus. *Deum Opt. Max. &c.*

## XXIX.

M A N D A T A  
L E G A T O D A T A ,

ex quorum

F O R M U L A

C U M

SAXONIÆ ELECTORE

*agat.*

**D**ominus Segurius Pardilianus Illustriſſimum Principem ac Dominum, Dominum Augustum Saxonia Ducem sacri Romani Imperii Electorem, & Archimarescallum, nostris verbis officiosissime salutabit, benevolentiam erga ipsum nostram, eximium amorem & observantiam testabitur, desideriumque illud exponet,

net, quo sub initium superioris anni tenebamur ad peragrandam scilicet *Germaniam* & cum *illustrissimo illo Principe* amicitiam firmandam, quem de *republ. christiana* optime meritum esse novimus, cui profectio, cum exorientes subinde barbarum suspiciones adversarentur, & instar commorandi causas innecterent, se a nobis ablegatum fuisse significabit, ut quæ superius dicta sunt indicaret, atque labantem & propemodum afflictum *Ecclesia christiana* statum ipsius oculis subiceret, præsertim vero de quærendis dissensionum nostrorum remediis, & constituendo *Ecclesiarum* unanimi consensu consilia communicaret.

Exponet igitur imprimis quanto pere necessaria sit inter *Principes* & reliquos *Ordines* eidem *religionis* cultui deditos concordia, & quantum ex intestinis nostris de doctrina dissidiis periculi contrahitur *Ecclesiis*, unde & ipsis in medio fene cursu remora injecta, & infirmis ad ver-

ritatem properantibus impingendi occasio præbita sit.

Hujus mali fontem atque adeo autores a nobis non inquiri, quod sine nostro dolore & eorum pudore fieri nequeat, cum satis superque constet, perspecta morbi natura, probos omnes viros vulnere remedium expetere, quod & reperire utilius sit & vero facilius; quam de procellarum illarum autoribus convenire.

Cuiuslibet *christiana fidei* rudimentis imbuto notum esse nostrum in præcipuis doctrinæ Capitibus consensum, præsertim in gratuita peccatorum remissione, per *Christi* sanguinem *æterni Dei Filii*, & unius generis humani *Mediatoris* omnibus in ipsum credentibus parta, unde fit ut iisdem rationum & argumentorum telis *Antichristi Romani* præstigias & errores oppugnemus, in ipsoque adeo *Cænæ* negotio, de quo præcipua disceptatio est, de *Sacramenti* substantia conveniamus, cum  
nemo

nemo sit, qui se verum *corpus Christi* in *Eucharistia* assumere diffiteatur. Cum itaque nulla super sit controversia, nisi in ipso percipiendi modo & præsentiæ ratione, intolerandum prorsus videri, ut in quærendo modo nullum plane modum adhibeamus, omnem contra excedamus.

*Pontificios* longe majus prudentiæ (ne dicam charitatis) documentum edidisse, qui ante bellum ipsis indictum a summo illo *sanctæ memoriæ Luthero*, capitalibus inter se, ob eundem articulum odii flagrant, adeo ut *Scholastici* interpretes, in duodecim ferme discrepantes, aut contrarias distraherentur sententias, tanta videlicet animorum contentione & pertinacia, ut nemo de concepta opinione decedere vellet, quemadmodum in *Lombardi*, *Thoma*, *Scoti*, *Durandi*, *Pici*, *Bonaventura*, & aliorum monumentis videre est, qui se cum multis ictibus antea jugularent, artibus tandem & *Pontificum* autoritate, majori cum otio

nobis exitium moliri cupientium, compressa sunt ejusmodi dissidia, quod ut a nobis vel hostium exemplo in controversia longe minus acerba fieret, tanto præsertim imminente ex dissensionibus illis incendio, nondum exorari potuimus.

Ad hujus morbi curationem, *Ecclesiam* illam priscam, nobis facem prætulisse, cum in similibus controversiis, ut secessionibus & schismatibus occasionem precideret, nihil prius haberet, nec antiquius *Synodorum* indictione, quæ scilicet infinitis prope vulneribus remedium attulerunt.

Majorum igitur more ab *Illustrissimo Saxonia Principe Duce* postulare nos, & per omnia sacra obtestari, ut apud se pro sua prudentia, & propensissimo in *Dei* gloriam studio expendat, an *Ecclesia & reipub. christiana* expediat, ad dijudicandas controversias nostras universalem instauratarum totius *Europæ Ecclesiarum Synodum* haberi, ea scilicet  
lege



lege ut ad Conventum illum, de controversis inter nos Capitibus referatur, & possint accurata disceptatione (expensis omnium sententiis) dissensiones dirimi.

Quod si hujus *Concili*i indictionem e re *christiana* (uti existimamus) esse putet, ab eodem *Illustrissimo Principe* flagitare nos & omni contentione petere, ut quam primum illud convocari curet, & cum reliquis *Imperii Principibus & Ordinibus* hac de re diligenter agat.

Quoniam autem hujus morbi medicinx moram attulerunt procellæ illæ, quibus jactantur *Ecclesia* multis *Europa* locis, partim bello petita, partim crucem experta, unde fit ut laborantibus illis, tetrum hoc vulnus, eorum importuna contentione, & ambitiosis disputationibus subinde recrudescat, quorum muneris erat ulcus ipsum adhibitis acopis mitigare. Eoque denique acerbitatis profecta sint partium studia, ut  
se

se præjudicatis sententiis mutuo damnaverint, & ab *Ecclesia* communione ( suo quidem iudicio ) exturbarint. Quod læviendi genus ejusmodi videtur, ut præsentiori remedio egeat, neque sit ipsius in futuram *Synodum* differenda curatio, discriminis istius depellendi gratia, quod & *Verbum Domini* ludibrio & ipsius *Ecclesiam* direptioni exposuit; *Illustrissimum Saxonia Ducem* rogabit idem *Dominus Segurius*, ut tantisper dum paratur generalis illa *Synodus* curationem istam sibi prævertendam suscipiat, quæ duplici ratione commodissime absolvi possit. Altera quidem si omnium utriusque professionis *Ecclesiarum* controversiæ ad *Synodum* dijudicandæ referantur, neque cuiquam privatim in aliarum fraudem & præjudicium quicquam interea statuere liceat: Altera vero si acerbis illis contentionibus, quibus hætenus & verbis inter se rixati sunt *Theologi* & scriptis, silentio tandem finis imponatur, ut ejusmodi

modi disputationibus explosis, *christiana charitas* & animorum fraterna conjunctio revocetur. Quod quidem *Serenissimus Rex Navarra*, ab *Ecclesiis Gallicis* (a quibus hac de re rogatus est) tam suo quam ipsarum nomine bona fide præstitum iri spondet.

Quod autem ad *Synodum* illam attinet, hæc etiam *Illustrissimo Electori Segurinus* noster sedulo significabit, nos cum de ista *legatione* mittenda cogitavimus, ad *Ecclesia* pacem & tranquillitatem adeo necessaria mentis oculos statim in optimum illum *Principem* defixisse, cujus scilicet prudentia freti, & summa illa qua pollet apud reliquos *Imperii Ordines* gratia & autoritate, sed præsertim singulari pietate, & ingenii dexteritate, concordiam illam, quam inter *Ecclesias* querimus, omnibus vestigiis indagari, & tandem obtineri posse censuimus. Hoc enim videri *Saxonia* familiæ fatum, aut potius summo *Dei* beneficio peculiare

culiare ornamentum, ut quemadmodum ex ea primi illi *Ecclesiarum Vindices*, & ipsarum libertatis adversus *Tyrannidem Pontificiam* assertores extiterunt, ita etiam ab eadem familia monstrum illud funestum diffensionis jugulari debeat. Et concordia inter *Ecclesias* sanciri, sine qua in acerbissimam servitutem relapsuræ videntur.

Nulla vero ratione infelicissimum illud de *Cæna Domini* dissidium, melius & facilius nostro quidem iudicio sanari posse, quam si vetusto etiam ab *Apostolicis* temporibus repetito more *Synodus* habeatur. Quod quoniam *Illustrissimi Electoris Augusti* ductu atque auspicio potissimum confici potest, orare nos iterum, ut tam pio & salutari operi manum admoveat, & oblatam de *Ecclesia* bene merendi occasionem arripiat, neve hoc decus & pietati suæ debitum & singulari familiæ Privilegio, sibi de manibus eripiat.

Non

Non esse nos ea pervicacia, aut in tuendis nostris opinionibus tenacitate, ut si *concilium* ineatur meliora monentibus fidem abrogare velimus. Imo paratos esse omnium animos ad concordiam ineundam, & ea dogmata suscipienda, quæ verbo *Dei* consentanea futura sunt.

Quos nos alii *Zwinglianos*, alii *Calvinistas*, *Sacramentarios* plerique vocant, perperam id quidem fieri, & nullo nostro merito, cum in *Christi* solius verba juraverimus, nullius Sententiæ addicti, nisi quatenus veteris & novi fœderis doctrinæ congruit, quod si ab ullius mortalis nomine adoptanda nobis esset appellatio, potiori utique jure *Lutheranos* vocatum iri, cujus sane nominis invidia & odio cum laborarent *Galli*, infiniti prope per sexaginta annos cæsi, æquuleis admoti, & omni genere crudelitatis extorti, præclarum *Doctrinæ Christianæ* quam a *Luthero* primum acceperant, testimonium ediderunt, & sanguine  
suo

suo per *Dei* gratiam obsignarunt, ut vere a nobis asseri possit, plures popemodum *Martyres*, quos *Lutheranos* tunc temporis vocabant, *Galliam* edidisse, quam reliquas omnes totius *Europa* Regiones.

*Lutherum* ab *Ecclésiis Gallicis* ut ipsarum in *Christo* parentem agnosci, quod illius ministerio veritas primum e latebris eruta sit: Ejus vero doctrinam & eruditionem adeo a nostris amari & suspici, ut unum illum, repetita ab *Apostolorum* seculo memoria fuisse existimarent, qui scriptis suis & laboribus plurimum *Ecclésia* contulerit.

Qui nostro seculo florent, & *Helveticam* sive *Gallicam* confessionem tuentur, acerbius quidem & odiosius infelicissimam illam de *Cena Domini* disputationem attigisse, sed ex aliis plerosque hac etiam culpa non carere. Verum non decere nos, propter unius aut alterius acerbitatem, perpetuis inter nos dissensionibus.

nibus flagrare, & *Ecclesias* integras privatorum odio pregravari.

Plerisque in *Germania* præsertim in e vulgo ita de *Gallicarum Ecclesiarum* doctrina persuasum esse, quasi erronea sit, & qualibet heresi vel etiam *Pontificia* longe deterior, quam re nobis injuriam insignem fieri putamus, & aliis plerisque nationibus exteris. Unde fit ut palam quales simus testari cupiamus, & si erremus ex verbo *Dei* doceri.

Controversiam de *Cæna Domini* non adeo difficilem ut *Synodo* dirimi nequeat, duobus potissimum argumentis colligi. Prius est, quod cum tria sint quæ in hoc negotio spectentur, *Symbolum* scilicet, res exhibita, & fructus quem inde percipimus, in tribus illis omnino inter nos conveniat, fatemur enim omnes panem & vinum esse *Symbola*, corpus & Sanguinem *Domini* rem exhibitam, fructum vero istum cum *Paulo* statuimus ut fractio panis & vini sit *corporis & Sanguinis Christi communicatio*. Quod

Quod autem ad perceptionis modum (in quo hæremus) supernaturalem eum esse & spirituales omnes etiam fatentur. Sed dum arcanum illum & ineffabilem modum nimis anxie non nulli querunt, plagas illas disputationum & controversiarum infœlices nobis pertexuerunt. Hac vero de re minus sollicitos nos esse debere, vel ipsius *Lutheri* testimonium admonet, qui in *Epistola ad Helveticas Civitates*, se de modo laborare negat, dum de præsentia constat.

Alterum argumentum est, quod nunquam illius dissensionis concordia serio quæsitæ est, quin *Dominus Christiano* illi conatui benedixerit, ut ex colloquio *Lutheri & Zwinglii* anno 1529. & triennali illo 1536. 1537. & 1538. apparet, quorum utroque inter primarios *Theologos, Ecclesiasque Germanicas & Helveticas* concordia sancita est, & de *Cæna* negotio consensus in formulam redactus, utriusque partis subscriptione comprobata. Nam



Nam quod ab illa pace & *Ecclesiarum* concordia, utrimque postea discessum est, importuna quorundam acerbitate mœrente (ut fertur) ipso *Luthero* & bonis omnibus factum est, quod ne denuo contingat (si conciliatio inter nos instituaturs), *Principum* autoritate & *Magistratum* officio præstari potest. Cum sit eorum muneris, ejusmodi contentionibus, litem ex lite ferentibus, obviam ire, e quibus ut plurimum, discordiæ facile oriuntur, edificationis vero ad *Ecclesiam* nihil; cum igitur dissidii istius conciliatio, res sit uti nobis quidem videtur & per se facilis, & omnium judicio *Ecclesie Christiane* pernecessaria. Hujus vero conficiendæ spes omnis & expectatio, in *Illustrissimo Saxonia Duce* reposita, a cujus voto & exemplo, hac præsertim in re alios *Germania Principes & Ordines* pendere ferunt, optimum illum *Principem* & de *Ecclesia* tot nominibus benemeritum hortabitur *Segurum* noster,

ut auctoritatem sibi a *Deo* concreditam, ad componendas exitiales illas dissensiones conferat, neve præclarissimis suis titulis, longe Augustius, & ad omnem posteritatis memoriam diuturnius nomen pacificatoris *Ecclesiarum* deesse patiatur.

Quoniam autem frustra pacem domi quærimus, nisi externos illos communis adversarii *Pontificis Rom.* conatus, & apertas in perniciem nostram insidias depellamus: Idcirco artes illas & nefarias *Antichristi* coitiones *Illustrissimo Duci* optime notas significabit, quibus veritatis lucem filius tenebrarum extinguere nititur.

Monebit igitur imprimis, quotquot per *Hispaniam & Italiam* in suspensionem emendatę religionis veniunt, eos omnes *Cruci* subditos. *Antichristi Rom. Tyrannidem* & inquisitionis atrocitatem & sævitiam experiri.

*In Gallia, Concilii Tridentini promul-*

mulgationem & *Inquisitionis* constitutionem a legato *Pontificis* adversus *Senatus* intercessionem, & *Ecclesia Gallicana* libertates urgeri.

*Jesuitarum* artibus *Anglorum* animos ad defectionem sæpe numero impulsos, ut nisi faces illæ sapientissimo *Regina* consilio extinctæ fuissent, clandestini illi coitus & nefariæ conjurationes in ipsius caput, & *Regni* perniciem erupturæ viderentur.

Quod ad *Scotos* attinet iis artibus *Serenissimi Regis* animus a *Pontificis* sæpe numero tentatus est, quibus nisi *Principis optimi*, & a teneris annis *Christiana* pietate imbuti laudabilis indoles, & *sapientissima Angliæ Regina* consilia obstitissent, bellum inter *Angliam* & *Scotiam* non sine summo *Ecclesiarum* utriusque *Regionis* discrimine & *Pontificis Romani* voluptate exarsurum fuerit.

*Belgarum* vero profligatæ res & ab omni exterorum auxilio imparatissimæ, prementibus *Hispanorum* copiis, & in dies crescentibus impa-

res brevi collapsuræ videntur, certo scilicet florentissimarum *Eccl. Pont. crudelitati* subigendarum excidio.

In *Helvetia* porro *portenti illius Romani* largitionibus & versutia, & turbulentissimis *Jesuitarum* concionibus, incendia belli civilis promodum excitata sunt, ut scilicet *Bernates emendata religionis* cultores *Sabaudia Ducis*, in eos ex composito irrupturi, armis obruerentur.

*Suecorum* autem *Ecclesiæ* restitutis in *Suecia* Ritibus *Pontificiis*, & *Jesuitis* intima *Regni* penetralia pervadentibus in assiduo metu & dubitatione versantur, ut scilicet stellionum illorum fraudibus, aliquid tandem in perniciem suam statuatur. Quamquam hoc sibi de sapientissimo *Suecorum Rege* boni omnes pollicentur, ut brevi locustarum illarum versutias sit perspecturus & *Regni sui* finibus exacturus.

*Moscovitarum* vero *Religio* quantum a ritibus *Romanis* discrepet omnibus perspectum est. At *Pontifex Ro-*

*Romanus* dum se pacis arbitrum inter illos & *Polonum* gerit, hoc sibi ex illarum nationum odio compendium quærere voluit, ut *Moscovitam* suæ *Tyrannidi* & cultui subjiceret. Quod ab eo tandem impetratum ferunt. Hoc sane constat, hunc unicum scopum illi propositum fuisse.

Quod ad *Germaniam* ipsam spectat, in qua potentissimorum *Principum* cura & pietate, tutissima *Ecclesiis* præbita sunt hospitia, nihil non *Pontifex* molitus est, ut tranquillitatem illam & *Alcedonia* conturbaret; Quod sane apertius est, quam ut longiori explicatione indigeat.

In tractu vero *Coloniensi*, eas nuper adversus *Illustrissimum Electorem* tragædias excitavit, quorum *Calastrophæ*, nisi in caput suum depellatur, in totius *Germania* perniciem exituram sperat.

Ex iis satis constat, nullam totius orbis *Regionem*, cui *verbum Divinum* illuceat, intentatam relinqui, omnesque illius *Monstri* vires & co-

natus ad extinguendam *Evangelii* lucem conferri. Quod ut facilius fiat, *Principum* eorum, qui superstitionem & *Idolatriam* fovent conventum ordinatum sive *Senatum*, per ipsorum *Legatos* *Rome* nuper conflavit, in quo, præside ipso *Pontifice*, de firmanda & propaganda *Tyrannide Romana* delendisque per orbem *Christianum Ecclesiis*, seria & quotidiana disceptatione agitur.

Quæ omnia, cum a nobis diuturna cogitatione versarentur, *Illustrissimum Saxonie Ducem* nobis compellendum putavimus ac per eundem *D. Segurium* exhortandum, ut (quod *reip. Christiana* ac totius *Ecclesie* amplificationi cedat) conjunctionem aliquam animorum & consiliorum inter potentissimam *Anglia Reginam* & *Serenissimum Regem Dania* ac *Illustrissimos Germania Principes* institui curet; &, si res ita ferat, societatem auxiliorum, non ad inferendum quidem *Pontifici Romano* bellum, sed ad propulsiandam  
col-

collatis operis & communicatis consiliis injuriam, ne separatim, ut hactenus, adversus tot inimicorum conjunctas *Pontificum* autoritate consultationes, & conatus congregiamur, & sejunctis atque separatis consiliis rem administremis, & adversariorum illa mole, alii post alios obruamur, ac dum singuli pugnamus, vincamur tandem universi. Huic porro societati, nos ipsi nostrosque omnes lubenter adjuncturi sumus, ac fortunas omnes vitamque adeo ipsam (si opus sit) in publicam utilitatem, ad propagandam *Dei* gloriam profusuri.

Porro cum singulare quodam & immortali *Dei* beneficio duo jam *Archiepiscopi Colonenses* ab illa *Antichristi Romani Tyrannide* defecerint, & vindicatum a superstitionibus *religionem* amplexi sint; qua re nihil ad amplificandam *Evangelii* lucem, vel ad proferendos *Ecclesiarum fines* & ad *Imperii* statum in bonorum & vere piorum favorem

componendum, propter eximiam *Electoralis* dignitatem, utilius optari potuit, temporis autem calamitate, & afflictis *Ecclesie* rebus effectum est, ut *Illustrissimus Hermanus* dignitate sua & fortunis exutus, in optima causa succubuërit; *Illustrissimum electorem Saxonicum* idem D. Segurius hortabitur, ut de defendendo *Illustrissimo Principe Domino Trucksesio Electorali* dignitate insigni, & religionis vinculo sibi conjuncto, propter *Dei* nomen ab hostibus impetito, apud reliquos *Germanie Principes & Ordines* agat, ne scilicet hanc notam foelicissimo suo sæculo inuri patiatur, ut *Sacri Romani Imperii Electorem, Pontifici Romano*, e dignitate sua exturbare, & miseris modis vexare liceat, alium vero sibi additum pro suo arbitrato substituere.

Omnium porro animos ab eventu *Coloniensis* belli suspensos, cui si secundus, & ex piorum voto contingerit exitus, optima bonorum omnium



mnium animi expectatione erigentur. Sin & egregius ille *Princeps* destitutus, & *augustissima Septemviralis dignitas Pontificis Romani* ludibrio & libidini exposita fuerit, bonorum omnium animi concident, & aduersariorum crescet audacia, cæteros vero tum *Electores*, tum *Inferiorum Ordinum Principes*, quibus nondum illuxit *veritas Evangelica*, a simili instituto infelicitissimum exemplum absterrebit, neque fortassis unquam tam oportuna dabitur occasio, constituendæ ex eorum votis & rationibus *reipub.* quorum interest emendatam & puram *religionem* quam tutissimo loco esse, ac *Pontificis* artes & autoritatem, ab *Imperii* finibus procul arceri.

Quoniam autem novimus, quanti sit ponderis & momenti negotium illud *Coloniense*, quamvis ab istius belli finibus & crepitu longo itineris intervallo diffiti simus, & alioquin diuturno belli civilis *Gallici* labore & expensis pœne exhausti. Quamvis

denique pacis publicæ beneficio in otio & tranquillitate cum dignitate vitam degere possimus. Tamen eidem *D. Segurio*, gemmarum, pecuniarum, & supellectilis aureæ vim aliquam non aspernendam credidimus, quam scilicet in *Germaniam* asportet, & aliquo tuto loco deponat, ut ex usu *Ecclesiarum*, præsertim *Coloniensium*, ac pro ut occasio postulabit, insumatur, si modo *Illustrissimi Germania Principes* in fœderis illius consortium, & consiliorum societatem convenire velint, ac eorum unusque, pro facultatibus suis, ad causam communem symbolum suum conferat. Quod si ab illis præstetur, non modo pecuniam illam & supellectilem, sed reliquas omnes facultates & fortunas nostras, atque adeo vitam ipsam, in salutem *Ecclesiarum* parati sumus impendere. Quod *Illustrissimo Saxonie Duci Dominus Segurius* significabit. Et ut earum rerum omnium, quæ hoc scripto continentur rationes  
matura

matura deliberatione iniri possint, ab *istius Celsitudine* postulabit, ut conventum aliquem in *Germania* haberi, & de communi *Illustrissimorum Principum* consensu, curet, & diem ab ipsis præscribi, quo *Serenissima Anglia Regina* & *Serenissimi Regis Dania legati*, una cum *Illustrissimorum Germania Principum legatis* adesse possint, cui etiam conventui per *legatos* nostros minime defuturi sumus.

Porro hoc etiam *Illustrissimo Electori* nostro nomine significari cupimus, non frustra, neque temere a nobis ineunte superiore anno susceptum fuisse *Germania* perlustrandæ institutum ut concordia & conjunctionis alicujus rationes quæreremus, cum in utraque illa *Ecclesiarum* salutem & incolumitatem (quæ nobis suprema lex esse debet) verti agnoscant omnes, absque illis vero servari non posse adversus *Antichristi* molitiones, nemo sanæ mentis putet. Utriusque vero negotii perficiendi

spem omnem in *Illustrissimo Electore* constitutam esse, ad quem velut ad cynosuram naute, ita omnes tum *Imperii Principes*, tum exteri oculos referunt, & sine quo nihil harum rerum recte confici posse censent. Rogare nos igitur & per *Dei* nomen obsecrare, perque ipsius & nostrorum omnium salutem, cum *Ecclesia* prosperitate conjunctam, ut universam *Ecclesiam Christianam*, in summo discrimine, fidem *Illustrissimi Principis* obtestantem, amplecti velit, & e mediis dissensionum fluctibus eruere. Sic vero apud se cogitet, latissimum quidem esse virtutis ipsius & pietatis campum, uberiores vero *religionis* & pietatis exercendæ materiam atque legetem nullam esse, quam in hoc negotio, quod si *Illustrissimi Electoris* auctoritate promoveatur, non dubitare nos quin omnium bonorum certatim studia & vota hoc præclarissimo facto promeriturus sit, & *Dei* benedictionem certissimam & amplissimam experiturus.

X X X.

X X X.

R E S P O N S U M.

Quod Serenissimi & Potentissimi Principis ac Domini Henrici Regis Navarreni, &c. Legatus generosus & nobilis D. JACOBUS Segurius Regiæ domus præfectus & Princeps interioris Consilii ab Illustrissimo Principe ac Domino Domino Augusto Duce Saxonix, &c. Domino nostro Clementissimo ad Serenitatem Regiam perferendum tulit.

*Serenissimo Regi Navarreno, Illustrissimus Saxonix Dux Elector, pro egregia singularis erga se benevolentix significatione gratias offi-*

ciose & amanter agit, ac *Serenitatis ejus Regia* amorem mutuum, obsequium, operas & omnia *Navarreni nominis* studiosissimi *Principis* officia prolixè pollicetur. Idque etiam præsentì declaraturus erat, si profectiōne in *Germaniam* suscepta in ditione *Illustrissima excelsitatis ejus Serenissimus Rex* pervenisset, etsi enim tantum *Principem*, parum magnifico hospitio, neque ita splendide & laute, ut *pro dignate Regia* par est, accipere forte potuisset, tamen non dubitat in voluntate & observantia *Excelsitatis suæ Serenitatem Regiam*, pro bonitate naturæ plane acquieturam fuisse.

Ut autem propositum instituti itineris *Germanici* summum *Serenitatis Regia* erga rem *Christianam* studium ostendit, ita ejus profectiōnis commutata ratio, eximiam pietatem in *Patriam* testatur. Hinc enim non minus *Serenitatem ejus Regiam*, de pace domi prudenter conservanda sollicitam esse perspicuum fit.

Quo

Quo in genere etſi *Illuſtriſſimus Saxonia Dux Elector* libenter fate-  
tur, non ſe tantum videre, quantum  
*Rex Prudentiſſimus* proſpicit, tamen  
ut poſtulationi & voluntati Regia  
morem gerat, de cogenda Docto-  
rum *repurgata religionis* veritatem  
proſitentium *Synodo*, ea quę hoc tem-  
pore ſibi in mentem veniunt, ſim-  
plici, aperto & optimo animo mo-  
nere placuit, non quod *piſſimi Regis*  
conſilium aſpernetur, aut in re tanti  
momenti quicquam præſcribat;  
ſed ut conſiderandi etiam amplius de  
negotio hoc arduo occaſionem præ-  
beat, multas enim & varias difficul-  
tates *Illuſtriſſima eius Celſitudo* ſciens  
ſilentio præterit, quę *Synodo* ejusmodi  
congregandæ poſſe objici videntur,  
ac tantummodo in *Hiſtoriam Con-  
ſilii Niceni* primi illius, quod reliquis  
ſanctius eſt habitum, intueri & ho-  
minum atque controverſiarum illius  
temporis conditionem, varietatem,  
agendi modum, rationem & exitum  
expendere, eaque omnia, cum præ-

senti rerum statu componere volens, ancipiti cogitatione distrahitur, an ejusmodi *Synodus*, qualem cupimus congregari omnino possit, & ut maxime possit, an conventum hunc *Ecclesiasticum* finis ille quem expetimus sit consecuturus.

Fuit sane unicus illo sæculo *Imperator Constantinus Magnus*, cui totus *Christianorum* orbis paruit, ita ut in convocanda *Synodo* minus fuerit impedimenti & in coercenda hominum contentiosorum petulantia ea potestas, quam declinare & evitare nemo posset. Quamquam autem congregatio illa omnium præcipui nominis *Episcoporum* expeditior, & definitio rei controversæ propter *Autoritatem Imperatoriam* successit felicius, tamen neque satis firma, neque talis *Ecclesiæ* pax contigit, ut non etiam adhuc vivente ipso *Constantino* certamina & rixæ *Episcoporum*, ita periculose recrudescerent, ut ad infirmum *Canones Nicenos Episcopi* multi *Antiochia*



*chia* convenirent, & huic *Synodo* contrarium *Concilium Sardis* coiret, cui deinde conventus *Philippensis* opponeretur, re, *Synodorum* multiplicitum, sibi invicem adversantium, acerbissimis altercationibus eo usque exagitata, ut *Pholimi* tandem impius error nasceretur, & *Constantio Imperatore* necessitas ad indicendum *Concilium Sarminiense* offerretur in quo & *Nicena* & *Sardica Synodi* pia decreta labefactata & tres *Christiana* fidei formulæ præscriptæ fuerunt: quæ non modo maximas in *Repub. Christiana* turbas dederunt; Sed occasiones etiam præbuerunt, ut ad extremum *Ecclesia Orientis* ab *Occidente* disjungerentur.

Tantam autem rerum perturbationem & confusionem, si illo tempore, quo summa rerum penes unum *Principem* fuit, & pietatis *Christiana* studium ardentius extitisset, est credibile, conventus illi *Synodici* pepererint. Quid hoc exulceratissimo

ratissimo sæculo, quo omnis *Christiana* charitas in hominum cordibus refrixisse videtur, fore existimandum est? Quamobrem nostra ætate quidam prudentia & pietate præstantes *Principes*, ut *Ecclesiæ* rixarum procellis laboranti subvenirent, placida inter paucos de capitibus controversis colloquia instituerunt, si forte disputationibus in angustum contractis eventus pacificis ipsorum votis responderet. Quanquam autem ab ejusmodi congressibus aliquando ita discederetur, ut pacati omnium animi putarentur, tamen res ipsa loquitur, contentiones in animis collocutorum pristinas respirasse potius, quam extinctas aut sopitas fuisse. Sic plane ut congressus illi pio Consilio Principum instituti, ad tollendas dissensiones, parum aut potius nihil profuerint: verum etiam occasiones extiterint ut majoribus odiis hominum animi inflammarentur & periculosissimæ voluntatum distractiones orirentur.

Extat adhuc formula compositionis in negotio *cœna Dominica* conscripta *Witibergæ*, anno *Salvatoris nostri* 1536. ab iis qui tractationi huius controversiæ ab utraque parte adhibiti tunc fuerunt, quam etiam nunc ut piam & orthodoxam *Ecclesiæ* harum *Provinciarum* amplectuntur & profitentur, a qua utinam non discessissent ii quorum importuna acerbitas, ut recte *Serenitas Regia* in mandatis suis iudicat, concordiam salutarem disturbavit.

Quæ cum ita sint etiam atque etiam *Illustris Saxonie Dux* cavendum censet, ne quid porro committatur ejusmodi, unde majorum scandalorum occasiones nascantur. Neque tamen hæc ideo commemorat, ut aut rationibus iis, quæ a Domino *Legato* redditæ sunt adversetur: aut quod ab omni concordie piæ & salutaris conciliandæ studio alienus videri debeat. Sed cujusmodi tam in veteri *Ecclesia*, quam in exordio *repurgata doctrina celestis* nostra

nostra quoque ætate incommoda  
 conventus istos Theologicos exce-  
 perint, in memoriam ideo revocat;  
 ut & suam ipsius & aliorum curam  
 acuat diligenter cogitandi, de con-  
 stituendæ in Ecclesia diversarum  
 partium reformata concordia reme-  
 diis ejusmodi, quæ & periculi mi-  
 nus, & rei bene gerendæ plus spei  
 polliceantur. De quibus hoc loco  
 & tempore ideo constituere certi  
 nihil potest, quod in deliberatione,  
 sibi cum aliis *Principibus Evangelicis*  
 communi, suam solius sententiam  
 valere non vult. Quamvis enim non  
 obscure, tum ex mandatis *Regiis*,  
 quam literis a *Domino Legato* reddi-  
 tis animadverti possit: Plerosque  
*Germania Principes* apud quos ean-  
 dem ipse causam egit, videri rem ad  
 arbitrium *Illustriſſima Excelsitatis*  
 ejus rejecisse, tamen honore hoc  
 vel benevolentia erga se reliquo-  
 rum, vel respectu ejus personæ,  
 quam in *Imperio Germanico* gerit,  
 sibi habito, neque ad præripiendâ  
 vota

vota aliorum abuti debet, neque sententiæ Principatum ita sibi arrogat, ut solus statuere possit aut velit, quod consentiente omnium voluntate & voto unanimi rite decernendum esse intelligit. Imprimis itaque suum hac de re consilium cum *Illustriſſimo Principe ac Domino Domino Ioanne Georgio Marchione Brandenburgensi & Sacri Romani Imperii Archicamerario* communicabit, & nihil in se desiderari patietur eorum, quæ piæ pacis & concordiæ salutaris amantissimum *Principem* facere par, æquum & fas est. Ex quo & hoc intelligi potest, cum deliberatio hæc omnium gravissima, non ab unius aut alterius tantum voto pendeat, sed cum pluribus suscipienda sit, ejusmodi ad hanc rem recte conficiendam temporis spacium necessario requiri, ut nullus hac quidem in re, dies certus præfiniri possit, quo ad optatum exitum perducì speretur; curæ tamen erit *Illustriſſimo Saxoniæ Electori*, quantum

tum quidem in se est, ne quæ non necessaria mora injiciatur.

Quod denique de artibus & technis *Pontificiis* quibus *antichristiana Tyrannis*, *Dei* præpotentis singulari misericordia pene collapsa, restaretur, & de negotio *Coloniensi Serenissimus Rex Navarrenus* fideliter monet: ex ea quoque parte singularis *Serenitatis Regia* & præclara de re *Christiana*, atque tota posteritate bene merendi voluntas elucet, ut autem obscurum non est quo magis non jam modo sed & antea *Pontifex Romanus*, vi & dolo, veritatis cælestis studium & hujus pios Cultores avertere & opprimere conatus est, eo magis magisque Tyrannicum ejus *Regnum* concidisse, & divinitus semper fuisse imminutum; Ita *Illustissimus Saxonia Dux* nihil plane dubitat, utrumne ille omnem *Acheronta* moveat, nunquam tamen Gigantis istius cælo bellum inferentis sceleratos conatus fœlices futuros esse. Cumque *sacra Imperatoria*  
Ma-

*Majestas Principes aliquot Germania ad diem nonum mensis Martii proximi Roteburgum ad Tuberum convocavit, ut deliberent, quibus commode rationibus tumultus ad Rhenum moti componantur. Equidem illustrissimus Saxonia Dux commonefactionis hujus a Regis Imperio Germanico amicissimi fidelitate profectæ memor erit, & rebus laborantibus pro virili ita consulere conabitur, ut neque pietati, quam patriæ & hujus civibus debet, neque fidei, qua Imperio Germanico obstrictus est, defuisse ulla in parte videatur. Quæ in re se aliorum quoque quietis & patriæ amantissimorum Principum suffragiis, studio & opera adjutum iri plane confidit,*

Atque hæc sunt, quæ serenissime Regi Navarreno illustrissimus Saxonia Dux Elector cum significatione singularis erga Serenitatem Regiam observantiæ suæ, per Dominum Legatum renunciari cupit, quem & ipsum ob insignes animi & corporis dotes,

214 *Epistola Henrici IV.*

dotes, sua benevolentia sponte prosequitur, & benigne complectitur.

Signatum Augustæ Misnensium prid.

Non. Feb. anno 1584.

---

XXXI.

E P I S T O L A

ELECORIS SAXONIÆ

*ad*

H E N R I C U M I I I.

G A L L I Æ R E G E M.

*Augustus Dux, Saxonia Elector.*

**E**x iis literis quibus *Serenitas Regia vestra*, nos suscipiendam curam pacis publicæ nuper amantissime hortata est, facile perspeximus quam vehementer de incolumitate *Imperii Germanici* sollicita est, unde tanto referendę gratię studio incensi fuimus, ut pari sollicitudine pro dignitate & commodis *Serenitatis vestra Regia* afficiamur.

Quare



Quare cum hoc tempore ad nos deferretur, esse quosdam malefariatos homines, qui *Serenitati vestra Regia* tranquillitatem Regni sui invideant, & hoc agant, ut *Gallia* pacificis quondam studiis florentissima, in quiete sua, in qua respirasse non nihil videtur, turbata, bellorum civilium turbis iterum involvatur, faciendum nobis pro nostra erga *Serenitatem vestram* observantia putavimus, ut hac de re ad eandem scriberemus, non quod nobis ullum esset dubium, quin *Serenitas vestra Regia* præclara illa & salutaria sua edicta, quibus Pax *Gallia* nuper restituta fuit, firma & inviolata esse velit. Sed quod metueremus, ne irrequieti isti homines, qui nihil aliud cupiunt, quam ut cum pernicië & interitu *Potentissima nationis Gallica*, Pontificia Tyrannis restau- retur, *Serenitatem vestram* invitam intestinorum bellorum calamitati- bus implicant, eoque tandem redi-  
gant, ut ad *Imperium* & nutum Ro-  
mans

216 *Epistola Henrici IV.*

*mani* *præfulis* ea facere & statuere cogatur, quibus & salus animarum, & omnes subditorum fortunę evertantur; pro nostro igitur perpetuo erga *Sereni. vestram* *Regiam* studio, etiam atque etiam fideliter moneamus, rogamus & obtestamur; ne aures *Regia Serenitatis* seditiosis perditissimorum hominum vocibus pateant, neve incitari se ab his patiatur, contra suos fideles & pietatis veræ amantes cives, qui omnia hæcenus passi sunt, ut & *Deo Opt. Max.* honorem suum & *Serenitati Regia vestra* obedientiam & subjectionem debitam præstarent, quos pestes istæ hominum *Pontificia* ob hanc solam causam oderunt, & funditus extirpare volunt, ut exhaustis & proculcatis *Regni Gallici* viribus, *Serenitas Regia vestra*, cum summa sua tam rerum, quam existimationis, & quod caput est, animæ etiam jactura, insatiabili *Pontificis Romani Tyrannidi* & libidini exponatur, qui *Pontifex*, cum hæcenus *Reges* &  
*Prin-*

*Principes orbis Christiani* præstigiis & superstitione circumventos sub pedibus suis presserit, adeoque omnes omnium Provincias compilaverit, ægerrime fert, potentiam suam ac effrenem omnia pro arbitrio in re *Ecclesiast. & publica* statuendi licentiam, attenuari & imminui. Hujus igitur jugo Tyrannico, ut & se & *Regn. suum* eximat, seque in libertatem suam ex turpissima servitute, magno & excelso animo vindicet, eosque qui diversum suadent, non aliter atque manifesto deprehensos hostes *dignitatis Regiæ & reip. Gall.* & præsentissimas pestes aversetur & abigat, ita nos fideliter serenit. *vestram Reg.* hortamur & rogamus, ut suadere nihil melius possimus, si nostra & *Patriæ nostræ* dignitas summa & salus ageretur.

Id si fecerit *Ser. vestra Reg.* & sibi & *Regn. suo* rectissime consulat, adeoque *Deo præpotenti* gratissimum faciet, & non tantum in hac vita rebus abundabit omnibus, sed hinc etiam aliquando discedens, sempiterna be-

K. . . . . atitur

atitudine fructur & nominis sui gloriam, celebritatem & immortalem famam toti posteritati commendabit. Quæ omnia *Ser. Regia vestra* ad salutem, tam animi, quam corporis & Regni sui incrementa perpetua, foeliciter evenire sincere optamus.

*Data* Augustæ Misnensium III. Non.

*Febr. Anno 1584.*

AUGUSTUS Dei Gratia Dux Saxonie Sacri Imperii Rom. Archimarscallus & Elector, &c.

## XXXII.

HENRICUS Dei gratia Navarrorum Rex, Princeps Bearniæ, Dux Vindocinensis, Belmontensis, Albretensis: Comes Fœxensis, Armeniacus, Ruthenenfis, Bigoronensis, Marlenfis, Petragorienfis, Vicecomes Lemovicenfis. Illustrissimo Principi ac D.D. Julio D.G. Brunsvic. & Luneb. Duci. Cum

CUM nos ab ineunte ætate purioris doctrine rudimentis imbutos succenderit mira quædam & pene incredibilis cupiditas *Principes* eos invisendi quorum opera *Deus* ad propagandam nominis sui gloriam usus esset, ut tam pio desiderio nostro satis faceremus, induxeramus superiore anno in animum, nos itineri tam longo, tamque laborioso committere, nisi priorum & prudentum virorum consiliis paruissemus, qui judicarent ob nostram absentiam plus detrimenti longe *Ecclesias*, quæ Christi auspiciis in *Galliis* sunt collectæ, passuras esse, quam peregrinatio illa nostra posset adferre commodi; Itaque substitimus tum & ad ea curanda quæ ex re nostrarum *Ecclesiarum* fore putaremus, tum etiam ut malum toti *Regno* imminens (ob nonnullorum hominum novis rebus studentium, & crescenti repurgatæ religioni invidentium impios conatus, atque adeo propter *Rom. Pontif.* insidias) quantum possemus avertere-

remus. Porro cum jucundissimo *Ger. Princ.* conspectu frui per publicas easdemque necessarias occupationes impediti fuisset, neque consilia nostra de pace in *Ecclesiis & Galliis* stabilienda cum iis conferre potuissemus, quod proximum fuit faciendum curavimus. Ablegavimus igitur ad dictos *Ger. Princ. D. Segurium Pardilianum* virum honestissimo & nobilissimo natum loco, Domus nostræ & Secretioris consilii præfectum, dedimusque ei in mandatis, ut *Celsitudinem vestram* nostro nomine salutet, gratuleturque sælicem rerum vestrarum statum atque *Ecclesiarum*, quæ sunt in ditionibus vestris tranquillitatem.

Quoniam autem omnium, multoque magis *Principum*, qui repurgatam a superstitionibus *Rom. Pontif. religionem* sectantur, interest ut quo arctioribus (religionis scilicet) vinculis obligati sunt, eo major inter eos sit amicitiae necessitudo & benevolentiae nexus, quem ea, quæ concili-

anda

anda restat, inter nostros opinionum  
dissensio abrumpere non debet, cum  
in præcipuis doctrinæ articulis con-  
veniat, communesque habeamus ad-  
versarios, *Celsitudinem V.* ut quæ ad  
*Ecclesiarum* nostrarum restitutarum  
concordiam & securitatem, doctrinæ  
christianæ unanimem consensum &  
non modo *Gallie*, sed etiam *Germ.* pa-  
cem publicam pertinent, animo ex-  
pendere, cum aliis *Princip.* commu-  
nicare, & totis viribus promovere  
velit rogamus, & *Celsitudo V.* rem fe-  
cerit *Deo* acceptam, toti *Europa* sa-  
lutarem & toti Provinciæ suæ in tan-  
ta animorum rerumque omnium  
perturbatione necessariam.

De nobis sic statuatur volumus, nos  
omne officium nostrum, summam-  
que erga *Celsitudinem V.* voluntatem,  
erga vero *Rempublicam* studium atq;  
operam re ipsa semper declaraturos  
esse. Cætera ex *legato* nostro *Celsitudo*  
*V.* intelliget, cui ut fides adhibeatur  
a vobis etiam atque etiam rogamus.  
*Deus Opt. Max. Celsitudinem vestram*

diu incolumem ad nominis sui gloriam servare dignetur.

Neraei 15 Kalendas Augusti anno 1584.

*Vester bonus Consanguineus*

HENRICUS.

ALLIARIUS.

XXXIII.

RESPONSORIA

Julii Brunsv. & Luneb. D. ad

HENRICUM

NAVARRÆ REGEM.

*Serenissime atque Potentissime*  
Rex.

**L** Iteras tuas ad nos per *Jacobum Segurium* tuum *legatum* missas accepimus, eidemq; tuo *legato*, quæ abs te *Sereniss. Rex.* in mandatis habebat, coram intimis nostri consilii viris fecimus exponendi facultatem, cum in valetudine & compluribus aliis incommoditatibus impediti, audientiam



tiam in præsentia nos ipsi tribuere non possemus.

Cæterum ex iis mandatis (quemadmodum ex antea redditis tribus diversis abs te, *Serenissime Rex*, ipsi legato commissis exemplaribus, duorum quidem Generalium scriptorum ad *Electores Principes ac Ordines universi Imperii Rom.* verè nostræ religionis addictos pertinentiam, unius vero singularis Epistolæ privatim ad nos scriptæ) summa cum animi lætitia, perq; libenter intelleximus *Religionem* nostram, *Ecclesiæ* tranquillitatem, foelicitatem & propagationem, itemque totius orbis *christiani* incolumitatem esse tibi *Rex Illust.* tantæ curæ, ut istas res prudenti & profundo, & maturo & sapiente consilio expenderes.

Agimus pro ea gratias *omnipotentis Deo*, & optamus ex animo, ut Idem omnipotentia sua te, *Ser. Rex*, in tam laudabili & pio zelo in posterum quoque conservare velit, ac confirmare, & lacrem ad institutum hoc

tenendum industriam porro largiri. Quinimo complures alios summi loci *Proceres & Dynastas nominis christiani*, adhuc *Papismi* tenebris demersos, Illustres, clementes, & ad agitandas similes religiosas consultationes, utilissimaque proposita meditanda excitare dignetur.

Equidem ad nos quod attinet, fateri cogimur, & tibi, *Ser. Rex*, hoc assentiri, molitiones nimirum & conatus istos tuos non indecentes nec intempestivos, verum post opem atque benignitatem divinam fere unicam esse reliquam humani consilii rationem, qua ex *Dei verbo*, & juxta *Dei verbum Ecclesia Reformata* impendens a *Papa* jugum & ultimum exilium (quod ille jam parturiens extremis temporibus istis malis, & omnium rerum periculossimo statu, summo studio totisque viribus machinatur) a se devellere valeant, & sese diutius adversus illud sustinere.

Optandum sane fuerat, non jam tantum eximium aliquid contra suscipi

scipi & apparari, verum id etiam longe ante accidisse, priusquam nobis adversa pars, *Pontifex* & ejus asseclæ, tot tantasque facultates & occasiones surripuissent.

Quam ob rem nos, quamquam ex *Elect.* & *Princ.* fere ultimi ad reformatam religionem accessimus, vehementer tamen cupimus huic cum maxime salutari, tum necessario negotio, commodis omnibus in locis promovendo (quantum in nobis) operam navare. Quo etiam animo bene multo abhinc tempore, adeoque pene ab ipso nostræ potestatis ac regiminis initio, multum in eo laboravimus, ut generatim aliqua *Synodus* cogeretur. Cujus habendę ut planior & expeditior via sterneretur, ante septem annos, benignitate *nostris*, magno sumptu nostro, crebris atque perpetuis interpellationibus, causam hanc eo usque provexeramus, ut speciali sive *nationali Synodo*, inter aliquos affines religionis nostræ *Elect.* *Princ.* ac *Status*, præsertim inter fini-

timos nostros atque vicinos, instituendæ jam adsignatus dictusque fuerit locus *Magdeburgum ad Albim*, illa nobis pollicitatione vicissim atque bona spe facta, futurum, ut in illa nostrorum hominum contentione, inter alia proponeretur etiam, consultaretur atque decerneretur, quomodo primo quoque tempore conventus universalis omnium nostrum qui veram & christianam Religionem colimus commodissime adornari posset ac indici, in quo universali conventu reliqui pauci adhuc inter *Ecclesias Reformatas* controversi religionis articuli ex *Dei verbo*, atque solido fundamento, componerentur, eoque pacto perniciosissimis dissensionibus, a nobis atque nostris ipsis, tandem aliquando finis inveniretur & statueretur.

Quibus autem objectis impedimentis res, quem volebamus successum, tum non habuerit, nos itidem post illud tempus, & quidem in hunc usque diem, cum ad absentes datis variis

variis literis, tum apud presentes assiduus petitionibus, colloquiis habitis, aliisque rationibus & viis frustra tentatis, haud quicquam in hoc negotio effecerimus, probe nobis cognitum est, ac vere graviterque dolet *Diabolum* in suis membris tantum posse, ut non ipsi tantum alieni sint, ac prorsus abhorreant a iusta homineq; *Christiano* digna & *Deo* grata pace, & Ecclesiae tranquillitate, sed alios etiam adeoque maximos pios & laudatissimos & summos *Principes*, studio desiderioque pacis flagrantes, in tam religioso, tamque laudabili zelo ac proposito impedire gaudeant & ab eo avertere.

Verum enim vero cum nos atque nostri hactenus (absit verbo vanitas & jaectantia) nostro hac in re minime defuerimus officio, consci j nobis sumus coram *Deo* & hominibus, hac parte quidem esse excusatos. Ad alios autem quod spectat, id rerum prepotenti *Dei* committimus, & juxta *Reg. vestre Maj.* piam commonefactionem

nem, & hortationem efficacem, penitus animo fixum habemus & decretum, tum in ea, quam ducente celestis gratia, semel cognovimus & hactenus sumus professi, divina solidaque virtute constanter perseverare, vires & facultates nostras universas ad eam conferre, tum etiam quantum ipsi possumus adjuvare, tuum hoc pium & utile ac necessarium coeptum, ut foeliciter eveniat.

Verum tamen quoniam in nobis sita non sunt, neq; ceteris *Elect. Princ.* ac *Ordinibus Sacri Imp.* quicquam nos anticipare cogitamus, aut ipsorum partes nobis arrogare, proin aliud aut amplius nihil huic rei commodare nunc poterimus, quam ut tuo, *Ser. Rex, legato* literas nostras, ad quosdam, eosque præcipuos, *Elect. & Princ.* nostram religionem amplexos, commendatitias impartiremur. Quod ut faceremus ipse nos appellavit ac petiit, ut exemplaribus coram demonstratur. Spondimus insuper, causam hanc in omnibus a *Regis Maj.*

*Maj. V.* propositis articulis, in locis oportunis, cunctis rationibus & viis, quas quoquo modo excogitabimus ac commodas inveniemus, pro virili promoveri nos velle. Quod præstare certe parati sumus idque, *Ser. Rex*, ne in dubium ulla parte voces, etiam atque etiam rogamus.

Quæ vero præterea cum tuo *legato* non nihil in præsentia respondendi declarandique gratia communicavimus, quod item convenerit inter nos statutumque sit, ubi munere legationis abs te demandato defunctus fuerit, ut ipse tum ad nos revertatur, qui & omnem rei gestæ exponet eventum nobis, & accomodatam ad illum ampliorem nostram atque absolutam expectet responsum, id fieri arbitramur, ipse tibi per literas sigillatim significabit.

Et quamvis id dubium minime nobis sit, quam amantissime tamen atque diligentissime te *Ser. Rex* rogamus, ut pium hoc & zelo singulari laudabile propositum constanter urgeas,

alteros ad ipsumque opus deducere  
 nitaris, nec ab eo ulla ratione modo  
 ve rursus abduci te fmas, idemque de  
 nobis & amplius hoc etiam tibi pol  
 liceare, planeque persuadeas, nihil esse  
 neque futurum nobis curæ majori,  
 quam ut negotium hoc fœlicem &  
 optatum exitum sortiatur, & ut nos  
 in arctiorem quandā & magis fidam  
 consiliorum & rerum administran  
 darum tecum, *Illustris. Rex*, commu  
 nicationem, & in constantem diu  
 turnamque amicitiam tuam venia  
 mus.

... Eo quoque nomine fidelis erga nos  
 affectionis & benevolentia tuæ signi  
 ficatio, ac oblata facultas gratissima  
 nobis extitit, & tales erga te, *Ser. Rex*,  
 vicissim nos exhibebimus libenter ac  
 studiose. Si porro exploratum habe  
 remus, quibus regionis nostræ fructi  
 bus & discretis metallis, armis, equis,  
 aut aliis quibuscunque rebus, ad hanc  
 amicam communicationem & fir  
 mam fiduciam inter te, *Ser. Rex*, me  
 que stabiliendam tuis usibus interservi



*Reg. Gall. ad Imp. &c.* 233

ac tibi gratum fieri posset, iis omnibus prolixè tibi vellemus & libentissime gratificari, ab *Reg. vestra Maj.* peculiaria ei loco & terræ dona vicissim expectantes. Quod reliquum est, *Illustriſ. Rex*, ad grata quoque officia, benevolentiam, honorem, item & observantiam ac amicitiam ostendendam promptos habes nos semper atque paratos.

Henricopolis 20. Decemb. Anno 1584.

Gratia Dei JULIUS Dux Braunſ-  
vicensis & Luneburgensis.

---

## XXXIV.

R E S P O N S U M

Ducis Megapolitani ad

H E N R I C U M

N A V A R R Æ R E G.

EX literis *Ser. Princ. & D.D. Hen-*  
*rici Dei gratia Navarorum Regis,*  
&c. Domini & consanguinei nostri,  
perpetua

perpetua fide & benevolentia colendi, tum ex iis, quæ *Regia ipsius Serenitatis* nomine vir nobilissimus *D. Jacobus Segurius* coram fideliter nobis exposuit, *Ser. ipsius* benevolum erga nos animum, quamvis de eo nunquam dubitaverimus, liquido perspeximus, nostrumque vicissim *Ser. ipsius* studium & officia, quovis loco & tempore deferimus. Neque profecto jucundius quicquam contingere nobis potuisset, quam si *Reg. ipsius Ser.* non minus quam *D. Legatum*, coram complecti & qualicunque officio observantiam nostram erga ipsum declarare nobis licuisset. Sed quia hoc dari non potuit, reliquum eo quo debuimus animo accepimus & in propensa *Regia ipsius Ser.* erga nos voluntate libenter acquiescimus. Neque laudari satius a nobis posse fatemur eam, quam deprehendimus in *Regia ipsius Ser. de reip. christiana* bene merendi cupiditatem: quod etiam post exantiatos tot pro assertenda *Evangelii luce* labores,

res, totque perpeſſa pericula, hoc deinceps curare non gravetur, ut *Illuſtriſ. Ger. Princ.* animos ad defendendam miſeram & multis in locis fere collapſam *Eccleſiam Chriſti* exemplo ſuo excitet, iisque autor & hortator ſit cogende *Synodi*, in qua collaris diſſentientium judiciis, pia & perpetua concordia juxta verbi divini *analogiam* iniri rursus atque inſtitui poſſit. Eſſi enim quantum ad nos attinet in ditionibus noſtris puram *Evangelicam Doctrinam* veritatem, abſq; ullo in *Eccleſiis* noſtris docentium diſſenſu haſtenus *Dei Opt. Max.* beneficio multos jam annos conſervaverimus, neque alteracationibus inquietorum hominum locum dari paſſi ſimus, & ſi quę forte diſcordiarum ſcintillę quandoq; excitatę ſint, continuo exingui eas curaverimus ne in flamman excreſcerent, merito tamen etiam a nobis & reliquis *Ger. Princ. Ser. Navarrorum Regi* non exiguum deberi gratiam agnoſcimus, quod de futuris & prope inſtantibus

ac communibus totius *Europa Eccle-*  
*siarum* periculis, multis & iisdem gra-  
vissimis de causis consilia conferenda  
esse *Ser. ipsius* prudentissime moneat,  
quandoquidem ex iis, quæ proximis  
annis *Pontif. Rom.* instinctu & nētariis  
technis, in florentissimis *Gallia, An-*  
*glia, Scotia & Suecia Regn.* itemque  
apud *Belgas, Helvetios,* & in media  
quoque *Germania,* imo etiam apud  
iplos *Christiani nominis* hostes mani-  
festos agitata sunt, & agitantur ad-  
huc quotidie satis superque constat,  
vere timendum esse ne ulla totius  
orbis *Regia* cui verbum divinum  
illuceat, intentata tandem relinqua-  
tur; qua propter ut ad rem redeamus,  
non utile tantum sed prorsus necessa-  
rium esse existimamus, ut vel *Synodus*  
aliqua convocetur, vel si forte pro-  
pter varia, quæ incidere possunt im-  
pedimenta, id factum nimis difficile  
sit, per aliquot doctorum simul ac  
piorum, publicæque tranquillitatis ac  
pacis amantium virorum congres-  
sum, quæ adhuc superesse videntur  
dissen-

disensiones (*Principum* tamen autoritate interveniente) penitus tollantur. In quo quidem ut hactenus omnem suam operam impenderunt *Illustris. Ger. & Sacri Rom. Imp. Elect. & Princ.* unam & eandem *Evangelicam doctrinam* veritatem profitentes, id quod publica monimenta satis testantur; Sic etiam imposteriorum eos communibus conjunctisque operis (unius enim solius neque consilium sufficere, neque auxilium, quilibet per se facile intelliget) hoc acturos confidimus, quod ad stabiliendam concordiam & pacem conducere videbitur. In nobis vero nihil defuturum, quod ad promovendum hoc negotium utile esse existimabimus, res ipsa *Deo* juvante docebit.

Cæterum ad periculosum illud *Coloniense* bellum quod attinet; non dubitamus *Reg. Ser.* vel aliorum literis, vel saltem fama certiolem factam esse de conventu *Rotemburgensi* ad 9. diem mensis *Martii* proxime sequentis, ea de causa ab *Imp. Majest.* jam indicto, cujus exitum talem fore

236 *Epistola Henrici IV.*

speramus, ut *sua Imp. Maj.* cum convocatis illuc *Elect. & Princ.* suum sit factura officium. Attamen si ulterius etiam præter expectationem nostram de negotio isto deliberandum fuerit, dabimus operam, ut, tam *Ser. Nav. Rex*, quam omnes boni nos veræ *Religionis & pacis publicæ* non amantissimos tantum, sed etiam ad communem defensionem, si opus fuerit, paratissimos esse intelligant.

Erit nunc hujus nostri responsi clausula, ut a *D. legato* petamus, ut in *Patriam* foeliciter reversus *Ser. suo Regi Domino & consanguineo* nostro charissimo propensissimæ voluntatis & observantiæ nostræ officia prælixè deferat, nosque sui etiam memoriam, cum benevolentia conservaturos non dubitet. In quorum omnium fidem hanc resolutionem nostram manus nostræ subscriptione sigilloque nostro muniri iussimus.

Actum in arce nostra *Gustrovia* 11.

Kalend. Martii Anno 1584.

*Udavicus Dei Gratia Dux Megapolensis, Princ. Vandal. Comes Suecincensis, Rostochii & Stargardiæ Dominus.*

XXXV.

RESPONSORIA  
PRINCIPIS ANHALTINI

A D

Regem Navarræ.

*Serenissime & Illustrissime  
Rex, Domine & consanguineæ  
observantissime.*

**E**T si omnino confidimus *Ser. vestram* Reg. per *legatum* ad nos missum posse de omnibus, quæ hic acta fuerint fieri certiore, tamen ut aliquid literarum etiam ad *Ser. Reg. vestram* daremus, & rerum gravitas, & *Ser. vest. Reg.* quæ apud nos plurimum valet, autoritas requirere visa fuit. Tantas enim res a tam *Christiano Rege* suscipi, quæ non solum ad gloriam *Dei*, salutem *Reipub. Christianæ* pacemq; publicam spectent, sed quæ  
etiam

etiam ruenti huic seculo, & ad terminos suos quasi fatales properanti, consilia & auxilia offerant ac spondeant, quis non nisi forsan omnino *αἰσχυρὸς ὃν ἀπὸ* summis evehendum laudibus, mirumque in modum prædicandum esse duxerit. Incredibili itaque voluptate affecit nos tanti *Regis* tantus zelus & ardor rerum tam gravium, quam divinarum, conatus hosce sanctos ac plena laude dignissimos, ut *Deus Opt. Max.* regat, ac prospero faustoque successu gubernet, nostra cum omnium piorum votis conjungemus sedulo, & ipse irritas nostras non sinet esse preces, accedit ad hæc quod *Regii Legati* qui alias & generis splendore ac virtutum ornamentis est amplissimus, tanta erga nos fuit humanitas, tanta rerum conficiendarum industria, facundia, rerumque peritia, ac generosus candor, ut & literis & nunciis *S. V. R.* ornatos nos esse merito affirmare & prædicare possimus, pro quibus omnibus & officiis, & beneficiis, nisi etiam per  
literas



literas S. V. R. gratias ageremus, ar-  
 gui nos vel inhumanitatis vel ingra-  
 titudinis posse, testes nosmet ipsos  
 libenter constituimus. Merito ita-  
 que probatur nobis totum, quod  
 a *Serenitate vestra Regia* suscipi-  
 tur, ac *legatis* dignissimis præcla-  
 rissime perficitur negotium. Qua-  
 le vicissim fuerit erga ipsos nostrum  
 studium, & promovendi tam san-  
 ctos conatus desiderium, malumus  
*Ser. vestram R.* ex ipsis coram,  
 quam nostris literis cognoscere, cer-  
 to sibi *Ser. V. R.* persuasum habeat  
 omnia nostra in omni officiorum  
 genere studia semper fore *Ser. V. R.*  
 quam promptissima paratissimaque,  
 & *Ser. V. R.* de nostra erga se volun-  
 tate, sibi hæc omnia polliceatur,  
 quæ a fidelissimo amico ac studiosis-  
 simo quoque perfici, expectarique  
 possunt. Nec unquam patiemur  
 apud nos residere aliquid impedi-  
 menti, aut oblivionis, si poterimus  
 honestissima *Ser. V. R.* consilia ulla  
 ratione fovere & adjuvare, id quod  
 reli-

reliquos status *sana religioni* addi-  
ctos facturos quoque esse optamus  
ac speramus, nec intermitteremus  
freti ea occasione, quæ a vestris *le-*  
*gatis* nobis ostensa est, sæpius *Ser.*  
*V. R.* compellare. Commendamus  
etiam nos ac familiam nostram,  
quam dignissimus *Legatus* vidit satis  
amplam, favori ac benevolentia ve-  
stræ: & præcābimur ut *Deus Opt. S.*  
*V. R.* ad nominis sui gloriam ac *Resp.*  
*Christiana* salutem, multorumque  
incolumitatem conservet diutissime  
incolumem, roburque ac successus  
piis conatibus addat.

*Defavia* 17. Calend. Feb. Anno 1584.

*S. V. R. Additissimus.*

Dei Gratia JOACHIMUS  
ERNESTUS Princeps An-  
haldinus, Comes Ascaniæ,  
Dominus Sevestiæ & Bern-  
burgi.

X X X V I.

R E S P O N S U M

WILHELMI HASSIÆ

L A N T G R A V I I

*Nomine datum.*

**Q**Uæ Serenissimus Princeps ac Dominus Dominus Henricus Rex, Illustrissimo Principi ac Domino Wilhelmo Landgrauio Hassiæ & Domino nostro Clementissimo per Regiæ dignitatis suæ Legatum Dominum Segurium significavit, ea Celsitudini ipsius ex Regiorum mandatorum formulis; tum ex ore ipsius Legati abundè relata sunt.

Ad quæ illustrissima Celsitudo ejus imprimis magnas agit gratias, pro eximia & summa illa in se benevolentia & amoris Regiæ dignitatis contestatione, & vicissim Regiæ dignitati foelicissimum rerum statum & omnia bona fausta que ex animo precatur.

Quod vero ad summam legatio-

L

nis

nis attinet, fateri quidem necesse est, res nostras in magno jam versari discrimine, cum *Antichristus Romanus* & ejus Satellites, non modo omnibus viribus veritatem oppugnet; sed contra etiam nos, quos tanto arctioribus vinculis jungi oportebat, eo calamitatis Theologorum nostrorum mutuis concertationibus simus adducti, ut nostris dissensionibus communi hosti ad stabiliendam suam *Tyrannidem*, viam sternamus. Quam ob rem *Illustrissima Celsitudo* ejus non potest non summo opere probare verè *Christianam* illam & optimo *Principi* dignam sollicitudinem, quam *Regia ipsius dignitas* de avertendis hisce periculis suscepit, eaque de re ad *sacri Romani Imperii Electores* ac *Principes*, aliosque, qui *Antichristi* jugum excusserunt, referri & per *legatum* suum agi voluit. Equidem *Illustriff. Celsitudo* ejus de *Synodo* cogenda, eaque de infausto illo *Eucharistiae* certamine, amicè conferendo, ut penitus è medio tol-

tolleretur à *R. dignitate* minimè dissentit, si modo *Theologi* utrimque non suam, sed solius *Dei* gloriam & *Ecclesia* suæ salutem, incolumitatemque spectarent. Sed cum partium studiis plerique teneantur & ingens animorum sit exacerbatio, exigua sanè spes est, hoc rerum statu ante universalem (quam *Dens* avertat) persecutionem, maximè *Zelotypis* ipsis adhuc vigentibus *Synodum* aliquam universalem & liberam cogi, multo minus autem boni quicquam inde expectari posse. Quod tamen ipsum, *dignitatem Regiam*, in tam pio sanctoque proposito nequaquam moretur. *Christianum* enim *Principem* omni cura & solitudine invigilare decet, ut *Religio Christiana* sarta rectaque servetur, omnibusque opinionum dissensionibus ex *Verbi Divini* infallibili norma è medio sublatis, unanimis in doctrina consensus statuatur, successum vero nemo prestare potest, sed is *Dei Opt. Max.*

bonitati committendus est. Quamobrem si quid boni *Illustriss. Celsitudo* ipsius ad *Synodum* illam promovendam pacemque interea ex præscripta à *Luthero & Bucero*, Anno xxxvi. Concordia quam strictissime observandam adferre possit, non modo id sui officii esse agnoscit, sed etiam promptissimo animo, omnique ope & consilio se adfuturum spondet.

De fœdere vero sanciendo, incundaque ratione, qua conjunctis omnium *Evangelicorum Principum* viribus communi hosti resisti possit, nondum *illustrissima Celsitudini ipsius* excidit, quid ea de re, ab hinc viginti & amplius annis sæpenumero actum sit. Usque huc tamen, quod hoc rerum statu id è *Repub.* esse paucis videretur, nunquam conveniri potuit. Quæ cum ita sint & *Illustriss. Celsitudini ipsius* cum præcipuis *Germania* familiis antiquissima & hæreditaria quædam fœdera intercedant, utique necesse fuerit,

ea de re ex communi *Confederatorum*, aliorumque *instaurata Religionis Principum* Sententia statuatur: quodque ita placuerit, ab eo *Illustriss. Celsitudo ipsius* nullam secessionem faciet.

Denique quod *Regia dignitas* consilium sibi impartiri cupit, qua via *Ecclesiis Gallicis* ad pacatam vitam degendam provideri possit, utque *Regem Galliarum Illustriss. Celsitudo ipsius*, permoveat sed sibi apud *Christianissimum Regem* auctoritatem, quę tribuitur non arrogat. Siquid tamen potest id omne ad *Ecclesie Salutem* liberaliter conferet. Non alia autem ad bellum vitandum melior succurrit ratio, quam ut *edicto pacificatorio* pactisque conventis per omnia stet, *Regiaque Majestati* sua apud omnes constet auctoritas. Eoque modo prorsus *Illustriss. Celsitudini ipsius* persuasum est *Regem Christianum* superiorum temporum calamitate in memoriam revocata, nihil hostiliter esse mo-

titurum. Quod si vero præter spem omnemque expectationem adversi quidpiam accidat, non deerit tamen *Deo Opt. Max.*, quominus *Ecclesiam* suam vindicet, & ab hostium injuriis tueatur. Quem *Illustriss.* *Celsitudo ipsius* ardentibus votis precatur, ut *Serenissimum Regem Navarrorum*, totamque Familiam suam *Illustrissimam* incolumen ac florentem ad Gloriam sui Nominis diu conservare dignetur.

Datum *Cassellis* pridie *Calendas Januarii*  
Anno reparate salutis 1584.

WILHELMUS.  
*Landgravius Hassie.*



X X X V I I.

*Ad proposita jussu & voluntate Illustrissimi & potentissimi Principis & Domini, Domini Henrici Regis Navarreni, &c. Generosi ac Nobilissimi Domini, Jacobi Segurii suæ Majestatis Domui Præfecti, & interioris Consilii primi & Legati, Responsum Amplissimi Senatus Reipublicæ Lubecensis.*

**R***Egiam Majestatem Navarream D. Segurius nostro nomine officiose salutabit, eique officia nostra & studia deferet, agetque suæ Majestati ingentes gratias, pro singulari amore, cura & sollicitudine in Rempub. Christianam, quam quidem ex hac suæ Majestatis legatione, & perspicuis argu-*  
L 4 *men.*

mentis abunde agnoscimus commendamus & approbamus; Deinde *sua Majestati* significabit, quod nihil in nobis esse pateremur, quod ad istius negotii salutaris promotionem videretur, si aliquid in nostro positum esset arbitrio. Cum vero hujus rei Principium ad *Illustrissimos Electores, Principes & ceteros Status Imperii Romani Augustana Confessionis*, ex quorum quidem numero minimi sumus, adcoque Convocatio ipsa omnium *Ordinum* spectet. Non dubitamus *Optimos Principes* pro rei magnitudine, singulari pietate & zelo, quo *Christianam Religionem* & ei vere addictos complectuntur, in illam curam & sollicitudinem incubituros acturosque, ne quod *Christiana Respublica* detrimenti capiat, quæ quidem cum moram nullam patiuntur, sed in celeritate posita sint, ut *Romani Pontificis* conatibus, quamprimum obviam eatur, sine dubio in deliberationes omnes & singuli sine  
ulla

ulla cunctatione descendent. Quod  
 ad nos attinet, & ut expectationi  
*sua Majestatis* de nobis egregie  
 conceptæ satisfiat, si ad consilia  
 communia accersiti fuerimus, quod  
 proculdubio fiet, officio nostro non  
 deerimus, dabimusque operam  
 quantum fieri potest, & nostra Con-  
 ditio feret, ut præmonitorum *sua*  
*Majestatis* omnium ratio, impri-  
 mis autem Religionis & omnis ab  
 ea avertendi incommodi, & nos  
 nostrosque conservandi cura habeat-  
 tur. Neminemque existimamus  
 tam desidem somnolentumque fo-  
 re, cui hæc communis deliberatio  
 cordi esse non possit, nec debeat.  
 Quamobrem *sua Majestas* sibi opti-  
 ma quoque etiam de nobis persua-  
 sum habeat, *sua Majestatem* care-  
 rum etiam atque etiam rogamus ut  
 nostros nostramque *Rempublicam*,  
 semper commendatam habere velit,  
 vicissim *Majestatis* Regia incolu-  
 mitatem diu & feliciter florere ex  
 animo cupimus. Magnifico autem

205      *Epist. Henrici IV.*

*D. Legato felicem in Patriam reditum exoptamus.*

*Lubece Calendis Martii Anno. 1584.*

---

X X X V I I I.

R E S P O N S O R I A

*Ottonis Brunsv. & Luneb.  
Ducis ad Henr. Regem.*

SERENISSIME REX.

**R**egia vestra dignitati offerimus  
obsequiorum nostrorum studi-  
um promptissimum, Domine &  
Consanguinee diligentissime. Lega-  
tus Regia vestra dignitatis, Vir Ma-  
gnificus & Nobilis D. Jacobus Seg-  
arius Pardelianns scripsit ad nos ex  
urbe vicina Hamburgo, absentiam  
suam excusans; & simul misit Re-  
gia V. dignitatis obsignatas literas  
ad nos perscriptas, pietate & Chri-  
stiana gratia & benevolentia plenif-  
simas, nec non exemplum eorum,  
quæ à Regia Vestra dignitate, ad  
Re-

*Reges & Electores, Principes & Proceres Reformatarum Ecclesiarum in Germania aliisque Regnis deferenda in mandatis habet. Cæterum mirum in modum hisce omnibus delectati sumus, imprimis vero, quod Regem tantum Ecclesiis nostris favere intelleximus, & instinctu verè Divino earum concordiam summo-  
pere flagitare, nec non competen-  
tia remedia, per quæ dissensiones conciliari posse sperantur in medi-  
um proferre. Res sane magis neces-  
saria & utilis Ecclesia Dei hoc tem-  
pore promoveri haud potest. Gra-  
tiam igitur Deo Omnipotenti habemus quam maximam qui Regiam V.  
dignitatem Divino hoc ardore suc-  
cendit, ut & ope Spiritus S. Hunc in  
posterum augeat, veris gemitibus  
obtestamur. Agimus insuper gra-  
tias Regiæ Vestræ dignitati, quod ea  
felicem rerum nostrarum statum &  
Ecclesiarum, in Ditione nostra tran-  
quillitatem nobis gratulatur, pro  
quo & nos Divine Omnipotentia, quæ*

252 *Epistola Henrici IV.*

etiam in posterum, & nostrum Statum & *Ecclesiarum* Ditionis nostræ Concordiam ita ut nunc est, benigne conservare dignetur, gratias sufficientes agere non possumus. Optamus autem & *Deum* oramus, ut & *Regiam V. dignitatem* incolumem diu conservet & quæ ad pacem *Ecclesiarum* in *Regno* ejus salutaria sunt, clementer concedat. Quod ad causam principalem attinet, non improbamus *Regia Vestra dignitatis* consilium, de tollendis controversiis in *Ecclesiis*, quæ *Augustanae Confessionis Religioni* hætenus fuerunt & jam dum sunt addicti, quam magni enim inde hætenus tumultus sint exorti, quam item adversario *Romano Pontifici* adhærentes animosiores redditi fuerint, & calumniis Orthodoxos proscindere conentur, luce meridiana clarius est. Igitur conatum *Regia Vestra dignitatis* summopere laudamus, & non dubitamus, quin *Sereniss. Reges, Electores, Principes & Status*, qui

qui *Augustana Confessionis Religionem* amplectuntur & profitentur, *Regia V. dignitatis* postulatis, quantum fieri poterit adstipulabuntur. Quod ad nos attinet, prædecessores nostri *Principes Brunsvicensium & Lunenburgensium* inter primos fuerunt qui *Augustana Confessione* subscripserunt, eamque in *Ecclesiis Ducatus* nostri quantum in ipsis fuit piè promoverunt, & nos ab incunabilis in ea fuimus informati. Igitur quantum in nobis est, ope *Divina*, eam vel vitæ nostræ jactura retinere & propugnare conabimur. Verum *Regia V. dignitati* significamus, *Ducatus* universi Gubernationem & administrationem, ex pactis antecessorum nostrorum esse penes *Illustrissimum Principem D. Guilhelmum Junio-rem Ducem Brunsvicensium & Lunenburgensium* Agnatum nostrum, cujus dilectio etiam onera totius *Ducatus Lunenburgici* ferre tenetur. Cumque ea à predicto *D. Segurio* (ut ferunt.) ante aliquot

menses simili modo requisita & *Religionis nostræ Reformata* amantissima sit, non dubitamus *Dilectionem ipsius Principis Christiani* officio fun-  
 cturam, & gnaviter concordiam *Ecclesiarum* promoturam, & cun-  
 cta necessaria pro facultate *Ducatus* nostri collaturam esse. Nos vero  
 quicquid pro salute *Ecclesiæ*, jactura  
 corporis & vitæ nostræ præstare po-  
 terimus, operam dabimus, ut Deo  
 juvante, nihil quod Principem  
 Christianum deceat, à nobis præter-  
 missum esse *Regia V. dignitas* di-  
 gnoscat. Quæ brevibus reponſi lo-  
 co, cum ad *Regia V. dignitatis* lite-  
 ras, tum ad instrumentum manda-  
 torum *Legati* rescribere placuit.  
 Quod superest *Regiam V. dignita-  
 tem* cum omnibus sibi caris in pro-  
 tectionem *Dei Opt. Max.* Nos au-  
 tem & nostros in favorem *Regia V.  
 dignitatis* submissè commendamus,  
 cum reoblatione servitiorum no-  
 strorum humilium.

Dabantur in Arce nostra *Harburgo* .i. di.  
 Mensis.



Reg. Gall. ad Imp. &c. 255

Mensis Aprilis reparatae salutis Anno 1584.

Regia Vestra Dignitatis

Observantissimus,

O T T O,

Dei Gratia Dux Brunsvicensium & Luneburgensium.

---

X X X I X

*Ejusd. ad*

L E G A T U M  
R E S P O N S O R I A.

**T**Ransmisit ad nos literas Vestras, una cum *Serenissimi Regis Navarrorum* literis, Vir doctissimus & nobis dilectus; *Doctor Vinctus Winsheimius*. Intelleximus autem ex utriusque, quo animo Rex erga Religionem *Augustanae Confessionis* ejusque Cultores sit affectus. Unde et nobis fuerunt gratissimae. Laudanda imprimis est *Regia ipsius dignitatis* pietas & industria, qua recte judicat contentiones & duras illas rixas in hac causa sopiri saltem, si non omnino tolli, qua ratione etiam.

iam conatibus *Pontificiis* obviari posse arbitretur.

Respondemus igitur *Regia ipsius dignitati*, & tuæ *præminentiæ* per dictum *D. Vitum* responsum nostrum remittimus, prout à nobis ea postulavit. Si qua in re propensam tibi voluntatem exhibere poterimus, non deerit nostra opera. Vale feliciter & iter tuum ad *Regiam dignitatem Deus Opt. Max.* bene fortunet, iterum vale felicissime.

*Ex Arcenostro Harburgo, Calendis Aprilis Anno 1584.*

O T T O

*Dux Brunsvicensis & Lauenburgensis.*

XXX.

X X X X.

H E N R I C U S,

*Dei Gratia Navarrorum*

*Rex, &c.*

*Amplissimis & Prudentissimis*

*Consulibus Reip. & Civi-*

*tatis N. N.*

*Amplissimi & Prudentissimi Viri.*

**C**um nihil sit nobis summa Dei  
Misericordia concessum majus  
aut præstantius, quam delapsa è Coc-  
lo & Divinitus constituta Religio,  
mortalesque omnes deceat omnibus  
animi corporisque viribus conten-  
dere, ut eam suo sæculo foveant &  
quantum in illis est integram & in-  
corruptam ad postero transmittant,  
tum vero maxime interest eorum,  
quos eousque dignitatis evexit Do-  
minus, ut ipsos veluti tutores & fau-  
tores suarum Ecclesiarum constitue-  
rit, quales sunt Principes & Respub.  
quas his temporibus excitavit, ad  
conservandam & propagandam no-  
minis

minis sui gloriam. At vero ut lum-  
 mus ille noster Rex & Sacerdos pe-  
 tit, ut unum simus: sic decebat  
 quotquot ad eum gradum inter *Chri-*  
*stianas Gentes* extulit in firmam ve-  
 rēque *Christianam* Concordiam ut  
 coirent, quo viribus conjunctis ve-  
 ri *Dei* cultum proveherent, & por-  
 tenti illius *Romani* nefarios impetus  
 retunderent. Dolendum tamen est,  
*Viri Amplissimi & Prudentissimi,*  
 quantumvis multo labore, opera &  
 studio tentatum sit huc usque, ut  
 omnium nostrum, qui *superstitioni-*  
*bis Romani Evangelii luce* liberati  
 sumus in doctrina consensus esset,  
 iisdem animis apertas Hostium com-  
 muniū injurias repelleremus: Non-  
 dum tamen hujusce Christiani cona-  
 tus exitum ullum fuisse, quamvis ad  
*Ecclesiarum* salutem & incolumita-  
 tem necessariū. Hæc certè antea nos  
 impellebant, ac veluti incendebant,  
 ut ipsi longinquas Peregrinationes  
 susciperemus, & *Illustrissimos Sacri*  
*Romani Imperii Principes,* *potentes*  
 Ciri.

*Civitates & reliquos Ordines, qui Evangelio nomen dedissent, inviseremus, quo jucundissimo eorum conspectu & colloquio frueremur, tum vero maxime, ut ipsi etiam omnibus testatum faceremus, quale nostrum esset in conservanda provehendaque doctrina saniore. studium & desiderium. Neque tamen unquam nobis persuasimus, eam esse nostram aut voluntatem aut dignitatem, quæ Doctorum Virorum diligentia & auctoritati præcelleret, sed ut etiam nostrum veluti calculum adderemus id Itineris nobis ingrediendum existimabamus, ut sane intelligerent, qui tali tamque sancto instituto adversantur, in multis Regnis & Provinciis multos esse, qui tam salutare Consilium promoveant. Nunc vero alia nobis mutandi consilii, & in Gallia permanendi causa fuit, omnibus quidem, qui rebus novis non favent perutilis, nostræ vero Religionis hominibus prorsus necessaria. Nonnulli enim ex aliorum incommodis,*

modis compendium facientes, & quia existimant sua interesse vicinas omnes gentes tumultibus & perturbatione rerum assidue vexari, tum vero in his pro veteri & innato adversus veritatem odio *Pontifices Romanum* moliantur, ut ex Regno florentissimo & potentissimo *Gallia* pacem excutiant: Hi inquam partim corruptelis, partim minis, partim blanditiis, quietem illam, quā fruuntur & foveatur *Ecclesia* nostræ interurbare modis omnibus nituntur. Et quamvis *Rex Gallia* *Serenissimus* omnia pacata habere, & tranquillum sui Regni statum retinere vellet. *Edictis* etiam polliceatur, quoniam tamen in id multos *Monarchas* novimus, & potestates incumbere, ut bellum Civile, quo ferevita fuit corrumpere *Gallia*, rursus accendatur; judicavimus ad illius pacem & tranquillitatem confirmandam plurimum prodesse posse, si hic remaneremus, & eos interim, qui pro veteri in *Galliam* benevolentia, ejus Regni *Majestatem*.

*jestatem* & amplitudinem factam te-  
 etamque esse cupiunt, per *Legatos*  
 rogaremus, quod ex animo facimus,  
 ut *Serenissimo Regi* nostro autores es-  
 sent, quantum universæ *Europa* in-  
 teresset, tantum *Imperio* suo & po-  
 testate ad conservandam in suis ditio-  
 nibus pacem uteretur. Hæc nos im-  
 pulserunt, *Viri Amplissimi*, ut ad o-  
 beundam legationem illam *D. Segurium*  
 domus nostræ atque adeo totius  
 consilii *Præfectum* mitteremus, cu-  
 jus ea semper fuit optimis artibus, pa-  
 cisque imprimis studiis quæsitæ laus,  
 ut vel fræquentibus adversariorum  
 calculis, unus inter *Procères Nobi-*  
*litis Gallicæ* judicaretur, ad pacis in-  
 eundæ stabiliendæque rationes & in-  
 dustriæ & consilii plurimum contulisse.  
 Quoniam autem jam à multis  
 annis vestram *Rempubl. Evangelio*  
 nomen dedisse acceperimus, illud  
 que pro viribus propugnasse :  
 tum vero quanta prudentia, ius-  
 simus illum *Vestras Amplitudines* no-  
 stro nomine salutare, ab illis consi-  
 lium

lium exquirere & postulare, ut à nobis omne studium erga vos, operam & diligentiam, in communi causa tuenda & promovenda expectetis. Sed hoc imprimis à vobis petimus, *Viri Prudentissimi*, ut quæ de communibus omnium totius *Europa Ecclesiarum* periculis dicturus est, deque depellendorum ejusmodi discriminum ratione, quantum à nobis provideri potuit, æqui bonique consulatis. Cætera, quæ ad *Statum* nostrum pertinent ex ipso intelligetis, cui & pro ea, quâ præditus est fide, & quia à nobis *vestris Amplitudinibus* est commendatus, aures & fidem præbeat, etiam atque etiam petimus. Dominus felicem vestram & florentem *Repub.* diutius ve t ad Nominis sui gloriam conservali. Bene valete *Viri Amplissimi & Prudentissimi.*

*Neraci pridie Calendas Augusti. Anno 1583.*

*Vester Bonus Amicus*

HENRICUS

ALLIARIUS

*Salutem & officia*

LXI.



## X L I.

*Magdeburgensis Civita-  
tis ad Henr. R. Epi-  
stola.*

*Serenissime Rex Navarrorum, Do-  
mine Clementissime.*

**C**um fama ad nos perferretur, de  
honorifica Regia Serenitatis ve-  
stra legatione ad Principes Germania,  
eandemque publicam esse contestati-  
onem summæ conjunctionis & arro-  
ris mutui, gratulabamur quidem Pa-  
trie hanc felicitatem, qua quasi novo  
præsidio, adversus externorum hosti-  
um machinationes quodam modo se-  
pta & munita esse videretur. Sed tum  
demum majori efficiebamur lætitiâ,  
cum *Illustris & Generosus D. Jacobus  
Segurius & Legatus Magdeburgum*  
nostrum peteret, & exhibitis Regia Se-  
renitatis *Vestra* literis, plenis pietate  
& clementia, de Regio in *Ecclesiam*  
Chri-

*Christi & Rempub. Germania* animo & voluntate suaviter & religiose differeret, de conciliandis in *Ecclesia* dissensionibus suaderet pie & placide, de sedando belli *Coloniensis* tumultu loqueretur argute & prudenter. Magnam igitur spem concipiemus de Regionum consiliorum optimo eventu si *Illustrissimis Principibus* nostris de salute *Ecclesiarum & Patrie* jam dudum sollicitis probari cognoverimus.

Equidem quæ nostra est fortuna & conditio ab immutatione majorum nostrorum periclitanti *Religionis* statu, nunquam recessuri sumus, non tam exemplis illorum, quam nostra in *Deum* fide & virtute propria incitati, fretique *Numine Dei* atque *Clementia*.

Qui animus ne in nobis concidat, plurimum momenti habebit *Regie Serenitatis Vestra* verè Religiosa & *Christiana* admonitio: ipsam enim nunc amplectimur reverenter, prædicaturi omnibus magnifice, diligenter com-  
men-

mendaturi posteris. Ingentes igitur gratias agimus *Regia Serenitati V.* pro eo amore & benevolentia, qua hactenus *Germanos* sese persecutam esse & adhuc prosequi profitetur.

Pro quo amore, quid tanto *Regi* reponamus, *Magdeburgum* nostrum non invenit? *Colonienſium* certe *Ecclesia*, cujus necessitati, gemmarum, pecuniarum, & supellectilis aureæ vim à *D. Legato* depositam esse audivimus, id quod res est fatebimur, te *Serenissimum Navarra Regem*, nomine sibi amicum, officii fratrem, auxiliis parentem extitisse. Nos porro *Rex Serenissime, Regnum* tuum semper salvum, te incolumem, nomen tuum inter *Reges* immortale *Christianos*, ex animo optamus, præcamurque, ut alii etiam *Reges & Principes* tuo ductu & exemplo, uti jam nobis fieri constat, veram *Religionem* ament, promoveant, tueantur, defendant. Vale *Serenissime Rex*, & salve.

*das Martii quo die Gisela Imperatoris Conradi Salingui Conjux Lotharii Regis Francie Filia nupta prius Brunoni Marozoni Saxonie, deinde Ernsteo Duci Sueciorum piè mortem obiit.*

*Regie Serenitatis V.*

*Officiose observantis.*

*Confl. & Senatores*

*Magdeburgenses.*

# X L I I.

*Ad proposita jussu & voluntate Illustrissimi & Potentissimi Principis & Domini, Domini Henrici Regis Navarreni & Principis Bernardie, Generosi & Nobilissimi Domini Jacobi Segurii Pardiliani sue Majestatis Domui. Præfecti, & interioris Consilii Consilarii primi & Legati, Responsum Amplissimi Senatus Reipublicæ Lubecensis.*

**R** *Egiam Majestatem Navarream*  
D. Se-

*D. Segurius Pardilianns* nomine nostro officiose salutabit, eique officia nostra & studia deferet, agetque *sue Majestati* ingentes gratias, pro singulari amore, curâ, & sollicitudine in *Remp. Christianam*, quam quidem ex hac *sue Majestatis* legatione & perspicuis argumentis abunde agnoscimus, commendamus & approbamus.

Deinde *sue Majestati* significabit, quod nihil in nobis deesse pateremur, quod adistius negotii salutaris & summo opere necessarij promotionem videbitur, si aliquid in nostro positum esset arbitrio.

Cum vero hujusrei principium ad *Illustrissimos Electores, Principes, & cæteros Status Romani Imperii Augustane Confessionis*, ex quorum numero quidem minimi sumus, adeoque vocationem ipsam omnium ordinem spectet. Non dubitamus, optimos *Principes*, pro rei magnitudine singulari pietate & zelo, qua *Christianam Religionem* omnes ei verè addicti

complectuntur, in illam curam & sollicitudinem incubituros, acturosque, ne quid *Christiana Resp.* detrimenti capiat. Quæ quidem cum nullam moram patiantur, sed in celeritate posita sint, ut *Romani Pontificis* conatibus quamprimum obviam eatur, sine dubio ad deliberationes omnes & singuli sine ulla cunctatione descendunt.

Quod ad nos attinèt, ut expectationi *sue Majestatis* de nobis egregiè conceptæ satisfiat, si ad consilia communia accersiti fuerimus, quod procul dubio fiet, officio nostro non deerimus, dabimusque operam, quantum fieri potest, & nostra conditio feret, ut *Præmonitorum sue Majestatis* omnium ratio, imprimis & *Religionis* & omnis ab ea incommodi avertendi & nos nostrosque conservandi cura habeatur. Neminemque existimamus tam desidem somnolentumque fore, cui hæc communis deliberatio cordi esse non possit nec debeat.

Quamobrem *sua Majestas* sibi optima

ptima quæque etiam de nobis certò  
persuasum habeat. Cæterum *suam*  
*Majestatem* etiam atque etiam roga-  
mus, ut nos nostramque *Rempubl.*  
semper commendatam habere velit.  
Vicissim *sua Majestatis* incolumita-  
tem, diu & feliciter florere ex animo  
cupimus. *Magnifico* autem *Domino*  
*Segurio* felicem in Patriam reditum  
exoptamus.

*Lubeca Calendas Martii Anno 1584. Sty-*  
*lo Antiquo.*



## X L I I.

*Ad Serenissimi & Incltyti Domini, Domini Henrici Navarrorum Regis postulata, quæ Magnus & Generosus Dominus Baro, Jacobus Segurius Pardilianus interioris Consilii Regii Præfectus nomine Regiæ Majestatis Dominis Proconsulibus & Deputatis Reipub. Hamburgensis exposuit, Senatus, ejusdem Reipub. responsio.*

**S***erenissimi ac Incltyti Domini Henrici Regis Navarrorum, &c. &c. Legatus Vir Magnus & Generosus Baro Jacobus Segurius, à Consiliis Regiis Primus, negotium à Regiæ Majestate commissum, Dominis Proconsulibus & aliis à Senatu Reipub. Hamburgensis Deputatis, tam viva voce, quam scripto compendioso*  
*singu-*



siugulari dexteritate & industria exposuit, quo à *Senatu Reip.* in maturam deliberationem deducto, subsequentem Resolutionem, ea qua fieri par est, animi submissione subicere voluit.

Principio itaque, sicuti *Regia Majestatis* benignæ & propensioris affectionis significationem erga hanc *Remp.* clementissima salutatione ostensam, submissione voluntate *Senatus* accepit. Ita *Senatus* tam suo quam communium Civium suorum nomine officiosa obsequia cum omni observantiæ studio & cultu conjuncta, vicissim humiliter & promptissime defert & pollicetur.

Imprimis vero hanc plane *Regiam* benignitatem gratiosissimis votis prosequitur, quod *Regia Majestas* neque sumptuum neque periculorum, vel molestiarum multitudine deterrita, hujus difficillimæ profectionis Institutum suscipere, atque deinde urgentissimis causis impedita, summæ authoritatis *Legatum*, cum ple-

nissima potestate ablegare voluerit , ut *Christiana Ecclesia* , ob infestissimorum hostium manifestam vim & insidiosas fraudes laboranti , conjuncto Consilio mature succurratur.

Certè uti tam laudabilis Veterum *Christianorum Principum* Exemplo instituti ratio omnium piorum gratulationem meretur : ita etiam *Regia Majestati* , nunquam perituram gloriam , apud gratam , (si quæ futura est) posteritatem inveniet, & ex *Proceribus* aliquot felici emulatione ad hujus salutaris Negotii expeditionem incitabit : siquidem hoc sapientissimo consilio ex gloriosissima *ipsius nominis Illustrissimi* erga omnes *Ecclesia Christiana* Cives , & orthodoxæ Veritatis Studiosos , pietate & benignitate suscepto , *Pietatem Christianam* , & *genere & dignitate sua Regia* dignissimam declarat , & propensionem & amorem clementissimum erga hanc Civitatem , & erga *Ecclesiasticum Statum* , admiratione & bonorum prædicatione dignam affectionem , ostendit

dit, quam in Heroicis naturis antiquæ historiæ celebrant.

Quod autem præcipuum caput *Consultationis Regiæ per Legatum* dignissimum ad hanc *Remp.* nostram institutæ concernit, ut de hisce inter *Augustana Confessionis* Socios, & *Reformata Religionis* addictos, jam dudum cum præsentissimo *Christiana Reip.* periculo exortis controversiis, conventus & *Synodus Legitima*, quam hætenus aliæ difficultates & temporum turbulentiorum iniquitas impedivit, indicatur, in eaque sepositis affectibus & relictis præjudiciis, interveniente *Illustrissimorum Imperii Procerum* autoritate & salutari moderatione, causæ controversæ dijudicatio instituatur, & quæ utriusque partis afflictam conditionem hætenus duriter exercuerunt dissidia, moderato & pio consilio tollantur & componantur.

Certè sicuti hanc Communicationem in *Primitiva Ecclesia* ab *Orthodoxis* sæpenumero usurpatam novi-

mus, ita & ab eadem nos non abhorremus, sed potius ex animo optamus, ut *Deus Opt. Max.* dum orbis terrarum passim odiis & furoribus ardet, misere dilacerata *Ecclesia* Membra conglutinet, & in unius Corporis *Harmoniam* reducat, ac sublata omni dissidiorum inæqualitate, pacem & quietem *Senescentis Ecclesie* benignè concedat.

Ideoque licet penes *Superiores Principes* Convocationis instituendæ potestas sit, & ab illorum voluntate Executio legitima hujus Negotii dependeat, adeo ut non sit, quod de certiore ejusdem effectu quicquid polliceamur: tamen si *Augustana Confessionis* addicti *Principes & Ordines*, legitimi conventus instituendi rationes probaverint, nostramque hac in parte qualemcunque suffragationem requisiverint, certè in iisque ad constituendam pacem & tranquillitatem *Christiana Reip.* pertinent, nostro loco, *Regie Majestatis*, omniumque piorum benigno desiderio & expectationi

tioni nunquam sumus defuturi, sed quum possibile erit, hoc præstituri, quod existimamus ad gloriam *Nominis Divini & Cælestis veritatis* conservationem cessurum.

Quod superest *Deum Opt. Max.* autorem omnis boni rogare non desinimus, ut hisce tam piis & salutaribus conatibus sua divina gratia benedicere, eorumque corda & animos, qui sanctum *Dei Evangelium* amplectuntur, salutare & necessario pacis vinculo consociare velit, quo doctrina *Evangelii* nobis pura conservetur, & ab *Ecclesiis* ipsum verè agnoscentibus omnes hostiles conatus, & violentæ molitiones avertantur, hisque imminenti-  
bus calamitatibus & malis publicis *Divinis* auspiciis, salutaria remedia adhibeantur.

Deinde quæ par est, animi submissione à *Regis Majestate* contendimus, hanc nostram ex animo communis Pacis promovendæ studioso profectam declarationem, benignè & clementer accipere, nosque & *Reip.* nostram.

*Regia sua benignitate* complecti & à nobis vicissim omnia studiosissimæ voluntatis obsequia & paratissima officia expectare velit.

Hæc ut *Magnificus & Generosus Dominus Legatus*, cujus salutem & securam incolumitatem castrorum *Angelorum* excubiis sollicitè recommandamus, post felicissimum ad suos reditum, *Regia Majestati* fideliter nostro nomine referat, officiosissime rogamus, nostra vicissim expedita studia ipsi cupide declaraturi, in fidem horum, *Sigillum Reip. nostra* scientes his litteris apponi jussimus.

Dabantur *Calendas Aprilis* Anno novissimi temporis 1584.

## X L I I I.

*Ejusdem Civitatis*

**A D L E G A T U M**

**E P I S T O L A.**

*Magnifice & Generose Domino Baro,  
Domine & Amice colende.*

**R**esolutionem nostram breviori scripto comprehensam, *sua Generosa*

*generosa Nobilitati* per præsentem communicamus, & quamvis hanc in exhibendo commissam tarditatem accuratius excusare officii nostri esse intelligimus, tamen cum insignis tuæ humanitatis & singularis benevolentia nuper nobis sit perspecta, non putamus, nos facturos operæ pretium, si de excusatione hujus intervenientis moræ instituenda accuratius laboraremus.

*Ipse Moderator omnium Deus* benedicat laboribus vestris, cujus *diuturna protectioni & custodia* tuam tuorumque incolumitatem studiose & devote commendamus: nostra etiam expedita officia *Generosa Nobilitati tua* studiose deferimus.

*Dabantur sub figo Civitatis nostræ. Pridie Non. Aprilis. Anno novissimi temporis 1584.*

*Proconsules & Senatores Civitatis Hamburgensis.*

## X L I V.

*Verdenfis Cancellarii ad*

## LEGATUM

## EPISTOLA.

*Nobilis & Generose Domine Legate.*

**L**itteras tuas ad *Illustrissimum & Cel-*  
*lissimum meum Principem* scriptas  
*ejus Celsitudine* absente accepi & resi-  
 gnavi. Posteaquam vero ex iis te ad  
*Potentissimi ac Serenissimi Regis Na-*  
*varreni* literas urgere Responsum in-  
 tellexi, id non subsecuturum nisi prius  
 communicato Consilio & permatura  
 ob rei gravitatem habita deliberatione  
 cum aliis, quæ *Dei* provisione *Illu-*  
*strissimus meus Princeps* administrat  
*Diacesibus*, animadverti, non inter-  
 mittendum putavi, quin te de hoc  
 certiozem redderem, ne ob expecta-  
 tam responsionem, quæ longa propter  
*prædictarum Diacesium* intervalla ac  
 interstitia non brevi temporis spatio  
 confici



Reg. Gall. ad Imp. &c. 275

confici potest, destinato tuo in *Patriam* itineri moram injectam conqueri possis, & ad *Sereniss. tuum Regem* reverendi optima à semetipso negligeretur occasio.

Interim id tamen tibi, à *meo Principe* persuasum habeas velim, *ipsius Celsitudinem Sereniss. tuo Regi* benevolentiam, studium, observantiam atque omnia amicitiae officia & genera deferre polliceri. Vale quam felicissime.

*Data Verdis 12. Aprilis Anno 1584.*

T. G.

*Studiofissimus*

CHRISTOPHORUS SCHIEFEDT.

Cancellarius.

X L V.  
 HENRICI REGIS  
 EPISTOLA  
 AD  
 COMITEM. &c.

*Henricus Dei Gratiâ Navar-  
 rorum Rex &c. Illustri & Gene-  
 roso Domino.*

*Illustris ac Generose Comes,*

**C**Um nihil post Dei Gloriam, Evan-  
 gelique propagationem nobis fuit  
 antiquius quam *Illustriss. Principum, &*  
*in Ecclesia Præstantium Virorum* con-  
 suetudine frui, mutuamque cum illis  
 amicitiam colere, institueramus ipsi  
*Reges & Principes cæterosque Illustres*  
*Viros, qui puriorem Religionem sectan-*  
 tur, invisere, si modo quid nobis su-  
 peresset temporis à laboribus publicis  
 & periculis illis vacuum, quibus *Eccle-*  
*sias Gallicas*, per absentiam nostram,  
 obnoxias fore plerique judicabant. Ve-  
 rum cum hoc sine discrimine ipsarum,  
 propter *Insidias Pontificis Romani fieri*  
 nequi-

nequiret, observantibus passim in hoc Regno *Monstri illius emissariis*, & Pacem, qua fruimur, *Christianiss. Regis* beneficio, per cuniculos oppugnantibus, mutato proposito, nobis adhuc in *Gallia* commorandum esse duximus.

Itaque cum profectionis illius, deferendum esset institutum, *Dominum Segurium* interiori nostro consilio praefectum ad illustrissimos Principes, ceterosque *Sacri imperii Ordines* delegavimus, per quem, eos de nostra voluntate certiores faceremus, quantumque exoptemus benevolentiam eorum & mutuam caritatem propensissimo nostro erga eos studio consimilem experiri. Altera missionis causa fuit, ut vota nostra, industriam & operam cum his conjungeremus, qui *Ecclesiam Orthodoxam* & ab intestinis diffidiis immunem, & adversus exterorum injurias fartam tectamque esse cupiunt, simul ut *Illustrissimorum Germaniae Principum* Consilio juvaremur, & illa qua apud *Regem Galliae Serenissimam*

~~num~~ pollent gratia, quo voluntas ipsius ad Pacem in Regno retinendam propensissima, in tam sancto & necessario instituto confirmetur.

Quoniam autem non ignoramus, *Illustris & Generose Comes*, qualis semper *vestra* fuit, erga *Ecclesiam Dei* voluntas, & quanto favore sanctissimum & honestissimum *D. Thrichseßi Electoris Colonienfis* institutum promoveri cupiatis, jussimus dictum *D. Segurium* vos nomine nostro salutare, vobis omne genus officii à nobis offerre, aut saltem deferri curare, ac vestrum consilium in rebus nostris & ad *Ecclesia universa* statum pertinentibus rogare. Quod pro vestra illa humanitate erga omnes, pro vehementi Religionis & Gloria Dei studio, proque summa erga nos benevolentia impetratum iri confidimus. *Deus Opt. Max. Illustris generositatem vestram Ecclesia sua* incolumem diu conservet.

*Neraci. xv. Calend. Augusti Anno 1583.*

HENRICUS.

ABELARIUS.

XLVI.

X L V I.

A D

PRINCIPEM ANHALDINUM.

L E G A T I

E P I S T O L A.

*Illustrissime & Clementissime  
Princeps.*

**S**I *Celsitudinem vestram Bessani* esse scerto comperissem, statueram illic me conferre, ut administratae legationis meae, rationem ipsi redderem. Verum cum ad *Illustrissimum Electorem Brandenburgicum, Celsitudinem Vestram* profectam esse, rumoribus accepissem, ad eam scribere decrevi, & quid hactenus egerim explicare.

In *Aula Brandenburgica* tam honorificè acceptus fui, ut nihil supra, cum *Optimae illo Princeps & comitate* vultus, & hospitii magnificentia, & omni humanitatis significatione benignitatem suam erga me aperuerit. Le-  
ga-

gationem vero meam, & *Serenissimi Regis Navarrorum* voluntatem multis etiam verbis collaudarit, ab eo dimissus, *Dresdam* me contuli, ubi cum *Illustrissimo Principe Domino Christiano*, ex parentis voluntate mihi res fuit, erat enim tunc temporis *Augustopoli Illustrissimus Elector* negotiis quibusdam implicitus, ibi etiam cum hospitio admodum magnifico exceptus Legationis meae causas exposuissem, à *juniore Principe* summa etiam attentione & benevolentia auditas, tota re cum *Illustrissimo Parente* communicata, reddidit ille mihi tandem responsum adeo pium & *Christianum* adeoque gratum, ut si optio mihi daretur, melius & optabilius expetere non potuerim.

Nam præterquam quod de re nostra se cum aliis *Principibus* intra certum tempus, quod huic rei præscribit, serio se acturum pollicetur: Elucet passim in ea responsione mira negotii promovendi voluntas, & in *Serenissimum Regem Navarrorum* bene-

volentia & amoris ardens & incitata significatio. Neque dubito, cum optimus ille *Princeps* fidem suam sponte nobis obstrinxerit, quin eam sit omnino præstiturus, nam intellexi ab aliquibus fide dignis hominibus, nostris cum scriptis permoveri.

Quoniam autem proximis istis *Dionisiis* (ut veterum more loquar) cum *Illustrissimo Electore Brandeburgico* in Colloquium venturus est, & de negotio nostro (uti promisit) acturus: *Illustrissimam Celsitudinem vestram*, qua decet reverentia rogatam cupio, ut ante conventum illum cum *Illustrissimo Electore* genero suo hac de re verba faciat, & optimam ipsius voluntatem hac in re provehenda confirmet.

In *Daniam* interea pergo, cujus Regionis *Serenissimum Regem* ab ægitudine convaluisse accepi, eadem etiam, quæ in *Germania* postulaturus, si quid vero *Celsitudo Vestra* ad *Regem* ipsum notis mandatura est, litteras ipsius integro die *Magdeburgi* oppen-

ar;

ar; Quod si etiam aliquid in rem nostram, ab *Illustribus Electoribus* proximo isto conventu decretum fuerit, aut cum aliis *Principibus* actum, & de eo ad me scribi *Celsitudo vestra* jubeat, litterasque *Bremam* ad *Ministram Pecetium* perferri, hoc summi beneficii loco *Serenissimus Rex Navarrenus* deputabit. Quod autem ista petitione verecundiæ fines transiliam, hoc summæ humanitati suæ, *Celsitudo Vestra* adscribat, cujus eam esse voluntatem & studium perspexi, ut inverecundas postulationes meas, ad *Ecclesia* tamen utilitatem pertinentes, æqui bonique consulturus sit.

*Cerbesti XXI. Feb. 1584.*

---

X L V I.

*Eidem*

P R I N C I P I  
A N H A L D I N O.

*Illustrissime Princeps.*

P O S T E A Q U A M legatione mea in *Dania* perfunctus *Hamburgum* veni,  
in



intellexi *Imperatoris* mandatum ad *Illustrissimum Bavaria Ducem* & alios nonnullos missum esse, quo me *Cæsaria Majestas* intercipi jubet, & in custodiam detrudi, quasi res novas in *Imperio* molientem. Quod mandati genus confictis in me criminibus à *Cæsare* impetratum esse non dubito. Sunt enim si minus in *Germania*, at in *Gallia* saltem male feriati plerique, quibus exosa est *Ecclesiarum* nostrarum concordia & tota illa *Legationis* meæ causa.

Ab iis igitur istas mihi parari insidias existimo. Unde factum est, ut nemine causam meam orante, *Cæsar* in condemnationem ipsius ante legitimam cognitionem proruperit. Neque enim puto *Majestatem ipsius* hoc præjudicio usuram fuisse, si intellexisset me *Legatum*, id est jure gentium ab omni injuria tutum atque immunem, easque esse meæ *Legationis* causas, quæ nihil ad *Pacem Imperii* turbendam pertineant, sed potius ad concordiam spectent. Hac  
de

dere ad *Imperatorem* ipsum scribo, & ad *Illustrissimos Electores Saxonicum & Brandenburgicum*, ut illius quidem autoritate, hujus intercessionis extra omnem discriminis aleam mihi tuto in *Germania* versari liceat, & quod superest Legationis meae absolvere.

Quoniam autem nec sine *Ecclesie* detrimento, nec sine summa *Germanici nominis* nota fieri potest, ut in persona mea jus foeciale violetur, à *Celsitudine V.* suppliciter peto, ut qua ratione injuriam istam à me propelli posse censebit (quod totum ipsius prudentiae ac arbitrio relinquo) in eam pro summa sua erga *Sereniss. Regem Navarrenum* benevolentiam incumbere velit. Qua de re si cum *Illustrissimo Electore Brandenburgico* agendum putet, litteras isti *Lormae* tradi jubebit.

Quod ad Legationis meae statum, feliciter coepti laboris felicissimus fuit exitus. Nam & à *Sereniss. Rege Dania*, & ab *Illustriss. Electoribus*, cœ-

te-

terisque *Principibus* ea accepi responsa, ex quibus fides est, omnes brevi operam daturos, ut quam optime & citissime fieri poterit *Ecclesiarum* concordia consulatur. *Ab Illustriss. Electore Saxonico* certiolem adhuc responsionem expecto, praesertim cum & *ipsius Celsitudo* cum *Illustriss. Electore Brandenburgico* & nonnullis aliis *Principibus* in colloquium venerit; & *Comitiorum Rotemburgicorum*, ut puto, dies ferè exierit, quo utroque conventu paracto planum & perspicuum responsum expectare jubebar. Interea *Deum Opt. Max.* oro ut *Illustriss. Celsitudinem Vestram* ad salutem *Ecclesiae* suae incolumem servet.

Breme. vi. Aprilis 1584.

X L V I I  
L E G A T I  
E P I S T O L A

A D  
E L E C T O R E M  
B R A N D E B U R G I C U M.

ILLUSTISSIME PRINCEPS.

**A**bsoluta Legatione nostra tum a-  
 pud *Illustriss. Electorem Saxoni-*  
*um* hominibusque alios *Principes*,  
 tum etiam apud *Serenissimam Danicæ*  
*Regem*, decreveram ulterius pergere  
 & ad alios *Augustanæ Confessionis*  
*Principes* iter arripere. Verum illa-  
 tus Nuntius de mandato ad *Illustris-*  
*simum Bavariæ Ducem* ad Impera-  
 tore misso, quo ut intercipiar & in  
 custodiam conjiciar edicitur, à pro-  
 fectione suscipienda deterruit, do-  
 nec *Imperatoris* voluntatem planius  
 intelligam, cum enim *Berlino Dres-*  
*dam*

*dam* iter faciens acceperim quorundam criminationibus Legationis meae causam apud *Imperatorem* in odium vocari, ex *Dania* autem reversus, de litteris illis intercipiendi mei causa scriptis intellexerim, in eam sententiam adductus sum, ut hac de re ad *Cesaream Majestatem* mihi scribendum esse duxerim, ut scire liceat, an bona cum ipsius venia mihi Legato ad *Germania Principes* misso, in *Germania* ipsa jure Gentium tuto esse concedatur.

Quod cum ad nominis *Germanici* existimationem pertineat, ad *Celsitudinem Vestram*, uti etiam ad *Illustriss. Saxonicum Electorem* scribere ausus sum, utriusque auctoritate futurum existimans, ut extra omnem discriminis aleam Legatione mea perfungi possim: cujus illud primordium, impetratis optimis undique responsis, ut hoc unum tantummodo à *Deo* quotidie petam, ut rectè exorsis compar & sequatur finis. *Deum* itidem oro, *Illustriss.*

292     *Epistola Henrici IV.*

*Princeps, ut Celsitudinem Vestram  
ad nominis sui gloriam perpetuo in-  
columem servet.*

*Bremæ vi. Aprilis 1584.*

---

X L V I I I.

EXEMPLAR  
LITTERARUM

*Ad Duces*

O T T H O N E M

*Brunsvicensem,*

E T

C H R I S T O P H O R U M

*Megapolensem.*

ILLUSTRISIME PRINCEPS.

Cum à Serenissimo Rege Navar-  
reno jussus fuerim apud Illustris-  
simos Germania Principes de certa-  
minibus in Religione componendis,  
& ratione depellendorum Pontificis  
Roma-

*Romani* conatum agere. Privatim vero hac de re *Celsitudo Vestra* mihi compellenda fuerit, quod ipse coram facere non potui, distrahentibus me alio negotiis istis, id ut per litteras fieret operam dedi. *Serenissimi* ejusdem *Regis* mandata ad *Celsitudinem Vestram* mitto, in quibus istius postulata ad *Ecclesia* utilitatem pertinentia continentur. Quæ si *Celsitudini Vestra* probabuntur (uti me pietas vestra cum singulari virtute & humanitate conjuncta sperare jubet) non dubito quin multorum aliorum *Principum* animi, quibus hactenus Legatio mea ignota fuit, hoc præclarissimo & illustrissimo exemplo promoveantur. Quibus vero nota fuit, in optimo illo proposito, quod nobis *Responsionibus* suis consignatum tradiderunt, confirmabuntur.

Superest igitur, ut *Celsitudinem Vestram Sereniss. Regis* nomine obsecrem, ut quicquid habeat auctoritatis aut gratiæ, quicquid facultatis & industriæ (plurimum autem

habet) totum id ad causam istam promovendam, *Ecclesia* non minus utilem, quam necessariam conferat. Quod si effecerit (uti omnino spero) & de *Ecclesia Dei* præclare merebitur, & tot servatis *Reip.* Civibus *Christiana*, non Civicam illam *Romanorum*, sed immortalem alteram atque Coelestem adipiscetur Coronam. Dominus Doctor *Zacharias Welingus Witus Winsemius* hæc ad *Celsitudinem Vestram* perferri curavit & ejusdem responsum ad me deferendum recipiet, ad eum igitur *Celsitudo V.* responsum mittere poterit. *Deum Opt. Max.* oro, ut *Celsitudinem Vestram* ad *Ecclesia sua* salutem diutissime incolumem servet.

*Hamburgæ* XVI. Martii. 1584.



X L L X.

*Ejusdem*

# EPISTOLA

AD

JULIUM

*Ducem Brunsvicensem.*

ILLUSTRISSIMÆ PRINCIPS.

**C**um apud Illustrissimos Electores, Caliosque multos Germaniæ Principes cum apud Illustrissimum & Serenissimum Regem Daniæ Legatione mea perfunctus fuero, & ab omnibus iis optima Responsa acceperim, decreveram, ut promissionis fidem exsolverem, ad Celsitudinem V. rectè contendere: partim ut pro singulari ipsius humanitate &

N 4

bene-

beneficiis in me collatis, gratias coram agerem, partim etiam, ut quicquid hactenus in negotio Legationis egi, *Celsitudini Vestra* explicarem.

Verum cum de hac professione cogitarem: ecce præter omnem expectationem adferuntur ab amico litteræ, cum *Imperatoris ad Illustrissimum Bavaricum Ducem* mandato, quo ut interciperer, & quasi novarum rerum in *Germania* cupidus, in custodiam conjicerer, mandabatur.

Quæ res cum mihi nova plane & inaudita fuerit visa, Litteras ad *Cæsaream Majestatem* mitto, ut ei me Legatum esse significarem, cujus persona & sacra & extra omnem periculi aleam posita jure Gentium esse debeat, & simul postulem, ne quid fictis adversariorum criminationibus in me gravius statuat: si vero statuerit, ut abroget.

Hac de re & ad *Illustrissimum Electorem Saxonicum* scribo & precor, ut

ut adversus ejusmodi mandatum intercedat. Hujus enim commendatione futurum spero, ut *Clementissimus Imperator*, re penitus intellecta, non patiatur, eam *Germanico Nomini* notam inuri, ut *Legato*, presertim de pace & concordia agenti & oleam præferenti, facia-  
lique juri tuto, injuria inferatur.

Tantisper vero dum Nuncius redeat, quem ad *Imperatorem & Illustrissimum Electorem Saxonicum* mitto, itineris discrimen subire nolo, atque hæc mihi causa fuit, nondum ad *Celsitudinem Vestram*, uti decreveram eundi, quod postea tum facturus sum, cum primum ad me reversus fuerit Nuncius, quem *Wolfenbutello* redire jussi, ut si quid ad me responsionis datura sit *Celsitudo Vestra*, per eum de valetudine ipsius intelligere possim, quam & optimam *Celsitudini Vestra* opto, & ita ut à *Deo*, omnium bonorum autore tribuatur, toto pectore deprecor.

Bremæ VI Aprilis 1584.

N. S.

L.

L.

L E G A T I

E P I S T O L A

A D

*Episcopum Halberstadensem.*

ILLUSTRISSE PRINCEPS.

**P***aulus Marbasus* popularis  
meus & eruditionis laude & te-  
stimonii vestri commendatione ex-  
ornatus, ad me venit, cui licet  
omnia humanitatis officia propter  
ipsum virtutem, & communis pa-  
triae necessitudinem exhibiturus fue-  
ram, eo tamen avidius praestabo,  
quod nullius *Principis* testimonio  
niti potuit, cujus ego voluntati,  
propter egregia in me merita luben-  
tius obsequor. Quamvis igitur con-  
fecta

fecta nondum Legatione mea in Galliam non cogitem, curabo tamen ut eo cum familiarum mearum parte reduci possit, neque patiar ei quicquam deesse quod in itineris sumptus necessarium erit.

Apud *Illustrissimum Principem Celsitudinis Vestre* parentem de jure Gentium violato conqueror, cum *Imperatoris* Edicto cautum fuerit ut intercipiar, quasi *Germania* Pacem conturbare voluerim, quæ res quam à Legationis meæ ratione procul absit, *Celsitudini Vestre* notum est.

Ab ea igitur peto & omni prece supplex oro, ut *Illustrissimo Parenti* causam meam commendet; ne scilicet *Germanica* nomini tum ille tum alii *Principes* notam inuri patiantur, ut in *Regium Legatum* contra jus Gentium aliquid admittatur. Quod quoniam à *Celsitudine Vestra*, propter eximiam ipsius humanitatem impetratum iri confido, pluribus non morabor, hoc unum à Deo petam, ut *Illustrissimam familiam vestram*

300 *Epistola Henrici IV.*

*ad Ecclesia sua gloriam diutissime  
incolumem fervet.*

*Breme vi. Aprilis 1584.*

---

L. I.

*Ad Civitates*

L E G A T I

E P I S T O L A.

*Amplissimi & Prudentissimi Viri.*

**C**um à Serenissimo Rege Navar-  
reno, ad Serenissimos Reges, Il-  
lustrissimos Principes & reliquos Or-  
dines Imperii Religionem à supersti-  
tionibus Pontificis vindicatam am-  
plectentes, missus fueram, ut cum  
his de rebus ad Ecclesie concordiam  
& amplificationem pertinentibus  
agerem, præsertim cum amplissimo  
Reip. Vestra Senatu, neque tamen  
apud

apud vos propter gravissimas causas nobis commorari licuit, *Serenissimi Regis Navarreni* Litteras & mandata ad *Amplitudines Vestras* mittere decrevi, ut ex iis *Regia Majestatis* erga *Dei* gloriam studium & propensissimam voluntatem agnoscat, & in hoc negotio ad *Reip. Christiane* salutem necessario quid animi vestri sit aperiatis.

Quamquam autem non tam aliorum imitatione quam *vestra* propria virtute & pietate futurum spero, ut quæ *magistratu Christiano* digna sunt, in hoc negotio statuatis: cum ut quid aliis *Principibus* visum fuerit, omnes intelligant, & *Deo Opt. Max.* qui *Principum* corda pro arbitrio suo moderatur, gratias agant, scire vos volui à *Serenissima Angliæ Regina, Serenissimo Dania Rege & Illustrissimis Electoribus Saxónico & Brandenburgico*, aliisque permultis *Germania Principibus* eam responsa accepisse, unde futurum sperem, optima illos omnes de

*concordia Ecclesia* consilia capturos, quibus si vestra ipsi suffragia addideritis, & negotium, in quo gloria *Dei* agitur, promoveritis, tum & de *Ecclesia Dei* preclare merituri estis, & illustrissimum pietatis vestrae monumentum edituri.

Bene valete, *Amplissimi & Prudentissimi Viri*, vosque *Deus Opt. Max.* ad *Ecclesiae* suae salutem, cum tota *Repub. vestra* diutissime sospites fervet.

*Bremæ VI. Aprilis 1584.*

L I I.  
E P I S T O L A  
L E G A T I

*Ad Ducem*

W I L H E L M U M .

*Lunenburgensem*

ILLUSTRISSIME PRINCEPS.

**Q**uod tribus adhuc circiter mensibus facere non potui, ut propter



pter adversam *Celsitudinis Vostre* va-  
letudinem cum ipsa colloquerer.  
Hoc absoluta Legatione mea apud  
alios plerosque *Illustriissimos Principes*,  
præsertim *Electores & Serenissimum*  
*Dania Regem*, modo conse-  
qui sperabam, decreveram enim ad  
*Celsitudinem Vestram* rectè conten-  
dere, tam ut ei *Serenissimi Regis*  
*Navarreni* benevolentiam & studia  
deferrem, tum etiam ut quid in Le-  
gatione ista *Dei* beneficio obtinue-  
rim, ostenderem, verum cum à non  
nullis male feriatis hominibus &  
*Ecclesia Dei* adversariis apud *Impe-*  
*ratorem* Legationis meæ causam in  
odium vocari intellexerim, unde  
factum est, ut *Cæsar* de nobis inter-  
cipiendis & custodiæ tradendis ad  
*Illustriissimum Bavaria Ducem* &  
alios quosdam scripserit; parvi ami-  
corum consilio, quibus visum est,  
ut ad *Illustriissimum Ducem Saxonie*  
& *Imperatorem* ipsum litteras  
darem, quibus de vi jure gen-  
tium illata modeste conquereret  
& Edi,

& Edictum antiquari postularem.

Interea nolui me viæ committere, donec de *Cæsaris* voluntate certior fierem. Quare quum hoc tempore quidem, nondum ad *Celsitudinem Vestram* properare mihi fas sit, hoc ad ipsum litterarum mitto, una cum *Serenissimi Regis Navarrensi* mandatis, quæ tradere non licuerat, quo tempore *Zellis* fui.

Quibus sane postulatis, non dubito, quin *Celsitudo V.* responsione commodissima, & *Christiano Principe* dignissima, calculum suum additura sit, præsertim cum ea sit *Celsitudinis Vestre* humanitas & *Gloria Dei* promovendæ studium singulare, à quo omnia illa officia exspectari par est; quæ ad *Ecclesiam* amplificandam conferunt, unde fit ut pluribus verbis *Celsitudinem Vestram* morari nolim, sed tantum precari, ut illo nuncio ministro meo, quem ad *Imperatorem* missum *Zellis* redire iussi, responsio tradatur, nisi ma-  
tu-

turius ad me perferri *Celsitudo V<sup>ra</sup>*.  
*stra*. imperet, quam ut *Deus Opt.*  
*Max.* ad nominis sui gloriam diu-  
tissime seruet sospitem etiam atque  
etiam oro.

*Breme* vi. *Aprilis* 1584.

---

L I I I.

L E G A T I  
L I T T E R Æ

*Ad Varios*

P R I N C I P E S.

ILLUSTRISIME PRINCEPS.

**S***erenissimi Regis Navarrensi* iussu  
*perfunctus* sum hactenus Lega-  
*tione apud Serenissimam Reginam*  
*Anglie.*

*Anglia, Serenissimum Regem Dania,*  
*multosque Germanie Principes, præ-*  
*sertim Illustrissimos Electores, qui*  
*Confessionem Augustanam ample-*  
*ctuntur, à quibus omnibus opti-*  
*imum responsum accepi, superest*  
*ut reliquos ejusdem confessionis*  
*Principes vestramque imprimis*  
*Celsitudinem explicandæ Legationis*  
*meæ causa inviserem.*

Verum cum intellexerim non  
 nullorum calumniis & confictis cri-  
 minationibus alieniorem esse fa-  
 ctum *Imperatorem invictiss.*, & ab  
 ejus *Majestate* scriptas, tum ad  
*Illustrissimum ducem Bavaria* tum  
 ad alios plerosque litteras, quibus  
 ut intercipiar & in Custodiam de-  
 trudar jubetur, veritus ne quid  
 mihi in itinere paretur insidiarum,  
 ad *Celsitudinem Vestram* ire non po-  
 tui, sed ad ipsam *Serenissimi Regis*  
*Navarreni* litteras mitto & manda-  
 ta, ex quibus gravissimas Legatio-  
 nis meæ causas *Celsitudo Vestra* in-  
 telliget, & propensissimam optimi  
*Regis*

*Regis Navarreni voluntatem ad Ecclesie salutem & gloriam Dei propagandum.*

Quoniam autem non dubito, quin *Celsitudo Vestra*, pro summa sua pietate, huic negotio æquissima futura sit; idcirco ab ea reverenter peto & omni prece postulo, ut authoritatem & operam suam ad promovendam Ecclesiæ concordiam, & eludendos *Antichristi Conatus* (quæ duo sunt præcipua Legationis capita) *Celsitudo Vestra* conferat.

*Breme VI. Aprilis 1584.*

---

L I V.

EXEMPLAR  
L I T E R A R U M

*Legati ad Principes Pomerania &  
Marchionem Ansbachii.*

ILLUSTRISSIMI PRINCIPES.

**C**um Serenissimi Regis Navarreni jussu Legationem suscep-  
rim

rim ad *Illustrissimos Germaniae Princē*  
*pes*, qui repurgatam à Pontificio fer-  
*mento Religionem* profitentur, ac pro  
 ratione instituti huc advenissem, de-  
 creveram, *Illustrissimi Principes*, le-  
 gatione mea feliciter in hac aula fun-  
 ctus, ad *Celsitudines Vestras* recte  
 properare, partim ut propensissimæ  
 erga vos *Regia* voluntatis opera mea  
 testimonium extaret, partim etiam  
 ut de gravissimis *Reip. Christiana* ne-  
 gotiis cum *Celsitudinibus Vestris* col-  
 loqui, & Prudentissimo Vestro con-  
 silio juvari possem.

Verum cum præter omnem expe-  
 ctationem acciderit, ut *Illustrissimus*  
*Elector Saxonicus* adventus mei cau-  
 sam intellexerit, & cum eo præcipue  
 mihi res futura sit, perfectionem ad  
 ipsam ulterius non esse deferendam  
 existimavi: præsertim cum jam totos  
 fere sex menses in hac obeunda *Legatione*,  
 propter maris sævitiam, &  
 alias itineris difficultates, consum-  
 pserim, unde fit ut jam etiam de reditu  
 propemodum cogitare cogor.

Hæc

Hæc igitur causa me impulit, *Illustrissimi Principes*, ut *Serenissimi Regis* mandata mihi credita & litteras ad *Celsitudines Vestras* scriptas huic Tabulario darem, quibus *Ecclesiarum* ærumnas, Pontificiorum insidias conflatas, & *theologorum* nostrorum diffidiis auctas, *serenitas ipsius* attingit, & opem illis afferri postulat. Quod negotii genus, cum per se satis arduum sit, postulantis vero & eorum ad quos missi sumus officio & munere dignissimum, ab *Illustris. Celsitudinibus Vestris*, pro dignitate ipsarum expensum iri spero; ac quoniam in eo *Celsitudines Vestre* auctoritate sua plurimum possunt, præsertim vero gratia, qua apud cæteros *Illustrissimos Imperii Principes & Amplissimos ordines* pollent, *Celsitudines Vestras*, pro officii mei & muneris suscepti ratione rogatas cupio, ut quod ab ipsis boni omnes præstitum iri confidunt, *Ecclesie* laboranti manum illam salutarem porrigant, & ab infœlicibus contentionum procellis,

& An.

& *Antichristi* faucibus eripere conentur, quo sane pietatis exemplo, nulum neque illustrius, neque ad omnem prosteritatis memoriam diuturnius edi potest.

Ignoscant vero mihi *Celsitudines Vestrae*, quod ad eas recta non contenderim, ita premente temporis angustia, & reditum meum urgente, ut quamvis *Germaniam* omnem & *Daniam* ipsam *Legationis* meae causa perlustrare constituissem, solum tamen *Illustrissimum Electorem Saxonicum* & (si omnino temporis brevitati patiatur:) *Celsitudines Vestras*, praeter eos quos haecenus vidi convenire deinceps mihi liceat, quibus salutatis, & exposita *Regis* mei postulatione, mox in *Galliam*, *Deo* dante, sum reversurus.

Quoniam autem eam esse *Celsitudinum Vestrarum* humanitatem scio, ut quemadmodum in *Aula Anglicana*, *Brunsvicensi*, *Landgraviana*, *Magdeburgica*, & *Anhaltina* & in hoc etiam optatissimum responsum tuli,



tuli, ita etiam *Serenissimi Regis* postulationi, & aliorum *Principum* Responsionibus consentaneam *Celsitudinum Vestrarum* voluntatem experturus sum, ab iisdem etiam peto, ut per literas studium illud suum *Serenissimo Regi* significant, & responsum huic tabellario ad me redituro tradant, præsertim verò ut hac de re, cum *Illusterrimis Imperii Electoribus*, & cæteris *Principibus*, incitato illo suo & ardentissimo Zelo agant. Quod si (ut speramus) effecerint, & *Serenissimum Regem* summo sibi beneficio obstringent, & piorum donorum vota, pro salute sua promerebuntur. Interea *Deum* oro, ut *Celsitudines Vestras*, ad gloriam suam & *Ecclesia* propagationem diutissime servet.

Berlini XVI. Januarii 1784.

L V.

E P I S T O L A  
L E G A T I  
A D

*Electorem Brandenburgicum.*

ILLUSTRISSE PRINCEPS.

62. **A**PRILIS mihi ad Celsitudinem  
Vestram litteras, quibus si-  
gnificavi, quales à multis mihi infi-  
diæ struerentur, & qualia mandata ab  
Imperatore missa essent de me interci-  
piendo, eodem quoque tempore  
scripsi ad Imperatorem, simul missa  
peculiari instructione ad Majestatem  
ipsius, mihi à Serenissimo Rege  
Navarrenno commendata, meisque  
litteris quam subjectissime rogavi, ut  
benigne permitteret me in Germania  
tan-

tantum temporis tuto versari, quantum sufficeret ac peragendam meam *Legationem*. Ex eo tempore intellexi, *Celsitudinem Vestram & Illustriss. Electorem Saxonie, Ducem Brunsvicensis & alios Principes* convenisse.

Cum autem mihi perspecta sit *Vest. Celsitudinis* pietas, singularis virtus & propensissimus ad bene agendum animus, non dubito quoque quin *Vestra Celsitudo* mei meorumque negotiorum memor fuerit. Quamobrem *Vestram Celsitudinem* ea qua decet subjectione rogo, ut dignetur ad me scribere, quid decretum fuerit à *Vestris Celsitudinibus* in conventu illo *Dresdensi*. Rogo præterea quam humillimè, ut *Vestra Celsitudo*, mandata sua, consilia & voluntatem mihi explicet, quid in hac tota re agendum esse censeat. Erubescò quidem toties *Vestram Celsitudinem* scriptis interpellare: Sed confido in bonam partem omnia à *Celsitudine Vestra* acceptum iri, si *Vestra Celsitudo* proponat *sub* ante oculos dignitatem rei de qua agitur,

tur, quam sancta sit & quam necessaria.

Novit præterea *Celsitudo V.* integrum jam fermè annum *Legationem* istam durasse, & tamen nondum eventum cum, quem optare omnes pui debebant, consecutam esse, licet subierim multa pericula, plurimosque labores susceperim, & duodecim Coronatorum millia, ad causam istam peragendam consumpserim. Sed hæc omnia à me præclare insumpta esse ducam, si *Vestra Celsitudinis* prudentia, consilio & autoritate, schismata illa extinguantur, quæ nostras *Ecclesias* divellunt & infestant, ut deinde firmiori vinculo conjuncti, & florente concordia unanimi in *Ecclesiis* nostris, jungantur quoque vires & Consilia ad oppugnandos *Antichristi Romani* conatus, in quo si *Celsitudo Vestra*, non solum meæ sed omnium bonorum expectationi satisfecerit, magnam consecutura est laudem & famam apud omnes posteròs. Ego etiam tam pium & tam sanctum *Vestra Celsitu-*

*studinis* conatum & operam, omnibus in locis prædicabo. Interea *Deum Opt. Max.* rogo, ut *V. Celsitudinem*, cum tota *V. Celsitudinis Illustrissima* Familia quam diutissime in prosperitate continua conservet.

*Datum Bremae XXI: Maii. Anno 1584.*

---

L V I.

ANHALTINI  
PRINCIPIS

A D

LEGATUM

EPISTOLA

**R** Eddidit nobis, *Illustris & Generose. Baro*, Litteras vestras minister ille, quem ex *Dania* ad nos misisti, fueruntque nobis summæ voluptati & longè gratissimæ, cum quod

humanissime scriptæ essent, tum etiam quod nos certiores redderent de negotio vestro feliciter apud *Serenissimum Regem Daniae* expedito & confecto. Gratulamur autem vobis, quod ex sententia hæc vobis res ceciderit, & quod commodum responsum tuleris, optamusque ex animo, ut gubernante *Deo*, totum hoc, quod agitis cedat ad gloriam Nominis Divini & salutem Ecclesiæ, studebimusque pro viribus & nos illud promovere, cum & *Deo* & *Ecclesia* hoc nos debere agnoscamus.

De eo autem quod *Cæsarea Majestas* ad *Electores & Principes* reliquosque *Imperii Ordines* scripsit, rescivimus quidem etiam antehac: at quo spectarent ista, & quis propriè peteretur conjicere aut statuere non potuimus, antequam literæ vestræ certum nos docerent, non dubitamus vero *Electores & Principes*, reliquosque *Status* pro sua sapientia & moderatione, & respondisse, & facturos esse, quod æquitas postulat & per-

personam ipsorum decet, faciemusque  
juvante *Deo* idem & nos.

Quæ vero nostra de toto hoc negotio  
sit sententia, coram hic vobis expo-  
suimus, & cum piam esse & æquitate  
niti judicemus, ideo firmiter eo inhæ-  
remus, petimusque amanter, ut ubi  
dante *Deo* in *Patriam* reversi fueritis,  
*Serenissimo Regi Vestro* eam referre &  
exponere, nosque *Serenitati ipsius*  
commendare, ac nostra studia refer-  
re velitis; atque ipsi, etiam vobis,  
nulla non humanitatis officia de nobis  
polliceri, faciemus certe semper, quan-  
tum poterimus, nec patiemur quic-  
quam eorum, quæ ad tuendam ami-  
citiam initam facere videbuntur, in  
nobis desiderari. Valete.

*Date Dessavii in Aula nostra die Maji 10x  
Anno Domini 1584.*

JOACHIMUS ERNESTUS Dei  
Gratia Princeps Anhaltinus, Comes  
Ascanizæ, Dominus Servestzæ &  
Bernburgi.

L V I I

L E G A T I

A D

D U C E M

S A X O N I C U M

*Epistola sex.*

**C**UM à Serenissimo Rege Navar-  
 reno ad V. Celsitudinem ablegatus  
 fuerim, Illustrissime & Clementissime  
 Princeps, antequam in ipsius Aulam  
 me conferrem, Illustrissima Celsitu-  
 dini V. adventum meum per literas  
 indicare volui, ut his veluti Parariis  
 ad Illustriss. Celsitudinem V. bona cum  
 ipsius gratia mihi pateret aditus. Quan-  
 quam ea sit hujusce Legationis causa,  
 ut vel optimi Regis pietate, vel rei  
 ipsius utilitate, Celsitudinis V. benevo-  
 lentiam citra commendationem ullam  
 promeritura sit, tamen ut hanc Episto-  
 lam scriberem itineris mei præviam Il-  
 lustris-



*Illustriss. Celsitudinis V.* dignitas & muneris mei ratio fecit. Hoc igitur unum dicam ejus Principis nomine, cum *Ill. Celsitudine V.* mihi rem esse futuram, qui *Celsitudinis V.* amicitiam omnibus officiis & studiis in ipsam & pietatis in *Ecclesiam* conciliatam sibi cupit.

Quod autem ad *Legationis* ipsius causam attinet, cum ad *Ecclesia Dei* concordiam, Monstrique illius & *Anticristi Romani* depellendas Insidias illa spectet, *Celsitudini V.* quæ pietatis præcipuam laudem obtinet, nihil gratius evenire posse puto, quam ut hujusce rei conficiendæ rationes illustrari possint, qua de re cum apud *Illustriss. Celsitudinem V.* prolixius actutis sim, huic Epistolæ finem imponam, postquam *Deum Opt. Max.* oravero, ut *Illustriss. Celsitudinem V.* ad *Ecclesia* suæ utilitatem, & nominis sui gloriam salvam & incolumem quam diutissime servet.

Torgæ xxv. Januarii 1484.

## L V I I I.

*Epistola Secunda.*

*Illustrissime Princeps ac Do-  
mine Clementissime.*

CUM à Serenissimo Rege Navarrenò  
ad *Illustriss. Celsitudinem Ve-*  
*stram* ablegatus Torgam advenissem &  
*Celsitudinem V.* hoc in loco degere ru-  
moribus accepissem, literas ad eam  
scripsi, partim ut adventus meus si-  
gnificaretur, partim etiam ut bona  
cum *Celsitudinis V.* venia ad eam mihi  
pergere liceret. Verum cum literas iti-  
neris mei prævias consecutus in hanc  
urbem appulerim, unde in eandem  
sententiam ad *Celsitudinem V.* scribere  
constitueram; Ecce mihi præter ex-  
pectationem *Illustriss. Celsitudinis*  
*Vestra* Consiliarii sibi mandatum nar-  
rant, ut *Legationis* meæ causam  
intelligant, & ad *Illustriss. Celsitudi-*  
*nem V.* referant. Neque esse quod ul-  
terius

terius pergam, tum propter Itineris difficultatem. & salebras: tum etiam propter *Celsitudinis V.* gravissimas occupationes. Ego vero, qui ab optimo *Rege* ad Eximium etiam *Principem* propter summas & gravissimas causas missus, tantum itineris terrarumque, Deo Ductore, confeci, nullarum istius exiguae asperitate deterrebar, quominus ad *Illustriss. Celsitudinem V.* me conferrem, praesertim cum a *Sereniss. Rege* mihi mandatum esset, ut eam ipsius nomine salutarem, literasque suas & mandatorum formulam *Celsitudinis V.* manibus ipse traderem.

Atque cum ipsius itineris difficultate non moverer, sola gravissimarum *Celsitudinis V.* occupationum facta mentio mihi remoram iniecit. Inter ea autem ad *Celsitudinem V.* scribendum esse duxi, ut & morae nostrae causas indicarem & *Celsitudinis V.* voluntatem explorarem, cui, sive cum suis *Consiliariis* acturus sim, sive uti speravi cum *Celsitudine V.* mihi res futura sit, omnino morem geram,

Hac igitur in re *Celsitudo V.* quid statuat exspecto, ipsamque obnixè rogo, ut literas meas & postulationem pro sua lenitate & clementia æqui bonique consulat. Hoc unum etiam peto & pro muneris mei ratione flagito, ut antequam ad legationis meæ causas responsum feram, sive à *Celsitudine V.* sive ab ipsius *Consiliariis, Serenissimi Regis Navarreni* literas & mandata, *Serenissimaque Regina Angliæ & Illustrissimorum Germaniæ Principum* Epistolas, in commendationem istius negotii ad *Celsitudinem V.* scriptas, non ex aliorum Relationibus, sed ipsa per se *Celsitudo V.* cognoscat: Hac enim *Legatione* nullam neque graviolem institui posse intelliget, neque *Reip. Christiana* utiliolem, cum in ea communem *Ecclesiarum* omnium totius *Europæ* salutem, non autem privatam suam utilitatem spectaverit *Rex Navarrensis*.

*Drejde 1. Feb. 1584.*

L. I. X.

*Epistola, tertia.*

*Illustrissime & Clementissima  
Princeps.*

**C**UM ab *Illustrissimo Principe Domino Christiano Illustris Celsitudinis V.* gravissimum Responsum acceperim, istius Urbis finibus excedere nolui, quin prius urgentem illam & incredibilem animi lætitiā litteris meis testificarer, quam ex benigna illa & verè *Christiana* responsione tuli, quæ & mihi ipsi *Legationi* meæ gratulandi causam adfert, & spem etiam præbet quod à *Celsitudinis V.* maioribus susceptum est, asserendæ & constituendæ Ecclesiæ universæ institutum, id felicissimo auspicio vestro (ita *Deo* volente), perfectum iri.

Quod autem ad difficultates illas, quibus *Synodi* fructus interverti posse *Celsitudo V.* iudicat, prudentissime

quidem hoc facit, & in eo cum ingenii præstantiam indicat, tum pietatis eximie vim ostendit, quod de totius negotii eventu tam anxie sollicita sit. Sed cujus dexteritatis atque solertiæ ejusmodi difficultates providere, iisdem obviam ire, ejusdem etiam erit. Hæc sane res adeo magni momenti *Sereniss. mee Principi* visa est, ut ipsius jussu in *Germania* commorari decreverim tantisper dum *Celsitudini V.* aliqua patefaciam præter mandati meam formulam aperienda: Quæ quoniam eidem per occupationes ipsius coram enunciare non licuit, per *Dominum Paulum* aut *Dominum Pistorium* ad ipsam perferri expetebam; Sed quando hoc non potui, nonnulla ex iis *Celsitudinis V.* Confiliario cuidam commisi. Porro non modo *Celsitudinis V.* pia responsio, sed etiam ad ipsius responsionis calcem addita, præter meritum, sedulitatis mee commendatio, ita me totum *Celsitudini V.* devinxit, ut quibus laudibus potero, humanitatem istam & pietatem egregiam

giam apud Exteros omnes prædicaturus sim, & Deum Opt. Max. assiduus votis precaturus, ut *Illustrissimam Celsitudinem V.* ad suæ Ecclesiæ tutelam incolumem conservare velit.

Dresda VIII. Idus Feb. 1584.

---

L X.

*Epistola quarta.*

**I**Ngratus essem plane, *Illustrissime Princeps*, aut etiam officii mei atque muneris immemor, nisi *Celsitudinis V.* quæ me singulari humanitate sua sibi devinxit, & cuius potissimum authoritate res à nobis cæpta absolvi potest, administratæ meæ *Legationis* apud *Sereniss. Regem Dania* & alios *Principes*, rationes redderem.

• *Dresda excessi. Illustrissimis Principibus Duci Megapolitano & Duci Holsatico Serenissimi Regis Navarreni*

literas & mandata reddidi. Utrique vero illorum ita placuit institutum *Regis*, ita causa probata est, præfertim quod ad certaminum & discordiarum nostrarum formam conficiendam attinet, ut in eo strenuam operam responsione sua polliciti sint.

Quod autem ad *Serenissimum Regem Dania*, quem inculpatissima valetudine jam diu fruente[m], præter opinionem eorum comperi, qui rumoribus ea de re sparsis nimium creduli fuerant: cum ab eo magnificentissimè per aliquot dies exceptus fuisset, & in congressu ipsius atque vultu appareret propter adventum meum hilaritatis significatio, tandem intellecta, non modo verbis sed copioso etiam scripto, optimam *Serenissimi Regis Navarreni* voluntatem collaudavit, & ut pinum istud negotium promoveatur officio suo se defuturum negavit.

Cum igitur ipsius *Majestatem* huic causæ æquissimam esse ostenderim,



rim, non dubito, quin si ad præclaros *Illustriss. Celsitudinis V.* conatus ipsius opera adjungatur, quicquid est in *Ecclesia* dissidii, quicquid ab exteris imminet periculi, utriusque ductu depellatur.

Supereft, *Illustrissime Princeps*, ut quoniam ex omnium fere *Germania Principum* colloquio & responsis, eo rem redire intellexi, ut (qua *Celsitudinem V.* observantia colunt) oculos ad eam omnes inflectant, & quid in hac re factura sit summo studio expectent, ad eandem etiam publico totius *Germania* exemplo iterum confugiam, & ut rei tam piæ & *Christiana* Colophonem imponat, precibus meis interpellem, tametsi enim in *Celsitudinis V.* responsione acquiescere debui, neque fidem ipsius appellare, quam idoneo tempore præstitum iri, non dubito (unde factum est, ut quominus ad *Celsitudinem V.* iterum convolarim, pudor ipse prohibuerit) tamen ut repetitas meas preces, in verecundis istis.

istis literis committerem, duæ potissimum res effecerunt. Prior est, quod antequam aliquid in causa mea statueretur *Celsitudo Vestra* cum *Illustrissimo Electore Brandenburgico* & aliis non nullis *Principibus* agere decreverat, & præterea quid in *Rotemburgicis Comitibus* fieret expectare. Utrumque verò contigisse intellexi, ut & *Comitiorum* dies exierit, & *Celsitudo V.* cum *Illustrissimis* illis *Principibus* colloquium habuerit. Altera est, quod à *Serenissimo Rege Dania* de nefaria illa conjuratione in *Regno Anglico* nuper detecta, certior factus fui, quæ paucorum aliquot cervicibus expiata atque suppressa, nondum tamen oppressa est. Unde futurum existimo, ut *Celsitudo V.* in pervidendis *Antichristi Vaticani* insidiis perspicacissima, non frustra neque temere fuisse judicet, quod *Serenissimus Rex Navarrenus* tum in *Anglia*, tum etiam alibi *Pontificem Romanum* cuniculis suis turbas moliri prædixerit.

Cum

Cum igitur *Ecclesias*, toto orbe *Christiano*, in maximo discrimene versari constet; Resque ipsa doceat à dissensionibus nostris ad earum exitum viam sterni, *Celsitudinem V.* exoratum cupio, ut quid in his ærumnis & Reip: *Christiane* periculis, ipsa cum aliis *Principibus* statuerit, aperire velit, ut aliquid certè hac de re ad *Sereniss. Regem Navarrenum* scribere possim. Neve patiatur *Celsitudo V.* me rot exhaustis laboribus & sumptibus inanem & vacuum ex *Legatione* mea redire, pro *Ecclesia* salute suscepta, quæ si ex calamitatibus suis aliquando emergat, ipsius beneficio, eandem *Dei Opt. Max.* causam acceptam feret *Illustriss. Celsitudinis V.* pietati, cujus mandata, & quid hac in re me facere velit expecto, & à *Deo* postulo, ut *Celsitudinem V.* ad *Ecclesie* suæ salutem diutissimè incolumem servet.

*Hamburgæ XXII. Martij 1534.*

L. X. I.

## Epistola Quinta.

ILLUSTRISIMÆ PRINCIPS.

**O**bsignatis prioribus meis litteris, perlatum est ad me Imperialis mandati ad *Bavaricum Ducem* exemplum, ex quo suspicari licet, insidias vitæ meæ strui, qua in re non civilia tantum, sed & Divina & Gentium jura violari constat, cum eam *Serenissimi Regis Navarrensi* jussu personam hæcenus sustinuerim, quæ sacra & ab omni injuriatutissima esse debeat, me præsertim adversus *Imperii* pacem nihil omnino moliente, ut *Illustriss. Celsitudo V.* judicare potuit ex iis scriptis, quæ *Serenissimi Regis* sententiam, aperte & sine fuce continent.

Quæ cum ita sint, exemplum illud ad *Celsitudinem V.* mittere volui, partim ut quid hac in re me facere statuatur.

*Rég. Gall. ad Imp. &c. 331*

statuat, intelligere possim, partim  
etiam ut *Celsitudini V.* cruenta *Ponti-*  
*ficiarum* consilia innotescant, qui  
*Principum* animos (ut modo *Poten-*  
*tissimi Caesaris*) in bonorum perni-  
ciem inflammare non desinunt, nul-  
la neque juris neque *Germanici nomi-*  
*nis* habita ratione. *Deus* vero *Opt.*  
*Max.* illorum conatus avertat &  
*Illustriß. Celsitudinem V.* ab omni-  
bus adversariorum insidiis ad nomi-  
nis suigloriam eripiat.

*Hamburgæ XXIIB. Martii 1584.*

---

L X I I.

*Eidem Duci*

S A X O N I Æ

*Epistola sexta.*

*Illustrißime & Clementißime*  
*Princeps.*

*Superioribus diebus misi ad Celsi-*  
*itudinem V. Exemplum literarum,*  
quibus

quibus *Imperatorem Illustriss. Bavaria Duci*, ut interciperer, mandasse acceperam. Quoniam vero ex eo tempore intellexi, multis *Principibus & Comitibus Religionis Romana* idem esse impetratum apud *Cæsaream Majestatem* litteris scriptis hac de re conqueror, addo litteras & mandata *Serenissimi Regis Navarreni*, ex quibus intelliget *invictissimus Cæsar*, me non modo ad *Illustriss. Germania Principes* ablegatum esse, sed etiam ad ipsum *Imperatorem*, ad quem omnino venturus fueram, nisi de hoc mandato me intercipiendi satis superque constitisset, & ut dicam id quod est, nisi cum *Berlino Dresdam* iter facerem, ex literis amicorum accepissem, quorumdam Calumniis *Legationem* meam apud *Imperatorem* in odium vocari (unde non satis tuta esset perfectio) ad *ipsius Majestatem* administrata apud *Celsitudinem V. Legatione* me contulisset. Hoc autem totum quicquid est *scriptionis*, tum à  
*Sere-*

*Sereniss: Rege Navarreno*, tum à nobis ad *Casarem* rescribi volui, & ad *Illustr. Celsitudinem V.* mitti, an illa ad *Casaream Majestatem* perferenda sint: Facturus enim sum hac in re, quod *Ill: Celsitudo V.* imperaverit.

Quoniam vero propter mandatum *Casareum* vereor ut satis in absolvenda mea *Legatione* tutus sim. Idcirco quod prioribus litteris supplicem petebam, id rursus a *Celsitudine V.* summis precibus postulo, ut qua ratione pro sua summa prudentia æquissimum judicabit, apud *Imperatorem* intercedat, ne quid in me contra morem Gentium gravius admittatur; & quod statutum est abrogetur. Interea quid mihi porro sit agendum à *Celsitudine V.* expecto, à cujus mandatis (uti *Senerissimus Rex Navarrenus* à Sanctissimis ipsius consiliis) totus pendeo, **DEUM-QUE** oro, ut *Celsitudinem V.* salvam & incolumem, ad *Ecclesia* suæ utilitatem quam diutissime servet.

*Brenov. Aprilis 1584.*

L X I I I.  
E L E C T O R I S  
S A X. A D  
L E G A T U M  
R E S P O N S I O.

*Augustus dux Saxoniae, Sacri  
Romani Imperii Archi-  
marescallus & Elector &c.*

**Q**uo successu mandata Regia  
in Dania & Megalopirgo &  
Holsatia post abitum hinc tuum  
confeceris, ex literis tuis summam  
intelleximus. Interea nos de sen-  
tentia Illustriss. Principis Domini  
Johannis Georgii Marchionis Bran-  
deburgici & sacri Romani Imperii  
Electoris &c. consilium cepimus.  
Sed



Sed deliberationis hujus de Concordia inter *Theologos* in universum constituenda gravissimam summam, in unius aut alterius voluntate & potestate positam non esse, pro tua prudentia tute ipse nullo monente perspicias, itaque omnino necessarium ad agendum tempus requiritur, cujus nos cursum & exitum expectare oportet. Donec plurimum diversa & procul dissita loca incolentium sententiæ exquirantur.

Quod autem tu existimas hoc negotium sine mora prolixiore in *Conventu Rotenburgenfi* expediri posse, id longe aliter se habet. Neque enim præter *Brandenburgicos*, *Vitemburgicos* & nostros ulli aliam *Evangelicam Veritatem* profitentium *Principum Legatio* eo fuerunt evocati, atque hi etiam usque adeo nuper congressi sunt, ut quid ab illis sit actum, hætenus adhuc plane ignoremus. Quæ cum ita sint, neque aliquid de tota re certi ad *Sereniss. Navarrorum Regem* perscribi ante possit, quam

quam eorum quorum interest *Principum* suffragatio huc accesserit, recte equidem fecisti & prudenter, quod huc è *Dania* non redieris: frustra enim ad incertum casum laborem & sumptum impendisses, & quid adventus tuus, ad promovendam deliberationis usque adeo latè diffusæ celeritatem profuturus fuisset, non videmus. Bene vale & nos tibi benigne cupere confidas.

*Dresda III. Non. April Anno 1584.*

AUGUSTUS

*Dux, Saxonia Elector.*

LXIV.

L X I V .  
L E G A T I  
*A D*  
E L E C T O R E M  
S A X O N I Æ  
*E P I S T O L A .*

*Illustrissime & Clementissime  
Princeps.*

VI. **A** Prilis misi ad *Celsitudinem Vestram* literas, quibus conquerebar de iniqua *Imperatoris* in me voluntate, & de illius *Majestatis* mandato, ad multos, ut me interciperent. Qua in re ostendebam non civilia tantum sed Divina & Gentium jura violari, cum *Sereniss. Regis Navarrensi*

jussu eam personam hætenus sustinuerim, quæ sacra & ab omnibus injuriis tutissima esse debeat, eodem quoque tempore ad *Imperatorem* scripti, missa simul peculiari forma Instructionis mihi commendatæ à *Rege Navarreno* ad ipsius *Majestatem*: Rogavi quam humillime ut benigne concederet mihi tantum temporis in Germania tuto versari, quantum plena mei negotii Expeditio requireret; & ut sub ipsius favore & gratia me ad reditum præparare possem.

Verum Minister meus post moram decem dierum in *Aula Imperatoris* rediens, nullum attulit ab eo Responsum. Qui etiam cum transiret *Dresda*, non ea fuit præditus prudentia, ut ibi aliquot dies commoraretur donec cæteri *Principes* qui *V. Celsitudinæ* convenerunt, *Dresda* decessissent, quo facilius & commodius à *V. Celsitudine* Responsum ad meas literas acciperet, ex quo mandata, consilia & voluntas *Celsitudinis V.* percepturus eram. Hac vero in parte cum agnoscam ipsum

ipsum gravissime errasse, remque mihi maxime ingratam fecisse, ausus sum iterum ad *Celsitudinem V.* scribere, quo eum officiosissime, & ea qua par est, reverentia obsecrarem, ut dignetur ad me mittere, quod cum *Illustrissimis Electore Brandenburgico & Duce Brunsvicensi* & aliis *Principibus* decretum fuerit à *Celsitudine V.* in eo quod ad meum Negotium spectat, tantum nam confido *V. Celsitudinis pietati*, singulari prudentiæ & benevolentiæ, ut non dubitem ullo modo, quin meum negotium *V. Celsitudini* sit commendatissimum. Cæterum *V. Celsitudinem* quam subjectissime rogo, ut æqui bonique consulat, quod crebrius ad eam scribo, spero etiam propter magnitudinem sancti istius & toti orbi *Christiano* necessarii negotii, me apud *Cels. Vestram* satis excusari.

Præterea jam integrum ferme annum consumpsi in ista *Legatione*: Nec tamen hætenus perficere potui; quod ad absolvendum hoc negotium pertinet, licet multa graviaque incurerim

pericula multosque & magnos labores susceperim, nec non duodecim millia Coronatorum in hanc causam jam consumpserim. Verum tamen si foelicem successum atque eventum hujus negotii paratum mihi esse viderem, & si scismata & dissensiones, quæ sunt in *Ecclesiis Evangelicis*, extinctæ atque hæ ipsæ *Ecclesia* ætissimo concordia vinculo conjunctæ & unitæ essent, ad facilius oppugnandos atque evertendos *Antichristi Romani* conatus, bene collocata esse illa omnia prædicarem, & cum omnia pendeant à *V. Celsitudine*, cujus pietate, virtute & sapientia vel eundem firmiorem confido consensum constitui posse, melioremque quam antea unquam rerum tam Ecclesiasticarum quam politicarum administrandarum rationem futuram esse. *Vestram* igitur *Celsitudinem* quam humillime rogo, & per *Deum* obtestor, ut consiliis & auctoritate sua me juvare dignetur, quo fideliter tam sanctum & tam necessaria-

*Reg. Gall ad Imp. &c. 340*

cessarium negotium conficiatur,  
mihi que significet quid constitutum  
sit à *Vestris Celsitudinibus* super  
hoc Negotio. Interea *Deum Opt.*  
*Max.* præcor, ut *V. Celsitudinem*  
totamque *V. Celsitudinis Illustrissimam Familiam* quam diutissime flo-  
rentem conservet.

*Datum Bremae xxii. Maji Anno 1584.*

---

L X V.  
J O H A N.  
**C A S I M I R I**  
C O M. P A L.  
*AD*  
L E G A T U M  
R E S P.

*Johannes Casimirus comes Palati-  
nus Rheni, Tutor & Palatinatus  
Electoralis administrator, Dux  
Bavaria, &c.*

**R** Eddidit nobis litteras tuas *D.*  
*Callignonius* fideliterque expo-  
suit.

fuit quæ abs te cum *Dania Rege*, cæterisque *Germania Principibus* tractata fuere, quod nobis & audire & legere longe gratissimum accidit; verum quod animo hæres & consilium à nobis petis, quid porro tibi agendum sit. Hortamur te & spondemus quam primum ad nos venias, ut coram de toto negotio conferamus, & quid statuendum sit maturè & solide deliberemus. Hoc enim & causæ magnitudo atque tui & utriusque nostrum necessitas requirit. Poteris autem id tuto facere, si salvum conductum ab utroque *Principe* & *Affinibus nostris Duce Julio Brunsvicensi* & *Landgravio Guilhelmo* petieris, quibus nos jam scripsimus, eosque rogavimus ut adjunctis aliquot equitibus, te tuosque per suas ditiones *Frankfordiam* usque deduci securè curent. Inde ad nos, si scripseris, dabimus operam, quo tuto ad nos pervenire possis. Interea per litteras monere non inutile esset *Electorem Saxonie*, ut re cum cæteris

*Prin-*



*Principibus* deliberata, responsum  
*Guilhelmo Landgravio* mittat, qui  
ad nos perfertur id ipsum, ea de re abs-  
te admonitus, curabit.

Porro quod ad merces illas, quas  
tecum in *Germaniam* adduxisti, at-  
tinet, statues de iis quod voles.  
Quod si *Bremenses* eas diutius in sua  
custodia detinere recusaverint, ex-  
istimamus tum *Argentina* vel *Basileam* deferendas, ibique deponen-  
das esse. Vale.

*Heydelbergæ prid. Calend. Maji Anno post  
partum Virginis. 1584.*

JOHAN. CASIMIRUS.

L X V I.  
J U L I I  
BRUNSVICENSIS  
D U C I S  
A D  
L E G A T U M  
R E S P.

*Julius Dei Gratia Dux Brunsvi-  
censis & Luneburgensis.*

Salutem cum favore nostro, No-  
bilis & imprimis dilecte. Nobis  
allatae sunt literae vestrae scriptae 18.  
Junii: Ignoramus cur tam diu com-  
moretur Minister vester, quem ad  
*Imperatorem* & ad *Electores* alle-  
gastis, nec animadvertere possumus,  
qua

qua ratione (nisi ab omnibus *Electo-  
ribus, illustriss. Principibus & ordi-  
nibus Imperii nostræ Religionis* addi-  
ctis ad communem deliberationem  
res deducatur) in conventu, aliquid  
certi de vestra *Christiana Legatione*  
concludiqueat, in quare duo *Illu-  
striss. Electores Saxo & Brandebur-  
gicus* & nos unanimes sumus, ex his  
apud vos cogitare potestis, quo pa-  
cto vobis ulterius sit procedendum.

In nostro aditu invenimus quod-  
dam scriptum *Palatini Johannis Ca-  
simiri Tutoris & Palatinatus Electo-  
ralis Administratoris* ad nos missum,  
ex quo percepimus ipsum summope-  
re velle ut *Heydelbergam* vos confe-  
ratis, & nos præsto sumus, si per *Pro-  
vincias nostras* transeatis, vobis sal-  
vum conductum & auxilium dare, ut  
tutius vobis sit iter & vobis omne of-  
ficium & gratiam nostram offerimus,  
in quacunque re poterimus.

*Datum Hendricopoli in Aula nostra 27<sup>te</sup>  
Maji Anno 1584.*

JULIUS.  
R 5 LXVII

L X V I I .

L E G A T

A D

D U C E M

J U L I U M

B R U N S V I C E N S E M

E P I S T O L A .

ILLUSTRISIME PRINCEPS.

**C**ONstitui, *Deo* juvante, prope-  
diem me itineri committere, ut  
*Illustriss. Ducis Joh: Casimiri Pala-*  
*tini* voluntati obsequar, & ut qua-  
cunque ratione fieri possit *Legatio*  
*mea* foelicem progressum assequatur:  
Cum autem permulti nobis adver-  
santur & dent operam ne res *Ecclesie*  
salutaris prospere, & feliciter nobis  
cedat,

cædat, *Celsitudinem V.* obnixe rogo, ut pro sua solita clementia & benignitate, mihi plenum & amplum saluum conductum elargiri velit, quo tutius, & commodatius nobis sit iter, per *V. Celsitudinis* Provincias & per ditiones *Illustrissimi Ducis Erici Celsitudinis V.* agnati.

Ingentes porro *Celsitudini V.* ago grâtiâs, quod superioribus suis proximis litteris, eadem mihi, etiam multa plura benigne obtulerit. In itinere quidem libenter ad *Celsitudinis V.* Aulam contenderem, & mandata *Vestra* voluntatem & consilium acciperem: Sed vereor ne meis interpellationibus *Celsitudinem Vestram* impediam aut aliquid molestiæ *Celsitudini V.* afferam. Verum tamen *Celsitudinem V.* vehementer rogo, ut mandet & consulat, quæ mihi agenda esse existimabit, ego illa omnia fidelissime & diligentissime exequar.

Cæterum mirari satis nequeo, cur *Illustrissimi & electores Saxo & Bran-*

348 *Epistola Henrici IV.*

*deburgicus* nunc protrahant negotia *Legationis* meæ ad conventum quendam, qui habendus sit, *Electorum Principum & Ordinum*, quicunque religioni nostræ addicti sunt, cum spem conceperim sex mensium spatio (qui integri elapsi sunt, à quo in *Germania* versor) fieri potuisse, ut certiores ab illis facti *Principes* de tempore & loco, quando & ubi habendus esset conventus, aliquid certi constituissent, præsertim cum *Serenissima Regina Anglia*, *Rex Dania & Illustriss. Celsitudo V.* & cæteri ferè omnes *Principes Protestantes Germania* ejus sint sententiæ, ut approbent *Legationem* istam, quemadmodum de illorum voluntate & scriptis certiores feci *Illustrissimos Electores*, præsertim vero *Saxonem*.

Mora autem ista, qua remittitur ad conventum illum *Legatio* mea (licet molestissima sit & importuna) non tamen efficiet, ut ego desistam ab instigato. Negotium enim à me susceptum

susceptum tam sanctum & necessarium, tantique momenti est, ut in animo habeam potius mori, in persequenda *Legatione* ista, quam eam imperfectam deserere.

Interea verendum est, ne dum in longum producit hoc negotium, aliquid mali bonis contingat, cui deinde mederi difficillimum sit. Spero etiam fore, ut *Illustriissimi Electores*, meis crebris interpellationibus commoti, vel tandem excitentur ad id faciendum, quod non rogati & ultro concedere deberent. Sed non dubito sapius à *Celsitudine V.* eadem flagitare, cum certo mihi spectata sit *Celsitudinis V.* Zelus & Virtus ad veram *Religionem*, & optima voluntas, quam omnibus antea notam, multo melius deinde cognovi ex responso, quod *Celsitudo V.* misit ad *Serenissimum Regem Navarrenum*, quo eum *Celsitudo V.* adhortabatur, ut cœptis insistere, & alacri animo tandem elaboraret, donec negotium ipsum foeliciter perageretur.

Solum ut ingenue fatear te agnosco, *Illustrissime Princeps*, quem secundum *Deum* imprimis oportet *Legationem* istam ad exitum perducere. Quapropter *Celsitudinem V.* rogo, ut quemadmodum hactenus affecta fuit erga hoc negotium, sic deinceps quoque laudem tam sancto opere dignam, suo ductu auctoritate, prudentia & consiliis acquirat. Ego interim *Deum Opt. Max.* oro, ut *Celsitudinem Vestram* cum *Celsitudinis Vestra Illustrissima Familia* quam diutissime sospitem conservet.

*Datum Bremae VIII. Junii Anno 1584.*



L X V I I I.  
E L E C T O R I  
S A X O N I Æ

*Illustrissime & Celsissime  
Princeps.*

26. **D**ie May scripseram ad *Celsitudinem V.*, sed cum minister meus in superiorem *Saxoniam* pervenisset, intellexit *Celsitudinem V.* valetudinis curandæ causa ad fontem acidum *Swabachicum* contendisse. Discessi igitur quam primum *Brema*, ut *Celsitudinis V.* redditui obviam irem, sed ex *Illustrissimo Landtgravio* rescivi *Celsitudinis V.* per valetudinem non licere antè aliquot dies itineri se committere. Idcirco operæpretium esse duxi, ut me conferrem ad *Illustrissimum Ducem Ioh. Casimirum Palatinum*; —  
quo

quo litteris accersitus sum, ut apud eum *Celsitudinis V.* mandata & voluntatem expectarem, num scilicet ulterius proseguenda esset à me *Legatio ista.*

Equidem ut *Celsitudinem V.* coram & reverenter submissee salutem & *Celsitudinis V.* mandata ipsemet acciperem, ad eam iter suscipere magnopere & ardenti desiderio exoptabam : Sed veritus ne mea praesentia *Celsitudini V.* molestissima esset, praesertim hoc tempore, quo intenta est omnino *Celsitudo V.* ad *Valerudinem* curandam, non esse faciendum existimavi. Praeterea in hoc loco rumorem spargi audivi *Regem Navarrenum*, post obitum *ducis Alenfonii à vera Religione* defecisse. Sed cum confictum esse omnino credo ab iis, qui hactenus voluptatem cepere maximam ex tumultu & excidio infelicitis *Galliae*, eamque bellis continuis & caedibus deplorandis penitus delere & evertere semper conati sunt. Quapropter

ter ne *Celsitudo V.* huic falsissimo rumori fidem adhibeat, neve eo impediatur, quominus à *Celsitudine V.* bonum responsum impetrare possim, summopere contendo. Hoc enim omnino spectat ad Gloriam divini nominis & ad suæ *Ecclesiæ* concordiam & conservationem, neque solum ad *Regem Navarrenum* peculiariter & proprie, sed sive verus sit hic rumor, sive mortuus sit *Rex* ipse *Navarrenus* (quod utrumque *Deus* avertat, neque id mihi persuaderi patiar;) non desistam tamen hoc negotium prosequi. Quoniam & sanctum & necessarium, magnique ponderis esse omnes pii intelligunt, ideoque à nobis non deferendum, non enim tantum à *Rege Navarreno* id mihi injunctum est & commendatum; sed etiam à *Principe Condéo* & ab omnibus *Ecclesiis Gallicanis*, quod cum opus erit testimonio comprobabo, atque etiam ipsa *serenissima Angliæ Regina* literas ad *Celsitudinem V.* & ad alios *Illustriss. Principes*

cipes scripsit, ex quibus apparet, quanta cura *optima Princeps hanc Legationem* secundum aliorum quoque omnium piorum vota promoveri cupiat.

Quapropter *Celsitudinem V.* submisso rogo & per *Deum* obtestor, ut tali responso me dignetur, quod & omnium bonorum existimatione & congratulatione dignum sit, & ad *Ecclesiarum Christianarum* conservationem non leve pondus habere possit.

Videmus *Pontificios* unanimi consensu esse & se vinculis firmissimis conjungere, ut nobis noteant. Conjungamus nos igitur aut saltem vitemus majores occasiones *Ecclesias reformatas* insimulandi, quod in fundamentis *religionis* suae diffideant, ut sic majori cum fructu *Antichristi Romani* conatus depellere ipsiusque vires nobis maxime noxias infringere valeamus. Obsecro igitur *Celsitudinem vestram*, ut dignetur meis crebris interpellationibus finem imponere.

nere. Erubesco enim quod tot iteratis meis scriptionibus *Celsitudini V.* me molestum esse oporteat.

Peto denique à *Celsitudine Vestra*, ea qua decet submissione, ut pro sua prudentia & autoritate faciat, ut tanto tempore tuto mihi in *Germania* versari liceat, quanto *Celsitudini V.* necessarium & commodum esse videbitur. Quod ut facilius fiat, enixe quoque rogo *Celsitudinem V.* ut saluum conductum mihi sua singulari benignitate elargiatur, Interea *Deum Opt. Max.* præcabor, ut *Celsitudinem V.* quam diutissime incolumem conservet.

*Datum Cassellis XXV. Junii Anno 1584.*

L X I X.

ELECTORI  
SAXONIÆ.*Illustrissime & Clementissime  
Princeps.*

**P**Ræterit jam annus cum hanc *Legationem* de sententia *Sereniss. Regis Navarreni* imponi mihi passus sum. Quæ cum *Christica* causam agat, & omnino pertineat ad gloriam *Dei* & *Ecclesiarum* salutem, dignam certe judico, quam *Principes* protestantes utraque manu amplecterentur.

Sed ex perior & affirmare cum summo animi dolore cogor nos hactenus in eo negotio parum proficere potuisse, quamvis à me nihil omissum sit, omnibus viis & mediis  
que-

quesitis, quæ ad hoc foeliciter peragendum, commoda & necessaria esse viderentur.

Interea tamen cum hæc apud me considero, video, proh dolor! publicas calamitates & vulnera *Ecclesia* augeri & in dies recrudescre: dum audimus *Electorem Coloniensem* non solum dignitate sua dejectum, sed etiam tota *Germania* expulsum esse, tum *Principem Auriacum* à Perditissimo Sicario nuper interfectum esse, totum, vero *Belgium* jam dudum multo sanguine conspersum, rursus extrema & Tragica quæque metueræ.

Quod idem in *Anglia* accidisset, nisi nefaria conjuratio adversus *Reginam* in eo *Regno* scelerate inita, summo Dei beneficio detecta fuisset. Hæc dum ipse tristis mecum considero, à *Rege Navarrenq* & multis amicis viris præstantibus in *Patriam* revocor, qui sperant me multo magis profuturum in *Galliis*, quam si frustra me diutius in *Germania*

*mania* detineri patiar, quorum consilio etsi obtemperare constitueram: nolui tamen committere, quin prius *Celsitudinem V.* de hoc meis literis certiores facerem, & ea, quâ par est, reverentia, & submis-  
 se rogarem, ut pro sua Pia & Clementi affectione erga *Ecclesias*, in tot *Regnis* periclitantes, mihi si-  
 gnificare dignetur, num hoc san-  
 ctum negotium, quod jussu *Regis Navarreni* hactenus non sine ma-  
 gnis sumptibus & laboribus perse-  
 quor, bono, benignoque responso  
 dignum judicet, quod quidem *Cel-  
 situdinis Vestra* exoptatissimum re-  
 sponsum, summo cum desiderio  
 integrum adhuc mensem in *Ger-  
 mania* expectaturus sum.

Quapropter à *Celsitudine V.* sum-  
 mopere peto, eamque per *Deum*  
 obtestor, ut quicquid ad *Dei Gla-  
 riam & Ecclesiarum* pacem & con-  
 servationem spectans, consulere &  
 respondere dignabitur, intra tem-  
 pus jam designatum ad me mittere  
 & per-



& perferri clementer curet.

Quod si existimaverit *Celsitudo V. Synodum* hoc tristi tempore nondum convocari neque Sententiarum & animorum conjunctionem in hac causa tam cito constitui & firmari posse, rogo tamen *Celsitudinem V.* ut saltem pro sua Authoritate curet, ut omnium repurgatarum à *Pontificiis Idolis Ecclesiarum* nondum conciliatæ controversiæ, ad *Synodum* dijudicandæ reserventur, neque cuiquam privatim, in alterius fraudem & præjudicium quicquam interea statuere liceat: præterea ut acerbis illis contentionibus, quibus hætenus voce & scriptis inter se *Theologi* quidam rixati sunt, silentio tandem finis imponatur, ut ejusmodi disputationibus sepositis, *Christiana Charitas*, & animorum fraterna conjunctio, coalescat.

Concludam igitur Epistolam meam his verbis, quibus ante aliquot annos quidam vir optimus promovere voluit *Ecclesia* propagationem,

tionem, scribens ad potentissimum quendam *Principem*. Circuit jam *Christus* esuriens, sitiens, nudus, victus, conquerens de *Antichristi Romani* rabie, de quorundam impiorum *Regum* injustissima asperitate & sævitia, petens ne lacerentur crudeliter membra sui corporis, sed ut vulnera faucii & spoliati viatc-  
ris, *Luc. x.* Salutaribus remediis sanentur, & concordia pia consensuque Christiano, moderatis consiliis, & legitimis modis satiatur, defendanturque *vera Ecclesia*, & ornentur *Evangelium*, hunc *Angelum* magni Consilii, & aterni Patris summum veracissimumque Legatum, pie agnoscere, reverenter excipere, benigne fovere, magni, potentis, & vere pii *Principis* est officium, & cultus Deo gratissimus, valeat *Vestra Celsitudo Deusque Opt. Max.* eam quam diutissime florentem conservet.

*Datum Cassellis XXIII. Julii Anno 1584.*

L X X.  
E L E C T O R I  
S A X O N I Æ.

*Illustrissime & Clementissime  
Princeps.*

23. **J**ulii scribebam *Cassellis* ad  
*Celsitudinem V.* me brevi re-  
versurum ad *Regem Navarrenum*;  
eo quod ab ipso accitus essem,  
Protraxi autem discessum meum ut  
respondum *Celsitudinis V.* jam diu  
a me expectatum, mecum afferrem.  
Sed non sine dolore experior, hanc  
quoque moram spei & expectationi  
meæ satisfacere non potuisse. Et ar-  
bitrabar certe magnitudinem &  
pondus rei, quæ a me tractatur, *Cel-  
situdini V.* calcar adhibiturum esse,  
ut cum benigno responso ex *Ger-  
mania* me dimitteret. Quod quia  
Q factum

factum non est, peto à *Celsitudine V.* ea qua par est reverentia & submissione, ut benigne adhuc cogitet, an non *Legationis* istius negotium satis per se dignum videatur responsione. Profecto enim vereor ne *Germanos* tandem poeniteat se *Regis Navarreni* consilium atque institutum opportuno tempore secutos non fuisse, idquē propter multas causas, & praesertim propter ejectum *Truchesium* & amissum fere *Belgium*, quo in adversariorum potestatem redacto timendum est, ne rabies furorque *Pontificis Romani*, & *Regis Hispania* potentia sese in *Germaniam* convertat, quod tamen, ut *Deus Opt. Max.* avertat, assidue rogandus est.

*Celsitudinem* igitur *V.* denuo submittere rogo, ut sententiam suam de negotio à me proposito, responso tandem aliquo explicare dignetur, nec patiatur me sine eo in *Galliam* redire, quod sane mihi gravissimum molestissimumque esset.

For-

Fortassis autem rumores quidam falsi de defectione *Regis Navarreni à Vera Religione* impedierunt, quo minus ullum responsum à *Celsitudine V.* acceperim. Sed audiam quæ illi prodierint; sane qui spargere eos ausi sunt, videntur ii pessimo animo præditi, cum non erubescant talia de *Optimo Principe* afferre, qui nunc etiam propensior est ad bene agendum quam unquam antea, id *Celsitudo V.* cognoscere potuerit, ex extracto cujusdam Epistolæ scriptæ ex *Montepesulo* ad *Illustrissimum Ducem Johannem Casimirum* generum *Celsitudinis V.* inde etiam patebit *Principum* aures non tam faciles esse debere ad recipienda ea omnia, quæ à diversis *Hominibus* proferuntur.

Hæc sunt, *Electore Illustrissime*, quæ jam habui ut ad *Celsitudinem V.* scriberem, quam iterum atque iterum ea qua decet reverentia obsecro, ut responsum *sua Celsitudini* dignum ad me brevi mittere dignetur, &c.

## L X X I.

*Mandata à nobis Henrico Dei  
Gratiâ Rege Navarrenno,  
Principe Bearnie, &c. Do-  
mino Jacobo Segurio Pardi-  
tiano domui nostræ Præfeto  
& Interioris nostri Consilii  
primo Consiliario tradita,  
ex quorum formula cum Il-  
lustrissimis Sacri Romani Im-  
perii Electoribus, reliquis-  
que Germaniæ Principibus,  
qui Religionem Reformatam  
profitentur, nostro nomine  
acturus est.*

**E**Undem Illustrissimum Princi-  
pem nostris verbis officiosissime  
salutabit, benevolentiam erga ipsum  
nostram, eximium amorem & obser-  
vantiam testabitur, desideriumque  
illud

illud exponet quo sub initium superioris anni tenebamur; peragrandæ scilicet *Germaniæ*, & cum *Illustissimo illo Principe* amicitia firmanda, quem de *Repubblica Christiana* optime meritum esse novimus, cui profectioni, cum exorientes subinde turbarum suspiciones adversarentur, & justas commorandi causas innecterent, se à nobis ablegatum esse significabit, ut quæ superius dicta sunt indicaret, atque labantem & propemodum afflictum *Ecclesiæ Christianæ* statum, ipsius oculis subiceret: præsertim vero de quarendis dissensionum nostrarum remediis & constituendo *Ecclesiarum* unanimi consensu consilia communicaret.

Exponet igitur imprimis, quantopere necessaria sit inter *Principes & reliquos Ordines*, eidem *Religionis* cultui deditos, Concordia: & quantum ex intestinis nostris de doctrinæ diffidiis periculi contrahatur *Ecclesiæ*, unde & ipsis in medio fere cursu mora injecta, & infirmis, ad veri-

tatem properantibus, impingendi occasio præbita sit.

Hujus mali fontem atque adeo aucthores à nobis non inquiri, quod sine nostro dolore & eorum pudore fieri nequeat, cum satis constet, perspecta morbi natura, probos omnes viros vulneri remedium expetere, quod & reperire utilius sit & vite facilius, quam de Procellarum istarum auctoribus convenire.

Cui libet *Christiana Fidei* Rudimentis imbutus notum esse, nostrum in præcipuis doctrinæ capitibus consensum, præsertim in gratuita peccatorum remissione, per *Christi* sanguinem *Æterni Dei Filii*, & unius generis humani *Mediatoris*, omnibus in ipsum credentibus parata, unde fit ut iisdem rationum & argumentorum telis, *Antichristi Romani* præstigias & errores oppugnamus, in ipsoque adeo *Cænæ* negotio, de quo præcipua disceptatio est, de *Sacramenti* substantia conveniamus. Cum nemo sit qui se verum corpus  
*Chri-*



*Christi in Eucharistia* assumere diffi-  
teatur.

Cum itaque nulla superest contro-  
versia, nisi in ipso percipiendi mo-  
do, & præsentiæ ratione, intolan-  
dum prorsus videri, ut in quærendo  
modo, plane modum adhibeamus  
nullum omnem contra excedamus.

*Pontificios* longe majus prudentiæ  
(ne dicam charitatis) documentum e-  
didisse, qui ante bellum ipsis indictum;  
à *summo illo sanctæ memoria Luthero*;  
capitalibus inter se ob eundem articu-  
lum odiis flagrabant, adeo ut *Scho-  
lastici Interpretes* in duodecim fere di-  
screpantes distraherentur sententias,  
tanta videlicet animorum contentione  
& pervicacia, ut de concepta opinio-  
ne, nemo discedere vellet, quemad-  
modum in *Lombardi, Schoti, Tho-  
ma, Durandi, Pici, Bielii, Bona-  
ventura* & aliorum monumentis vide-  
re est: qui cum se ictibus antea jugu-  
larent, artibus tandem & autoritate  
*Pontificum*, majori cum otio nobis  
exitium moliri cupientium, compres-

sa sunt ejusmodi dissidia, quod ut à nobis, vel hostium exemplo, in controversia longe minus acerba fieret, tanto præsertim imminente ex dissensionibus illis incendio, nondum exorari potuimus.

Ad hujus morbi curationem *Ecclesiam* illam priscam nobis facem prætulisse, cum in similibus controversiis, secessionibus & Schismatis, ut occasionem præcideret, nihil prius haberet, neque antiquius *Synodorum indictione*, quæ scilicet infinitis prope vulneribus remedium attulerunt. Majorum igitur more ab *Illustrissimo Principe* postulare nos, ut apud se pro sua prudentia & propensissimo in gloriam *Dei* studio expendat, an *Ecclesiis & Reip. Christianæ* expediat, ad dejudicandas controversias nostras, universalem instauratarum totius *Europæ Ecclesiarum Synodum* haberi, ea scilicet lege, ut ad conventum illum de controversiis inter nos capitibus referatur, & possint accurata disceptatione, expensis omnium Sententiis, dissensiones dirimi.

Quod

Quod si hujus *Consilii* indictionem, & re *Christiana*, uti nos existimamus, esse putet, ab eodem *Illustrissimo Principi* flagitare nos, & omni contentione petere, ut cum reliquis *Imperii Principibus* hac de re diligenter agat.

Quoniam autem hujus morbi medicinae moram attulerunt procellae illae, quibus jactantur *Ecclesia* multis *Europa* locis, partim bello petita, partim crucem experta, unde fit, ut laborantibus illis, tetrum hoc vulnus, eorum importuna contentione & ambitiosis disputationibus subinde recrudescat, quorum muneris erat ulcus ipsum, adhibitis acopis mitigare; Eodemque acerbitalis provecta sint partium studia, ut se praedjudicatis sententis mutuo damnaverint, & ab *Ecclesia* communione, suo quidem iudicio, exturbarint. Quod saevienti genus ejusmodi videtur, ut praesenti remedio egeat, neque sit ipsius in futuram *Synodum* differenda curatio, discriminisque illius depellendi ratio, quod & *Verbum Dei* ludibrio,

& ipsius *Ecclesiam* direptioni exposuit; *Illustris*. eundem *Principem* rogabit *noster Segurinus*, ut tantisper dum paratur generalis illa *Synodus*; curationem istam sibi cum aliis *Germania Principibus* prævertendam suscipiat, quæ duabus rationibus commodissime absolvi possit.

Altera quidem, si omnium utriusque professionis *Ecclesiarum* controversiæ ad *Synodum* dijudicandæ referantur, neque cuiquam privatim in aliorum fraudem & præjudicium quicquam interea statuere liceat.

Altera vero si acerbis istis contentionibus, quibus hætenus & verbis inter se rixati sunt *Theologi* & *Scriptis*, silentio tandem finis imponatur, & ejusmodi disputationibus explosis, *Christiana* charitas & animorum fraterna conjunctio revocetur.

Quod quidem *Serenissimus Rex Navarra* ab *Ecclesiis Gallicis*, à quibus hac de re rogatus est, tam suo quam ipsarum nomine bona fide præstitum iri spondet.

Quod

Quod autem ad *Synodum* ipsam attinet, hæc etiam *Illustrissimo Principi* significabit *D. Segurinus*, nulla ratione infœlicissimum illud de *Cœna Domini* dissidium melius & facilius, nostro quidem iudicio, sanari posse, quam si vetusto & jam ab *Apostolicis* temporibus repetito more, *Synodus* habeatur. Quod quoniam *Illustrissimi Principis* opera confici, aut saltem promoveri posse speramus, orare nos iterum, ut tam pio & salutari operi manum admoveat, & oblatam de *Ecclesia* bene merendi occasionem arripiat.

Non esse nos ea pervicacia, aut intuitendis nostris opinionibus tenacitate, ut si *concilium* illud ineatur, meliora momentibus fidem abrogare velimus, imo paratos esse omnium animos ad concordiam ineundam, & ea dogmata suscipienda, quæ *verbo Dei* consentanea futura sunt.

Quod nos alii *Zwinglianos* alii *Calvinistas*, *Sacramentarios* plerique vocant, perperam id quidem fieri &

nullo nostro merito, cum in *Christi* folius verba juraverimus, nullius sententiae addicti, nisi quatenus *veteris & novi fœderis* doctrinae congruit.

Quod si ab ullius mortalis nomine adoptanda nobis esset appellatio, potiori jure utique *Lutheranos* vocatum iri, cujus sane nominis invidia cum laborarent *Galli*, infiniti prope per Sexaginta annos cæsi, exusti, equuleis admoti & omni genere crudelitatis extorti, præclarum *Christiana doctrina*, quam à *Luthero* primum acceperant, testimonium ediderunt, & sanguine suo, per *Dei* gratiam, obsignarunt: ut vere à nobis asseri possit, plures propomodum *Martyres*, quos *Lutheranos* tunc temporis vocabant, *Galliam* edidisse, quam reliquos omnes totius *Europa* regiones.

*Lutherum* ab *Ecclesiis Gallicis* ut ipsarum in *Christo* parentem, agnosci, quod illius ministerio veritas primum è latebris eruta sit, ejus vero doctrinam & eruditionem adeo à nostris  
ama-

amari, & suspici, ut unum illum repetita ab *Apostolorum* seculo memoria fuisse existiment, qui scriptis suis & laboribus *Ecclesie* plurimum contulerit.

Qui nostro sæculo florent, & *Helveticam* sive *Gallicam* confessionem tuentur, acerbius quidem & odiosius incoeliciſſimam de *Cena Domini* disputationem attigisse; sed ex aliis plerisque, hac etiam culpa non carere. Verum non decere nos propter unius, aut alterius acerbitatem, perpetuis inter nos dissensionibus flagrare, & *Ecclesias* integras privatorum odio prægravari.

Plerisque in *Germania*, præsertim è vulgo, ita de *Gallicarum Ecclesiarum* doctrina persuasum esse, quasi erronea sit, & qualibet hæresi, vel etiam *Pontificia*, longe deterior. Qua in re nobis injuriam insignem fieri putamus, & aliis plerisque nationibus exteris, unde fit, ut palam quales simus testari cupiamus, & si erremus, ex *Verbo Dei* doceri.

Controversiam de *Cæna Domini* non adeo difficilem, ut *Synodo* dirimi nequeat, duobus potissimum argumentis colligi.

Prius est, Quod cum tria sint quæ in hoc negotio spectentur, *Symbolum* scilicet, & res exhibita, & fructus quem inde percipimus, in tribus illis omnino inter nos conveniat. Fatemur enim omnes Panem & Vinum esse *symbola*, corpus & sanguinem rem exhibitam, fructum vero istum ex *Paulo* statuimus, ut fractio Panis & Vini sit *corporis & sanguinis Christi* communicatio, quod autem ad perceptionis modum (in quo hæremus) supernaturalem esse eum & Spiritualem omnes etiam fatentur. Sed dum arcanum illum & ineffabilem modum nimis anxie non nulli querunt, plagas illas disputationum & controversiarum infelices nobis pertexuerunt.

Hac vero de re minus sollicitos esse nos debere, vel ipsius *Lutheri* testimonium admonet, qui in *Epistolis ad Helveticas Civitates*, se de modo  
la-



I. *Reg. Gall. ad Imp. &c.* 375  
caborare negat, dum de præsentia  
onster.

AIterum argumentum est, quod  
nunquam istius dissensionis concor-  
dia serio quæsitæ est, quin *Dominus*  
*Christiano* illi conatui benedixerit, &  
ad optatum exitum *suo Sancto Spiritu*  
perduxerit, ut ex colloquio *Lutheri*  
& *Zwinglii*, Anno 1529. & triennali  
illo 1536. 37. & 38. apparet, quorum  
utroque inter primarios *Theologos Ec-*  
*clesiasque Germanicas & Helveticas*  
concordia sancita est, & de *Cæne* ne-  
gotio consensus in formulam redactus,  
utriusque partis subscriptione com-  
probatam.

Nam quod ab illa pace & *Ecclési-*  
*arum Concordia* utrinque postea di-  
scessum fuerit, importuna quorun-  
dam acerbitate inçerente (ut fertur)  
ipso *Luthero* & bonis omnibus factum  
est, quod nedenuo contingat (si con-  
ciliatio inter nos constitutur) *Princi-*  
*pum* autoritate & *Magistratum* of-  
ficio præstari potest: cum sit eorum  
munus, ejusdem contentionibus li-  
tem

sem ex lite ferentibus, obviam ire. Unde ut plurimum discordiæ faces oriuntur, ædificationis vero ad *Ecclesiam* nihil.

Cum igitur diffidii istius Conciliatio res sit (uti quidem nobis videtur) per se facilis, & omnium iudicio *Ecclesia Christiana* pernecessaria: hujus vero promovendæ spēs nobis & expectatio magna in *Illustrissimo Principe* posita sit. Optimum illum *Principem* & de *Ecclesia* tot nominibus meritum, hortabitur *Sagaxius noster*, ut auctoritatem, à *Deo* sibi conceditam, ad componendas exitiales illas dissensiones conferat.

Quoniam autem frustra pacem querimus, nisi externos illos communis adversarii, *Pontificis Rom.* conatus & apertas in perniciem nostram insidias depellamus. Idcirco artes illas & nefarias *Antichristi* coniones optime notas, *Illustrissimo Principi* significabit, quibus veritatis lucem, *filius ille tenebrarum* extinguere nititur.

Monebit igitur imprimis, quot-  
quot

quot per *Hispaniam* & *Italiam* in suspicionem emendata Religionis veniunt, eos omnes Cruci subditos *Antichristi Rom. Tyrannidem* & inquisitionis atrocitatem & sevitiā experiri.

In *Gallia Concilii Tridentini* promulgationem & inquisitionis Constitutionem a Legato Pontificis adversus *Senatus* intercessionem & *Ecclesie Gallicana* libertates ugeri.

*Iesuitarum* artibus *Anglorum* animos ad defectionem sæpenumero impulsos, ut nisi faces illæ sapientissimo *Regina* consilio extinctæ fuissent, clandestini illi coitus & nefariæ conjurationes in ipsius caput & *Regni* perniciem erupturæ viderentur.

Quod ad *Scotos*, Serenissimi Regis animus à Pontificiis sæpenumero tentatus est, quibus nisi Principis optimi, & à teneris annis *Christiana* pietate imbuti landabilis indoles & sapientissima *Regina Anglia* consilia obstitissent, bellum inter *Angliam* & *Scotiam*, non sine summo *Ecclesiarum*

*rum* utriusque *Regionis* discrimine, & *Pontificis Rom.* voluptate, exarsurum fuerit.

*Belgarum* vero profligatz res, & ab omni exterorum auxilio imparatissimæ, prementibus *Hispanorum* coplis, & indies crescentibus impares, brevi collapsuræ videntur, certo scilicet florentissimarum *Ecclesiarum Pontificia crudelitati* subigendarum excidio.

In *Helvetia* porro portenti illius *Romani* legationibus & verlutia, & turbulentissimis *Jesuitarum* concionibus, incendia belli civilis prope modum hoc biennio excitata sunt, ut scilicet *Bernates*, emendata *Religionis* cultores, *Sabaudia Ducis*, in eos ex composito irrupturi, armis obruerentur.

*Suecorum* autem *Ecclesia* restitutis in *Suecia* ritibus *Pontificiis*, & *Iesuitis* intima *Regni* penetralia pervadentibus in assiduo metu & dubitatione versantur, ne scilicet *Stellionum* illorum fraudibus, aliquid tandem

dem in perniciem suam statuatur. Quanquam hoc sibi de *Sapientissimo Suecorum Rege* boni omnes pollicerantur, ut brevi locustarum illarum versutias sit perspecturus & Regni sui finibus exacturus.

*Moscovitarum* vero Religio, quantam à ritibus Romanis discrepet omnibus perspectum est. At *Pontifex Romanus*, dum se pacis arbitrum inter illos & *Polonum* gerit, hoc sibi ex illarum Nationum odio compendium quærere voluit, ut *Moscovitam* suæ Tyrannidi & cultui subjiceret. Quod ab eo tandem impetratum ferunt. Hoc sane constat, hunc unicum scopum illi fuisse propositum.

Quod ad *Germaniam* ipsam spectat, in qua *Potentissimarum Principum* cura & pietate, tutissima Ecclesiis præbita sunt hospitia, nihil non *Pontifex* molitus est, ut tranquillitatem illam & *Alcedonia* conturbaret, quod sane apertius est quam ut longiori explicatione indigeat.

In tractu veto Colonienſi eas nuper adverſus *Illuſtriſſimum Electorem* Tragoodias excitavit, quarum ca- taſtrophæ, niſi in caput ſuum de- pellatur, in totius *Germaniæ* perniciem exituram ſperat.

Ex iſtis ſatis conſtat, nullam to- tius orbis Regionem cui *Verbum Di- vinum* illuceat, intentatam relinqui omneſque illius monſtri vires & co- natus ad extinguendam *Evangelii lucem* conferri. Quod ut facilius fi- at, *Principum* eorum, qui ſuperſti- tionem & *Idolatriam* fovent, con- ventum ordinarium, ſive ſenatum per ipſorum *Legatos Romæ* nuper conſlavit, in quo Præſide ipſo Pon- tifice, de firmanda & propaganda *Ty- rannide Romaniæ*, delendiſque per orbem *Chriſtianum* *Heretiſis* ſeris & quotidiana diſceptatione agitur.

Quæ omnia cum à nobis diſtincta cogitatione verſarentur, Eundem *Illuſtriſſimum Principem* nobis com- pellandum putavimus, ac per eun- dem *Dominum Segarium* exhortan- dum.

dum, ut, quod Reip. *Christiana* ac totius *Ecclesie* amplificationi cedat, conjunctionem aliquam animorum & Consiliorum inter potentissimam *Anglie Reginam* & *Serenissimum Regem Dania*, ac *Illustrissimos Germaniae Principes* institui pro sua virificaret, & si res ita ferat, societatem auxiliorum, non ad inferendum quidem *Pontifici Romano* bellum, sed ad propulsandam collatis operis & communicatis consiliis injuriam, ne si separatim, ut hactenus, adversus tot inimicorum conjunctas *Pontificum* autoritate consultationes & conatus congregiamur, & se junctis atque separatis consiliis rem administremus, adversariorum illa mole alii post alios obruamur, ac dum singuli pugnamus, vincamur tandem universi. Huic porro Societati nos ipsi nostrosque omnes libenter adiuncturi sumus, ac fortunas omnes, adeoque vitam ipsam, si opus sit, in publicam utilitatem ad propagandam *Dei* gloriam profuturi.

Por-

Porro cum singulari quodam & immortali *Dei* beneficio, duo jam *Archiepiscopi Colonienses* ab illa *Antichristi Romani Tyrannide* defece- rint, & vindicatam à superstitioni- bus *Religionem* amplexi sint, quare nihil ad amplificandam *Evangelii* lu- cem, vel ad proferendos *Ecclesia- rum* fines, & ad *Imperii* statum in bonorum & piorum favorem com- ponendum, propter eximiam *Electo- ratus* dignitatem, utilius optari potuit: Temporis autem calamitate & afflictis *Ecclesia* rebus effectum est, ut *Illustrissimus Hermannus*, di- gnitate sua & fortunis exutus, in optima causa succubuerit. *Illustrissi- mum Principem* idem *D. Segurius* hortabitur, ut de defendendo do- mino *Truchsesio Illustrissimo Principe Electorali dignitate insigni, & religio- nis* vinculo sibi conjuncto; propter *Dei* nomen ab hostibus impetito, a- pud reliquos *Germania Principes & Ordines* agat, ne hanc notam foelicif- simo sæculo suo inuri patiantur, ut

S. R.



*S. R. Imperii Electorem Pontifici Romano* è dignitate sua exturbare, & miseris modis vexare liceat, alium vero sibi addictum, pro suo arbitratu substituere.

- Omnium vero animos ab eventu *Coloniensis* belli suspensos, cui si secundus ex ex piorum voto contigerit exitus, optima bonorum omnium animi expectatione erigentur. Sin & egregius ille *Princeps* destitutus, & *Augustissima Septemviratus dignitas Pontificis Rom.* ludibrio & libidini exposita fuerit, sane bonorum omnium animi concident, & adversariorum crescet audacia. Ceteros vero, tum *Electores*, tum aliorum *Ordinum Principes*, quibus nunc dum illuxit *veritas Evangelica*, à simili iustituto infœlicissimum exemplum absterrebit: Neque fortassia unquam tam oportuna dabitur occasio constituendæ ex eorum votis & rationibus reipub. quorum interest emendatam Religionem, quam tutissimo loco esse, ac Pontificis *Au-*  
tho-

thoritatem ab Imperii finibus procul arceri.

Quoniam autem novimus, quanti sit ponderis & momenti negotium illud *Coloniense*, quamvis ab istius belli finibus & crepitu, longo itineris intervallo diffiti simus, & alioqui diuturno belli *Civilis Gallici* labore & expensis pæne exhausti. Quamvis denique pacis publicæ beneficio, in otio & tranquillitate vitam cum dignitate degere possimus: tamen eidem *D. Segurio* gemmarum, pecuniarum & supplectilis aureæ vim non contemnendam credidimus, quam scilicet in *Germaniam* adportet, & tuto aliquo loco deponat, ut ex usu *Ecclesiarum*, præsertim *Coloniensium*, ac prout occasio postulat infumatur, si modo *Illusterrimi Germaniæ Principes*, in foederis illius consortium & consiliorum societatem convenire veliat, ac eorum unusquisque pro facultatibus suis, ad causam communem, *Symbolum* suam conferat. Quod si ab illis

lis prestetur, non modo pecuniam illam & supellectilem, sed reliquas facultates & fortunas nostras adeoque vitam ipsam, in salutem *Ecclesiarum* parati sumus impendere. Quod *Illustrissimo Principi Domnus Segurius* significabit. Et ut earum rerum omnium, quæ hoc scripto continentur, rationes, matura deliberatione iniri possint, ab illius *Celsitudine* postulabit, ut conventum aliquem in *Germania* haberi, de communi *Illustrissimorum Principum* consensu curet, & diem ab ipsis præscribi, quo *Serenissima Anglia Regina & Serenissimorum Regum Dania, Zuecia, & Scotia, Legati*, una cum *Illustrissimorum Germaniæ Principum* adesse possint, cui etiam conventui per *legatos* nostros minime defuturi sumus.

Porro hoc etiam *Illustrissimo Principi* nostro nomine significari cupimus, non frustra neque temere à nobis ineunte anno superiore susceptum fuisse *Germania* perlustrandæ

institutum, ut concordia & conjunctionis alicujus rationes quaeremus, cum in utraque illa *Ecclesiarum* salutem & incolumitatem (quæ nobis suprema lex esse debet) verti agnoscant omnes, absque illis vero servari non posse adversus *Antichristi* molitiones nemo sanæ mentis putet. Utriusque vero negotii perficiendi spem omnem in *Illustrissimis Germania Principibus* constitutam esse, sine quibus nihil confici potest. Rogare nos igitur, & per *Dei* nomen obtestari, ut *Ecclesia* laboranti, pro sua virili opem adferat *Illustrissimus Princeps*, & apud se cogitet, nostram *omnium* Principum causam, qui *Pontificis* jugum excussimus, cum *Ecclesiarum* causa conjunctam esse. Iis enim in pace & concordia constitutis, & contra vim externam munitis, omnium etiam status in tuto futurus est. Sin & sua discordia & *Pontificiorum* insidiis dilabentur, eadem etiam ruina, singulorum status & fortu-

tu-

*Reg. Gall. ad Imp. &c.* 387  
tunas obteret.

*Neracii xv. Julii 1584.*

Signatum  
HENRICUS.

*Et infra*  
ALLIARIUS.  
*& majori sigillo munitum.*

---

L X X I I .  
O R I E N T . F R I S .  
C O M I T I S  
A D  
L E G A T U M  
R E S P .

*Edzardus Comes & Dominus O-  
rientalis Frisia.*

GENEROSE & NOBILIS VIR.

**T**E certiolem fieri volumus, nos  
*Serenissimi & Potentissimi Regis  
Navarreni literas una cum Il-*

R 2 *lustris-*

*lustrissimi Wilhelmi Principis Auri-*  
*aci* clementi salutatione accepisse.  
 His adjunctum erat mandatorum ab  
*ipsius Serenitate* exemplar; quæ &  
 libentissimo animo, & eâ quâ par  
 est observantia perlegimus. Ex qui-  
 bus innotuit ipsius *Serenitatis* in nos  
 optima voluntas atque propensissi-  
 mus animus, & singularis diligen-  
 tia, in conservanda & propaganda  
*Ecclesia Christi*: cum ipsius *Serenita-*  
*ris* laboribus & magnis periculis  
*Potentissimum Gallia Regnum*, quod  
 non est minimum *Christiana Eccle-*  
*siæ* membrum, pacem & tranquillitatem  
 consecutum fuerit; Percepimus deinde  
*Serenitatem ipsius Regiam* maximè exoptare, ut dissension-  
 es & hæreses, quæ jam sunt in  
*Ecclesia*, suffocentur & opprimantur,  
 & his oppressis, ut sit unanimis &  
 perpetua concordia inter fideles:  
 qua ratione possumus tandem cum  
 summa tranquillitate charitatem colere.

Quæ omnia summo cum gaudio  
 &

& animi voluptate accepimus, & speramus quidem *Illustrissimos S. R. Imperii Electores, Principes* & reliquos *Ordines*, in re tam laudabili & necessaria, non fore desides, quod & nos pro virili facturos esse promittimus, offerimusque nos & nostra omnia ad propagandam *Dei gloriam*: Et si opus tam Divinum perfici debeat, ab *Illustrissimis Germania Principibus*, cum sumus unum *S. R. Imperii* membrum, nihil defuturum est in nobis, quo minus istud opus ad optatum finem perducatur. Quandoquidem nobis nihil prius neque optabilius est, quam unanimis consensus, & unio *Ecclesie Christianae*.

Cæterum te rogamus ut nostro nomine salutes *Serenitatem R. ipsius*, eique offeras nostra officia & obsequia omnia. Denique cum omnia fidei tuæ committamus, & speremus, te pro tua prudentia omnia *ipsius Serenitati* fideliter relaturum esse, nos propterea excusabis, quod

390 *Epistola Henrici IV.*

ad ipsius Reg. Serenitatem non scripserimus. Tibi autem omnia nostra officia offerimus si quæ grata fuerint: Vale atque etiam vale.

*Datum in nostra Urbe Embda. XII. April.*  
Anno 1584.

EDZARDUS.

---

L X X I I I.  
W I L H E L M I  
B R U N S V I C E N S I U M  
E T  
L U N E B U R G E N S I U M  
D U C I S  
A D  
H E N R I C U M  
N A V. R E G.  
R E S P O N S O R I A.

*Serenissime & Potentissime Rex  
Domine & Consanguineæ carissime.*

**L** Iteras Serenitatis tuæ, plenas  
singularis erga nos benevolen-  
tiæ



tia ac amoris accepimus, ac simul à Vice tenente & Consiliariis nostris, quæ Generosus & Nobilis *D. Segurinus Pardilianus* *Aula & intimi Serenitatis tuæ consilii Præfectus*, nomine *Serenitatis tuæ* exposuit, cum ob adversam valetudinem, nos eum audire non possemus, audivimus. Utrumque certe nobis fuit gratissimum, ac nos pro hac declaratione benevolentia ac amoris, non solum *Serenitatis tuæ* gratiam habemus, verum etiam omnia nostra studia & officia vicissim deferimus, ac si iniquitates tuum adventum non invidissent, *Serenitati quæ tuæ* illud non tam pium, quam necessarium iter in *Germaniam* ad *Principes Augustanæ Confessionis* addictos perficere licuisset, nos *Serenitatem tuam*, tam augustum & gratum nobis in nostra Provincia hospitem, pro tenuitate nostræ conditionis, singulari studio & officio amplexi fuisset, imprimis vero *Serenitatis tuæ* animum erga *Ecclesiam Christi* intestinis dissi-

diis misere distractam, & laudamus  
 & admiramur, cum non solum *tua*  
*Serenitas* cupiat in *Ecclesiis* sui *Regni*,  
 quæ extremo cum periculo vix tan-  
 dem *Pontificia Romana Tyrannidi*  
 exemptæ sunt puritatem doctrinæ  
 fovere; sed etiam nos & alios *Prin-*  
*cipes Germaniæ*, qui *Reformatam Re-*  
*ligionem* amplectuntur, ad pium &  
 unanimum consensum & concor-  
 diam in tot dissensionibus *Ecclesia-*  
*rum* summopere hortetur, atque  
 ad id omnes ingenii dotes & *Regni*  
 sui opes & facultates, non tam libe-  
 raliter quam pie offerat.

Etsi autem singulari *Dei* benefi-  
 cio in hujus nostri *Ducatus Ecclesiis*,  
*pura Religione* secundum normam &  
 præscriptum Verbi *Dei* fruimur, at-  
 que nullas dissensiones experimur:  
 tamen cum palam sit, quantopere  
*Diabolus* nobis & aliis insidietur, ut  
 femina dissensionum in *Ecclesia* spar-  
 gat, ex quibus postea incendia ma-  
 gnorum motuum exoriri possent,  
 atque nostra res agatur paries cum  
 proxi-

proximus ardet: nos certe tam gravibus diffensionibus vicinarum & aliarum *Ecclesiarum* multum commovemur, atque vere & ex animo optamus ut remedia commoda inveniri possent, quibus miseræ illæ *Ecclesie* sanari, atque vicissim cum nostris conjunctæ communes hostes *Pontificios* destruire possint; Qui multis sæculis ut omnium temporum historiæ testantur, in id unum incubuerunt, ut potentiam suam confirmarent, nos invicem sejungerent, atque sejunctos opprimerent. Et nostris certe temporibus *opulentissima Regna Gallia, Anglia, Scotia, & alia* ob diffensiones *Ecclesiarum* in varias partes misere distracta ac dilaniata, ut *Serenitas tua* prudenter monet, atque etiam suo ipsius exemplo hisce annis experta est, id testantur. Ac præterea una cum *Serenitate tua* statuimus nullum præstantius remedium contra communes *hostes Pontificios* excogitari, aut inveniri posse, quam si sublatis diffensionibus, quæ

in *Ecclesiis* reformatis adhuc hærent, piè inter nos conveniat, ac compositis controversiis *Ecclesia* unanimem consensum tueantur: Cum *Basilio* teste, non tam sinistra opus sit dextra, quam *Ecclesia* concordia docentium, siue hæc per generalem *Synodum*, ut *Serenitas tua* prudenter differit, siue per particularem præstetur, modo publicæ tranquillitatis & paci *Ecclesiarum*, citra veritatis dispendium consulatur: nec improbamus *Serenitatis tuæ* consilium de generali *Synodo*, tantum veremur, cum in memoriam revocamus, quam trillis exitus, quantas animorum disputationes & confusiones pleraque *Synodi* in *Ecclesia* pepererunt, hujusmodi *Synodum*, ut plerasque alias in fumos abituram, aut potius exitialem, quam salubrem nobis futuram. Legimus enim *Gregorium* de *Synodis* disputantem graviter exclamasse, omnes *Synodos* *Episcoporum* fugiendas esse: Se enim nullius *Synodi* exitum utilem, aut magis firmum

nem malis, quam incrementum adferentem vidisse. Et *Nasianenus* dixit, *Synodis* istis accensas potius, quam extinctas discordias fuisse. Ut autem libere Sententiam nostram, *Serenitati tue*, cum hoc unice expectat, exponamus, salvo semper *Serenitatis tue*, & omnium piorum hac de re iudicio, arbitramur facilius atque majori commoditate hanc rem agi posse, si ad pauciores illa redigatur, ita ut neque nimium (cum difficilius inter plures conveniat) neque nimium pauci (cum probabile non sit tam multos paucissimorum quorundam sententiam libenter secuturos esse) veræ pietatis & publicæ tranquillitatis amantes, & controversiarum omnium cognitione apprime instructi, utriusque partis, consensu deligantur, qui inter se de illis amice conferant, ac ex solo *Verbo Dei*, hoc est utriusque fœderis libris, eas placide & pie componant, aut si inter ipsos hoc fieri commode non posset, ut ex ipsorum, *Prin-*

*eipum* & aliorum hominum medio, utriusque partis consensu, quidam spectatæ pietatis & modestiæ, prudentes, moderati & rerum de quibus disputabitur notitia satis instructi, iudices deligantur, qui singula diligenter observent, auctoritatem suam interponant, subterfugientes jubeant adpositè ex Verbo Dei, quod lydius lapis in dirimendis hifce controversiis esse debet, respondere, immoderatos conhibeant, sententias colligant, ac secundum prædictam normam *Scriptorum Prophetarum & Apostolicorum* lites decident.

Neque ut *Serénitatis* tuæ sententiæ, quam merito magnificamus, hæc nostra opinione quicquam detractum velimus, hæc proferimus, sed potius quod experientia testetur, plerasque synodos aliquid humani passas, ac raro fœlices exitus nactas esse, animoque reputamus, quam fere nulla spes sit, hoc exulceratissimo seculo, talem ritè cogi posse, ac præterea

terea tantum multitudinem hominum, inter se discrepantium, minime requiri putemus.

Verum quia *Serenitas tua* præfatum suum *legatum* ad alios *romani Imperii Electores & principes Augustana confessioni* addictos hanc eandem ob causam ablegavit, ut commune hoc negotium communem deliberationem requirit, nos libentissime cum illis hac de re conferemus, atque nostram sententiam ad illorum judicia accommodabimus, omnibusque viribus *Ecclesie & Reipublica* salutem, favente Deo, tuebimur: Officiose autem *tuam Serenitatem* rogamus, ut hanc qualemcunque, de tam ardua re nostram sententiam, æque intelligere, ac se & alios ad communem concordiam excitare, *Christi & Ecclesia* ipsius salutem respicere, nosque sibi commendatos habere velit; nos vicissim omnia nostra studia & officia *Serenitati tue* offerimus; atque illam Deo Opt. Max. in cujus manu consistit  
regis

398. *Epistola Henrici I V.*

regis est, obnixè commenda-  
mus.

*Data Cellis Luneb. 20. Aprilis Anno 1584.*

WILHELMUS, Dei Gratia, Dux  
Brunsvicensium & Luneburgen-  
sium.

---

L X X I V.

B R E M E N S I S  
C I V I T A T I S

A D

R. N A V.

E P I S T O L A.

**C**um *Majestàte Regia* nihil di-  
gnius, quam vera pietas & *pura*  
*Religio*, nihilque laudandum magis,  
quam veritatis & pacis studium,  
promovendæque gloriæ Dei Zelus  
&



& industria, optandum sane erat, *Serenissime Rex, Princeps & Domine Clementissime*, omnes & singulos quos *gloriosus Deus* ad altiores in hisce terris dignitatum gradus evehit, non solum id spectare, quomodo vita Politica recte & tranquille in ipsorum *Regnis* & ditionibus constitueretur; sed etiam imprimis id sedulo cogitare & curare, ut tam ipsi, quam ipsorum subditi, *vera* pietatis *Religione* informati, & in cognitione purioris doctrinæ constanter perseverare, & sua quoque opera & studio id efficere, quo fugatis errorum tenebris, veritatis lux magis magisque illucescere, diuque desiderata pax & concordia inter dissipatas Ecclesias, *divina* adspirante gratia, tandem posset restitui.

Quem quidem Zelum, ut in paucis, ita ut decebat, in postremis hisce periculosis temporibus fervere, non sine magno mœrore & dolore animadvertimus & deploramus: sic eundem in *Regia Serenitate*,

*tua piissimo voto ardescere, tum ex Serenitatis tuae ad nos datis literis, tum etiam ex ejusdem Serenitatis T. Legati magnifici & generosi Domini Jacobi Segurii Pardeliani, ex mandato ad nos habitis sermonibus, non absque singulari lætitia & gaudio pergrato animo cognovimus.*

*Ex his siquidem nobis certissima fides facta est, Serenitatem tuam Regiam, inter Reges illos & Principes, quos in hoc ultimo & ad finem suum decurrenti sæculo Deus orbi Christiano præfecit, non modo virtutibus politicis excellere, sed, quæ summa piorum Magistratum laus est, agnitione & confessione purioris Doctrinae Evangelii plerisque aliis prælucere, sanctoque zelo promovendæ gloriæ Dei accensum, omni labore & studio, ad veræ doctrinæ propagationem, & omnium Ecclesiarum, quæ semoto Romani Antichristi jugo orthodoxam fidem, & puriorem cum norma Propheticarum & Apostolicorum scriptorum*

congruentem, *Dei* cultum amplectuntur, communem pacem atque salutem quærere; quam *Serenitatis tua* laudandam & pro *Reipublica Christiana* salute flagrantem animi curam & sollicitudinem, ipsa *Legatio* Amplissima, quam hoc tempore ipso, quo *Satanam* omnia extrema moliri videmus, maximo cum sumptu in *Germaniam*, divino haud dubie instinctu misit, qua de totius *Orbis Christiani* periculis alios *Principes Reges & Resp. Evangelica doctrina* addictas, ac de pace & concordia inter *Ecclesias Evangelicas* promovenda monere, viasque & rationes quibus pernitiola illa dissidia, de quibusdam *Religionis* articulis inter *Evangelicos* exorta componi & è medio tolli posse confidit, ostendere & proponere voluit, denique etiam ipsa opum & præfidiorum suorum ad afflictum statum *Ecclesiarum* juvandum ultronea & benignissima oblatio, satis abunde testatur atque declarat.

Cum

Cum itaque R. *Serenitatis T. Legatus Dominus Legurius* ex *Anglia* atque *Belgio* primum omnium hunc appulisset, haud gravatim eum cum comitatu suo in urbe nostra hospitio excepimus, reversumque ex *Rogno Dania & Aulis Principum Germania*, ubi *Legationem* suam obierat, denuo apud nos divertere & eo quo postulavit tempore, sub fide *Reipub. nostra* commorari, tum propter causam communem omnium *Ecclesiarum*, tum ob *Serenitatis tue* atque *Legati* ipsius honorem & reverentiam, facile permisimus, quod autem ad summam ipsius instructionis attinet, de qua ex jussu & mandato R. *Serenitatis T.* Nobiscum egit, agnoscimus sane grate hunc honorem *Reipub. nostra* habitum esse, ut de *Legatione* ad pacem, arctioremque *Ecclesiarum* *Serenitas T. R.* nobiscum quoque, per *generosum Dominum Legatum* communicare aliquid dignata fuerit; cupis actionibus laetati sumus, ita *Deum* benedixisse, ut

ut non modo à Rege *Dania* & Regina *Anglia*, sed etiam à plerisque *Electo-ribus*, *Principibus* ac *Rebuspub.* ad quas accessit hætenus, commodissima responsa secum attulerit; quæ cum legere nos voluisset, magna cum animi voluptate percepimus, unanimi consensu ab omnibus approbari sincerum & ardens *Seremita-tis tue* studium in rebus *Ecclesia* protegendis, & spem plerosque *Principes* non exiguam præbere intelleximus, voluntatis excitatæ ad promovendum institutum *Synodi* Legitime convocandæ: quod unicum fere remedium humanum superesse videtur, ad dissidia domestica inter *Ecclesias Evangelicas* tollenda, quæ plurimum hætenus *propagationi veritatis* & *mutuæ Ecclesiarum conjunctioni* obstasse constat.

Quanquam vero in negotio tam arduo, & ad plures *status* pertinente, ne fieri quidem aliter potest, quin & mora aliqua temporis intercedat, & impedimenta varia incidunt,

dant, quibus eventus optatus salutarium istorum consiliorum protrahatur: dubium tamen non est, suo tempore fructum instituti hujus, tandem *Dei* ope (cujus gloria & causa agitur) subsequendum, qui cum dederit velle, procul dubio etiam dabit perficere.

Nos quidem, cum hactenus à multis annis *respublica* nostra non levia certamina propter defensionem *puriore doctrine Evangelii* sustinuerit, in istiusmodi controversiis *Religionis* semper ad *Synodum* generalem provocavimus, ejusque adhuc sumus animi, ut nihil magis in votis habeamus, quam ut ejusmodi medio legitimo finis contentionibus ac dissidiis Ecclesiasticis imponi aliquando, *Deo* juvante, possit.

Sed cum ea res ad summos *Imperii Ordines* pertineat, quorum ductum atque auspiciū alios *status* inferiores sequi in hoc negotio tanti momenti par est. Nos interim *Deum Opt. Max.*  
orare.

Orare non cessabimus, ut quod ad *gloriam ipsius & Ecclesie* emolumentum commodare possit, scilicet provehat, & animos *summorum Principum spiritu suo* flectat atque impellat, ut promissis ipsorum benignissimis, de *Synodo* convocanda, factis, & eventus respondeat; ad quam deliberationem si & nos requisiti fuerimus, non deerimus nostro loco & muneri, quin omnia libentissimè facturi simus, quęcunque ad retinendam veritatem *doctrinae Caelestis* & consensionem communem *Ecclesiarum* instaurandam fieri poterunt.

Interea & *Serenitatis T. R.* pium & laudabile institutum, de constituenda pace & conjunctione *Ecclesiarum* (quod opus pietate tua dignissimum est) grata voce prædicabimus, & successum atque eventum salutarem piissimis tuis consiliis à *Deo* præcabitur, eumque orabimus, ut vicissim *T. R. Serenitatem* largissimis benedictionibus cumulet;  
 Quod

406 *Epistola Henrici IV.*

Quod restat *Serenitatis T. R.* favori & benignitati *Remp.* nostram, ea qua decet observantia, reverenter & humiliter commendamus, tibi-  
bique *Rex Serenissime* obsequia nostra prompto & parato animo offerimus.

*Data Brema Saxonia Saxoniæ, sub sigillo  
Civitatis nostræ, die 14. Maji Anno  
salutis 1584.*

*Regie Serenitatis Tue addictissimi*

*Consules & Senatores  
Reipub. Brémensis.*

---

L X X V.

R E S P O N S U M

L U D O V I C I

*Landgravii Hassiæ*

NOMINE DATUM.

**P**ostquam *Serenissimi Potentissimi-  
que Principis ac Domini Domini  
Henrici Regis Navarra &c. Literæ  
&*



& formulæ mandati ad *Illustrissimum Principem ac Dominum Dominum Ludovicum Landgravium Hassiæ &c.* superiori anno scriptæ, per nobilem ac *magnificum Dominum Segurium Pardelianum Legatum Regium*, memorato Landgravio Principi nostro clementissimo, nuper transmitterentur, *Illustriss. Celsitudo sue Regiæ Serenitatis* benevolentiam erga se singularem, imprimis vero sollicitudinem & studium, in componendis *Ecclesiarum* distractionibus & *Orbis Christiani* pace conservanda, non sine magna animi lætitiâ ex iis intellexit, eique per commodum accidit, quod ad *suum Celsitudinem*, dictus *Legatus*, post aliorum sibi commissorum negotiorum explicationem, iter suum inivit, cujus adventus *Illustriss. præfato Landgravio* gratissimus fuit; quod ipsius dexteritatem & industriam singularem, in obeunda hac tam præclara *Legatione* videre contigerit, & hac oblata occasione, ad trans-

transmissa *Legationis* capita mandatique formulam coram illi respondere possit.

Idque tanto brevius faciet, quoniam animadvertit, *Dominum Legatum* eandem causam, cum aliis etiam *Regibus, Electoribus*, aliisque *Principibus Evangelicis* tractasse, & ab iis hujusmodi responsa tulisse, ut illis à se fere nihil amplius addi possit aut debeat, ideoque petit imprimis à *Domino Legato*, ut *Sereniss. Regi Navarreno*, pro amore & benevolentia quæ ille se cum completi scriptis literis testatus est, etiam atque etiam gratias agat, & obsequium atque studium suum vicissim deferat; quæ si usque *Regi Serenissimo* probare poterit, dabit operam ne officio defuisse videri queat.

Et quamvis alias de sanandis *Reipub. Christiana* morbis diu multumque cogitet, attamen dum hanc etiam ob causam *Legationis* capita diligentius expendit, nihil magis optat, quam ut is horum temporum

rum

rum status foret, quo vulneribus *Ecclesiarum* & reipub. *Christiana* ea remedia possint adhiberi, quæ *Regi navarra Serenissimo* & aliis piis & veritatis atque pacis amantibus principibus probari videt; qua in re si cum *germania Electoribus* aliisque principibus *augustanam confessionem* amplexis quicquam conferre, & istud tam pium ac necessarium negotium juvare potest, faciet hoc sedulo, cum hoc & ad gloriam *divini nominis* & *Christiani principis* officium vel maxime pertineat.

Si vero vel ob temporum injuriam vel alias machinationes, quibus *Ecclesia Dei* semper exposita fuit, distractiones *Ecclesiarum* tam maturè tolli nequeant, ut illud multorum salus postulat, singulos nihilominus in eam cogitationem incumbere oportet, ut in certaminibus exortis, *Verbo Dei* revelato acquiescant, cumque votis ardentibus & indefinentibus implorent, ut semina distractionum tollat, & *Ecclesias* in veritate verbi sui conservet.

Quod si serio faceremus, dubitandum non est, quin is quod petimus daturus, & ad eam rem remedia non tantum ostensurus, sed etiam salutarem exitum largiturus sit.

Quæ præfatus *Landgravius Dominus noster clementissimus* eo non vult accipi, quod ejus rei commemoratio sit apud *Serenissimum Regem* necessaria, sed quod in spem veniat *Serenissimum Regem*, omnia in meliorem partem & eo animo intellecturum esse, quo hæc à se proficiscuntur. Atque hæc *Serenissimo Regi*, per ejus *Legatum*, referri *Dominus Landgravius* petit, eumque benevolentia sua complectitur.

Signatum Marpurgi XXVIII. Junii Anno  
Christi 1584.

LUDOVICUS Dei gratia Land-  
gravius Hassiæ, Comes in Catze-  
nellebogen, Dietz, Ziegenhaim &  
Midda, &c.

L X X V I.  
O S T F R I S I Æ  
C O M I T I S  
E D S A R D I

*Ad Legatum Responsio.*

*Edzardus Comes & Do-  
minus Ostfrisiæ.*

**S**Alutem & favorem nostram, *No-  
bilis, dilecte, singularis.* Hodie li-  
teras vestras accepimus & perlegimus,  
in quibus significatis nobis, quod *Sere-  
nissimus & Potentissimus Princeps ac  
Dominus Dominus Henricus Rex Na-  
varrenus &c. Dominus noster Clemen-  
tiss.* personam vestram ad se revocavit,  
deinde etiam postulatis à nobis, ut sal-

vum conductum & securitatem vobis præstemus, quandoquidem per ditionem nostram transire velitis.

Etsi autem ad probandum *Regia Serenitati*, & ad gratificandum vestræ personæ, non recusaremus, obsequia nostra præstare, tum *Regia Serenitati*, tum vobis, in negotiis legitimis quæ sine reprehensione fieri à nobis possent. Tamen in memoriam vobis revocare potestis, quod in literis vestris, ad nos 7. *Aprilis* datis, quarum haud dubie exemplar vobiscum adhuc retinetis, diserte hoc à vobis scriptum ad nos fuerit, *Romanam Cæsaream majestatem, Dominum nostrum Clementissimum, Duci Bavaria* & aliis mandata severa dedisse, de comprehensione & arresto personæ vestræ, de quo postea etiam ab aliis quibus fidem habemus ad nos scriptum est, & quod propter hanc causam & periculum istud vobis imminens, non audeatis eo tempore in *Comitatum & ditionem* nostram venire, ad coram nobis explicandas literas & instructionem prædictæ *Serenitatis Regiæ*. Jam

Iam vero hoc facile cogitare poteritis, in quantam suspicionem inobedientiæ ac accusationem incidere possemus apud *Rom. Caf. M. Dominum nostrum clementissimum*, cui ad subjectissime parendum & obtemperandum obligati sumus, si nos, ut pote *status & membrum Imperii*, consentiremus in vestram postulationem, *Cæsarea Majestate* non conscia prius & permittente.

Præterea etiam quantum præjudicium nobis creari posset, apud *Regiam M.* si ut nunc sunt tempora salvus noster conductus à milite externo non attenderetur, & adversum vos neglecto illo violentius aliquid tentaretur.

Id enim calumniis nostrorum malevolorum in eam partem rapi posset, quasi nostra aliqua culpa vobis damnum illatum esset, veluti nobis occultè conspirantibus in molitiones eorum à quibus damnum acciperetis; sicut hætenus non semel factum est, in hoc tristi bello, ut nostri *S. Romani Im-*

414 *Epistola Henrici IV.*  
*periti* obediētes & innocētes subditi,  
parum opis & præsidiī ex nostro salvo  
conductu habere potuerunt.

Cum igitur periculum & præjudi-  
cium tantum nobis, & simul etiam vo-  
bis, metuendum sit, plane confidi-  
mus, vos, quod e re vestra sit, cogita-  
turos, & in bonam partem acceptu-  
ros, quod totum hoc vestro præjudi-  
cio permittere cogimur, Id benigne  
& pro ratione rerum presentium, re-  
sponsionis loco celare vos noluimus,  
vos in gratiam Dei commendantes.

Datum in *Petresfen* ubi tunc cum aula  
commorabamur 14. *Aug.* Anno 1584.



L X X V I I .

J O H A N N I S  
O S T F R I S I Æ .  
C O M I T I S

A D .

L E G .

E P I S T O L A .

*Johannes Comes & Do-  
minus Ostfrisia.*

**S** Alutem cum favore nostro con-  
junctam, nobilis, singularis, dilecte  
Domine, literæ vestræ sub dato Bre-  
mæ 11. hujus in manus nostras traditæ  
sunt, nec volumus vos benigne celare  
quod non solum transitum liberum

416 *Epistola Henrici IV.*

vobis concedere propensi sumus, sed libenter etiam vos juvare velimus, ad iter per hanc nostram ditionem conficiendum, *Convoy*, salvo conducto & aliis adminiculis vobis præstitis, quod si &c. & vobis *Legato majestatis illius* plus officii & studii exhibere possemus, ad id quoque prompti ac parati inveniremur, & erga vos quidem benigne affecti sumus.

*Datum Stichausen 18. Aug. 1584.*

JOHANNES Comes & Dominus  
Osttritz manu propria subscripsit.

---

L X X V I I I .  
E P I S T O L A  
E L I S A B E T H Æ  
A N G L I Æ R E G I N Æ .

A D

L U D O V I C .  
E L E C T . P A L .

*Elisabetha Dei gratia Angliæ  
Franciæ & Hiberniæ Regina  
fidei defensoratrix &c. Illustris-  
simo*

*Reg. Gall. ad Imp. &c. 417*  
*fimo principi ac Domino Lu-*  
*dovico Com. ti Palatino Rhe-*  
*ni, sacri Roman. Imperii Ar-*  
*chidapifero, Principi, Elec-*  
*tori, Ducique Bavaria, ami-*  
*co & consanguineo nostro*  
*charissimo salutem.*

*Illustrissime. Princeps & Consan-*  
*guineus Charissime.*

**C**UM *illustrem virum* eum qui has  
reddidit D. Segur de Pardilan, *se-*  
*renissimus Navarra Rex, frater nos-*  
*ter charissimus,* ad nos nuper miserit,  
ut de rebus ad statuum nostrorum,  
eorumque omnium qui *religionem ve-*  
*ram* profitentur, quietem & tran-  
quillitatem pertinentibus nobiscum  
ageret, cujus *legationem* lubenti ani-  
mo accepimus, gratum enim nobis  
fuit intelligere *Regem* nobis amicissi-  
mum in eas curas incumbere, quæ &  
*Principi vere Christiano* sunt dignæ, &  
ad *Ecclesiarum* tutelam ac *Evangelii*  
propagationem maxime sunt necessa-  
riæ;

Quibus de rebus cum idem *Serenissimus Rex ad Imperii principes & Electores vestramque* & imprimis *excellen-  
tiam* eundem hunc *legatum* mittat, hortamur ut libere loquentem non gravate audias, & intimo sensu de toto negotio cogites, confidimus enim ea dicturum, quæ *Excellentia vestra* summe probabuntur, & *publica religionis* causæ maxime erunt oportuna; sed erunt omnia faciliora, si illam *de  
cano Domini* infelicitate excitatam questionem, in ditionibus vestris agitare prohibeas; hac enim sopita controversia, nihil jam erit quo *Ecclesiarum* concordia convelli possit; Bene & feliciter valeas.

*Datum Otelandia, die mensis Octob. VI.*

*A. Dom. 1583. regni vero nostri 25.*

*Vestra Bona consanguinea.*

E L I S A B E T H A.

Mem literarum & exemplar missum fuit ad regem Daniæ, Electores Zaxonem & Brandenburgicum, Duces Brunsvicensem & Wirtembergensem, & ad Landgravium Hassiæ.

## L X X I X.

*Mandata à Serenissimo rege navarrenno D. Segurio tradita ex quorum formula cum generosis comitibus & amplissimis sacri Romani Imperii civitatibus, quæ religionem reformatam profitentur ipsius nomine acturus est.*

**D**ominus Segurius Pardelianus Illustrissimos principes ac dominos sacri. R. Imperii Electores, cæterosque omnes Principes atque Ordines, Civitates, nostris verbis officiosissime salutabit, benevolentiam erga ipsos nostram, eximium amorem & observantiam testabitur, desideriumque illud exponet, quo sub initium superioris anni tenebamur, peragrandæ scilicet Germania, & cum illis amicitiae firmandæ, quos de Repub. Chri-

420. *Epistola Henrici IV.*

*stiana* optime meritos esse noveramus.

Cui profectiōni cum exorientes subinde turbarum suspiciones adversarentur, & justas commorandi causas innecterent, se à nobis ablegatum significabis fuisse, ut quæ superius dicta sunt indicaret, atque labantem & propemodum afflictum *Ecclesiæ* statum *Christiana*, ipsorum oculis subjiceret, præsertim vero de quærendis dissensionum nostrarum remediis, & constituendo *Ecclesiarum* unanimi consensu consilia communicaret.

Exponet igitur imprimis quantopere necessaria sit inter *Principes* & reliquos *Ordines*, eidem *Religionis* cultui deditos, concordia, & quantum ex intestinis nostris de doctrina dissidiis periculi contrahatur *Ecclesiis*, unde & ipsis in medio fere cursu mora injecta, & imprimis ad veritatem properantibus impingendi occasio præbita sit: hujus mali fontem atque adeo aucthores à nobis non inquiri, quod sine nostro dolore, & eorum pudore fieri nequeat: cum satis superque

con-

constet perspecta morbi natura, probos omnes viros vulneri remedium expetere, quod & reperire utilius sit, & vero facilius, quam de procellarum istarum authoribus convenire.

Cuilibet Christianæ fidei rudimentis imbuto notum esse, nostrum in præcipuis doctrinæ capitibus consensum, præsertim in gratuita peccatorum remissione per *Christi* sanguinem *Eterni Dei filii & unius generis humani Mediatoris*, omnibus in ipsum credentibus parta; unde fit ut iisdem rationum & argumentorum telis *Antichristi Romani* præstigiis & errores oppugnemus; in ipsoque adeo cæna negotio, de quo præcipua disputatio est, de *Sacramenti* substantia conveniamus, cum nemo sit qui se verum corpus *Christi* in *Eucharistia* assumere diffiteatur; cum itaque nulla supersit controversia, nisi in ipso percipiendi modo, intolerandum esse, ut in eo quaerendo nullum plane modum adhi-

beamus, omnem contra excedamus.

*Pontificios* longe majus prudentiæ (ne dicam charitatis) documentum edidisse, qui ante bellum ipsis indictum à summo illo sanctæ memoriæ *Luthero*, capitalibus inter se ob eundem illum articulum odiis flagrabant, adeo ut *Scholastici* interpretes in duodecim ferme discrepantes distraherentur sententias, tanta videlicet animorum contentione & pertinacia, ut nemo de concepta opinione decedere vellet, quemadmodum in *Lombardi*, *Thoma*, *Scoti*, *Durandi*, *Pici*, *Bielii*, *Bonaventura* & aliorum monumentis videre est, qui cum se mutuis ictibus antea jugularent, artibus tandem & *Pontificum* autoritate, majori cum otio nobis exitium moliri cupientium, compressa sunt ejusmodi dissidia: quod ut à nobis vel hostium exemplo, in controversia longe minus acerba, fieret, tanto præsertim imminente ex dissensionibus illis incendio, nondum exorari potuimus.

*Ad*



Ad hujus morbi curationem *Ecclesiam* illam priscam nobis facem prætulisse, cum in similibus controversiis, ut secessionibus & scismatis precideret occasionem, nihil prius haberet neque antiquius, *Synodorum* indictione, quæ infinitis prope vulneribus remedium attulerunt.

Majorum igitur more ab *Illustrissimis Germania Principibus & Ordinibus* postulare nos, & per omnia sacra obtestari, ut apud se pro sua prudentia & propensissimo in *Dei* gloriam studio expendant, an *Ecclesiæ & Reipublicæ Christianæ* expediat, ad dijudicandas controversias nostras universalem *instauratarum totius Europæ Ecclesiarum Synodum* haberi, ea sub lege, ut ad conventum illum de controversiis inter nos capitibus referatur, & possint accurata disceptatione, expensis omnium sententiis, dissensiones dirimi.

Quod si hujus concilii indictionem è re *Christiana*, uti existimamus, esse putent, ab iisdem *Illustrissimis*

*strissimis Principibus* flagitare nos  
& omni contentione petere, ut  
quam primum illud convocari cu-  
rent, & inter se & cum reliquis  
*Imperii Romani Ordinibus* hac de re  
diligenter agant.

Quoniam autem hujus morbi  
medicinæ, moram attulerunt pro-  
cellæ illæ, quibus jactantur *Ecclesia*  
multis *Europe* locis, partim bellis  
pètitæ, partim crucem expertæ;  
unde fit ut laborantibus illis tetrum  
hoc vulnus, eorum importuna con-  
tentione & ambitiosis disputationi-  
bus, subinde recrudescat, quorum  
muneris erat ulcus ipsum adhibitis  
acopis mitigare; Eo denique acerb-  
tatis provecta sint partium studia, ut  
se præjudicatis sententiis mutuo  
damnaverint, & ab *Ecclesia com-  
munionem*, suo quidem judicio, ex-  
turbarint. Quod sæviendi genus  
ejusmodi videtur ut presentiori re-  
medio egeat, neque sit ipse in fu-  
turam *Synodum* differenda occasio  
curandi discriminis, quod & *Verbum*  
Dei

*Dei Ludibrio*, & ipsius *Ecclesiam* direptioni exposuit.

*Illustrissimos Principes & Ordines* rogabit idem *D. Segurius*, ut tantisper dum paratur *generalis Synodus*, curationem istam sibi prævertendam suscipiant, quæ duplici ratione commodissime absolvi possit. Altera quidem si omnium utriusque professionis *Ecclesiarum* controversiæ ad *Synodum* dijudicandæ referantur, neque cuiquam privatim in aliorum fraudem & præjudicium quicquam interea statuere liceat; altera vero si acerbis illis contentionibus, quibus hactenus & verbis inter se rixati sunt Theologi & scriptis, silentio tandem finis imponatur, & ejusmodi disputationibus explosis *Christiana charitas* & animorum fraterna conjunctio colatur; quod quidem *Sereniss. Rex Navarra* ab *Ecclesiis Gallicis* (à quibus hac de re rogatus est) tam suo quam ipsorum nomine bona fide prestitum iri spondet.

Quod

Quod autem ad *Synodum* ipsam attinet, hæc etiam *Illustrissimis Principibus Segurinis* noster significabit, nos cum de ista *Legatione* mittenda cogitavimus ad Ecclesiarum Dei pacem & tranquillitatem necessaria, mentis oculos statim in optimos illos *Principes* defixisse, quorum scilicet prudentia freti & summa illa qua pollent apud reliquos *Imperii Ordines* gratia & auctoritate, sed præsertim singulari pietate & ingenii dexteritate, concordiam illam quam inter *Ecclesias* quarimus omnibus vestigiis indagati & tandem obtineri posse censuimus.

Hoc enim videri *Germania* ipsius fatum aut potius summo *Dei* beneficio ornamentum, ut quemadmodum ex ea primi illi *Ecclesiarum* vindices & ipsarum libertatis adversus tyrannidem *Pontificiam* assertores extiterunt: ita etiam ab eadem monstrum illud funestum dissensionis jugulari debeat, & concordia inter *Ecclesias* sanciri, sine qua in æterbissimam

nam servitutem relapsuræ videntur.

Nulla vero ratione infœlicissimum illud de *Cœna Domini* diffidium melius & felicius sanari posse, quam si vetusto & jam ab *Apostolicis* temporibus repetitis more *Synodis* habeatur. Quod quoniam *Illustriss. Germania Principum* ductu & auspicio potissimum confici potest, orare nos iterum, ut tam salutari operi manum admoveant, & oblatam de *Ecclesia* bene merendi occasionem arripiant, neve hoc decus *Illustrissimorum Germania Principum* pietatæ debitum sibi de manibus eripi patiantur. Non esse nos ea perviciacia aut in tuendis nostris opinionibus tenacitate, ut si concilium ineatur, meliora monentibus fidem abrogare velimus. Imo paratos esse omnium animos ad concordiam ineundam, & ea dogmata suscipienda quæ verbo *Dei* consentanea futura sunt.

Quod nos alii *Zwinglianos*, alii *Calvinistas*, *Sacramentarios* plerique

que vocent, perperam id quidem fieri & nullo nostro merito, cum in *Christi* solius verba juraverimus, nullius sententiæ addicti, nisi quatenus cum veteris & novi fœderis doctrina congruat, quod si ab illius mortalis nomine adoptanda nobis esset appellatio, nos potius *Lutheranos* vocatum iri, cujus sane nominis invidia & odio cum laborarent Galli, infiniti prope per sexaginta annos læsi, exusti, equuleis admoti, & omni genere crudelitatis extorti, præclarum *Christiana Doctrina*, quam à *Luthero* primum acceperant, testimonium ediderunt & sanguine suo, per *Dei gratiam*, obsignarunt, ut vere à nobis asseri possit, plures propemodum Marryres quos *Lutheranos* vocabant *Galliam* edidisse, quam reliquas omnes totius *Europa* regiones.

*Lutherum* ab *Ecclesiis Gallicis* ut ipsarum in *Christo* patrem agnosci, quod illius ministerio veritas primum è latebris eruta sit, ejus vero doctrinam

nam & eruditionem adeo à nostris amari & suspici, ut unum illum ab Apostolorum sæculo repetita memoria fuisse existiment, qui scriptis suis & laboribus plurimum *Ecclesia* contulerit. Qui nostro seculo florent & *Helveticam* sive *Gallicam* confessionem tuentur, acerbius quidem & odiosius infœlicissimam de *cena Domini* disputationem attigisse, sed ex aliis plerosque hac etiam culpa non carere. Verum non decere nos propter unius aut alterius acerbicatem, perpetuis internis odiis & dissensionibus flagrare, & *Ecclesias* integras privatorum odio prægavari.

Plerisque in *germania*, præsertim è vulgo, ita de *gallicarum Ecclesiarum* doctrina persuasum esse, quasi erronea sit, & qualibet hæresi, vel etiam *Pontificia*, longe deterior, quam in re nobis injuriam insignem fieri putamus, & aliis plerisque nationibus exteris, unde fit ut plane quales simus testari cupiamus, & si erremus ex *verbo Dei* doceri.

Con-

Controversiam de *Cena Domini* non adeo difficilem ut *Synodo* dirimi nequeat, duobus potissimum argumentis colligi, prius est, quod cum tria sint quæ in hoc negotio spectentur, *symbolum* scil. & res exhibitæ, & fructus quem inde percipimus, in tribus illis inter nos omnino conveniat: Fatemur enim omnes panem & vinum esse symbola, *corpus & sanguinem Domini* rem exhibitam, fructum vero ipsum cum *Paulo* statuimus ut fractio panis & vini, sit *corporis & sanguinis Christi* participatio.

Quod autem ad perceptionis modum, in quo hæremus, supernaturalem eum esse & spirituales omnes etiam fatentur, sed cum arcanum illum & ineffabilem modum nimis anxie non nulli quærent, plagas illas disputationum & controversiarum infœlices nobis pertexuerunt. Hac vero de re minus sollicitos esse nos debere; vel ipsius *Lauberti* testimonium admonet, qui in epistola ad *Hel-*



*veticas Civitates*, se de modo laborare negat, cum de præsentia constet:

Alterum argumentum est, quod nunquam istius dissensionis concordia serio quæsitæ est, quin *Dominus Christiano* illi conatui benedixerit, & ad optatum exitum suo S. Spiritui perduxerit, ut ex colloquio *Zwinglii & Lutheri* Anno 1519. & trienniali illo 1536. 37. & 38. apparet, quorum utroque inter primarios *Theologos Ecclesiasque germanicas & helveticas* concordia sancita est, & decane negotio consensus in formulam redactus, utriusque partis subscriptione comprobatus.

Nam quod ab illa pace & *Ecclesiarum* concordia utrinque postea discessum fuerit, importuna quorundam acerbitate moriente (ut fertur) *Lutero* & bonis factum est; quod ne denuo contingat (si conciliatio inter nos instituat) *Principum* auctoritate & *Magistratuum* officio præstari debet, cum sit eorum muneris ejusmodi contentionibus, litem ex lite  
se-

ferentibus, obviam ire, unde ut plurimum discord æ faces oriuntur, ædificationis vero ad *Ecclesiam* nihil.

Cum igitur dissidii istius conciliatio res sit (ut nobis quidem videtur) & per se facilis, & omnium iudicio *Ecclesia Christiana* pernecessaria; hujus vero conficiendæ spes omnis & expectatio in *Illustrissimis Germania Principibus* reposita, optimos igitur illos *Principes* & de *Ecclesia* tot nominibus bene meritos hortabitur *Segurinus noster*, ut auctoritatem sibi à *Deo* concreditam ad componendas exitiales illas dissensiones conferant.

Quoniam autem frustra pacem domi quærimus, nisi externos illos communis adversarii *Pontificis Romani* conatus, & apertas in perniciem nostram insidias depellamus. Idcirco artes illas & nefarias *Antichristi* coitiones *Illustrissimis Germania Principibus* optime notas, significabit, quibus veritatis lucem *filius ille tenebrarum* extinguere nititur.

Mo-

Monebit igitur imprimis, quotquot per *Hispaniam & Italiam* in suspicionem *emendata Religionis* veniunt, eos omnes *Cruci subditos Antichristi Rom. Tyrannidem* & inquisitionis atrocitatem & sævitiam experiri.

In *Gallia Concilii Tridentini* promulgationem & inquisitionis Constitutionem à *Legato Pontificis* adversus *Senatus* intercessionem & *Ecclesia Gallicana* libertates ugeri.

*Iesuitarum* artibus *Anglorum* animos ad defectionem sæpenumero impulsos, ut nisi faces illæ sapientissimo *Regina* consilio extinctæ fuissent, clandestini illi coitus & nefariæ conjurationes in ipsius caput & *Regni* perniciem erupturæ viderentur.

Quod ad *Scotos*, *Serinissimi Regis* animus à *Pontificiis* sæpenumero tentatus est, quibus nisi *Principis optimi*, & à teneris annis *Christiana pietate* imbuti laudabilis indoles & sapientissima Re-

*gine Angliæ* consilia obtulissent, bellum inter *Angliam & Scotiam*, non sine summo *Ecclesiarum* utriusque regionis discrimine & *Pontificis Rom.* voluptate exarsurum fuesit.

*Belgarum* vero profligata res, & ab omni exterorum auxilio imparatissima, prementibus *Hispanorum* copiis & in dies crescentibus impares, brevi collapsura videntur, certo florentissimarum *Ecclesiarum Pontificia crudelitati* subigendarum excidio.

In *Helvetia* vero portenti illius *Romani* largitionibus & versutia, & turbulentissimis *Jesuitarum* concionibus, incendia belli civilis prope modum hoc biennio excitata sunt, ut scilicet *Bernates* emendata *Religionis cultores Sabaudie Ducis* in eos ex composito irrupturi, armis obruerentur.

*Suecorum* autem *Ecclesia*, restitutis in *Suecia* ritibus *Pontificis*, & *Jesuitis* intima *Ragni* penetralia pervadentibus in assiduo metu & dubitatione

tatione versantur, ne scilicet stellionum illorum fraudibus aliquid tandem in perniciem suam statuatur; quanquam hoc sibi de *Sapientissimo Suecorum Rege* boni omnes pollicentur, ut brevi locustarum illarum versutias sit perspecturus & Regni sui finibus exacturus.

*Moscovitarum* vero Religio quantum à ritibus *Romanis* discrepat, omnibus perspectum est, ut *Pontifex Rom.* dum se pacis arbitrum inter illos & *Polanos* gerit, hoc sibi ex illorum nationum odio compendium querere voluit; ut *Moscovitam suam Tyrannidi* & cultui subjiceret, quod ab eo impetratum fecerunt. Hoc sane constat hunc unicum scopum illi fuisse propositum.

Quod ad *Germaniam* ipsam spectat, in qua *Potentissimorum Principum* cura & pietate tutissima *Ecclesiis* hospitia præbita sunt, nihil non *Pontifex* molitus est, ut tranquillitatem illam & *Alcedonia* conturbaret, quod sane apertius est quam ut

longiori explicatione indigeat. In tractu vero *Colonienſi*, eas nuper adversus *Illuſtriſſimum Electorem* tragedias excitavit, quarum *Cataſtrophæ*, niſi in caput ſuum depellatur, in totius *Germania* perniciem exituram ſperet.

Ex iis ſane conſtat, nullam totius orbis *Regionem*, cui verbum divinum illuceat, intentatam relinqui, omnesque *illius monſtri* vires & conatus, ad extinguendam *Evangelii* lucem conferri. Quod ut facilius fiat *Principum* eorum qui ſuperſtitionem & idolatriam fovent conventum ordinarium, ſive *Senatum* per ipſorum *Legatos Roma* nuper conſlavit, in quo, præſide ipſo *Pontifice*, de ſirmanda & propaganda *Tyrannide Romana*, delendisque per *Orbem Chriſtianum Eccleſiis*, ſeria & quotidiana diſceptatione agitur.

Quæ omnia cum à nobis diuturna cogitatione verſarentur, *Illuſtriſſimos Germania Principes* nobis compellandos putavimus, ac per eundem

dem *D. Sigurium* exhortandos, ut  
(quod *Reipub. Christiana* ac totius  
*Ecclesie* amplificationi cedat) con-  
junctionem aliquam animorum &  
consiliorum inter *Potentissimam*  
*Anglia Reginam* & *Serenissimos*  
*Roges Dania, Scotia & Suecia, ac Ill-*  
*lustrissimos Germania Principes & Or-*  
*dines* constitui curent, & (si res ita  
ferat) societatem auxiliorum, non  
ad inferendum quidem *Pontifici Ro-*  
*mano* bellum, sed ad propulsandam,  
collatis operis & communicatis con-  
siliis, injuriam, ne si separatim,  
ut haecenus, adversus tot inimico-  
rum junctas *Pontificum* auctoritate  
consultationes & conatus congre-  
diamur, & sejunctis atque separatis  
consiliis rem administremus, adver-  
sariorum illa mole alii post alios ob-  
ruamur, & dum singuli pugnamus  
vincamur tandem universi.

Huic porro societati nos ipsos no-  
strosque omnes vitamque adeo i-  
psam si opus sit in publicam utilita-  
tem, ad propagandam *Dei gloriam*  
profusuri.

Porro cum singulari quodam &  
 immortalis Dei beneficio, duo jam  
*Archiepiscopi Colonienſes* ab illa *An-*  
*tichristi Romani Tyrannide* defece-  
 rint, & vindicatam à superstitioni-  
 bus religionem amplexi sint. Qua re  
 nihil ad amplificandam *Evangelii*  
*Lucem*, vel ad proferendos *Eccle-*  
*siarum* fines, & ad *Imperii statum*  
 in bonorum & piorum favorem  
 componendum propter eximiam  
*Electoatus* dignitatem utilius optari  
 potuit. Temporis autem Calami-  
 tate & afflictis *Ecclesia* rebus effe-  
 ctum est, ut *Illustriſſimus Herman-*  
*nus*, dignitate sua & fortunis exutus  
 in optima causa succubuerit, *Illu-*  
*striſſimos Germania Principes D. Segu-*  
*rius* hortabitur, ut de defendendo *Il-*  
*lustriſſimo Principe D. Truchſeſe*,  
*Electorali* dignitati insigni, & *Reli-*  
*gionis* vinculo sibi conjuncto, pro-  
 pter Dei nomen ab hostibus impeti-  
 to, satagant, ne scil. hanc notam  
 foelicissimo suo seculo inuripatiant-  
 tur, & *Sacri Rom. Imperii Electorem*



Pontifici Romano è dignitate sua exturbare, & miseris modis vexare liceat, alium vero sibi addictum pro suo arbitrato substituere.

Omniū porro animos ab eventu *Coloniensis* belli suspensos cui si exitus ex priorum voto contigerit secundus, optima bonorum omnium animi expectatione erigentur, si vero & egregius ille Princeps destitutus & *Augustissima Septemviratus dignitas Pontificis Romani* ludibrio & libidini exposita fuerit, sane bonorum omnium animi concident, & adversariorum crescet audacia, ceteros vero tum *Electores*, tum inferiorum *Ordinum Principes* quibus nondum illuxit veritas *Evangelica*, à simili instituto infelicissimum exemplum asterrebit, neque fortassis unquam tam oportuna dabitur occasio constituendæ ex eorum votis & rationibus *Reip.* quorum intersit emendatam Religionem quam tutissimo loco esse, ac Pontificis artes & auctoritatem ab Imperii finibus procul arceri.

Quoniam autem novimus quanti sit ponderis & momenti negotium illud *Coloniense*, quamvis ab istius belli finibus & crepitu longo itineris intervallo distiti sumus, & alioquin diuturno belli civilis *Gallici* labore & expensis pene exhausti. Quamvis denique pacis publicæ beneficio in otio & tranquillitate cum dignitate vitam dēgere possimus, tamen eisdem *D. Segurio*, gemmarum, pecuniarum & supellectilis aureæ vim aliquam non aspernandam credidimus, quam scil. in *Germaniam* asportet, & aliquo tuto loco deponat, ut ex usu *Ecclesiarum* præsertim *Coloniensium*, ac pro ut occasio postulabit insumatur, si modo *Illustrissimi Germaniæ Principes & Ordines* in foederis illius consortium & societatem Consiliorum convenire velint, ac eorum unusquisque pro facultatibus suis ad causam communem symbolam suam conferat.

Quod si ab illis præstetur, non modo pecuniam illam, & supelle-  
cti-

ctilem; sed reliquas omnes facultates & fortunas nostras, adeoque vitam ipsam, in salutem Ecclesiarum parati sumus impendere. Quod Illustrissimis Germaniæ Principibus D. Segurius significabit, & ut earum rerum omnium, quæ hoc scripto continentur rationes matura deliberatione iniri possint ab ipsis postulabit, ut Conventum aliquem in Germaniâ haberi, de communi Illustrissimorum Principum consensu eurent, & diem ab ipsis præscribi, quo Serenissima Angliæ Regina & Serenissimorum Regum Daniæ, Sueciæ, & Scotiæ Legati, una cum Illustrissimis Germaniæ Principibus adesse possint. Cui etiam conventui per Legatos nostros minime defuturi sumus.

Porro hoc etiam Illustrissimis Principibus & Ordinibus nostro nomine significari cupimus, non frustra neque temere à nobis ineunte superiore anno susceptum fuisse Germaniæ perlustrandæ institutum, ut Concordiæ & conjunctionis alicujus

rationes quereremus: cum in utraq;  
 que illa *Ecclesiarum* salutem & incol-  
 lunitatem (quæ nobis suprema lex  
 esse debet) verti agnoscant omnes,  
 absque illis vero servari non posse  
 adversus *Antichristi* molitiones  
 nemo sanae mentis putet. Utriusque  
 V. negotii conficiendi spem omnem  
 in *Illustrissimis Germania Principi-*  
*bus* constitutam esse, ad quas velut  
 ad Cynosuram Nautæ, ita omnes  
 totum *Imperii Ordines*, tum exteri  
 oculos referunt, & sine quibus  
 nil harum rerum recte confici posse  
 censent.

Rogare nos igitur & per *Dei*  
 nomen obtestari, perque ipsorum  
 & nostrorum omnium salutem, cum  
*Ecclesiæ* prosperitate conjunctam,  
 ut *universam Ecclesiam Christianam*  
 in summo discrimine *Illustriss. Prin-*  
*cipum* fidem obtestantem amplecti  
 velint, & è mediis dissensionum  
 fluctibus ducere.

Sic verò apud se cogitent latissi-  
 mum quidem esse virtutis ipsorum  
 & pie-

& pietatis Campum, ubetio-  
vero Religionis & pietatis exer-  
cendæ materiam atque segetem  
nullam esse, quam in hoc nego-  
tio. Quod si *Illustrissimorum Prin-*  
*cipum* authoritate, & cura pro-  
moveatur, non dubitare nos  
quin omnia bonorum certatim  
studia & Vota, hoc præclarissimo  
facto promerituri sint, & Dei bene-  
dictionem plenissimam & amplissi-  
mam experturi.

Ex superiori formula cum omni-  
bus quidem *Germania Principibus &*  
*Ordinibus Segurius noster* acturus est,  
privatim vero, cum advenerit tem-  
pus, *Magnificis & Prudentissimis Am-*  
*plissima illius Civitatis Consulibus &*  
*Senatoribus* benevolentiam nostram  
erga eos significabit, rogabitque no-  
mine nostro, ut ad discutienda *Eccle-*  
*sia* certamina, & amoliendos *Antia-*  
*christi* conatus, totis viribus incum-  
bant. Qua in re singulare eorum de  
*Ecclesia Christiana* bene merendi stu-  
dium elucebit, & pulcherrimum  
pie-